



175

40.

*Pr lib. Capit. Prospero de Rosa*

*de 62*

BIBL. NAZ.

Vittorio Emanuele III

RACCOLTA  
VILLAROSA

A

463

NAPOLI







533250

Page. Vol. A. 463

# PHILOSOPHIÆ

A

BENEDICTO STAY  
RAGUSINO

*VERSIBUS TRADITÆ*

LIBRI SEX

*EDITIO TERTIA*

JUXTA SECUNDAM EDITIONEM ROMANAM.



VENETIIS

Excudebat FRANCISCUS STORTI.

CID. ID. CC. XLIX.

*SUPERIORUM PERMISSU, AC PRIVILEGIO.*



Mandare quemquam litteris cogitationes suas,  
qui eas nec disponere, nec illustrare possit,  
nec delectatione aliqua allicere lectorem,  
hominis est intemperanter abutentis & otio  
& litteris. *Cic. Tuscul. Disp. lib. I.*

EMINENTISSIMO  
AC REVERENDISSIMO PRINCIPI

SILVIO  
CARD. VALENTI

S. R. E. CAMERARIO  
ET SECRETARIO STATUS.

BENEDICTUS STAY

S. P. D.



IN humaniorum artium  
studiis usuvenire solet,  
CARDINALIS AMPLISSI-  
ME, ut eam, quam quis-  
que proficitur, patere latissime facultatem pu-  
ter, atque ita cum reliquis fere omnibus do-

(IV)

étrinis colligatam ac nexam esse, ut qui rite illam assequi velit, cæteris omnibus ornatum atque instructum esse oporteat. Neque enim aut perfectus Orator aut excellens Historicus videtur iis, qui earundem artium leges definiunt, qui non omnium rerum scientiam animo comprehenderit. Quæ eo usque ad reliquas etiam artes dimanavit opinio, ut ne Architectum quidem aliter informari recte possit sit a Vitruvio traditum. Verum, quæ isti fortasse nimis arroganter usurpant, id potissimum ei præstantissimæ Disciplinæ, quæ Urbium est Magistra Rerumque publicarum Moderatrix, convenire fatendum est. Cum enim illi in maximo amplissimoque munere sit versandum, jura Populis stabilienda, in societate multitudo continenda, Religionis cultus ritusque servandi, nonne in hac tantorum Operum administratione erit eidem doctrinarum omnium cognitio comparanda, ut una divinarum atque humanarum rerum scientiam omnem complexa esse videatur? Quæ quidem unde suppetere adjumenta ei possint, minime video, nisi eidem cum universa Philosophia maxima intercedat necessitudo, ut si illius conjunctione præsidioque careat, nulla profecto esse possit. Neque vero hæc a me ita dicuntur, quasi non a Stoicorum opinione vehementer

## (V)

menter dissentiam, qui Sapientem solum Regem esse disputabant; neque eum qui intra parietes atque in Academiæ umbra latuisset, subito capeßendæ Reipublicæ Regniq; gerendi scientiam consecutum existimo; sed illud statuo optimos Reges, optimos Regum Adjuutores atque Administros Philosophiæ opera potissimum informari, & si quando contingerit, ut qui causarum ordinem rationemque intelligat, idem summæ rerum gerendarum præficiatur, tunc & florentissimum Imperii Statum & beatas Respublicas fore. Quæ cum affirmem, non is sum, qui non videam, quam arduum sit ac difficile præesse cæteris, omnia suo arbitratu movere, Civium animos æquitate moderari, atque idem quam pene exhibeat speciem quandam ipsius Naturæ omnem moventis ac temperantis Dei. Sed cujus animus hanc Naturæ infinitatem sit contemplatus, quibusque legibus conversiones Siderum Maria ac Tellus obtemperent, penitus perspexerit, magno quodam ordinis ac legum splendore imbutus atque illustratus, cum ad hæc humana descenderit, quæ vincula sint societatum, quæ jura Populorum, quæ Civitatum instituta, facile cognoscet, & ad exprimendam in Republica imitandamque Mundi gubernationem sentiet mirificos impe-

(VI)

tus. Cumque Dei ipsius amplam atque excellentem notitiam formamque effinxerit, & perviderit naturam Animorum nostrorum, tum & Religionem cæremoniis optime vallatam tuebitur, modumque rerum agendarum atque humanæ libertatis usum sapientissimis decretis statuet ac definiet. Hæc mihi sæpius mecum cogitanti permulta ex vetustissimis repetita temporibus exempla sese animo offerebant, quæ sententiam hujusmodi comprobarent, cum viderem eandem apud Veteres adeo invaluisse, ut quicumque bene gestæ Reipublicæ commendationem esset adeptus, idem in Sapientium numero collocaretur. Nam nec Solonis nec Lycurgi nec Numæ neque aliorum hujusmodi Philosophiæ pene Parentum atque Auctorum Sapientiæ laudes tantopere enituissent, nisi tam præstanter Civitati præfuissent, ut sine summo doctrinæ præsidio id consequi crederentur non potuisse. Cum vero ad nostram ætatem me referrem, multa quoque exempla occurrebant, nostraque memoria multos esse Reges noveram, quorum singularis in Philosophiam amor prædicaretur. Sed me movet præsertim atque excitat præstantissimum Sapientiæ specimen, quod in BENEDICTI XIV Pontificis (primi Maximi laudibus percurrendis recensendaque vita elucet. Jam enim ipsam Veritatis ar-

cem

(VII)

cem illo ad summæ Dignitatis fastigium divinitus evecto quadam doctrinæ ac scientiæ luce circumfusam nobisque propositam videmus. Tua quoque eximia ac præstans excitat me Virtus, CARDINALIS AMPLISSIME, quem cum idem Pontifex optimo judicio elegerit Imperii ac Voluntatis Administrum suæ, fecit, ut in hoc quasi rerum humanarum theatro uberrimos, quos a Philosophia habes, fructus palam explicare possis, & cum publica re communicare. Jam pridem edita sunt a te hujusmodi non otiosæ non umbratilis Philosophiæ luculentissima in negotiis peragendis monumenta. Quis enim non cum summa admiratione præclarissimorum quibus antea perfectus es, munerum recordetur? Cui non legationes ad exterarum Nationes occurrant tuæ ita a te gestæ, ut peracris consilii, & singularis prudentiæ splendore oculos in te omnium subito converteris? Quid quod & ab universa, in qua postremo versatus es; Provincia, & a quo eandem susceperas, superiore Pontifice, brevi tantam commendationem es consecutus, ut virtutibus ille permotus tuis te diutius abesse non passus in Purpuratorum Principum Collegium meritissimo cooptatum non tam ad mercedem laborum atque ad honores percipiendos, quam ad nova obeunda

(VIII)

munera revocaverit, & Provincia ipsa cumulatissimo te comprobationis prosequens testimonio tam cito creptum sibi atque avulsum doluerit. Quanta deinde de te omnium spes expectatioque fuerit, & quam eidem abunde sit a te satisfactum, illud argumento esse potest, quod cum maximarum rerum administrationes tibi tantæ sint commissæ, ut singulæ virum & non inertem & industrium satis redere possint occupatum, te nec opprimant nec perturbent universæ. Cumque novi tibi quotidie accedant ac cumulentur labores, a te, quasi otiosus antea fueris, ita sustententur, ut nulli rei desis, nihil non tractes ita, ut tractandum a te omnes Boni expectant maxime atque exoptant. Neque enim propter incredibilem mentis vim ac celeritatem ingenii ad tot nova etiam expedienda negotia tempus tibi deesse vel occupatissimo potest. Litteris quoque inter tot tantasque, quæ te diu noctuque distinent cogitationes, nescio quid, aliquid tamen concedis temporis. Vetus illa quidem nonnullorum est opinio, falsa tamen ac contemnenda, otiosorum tantum hominum esse ac vulgarium tractare litteras, quas Principibus Viris in publicarum rerum procuratione versantibus minus decoras esse putandum sit. Falluntur profecto, qui hæc ita existimant.

Com.



(IX)

Compendiariam quandam esse viam per hæc studia ad virtutem ad laudem ad gloriam Optimus novit atque amplissimus quisque; cum præsertim bene provisum ante sit, ne quid privatis studiis de opera publica detrahatur. Quarum igitur vides indolem, amas Litteras ac foves, quæ & præsidia sibi & decora patrocinio tuo comparari gaudent. Domum videmus tuam lectissima instructam Bibliotheca, quam novis undique conquistis voluminibus ornatiorem in dies atque ampliorem facis. Hinc eximios in omni doctrinarum genere fructus a te percipi norunt omnes, qui sermonibus aliquando tuis interfuerunt. Equidem ipse, cum primum te salutandi venerandique gratia adiissem, ad reliqua animi ornamenta tantum a te philosophiæ studium adjunctum esse comperi, quantum, qui te ignorarent, nunquam in tam occupata impeditaque vita esse posse arbitrarentur. Cum enim philosophari tibi mecum placuisset (quem Philosophum fortasse esse crederes, cum meum de Philosophia tibi librum obtulissem), tam gravibus verbis sententiisque tam apte & compositè de obscuritate Naturæ rerumque causis differebas, ut nisi te magis aliæ Principe Viro dignæ extollerent atque efferrent Virtutes, inter illustriores ætatis hujusce Philosophos esse

(X)

te te censendum non ambigerem. Mirifice te audiens in opinione confirmabar mea, nemini magis quam publicas res administranti convenire Philosophiam. Hac igitur de causa cum Liber hic meus esset iterum in lucem proditurus, tibi potissimum Eminentissime ac Doctissime Princeps nuncupandum esse duxi. Utinam tanto muneri non omnino imparem, tuoque, cui inscribitur, Nomine non plane indignum Tu ipse Judex optimus existimes; quod profecto facies, si non rem, sed studium voluntatemque meam pro humanitate tua consideres. Ille sane, quantum in me virium facultatisque fuit, renovata opera mihi enitendum esse censui, ut emendatior quam ante & venustior procederet: Novis præterea tum rationum tum experimentorum accessionibus auctum esse volui. Quemadmodum enim Imperii sui fines magis profert Philosophia, atque excreſcit ipsa quotidie, sic & Libri hujus pomœria, ut ita dicam, dilatare mihi fas esse non dubitavi. Sed qualiscumque is est, maximum illi certe a tuo Nomine decus accedet atque ornamentum; si præterea favore eundem tuo, ut confido, ac benevolentia fueris persecutus, & ipsi ad summam laudem nihil deerit, & mihi accidere in hac re optabilius nihil unquam aut gloriosius poterit. Vale.

CHRI-

(XI)

CHRISTOPHORUS STAY  
BENEDICTO FRATRI  
SALUTEM.



**P**HILOSOPHIÆ Sex libros tuos quam libenter legerim, BENEDICTE FRATER, facilius tibi significare possum, quam in eo, quod a me postulas, morem gerere: cum enim ita tibi sim conjunctus, ut eadem, quæ ad te pertinent, mea quoque intersint, putem oportere me potius aliorum de te judicio expectare, quam affirmare quidpiam. Sed quoniam non me tanti esse nov, ut, si mea me fallat opinio, nimis sit peritendum, præsertim cum id mea in te benevolentia fiat, malui ab aliis fortasse reprehendi, quam a te obsequendi voluntatem desiderari. Itaque operæ pretium te fecisse ex stimo, quod Philosophiam versibus persecutus sis, rem nempe gravissimam scribendi genere jucundissimo. Vidisti profecto hujusmodi res, quæ ad utilitatem cæterorum scribuntur, tantum valere non posse, ut sine ulla delectationis spe homines invitent ad legendum. Quamvis enim rerum dignitas atque ipsius Veritatis pulchritudo nos per se satis trahere posset, si, prout a Natura quæ nobis veri cognoscendi cupiditatem ingenuit instituti sumus, ejus informationem studio atque exercitatione nostra excoleremus; tamen, quia specie rerum quas sensibus

## (XII)

bus percipimus ita implicamur, eisque inheremus, ut erroribus corrupti optima Naturæ semina bebescere sinamus ac paulatim obliterari, fit, ut, cum animum ad discendum adjungimus, id egre a nobis ac cum labore fieri experiamur: proinde ea studia, quæ alitur animus, cito fastidimus ac repudiamus, nisi suavitate aliqua noster hic levetur atque imminuatur labor. Quapropter probanda mihi videtur veterum Philosophorum ratio, qui in Academiis ac lyceis satis ornate eleganterque differendo ad audiendum excitabant homines tum loci tum sermonis jucunditate. Hujusmodi instituto si steterissent ii, qui mox eas disciplinas professi sunt, minus inculta fortasse tandiu ea studia jacuissent: nostri enim, qualem iis speciem plerique quam inconditam quam asperam adhibuerint; & quasi ea, quæ ipsi traderent, per se satis essent ampla atque illustria, nihil minus elaborarint, quam ut eadem non incompte dicerentur: quo pacto liberales animos a discendo averterunt, nedum invitarint, eo, ut opinor, decepti, quod cum solam dicendi venustatem rem esse levissimam putarent, eandem etiam gravibus sententiis doctrinæque adjunctam nihil afferre momenti arbitrati sunt. Quæ quidem docendi ratio Sapientium animis, qui rerum ipsarum atque ordinis pulchritudinem intelligunt, satisfacere fortasse poterat: at cum Philosophia hominum vitæ utilissima sit, ad universorum animos fuit accommodanda, resque gravissimæ, ut in omnium mentes facile influerent, cum hilaritate sermonis conjungendæ. Quid enim crebrius videmus,

quam

(XIII)

quam ea, quæ venuste atque eleganter mandantur literis, in oculis omnium ac manibus esse? Quæ vero ex eo genere tam libenter legimus audimus atque ediscimus, quam quæ carminibus scripta sunt? Quod qui fieret, nisi Poetæ potissimum ex eorum artis instituto delectationem præferrent? Sed ut illorum asperum atque austerum docendi genus improbamus, ita bonum quoque inanes illecebras ac rerum gravitate destitutam suavitatem reprobamus. Cum enim sit tanta artis hujus celebritas, qui eam ad voluptatem tantum detorqueant, qui non ad res utiles atque graves convertunt, nonne eximiam opportunitatem juvandi negligere videntur, atque ad inanissimam consuetudinem ab optima institutione deflectere? Nam Veteres humanissimam artem non ad delectandum tantummodo (ut nunc ea abutimur) adbibuerunt; sed idcirco præclare invenerunt, ut, quæ maxime jucunditate traheret, eadem esset ad juvandum aptissima. Proinde seu Patriæ commodum seu cujusquam rei utilitas postularet, & in Rebus publicis constituendis & in condendis legibus & in popularium animis ad fortitudinem excitandis eam præsertim usurpaverunt. Eo consilio ipsam etiam Philosophiam carminibus & coli cæptam & mox traditam quis ignorat? Scimus primos fuisse Poetas, qui a feritate atque agresti victu revocassent homines ad morum præcepta atque ad vitæ urbanioris cultum. Quæ res propter vetustatem etiam in errorem fabulæ traducta est; atque hinc fortasse nonnulli fuisse perbiben-

## (XIV)

bibentur, qui sono testudinis atque cantu & feras mansuesacerent, & sacra in muros urbis congregarent. Sed ut hæc antiqua nimis omittamus, cum jam Græcia artium studiis maxime floreret, accepimus Parmenidem Xenophanem Empedoclem atque alios illius memoriæ complures Philosophiam versibus conscripsisse. An vero putas Pythagoreos tam facile ac tam brevi tempore Philosophiam per omnem Italiam ac eam præcipue Italiæ partem, quæ Græcia Magna dicta est, divulgavisse, nisi hunc morem in his tractandis disciplinis ipsi potissimum tenuissent; quos traditum est adjecisse carminibus fides etiam atque cantus? Quæ quidem præclare eorum rationi convenire poterant, quippe qui ab Harmonia & numeris omnia repeterent. Verum horum omnium nulla pene monumenta ob longinquitatem temporum ad nos transmissa sunt. Unius extat, atque ad nos usque dimanavit Lucretii venustissimum opus; cuius eo libentius mentionem facio, quod eum in scribendo secutus sis ipse. Quem Musarum etiam minime studiosum non ad legendum trabant ea, quæ ab ipso versibus sunt reddita? cui non illa antiquioris sermonis urbanitas mire placeat? Ab Epicuro & ab Epicureis quæ ante illum tradebantur, scimus propter incompositum dicendi genus non ab aliis fere, nisi qui ab eadem disciplina essent, legi solita: nunc eorundem cognoscendorum cui non ea in dicendo venustas mirificam cupiditatem excitat? Verumtamen, quo magis banc in  
illo

## (XV)

illo præstantiam admiramur, accidit, ut eo molestius feramus tantam elegantiam tam absurdis sententiis adhibitam esse, & quæ optima erat ratio & præclare ad iuvandum instituta, eam opinionibus nequissimis esse depravatam. Multa adhuc hoc loco asserre possem, quibus & res graves atque utiles jucunde atque ornate oportere conscribi probarem, teque ostenderem optimam in scribendo iniisse viam, quod Philosophiam carminibus tradideris, neque mihi, quibus id confirmarem, & exemplorum copia & probatorum Virorum auctoritas deesset: sed ut in re non necessaria diutius non moror. Venio ad Philosophiæ, quam pertractasti, genus. Ego cum hisce nostris temporibus Philosophiam a tot doctissimis Viris illustratam atque ornatam considero, cuius aptius quam Cartesii rationem versibus reddendam suscepisses, ex his omnibus video neminem. Nam etsi eorum etiam, qui post illum eandem excoluerunt, multa egregia quidem ac præclara sint inventa atque instituta; tamen si hac potius reddere voluisses (quanquam nec interdictum tibi putas, ne horum etiam pleraque desumas, & nonnulla transferas ad ejus rationem, cujus e fontibus præcipue rem bauris) neque ea versibus convenissent, quippe quæ calculis ac Geometria rationibus nimis sunt impedita, neque, cum hi fere omnes Philosophiæ potius partem aliquam attigerint quam universam pertractarint, eadem satis esse potuissent Naturam rerum omnem persequenti. Quæ vero a Cartesio traduntur, & seriem  
rerum

## (XVI)

rerum omnem suppeditant, & nescio quomodo liberatius sunt dicta & versibus magis accommodata. Quid quod & Viri excimium ac singulare in Philosophiam meritum adjicere aliquid debuit, ut eum potissimum exornare velles. Fuit ille Princeps atque instaurator hujusmodi studiorum, atque e situ ac squalore in claritatem atque lucem has optimas disciplinas eduxit. Cujus quidem rei laudem nunquam tantopere percipio, quam cum Philosophia statum, qualis ante illum fuerit, recordor. Quae enim fuit ab iis, qui tum temporis eam professi sunt, ratio adhibita in hac rerum universitate considerata atque investiganda Natura? An Experientiam, qua maxime res geri potuit, excoluerunt? At nefas (opinor) putaverunt religiosi homines tentare atque scrutari Naturam; proinde experimentis omnino pepercerunt. In scholis potius detenti sunt, ut causas rerum, quas ignorarent, ipsi fingerent, & disputando ac differendo Naturae opera intelligerent, quae mehercule, nisi manibus contrectentur atque usurpentur oculis, nunquam cognoscuntur. Accedebat ad hac Unius auctoritas, cui omnium animi obsequebantur. Erat hic velut positus Veri querendi finis, ut quae mens unius videre non potuisset, ea consequi jam se quisque desperaret. Proinde quid mirum, si effectum est bis artibus, ut nihil tandiu procederent in rerum investigatione, imo ut paulatim obscurarent omnia & confunderent? Vidit enimvero Vir doctissimus patere latius Naturae amplitudi-



## (XVII)

plitudinem, quam ut eam unius mens omnem capere posset; proinde huiusmodi circumscriptos rationi fines repudiavit, sustulit, abiecit: eam autem inivit Veri querendi viam, quæ Naturam ipsam quodammodo propius oculis admo-veret; Geometriam enim & ducem ac magistram rerum Experientiam velut duo lumina Philosophiæ adiunxit. Quarum beneficio & ille auxit eam disciplinam tot præstantissimis repertis, & aliorum deinde opera ac studiis eo crevit eadem atque processit, ut nunc tandem illud merito quis usurpaverit, quod a Platone dici solitum accepimus, se Diis maximas habere gratias, quod eum vivere fecissent, quando Philosophia potissimum vigeret. Etenim brevi tempore fere una hac ætas nostra plura vidit, quam antea multarum ætatum serie cognita fuerint. Quæ ego omnia si uni eidemque Cartesio accepta refero, non temere id mihi quidem videor facere. Ut enim solemus, quidquid terrarum in orbis circumnavigatione aliorum industria ac labore compertum est, eis tribuere; qui primi incredibili ausu Oceanum prætergressi novas terras ac regiones compèrerunt; eodem jure arbitror, quidquid in philosophia aliorum opera mox cognovimus, eum sibi vindicare posse, qui veri inquirendi aperuit viam cæteris, & facem prætulit. Plura de Cartesio libenter dicerem, si aut ulla ejus laudibus per me fieri posset accessio, aut non vererer, ne, si uberius de illo dicerem, viderer idcirco id facere, ut amplior inde pars laudis tanquam cum illo communicate tibi redun-

b

dare

## (XVIII)

dare possit. Nam ego quidem semper duxi non exiguum esse meritum eorum, qui, quæ ab aliis sapienter sunt inventa, ita reddere possint, ut in communem usum ea derivent; & si utilitate rem metiamur, eos fere æque ac doctrinæ Auctores ipsos benemereri de bonis artibus. Sed horum qualiscumque sit laus (neque enim quidquam affirmare ausim, ne tua causa facere videar), eam quidem omnem eximie ac singulariter a te comparatam esse existimo. Tanquam enim ex adytis Philosophiæ ad omnium utilitatem optimas disciplinas eduxisti. Nam cum in tanta luce res obscuriores collocaveris, severioribus tantam elegantiam conciliaveris; ea, quæ tantummodo mentibus eorum, qui gravioribus studiis detineri solent, hætenus erant reservata, transtulisti etiam ad minus eruditorum cognitionem. Atque hic equidem non fateri non possum me nunquam arbitratum esse res tam impeditas tamque difficiles tam aperte ac dilucide dici potuisse. Quæ enim in soluta oratione, atque ubi verborum quæ rebus accommodata sint in promptu est copia, non satis commode ac vix clare dicuntur, eadem & carminibus & breviter atque ita perspicue sunt a te reddita, ut non ab iis, qui rem fuse ac copiose agunt, plura desideres. Huiusmodi esse censeo, quæcumque de Metaphysicis rebus libro primo tradita sunt: ubi, quidquid de Mente hominis, quidquid de Divinæ Naturæ atque aliarum rerum informatis atque innatis notionibus dici solent, satis explanatè describis. Quæ vero altero libro de universa Mundi dispositione, quæ exinde de doctrina

## (XIX)

na *Vorticum*, quæ de rebus *Opticis* dicuntur, ita sane dicuntur, ut, quo quæque res est obscurior, eo facilius nescio quomodo atque apertius explicetur. Quid quod non eadem res a te solum dilucide, sed venuste etiam ac satis splendide sunt dictæ. Et si enim non ambitiose res excolantur, neque temere positi apparatus redundant; inest tamen suus rei cuique cultus atque adhibitus comis quidam ac simplex decor, ut facile *Lucretii* rationem in scribendo affectum te esse quis possit agnoscere. Elucent vero aliquando inter doctrinam ac severiores sententias apte positi quidam hilariores atque amantiores ornatus, qui videntur animum reficere & reddere ad cætera cognoscenda alacriorem. Ex quibus ego rebus omnibus, si quid animi mei conjectura prospicere possum, non dubitem, quin eam, quæ *Scriptoribus* a frequentia legentium præcipua profiscitur commendatio, facillime sis ipse consecuturus: cum enim gravissimæ disciplinæ venustatem adjunxeris, arbitror fore, ut eos, qui hisce rebus non tenentur, si minus rerum ipsarum dignitas atque utilitas, ipsa certe jucunditas trahat: ii vero, qui versari in his doctrinis solent, fortasse a severioribus studiis ad hæc hilariora non gradate animum traducent. Quod cum abunde satis, ut auguror, successerit, velim, ut non banc præteritorum tibi studiorum mercedem tanquam ac metam constitutam existimes, sed proposito veluti præmio ad novos te cursus excitari putes, & si me auctore ad quidpiam non ægre te conferas, potissimum suadeam, ut quoniam exoratus jam est *Apoll*

## (XX)

io, præsentesque sunt Musæ, continuo earum favore uti pergens in aliud hujusmodi argumentum labore non impendere non abnuas, & Newtonianam etiam Philosophiam ad Musarum modos transferre aggrediaris. Novi equidem & quanta sit operis difficultas, & quam pene sit desperandum ea versibus assequi posse, quæ nonnisi Mathematicorum sermone expediri videmus; sed facit, ut te hortet ipsamet rei tam ardua præstantia ac magnitudo; & ex eo, quod hætenus in quamplurimis fere æque difficilibus præstitisti, conjiciens, idem etiam in hoc præstare te posse confido. Ne tamen imparati ad rem veniant, qui hæc legent, atque ut omnium rerum seriem non explicatam (secus enim commentario opus esset) sed indicatam prævideant, Argumenta ad singulos libros tuos scribere volui; ex quo appareat, me, & si valde mea opera te juvare non potuerim, omnino tamen tibi deesse noluisse. Vale.



## LIBRI PRIMII

## ARGUMENTUM.



D Naturam rerum explicandam accedens auspicatur Opus ab invocatione Divinae SAPIENTIAE, per quam, quidquid est, factum ordinatumque est: pergit deinde nuncupare libros suos Nobilibus atque Eruditis Viris, quibuscum sibi eorundem studiorum consuetudo intercedebat: in quotidianis enim congressionibus simul Mathematici & Philosophici disciplinis operam dabant: quin, ut fatetur ipse, illi iidem auctores ei fuerunt, ut hanc sibi conferenda versibus Philosophiae provinciam sumeret. A versu 71 ad versum 106. totius Operis Argumentum breviter proponit; & Cartesium, cujus rationes sequitur, laudat. Tum rem ipsam aggressus, antequam aliquid certi in Philosophia statuatur, de rebus omnibus dubitationem instituit: ut ita Mentem ab erroribus & praedictis opinionibus, quae vel ob aetatis imbecillitatem vel ob temeritatem in iudicando atque alia huiusmodi obreperunt, purgemus. Mox ad comparandam rerum cognitionem veniens ea proposita Veri quaerendi via, ut a notis ad ignota procedatur, a versu 353. hoc sibi certum indubitatumque primo occurrere ait: Ego cogito, ergo sum; & quoniam non alia de causa sibi manifestum id esse vider, quam quod claram ejus & distinctam perceptionem habet, quidquid clare distincteque percipitur, verum esse agnoscit, omnium proinde certissimarum cognitionum principium esse huiusmodi claram distinctamque perceptionem. Summae perfectaeque Naturae notitiam inesse menti & eandem a nobis clare percipi docet a versu 420. deducit inde hanc excellentem Naturam Deum esse, proinde ipsum existere, Unum esse, sine partibus, Immutabilem, cui denique summa sint omnia, quaecumque ipsi attribui necesse est. A versu 657. Corporum existentiam probat ex eo, quod eorum speciebus afficitur Animus; propterea suum Animum alligatum esse uni corpori, in qua conjunctione Hominis naturam positam esse affirmat; praeter se alios etiam esse Homines ex eorum cogitationibus nobiscum in sermone communicatis deducit. Mundum creatum esse a Deo, cui uni per se esse convenit, ab eoque servari atque administrari demonstrat a versu 829. pravaeque de Natura, Fortuna, & Fato opiniones tollit, easque arguit, qui a rerum gubernatione Deum amoveant: quos refellens ad Animum im-

## (XXII)

mortalitatem demonstrandam deducitur a versu 1194. Cum enim Animi naturam in cogitatione sitam esse, Corporis vero in extensione probet, ex ejusdem Corporis dissolutione Animum, qui simplex sit, dissolvi atque interire non posse concludit; aliisque id argumentis confirmat ad versum 1349. Deinde respondet iis, qui sibi objicere possint, Animum pro varia corporis affectione varie affici, proinde illius interitu interiturum: explicat Legem conjunctionis inter Animum & Corpus, qua, quomodo altero affecto alterum affici oporteat, sancitum sit; ubi & Leibnizii Harmoniam præstabilitam exponit ac rejicit; dataque opportunitate in ejusdem Entia, ut vocat, simplicia, atque in alia breviter digreditur. Infert a versu 1513. quasdam in nobis affectiones & ad Animum & ad Corpus pertinere, ut sunt præsertim eæ, quæ a sensibus proficiuntur: Corpus nempe in iis tantum moveri, Animum percipere. Propria vero esse Animi velle atque intelligere, amare summum Bonum necessario atque expetere, contra summum malum odio habere atque aversari; ad cætera, quæ media sunt, vel expetenda vel fugienda liberum esse suoque arbitratu moveri; innatas ei quoque esse plurimarum rerum notiones; per has Deum a nobis cognosci, non comprehendere; Corpori nos deditos hebetiores ad illum cognoscendum reddi. Postremo culpa primorum Parentum nos esse corruptos corporique nimis addictos desset, statumque eorum, ante quam a Deo descivissent, describit.

## LIBRI SECUNDI

### ARGUMENTUM.



**N**IL Homini jucundius esse ait, quam in cælestium rerum contemplatione versari. De Mundi dispositione se acturum pollicitus præmittit explanationem naturæ corporis, quæ in hoc sita est, ut in longum latum & profundum extendatur; proinde & spatium, cui triplex semper hujusmodi dimensio convenit, a corpore non differre asserit: quamobrem vacuum omne a rebus excludit. Quo pacto res in Pleno moveri possint, explicat; ubi & corpora sine ullo termino secari posse ostendit. A Versu 270. agit de motu, cujus quantitatem semper eandem in rebus servari probat. Naturæ Leges quibus moventur corpora considerat: harum Primam ait esse, Corpus in illo semper statu, in quo semel positum sit, per-

### (XXIII)

permanere, donec ab exteriori causâ ab eo removeatur: Alteram, Corpus, dum movetur, recta linea moveri oportere, nisi occurrit aliorum corporum defectatur: Tertiam demum, Corpus, dum in alterum incidit, tantum motus illi impetiri, quantum de suo amittit. His præmissis a Vers. 418. ad Siderum cursus explicandos venit; eorum magnitudines primo considerat; deinde intervalla atque ordinem, quo inter se locata sunt. Siderum inerrantium distantias nos metiri non posse ostendit: hæc æque ac Solem propria luce, Lunam vero cæterosque Planetas alienâ fulgere: Terram quoque receptos a Sole radios reflectere. A versu 574. quo discrimine fixæ ab errantibus stellis distinguantur, pronunciat; quæque aptior ratio sit ad harum motus explicandos proponens inquirere ad Copernicanum Systema delabitur. Docet Solem fixum immotumque esse, vi vero sua cæli partes, quas fluidas ait, circa se rotare; proinde innatantes hoc fluenti æthere Planetas circumagi; Terram quoque eodem impetu raptam ferri. Viciniores Soli partes celerius, remotiores vero tardius, ut in vorticibus sit, moveri; propterea, ut quique ei propior Planetarum est, citius orbem suum peragere. Saturno quoque Jovi ac Terræ suam vim suoque peculiarem vortices esse; illum quinque Satellites, Jovem vero quatuor obire: medium quoque Saturnum orbe quodam suspensò circumtanquam annulo cinctum conspici: Lunam demum a Terræ vortice raptari. Reliquis item Planetis suos esse Satellites, imò & fixis Sideribus suos Planetas suspicatur. Postremo Terræ, præter motum quo circa Solem agitur, inesse etiam alterum, quo ipsa circa se vertitur; illo Annum, hoc Diem fieri. A vers. 783. varias lucis & figuræ mutationes in Luna explicat. Tum ut Lunæ & Solis defectus demonstret, annum Terræ circa Solem motæ cursum per duodecim Eclipticæ signa describit. Orbem, quem Luna suo motu conficit, ab Eclipticæ via varie hinc atque inde declinare ostendit, proinde ab hoc orbe Eclipticam interfecari in duobus punctis, qui vocantur Nodi. Fit itaque Lunæ defectus, cum ea e regione Solis in Nodo vel prope Nodum versatur, Terra interposita umbram in eam projiciente: Sol vero deficit, cum Luna item in Nodo radios ejus interjecta nobis interceptit. Ab ignorantia hujusmodi causarum proficisci superstitiosas & pravas de rebus opiniones, pluribus exemplis docet, Umbram Terræ, cum minor hæc sit Solē, progrediendo uique minui, neque ad Martem pervenire posse: tandem Solem interjectu Lunæ non omnibus Terræ partibus obscurari; contra Lunam omnibus æque inconspicuam in defectu reddi ad vers. 972. differit. Deinde ad Axem Eclipticæ inclinari Axem Terræ; atque hunc semper sibi parallelum esse, ubicumque loci Terra sit; inde varias anni tempestates fieri explicat. A vers. 1085. ex diurno Ter-

## (XXIV)

ræ in Ortum motu Sidera converti in Occasum nobis apparere : Martem viciniorem interdum Sole, interdum remotiorem : Venerem quoque & Mercurium nunc citiorem, nunc ulteriorem esse. His subiungitur directionum stationum & regressionum Planetarum ad vers. 1157. explicatio. Tum non obitare diurno Terræ motui lapsus corporum deorsum resta, ut apparet, cadentium, neque ejusdem motui annuo officere Siderum inerrantium inter se & respectu Terræ non mutatos situs ostenditur. Versibus, qui a 1237. sequuntur, descriptiones Siderum fixorum continentur. Hoc loco refelluntur ii, qui ab aspectu Siderum futura prædicunt. Viam Lacteam ex confertissimarum stellarum multitudine confici ait. Fixa Sidera videri inæqualia propter inæqualem eorum a nobis distantiam; eaque primæ Magnitudinis esse, quæ nobis viciniora sunt; & totidem fere Solis vorticem circumdare, quot æquales globi medium globum circumtangere possunt: his ordinem siderum secundi Honoris superaddi, atque ita deinceps ad vers. 1420. Ac cælestium rerum contemplatione ad Terræ figuram explicandam devenit; illam rotundam esse, & ex ejus umbra in disco Lunæ, cum hæc deficit, observata, & ex siderum elevatione & depressione pro vario regionum situ, & ex aliis hujusmodi argumentis pronunciat. Non decernit vero, an spherica prorsus sit, an ad spheroidis potius longæ vel latæ figuram accedat. Tum Terræ in quinque Zonas divisionem peragit: inter Pericæcos Antæcos & Antipodas discrimina explicat. Demum a vers. 1575. Terræ totius partitionem, & regionum ac marium descriptionem ad finem usque persequitur.

## LIBRI TERTII

### ARGUMENTUM.



ALLIAM ob multa laudat, ob id vero præsertim, quod ea Cartesium tulerit, cujus etiam laudes ad vers. 63. persequitur. Post descriptam in libro superiori Mundi hujus dispositionem, causas ejus & principia se traditurum in hoc promittit: & quamvis exortum Mundi nulla primordia antecesserint, cum a Deo is statim perfectè atque absolute conditus fuerit; tamen permagni referre ait, quibus a primordiis proditurus fuisset; ut omnia, quæ in eo nunc fiunt, rite peragantur, exquirere. A versu 132. igitur hæc habet: Materies omnis; ex qua hæc rerum universitas componi-



## (XXV)

ponitur, fuit initio divisa in innumerabiles particulas; quæ & seorsum circa se ipsas & simul circa puncta quædam motæ fuerunt; unde tot Vortices, quot erant ea puncta, effecti. Rotatu particularum circa se ipsas angulos atteri, easque in sphaularum figuras reduci oportuit: quod vero vacaret inter globos, id particulas attritu excisas replere. Jam duo hinc Elementa rerum suppetunt: Primum, minutiores illæ ex attritu angulorum Partes: Alterum, ipsi Globi. Tertium quoque crassius minusque motui accommodatum debere consistere ex eo deducit, quod tria corporum genera in rebus animadvertimus, lucida nempe, pelucida, & opaca. Ubi primi Elementi copia repletis Pilarum intervallis superavit, hanc redundantem in axem Vorticis compelli ac coegi necesse fuit a secundi Elementi particulis; quæ, cum in gyrum moveantur, majorem vim a medio Vortice recedendi habent; non recedunt tamen, cum superiores semper impedito sint inferioribus: in quo particularum effugere contenditum nisu naturam lucis ait esse positam. Tum a Vers. 210. declarat unius Vorticis polum contigui Vorticis Eclipticæ obversum esse; proinde primi Elementi materies elabens (potest enim ea per sphaularum intervalla exitus sibi viam reperire) per unius Eclipticam in alterius polos insinuat. Ea; ubi per polum utrumque largius immissa in medium confluit, subito occursum moveri simul celeriter & rotari debet; hinc Astrum in centro gignitur: nonnunquam vero neque id in axis medio fieri, neque in ipso axe persistere demonstratur; hinc Excentricos circa Astrum orbis a Vorticis materie ipsique innatantibus Planetis confici: fors id etiam a Vorticum figura pendere ad ellipticam accedente propter aliorum inæqualem Vorticum ad latera compressionem. Porro proximiores centro particulas ab Astri vi celerius remotioribus moveri, ideoque minoris eas esse molis oportet; secus enim longius recederent. Hæc molis & celeritatis ratio ad finem usque Vorticis non perseverat; ibi enim extremas ocys paulo inferioribus moveri, & utrasque æquali mole consistere ostendit. Deinde a Vers. 337. Tertiæ Elementi naturam explicare pergens hanc confici docet ex primi Elementi particulis inter se complicatis, atque in crassiorem excrescentibus molem, quæ per globorum intervalla transiens in Striæ figuram conformatur. Iners ea materies in polos redigitur; inde per axem in Astrum pervenit, eique maculas offundit. Hæc idcirco in Sole observantur: atque ex earum Soli inhaerentium conversione Solem quoque circa se converti deducitur. Hujusmodi maculas diu non permanere, sed alias absumi, alias rursus generari videmus; hinc fit, ut Solis lux interdum valde imminuatur, & nonnulla fixa sidera aliquando nobis prorsus obteganur, aliquando & nova appareant. Striata hujusmodi materies non semper

per

## (XXVI)

per Soli inhæret, sed ejus vi sæpe rejecta & dispersa longius pro-  
currit, eique, ut Terræ aer, circumfunditur. Hæc ad vers. 551.  
Si quando vero ea crassior materies Astrum densissime circumte-  
xerit, & ejus Vorticis motus elanguescit, & a fortiori vi finiti-  
mi Vorticis una cum Astro abripietur: hinc Cometam esse ait,  
cum abreptum hoc Astrum ita compactum est, ut vim habeat ex  
alio Vortice in alium elabendi. Multorum hoc loco de Cometis  
sententiæ referuntur ad vers. 733. Quod si minus solidis contextum  
sit maculis Astrum, ut in alio Vortice alicubi cum ejus circum-  
fluente materia libretur, hoc Planetam esse itato circuitu perme-  
antem asserit. Hæc est Planetarum nostri Vorticis origo. Quo-  
niam vero in Planetis & Cometis inclusum sub macularum cru-  
stis primum Elementum agitur adhuc, & torquetur, hi quoque  
circa se agi debent, & converti: hinc diurna Terræ circa se con-  
versio: Lunam quoque semel circa se revolvi, dum periodum pe-  
ragit suam, observari ait. Terræ vero axis ad Eclipticam idcir-  
co inclinatur, quia directionem sui eandem conservat, quæ illi  
fuit, ante quam Tellus a Solis absorberetur Vortice. Demum er-  
rorum, qui in Planetis & præsertim in Luna servantur, rationem  
reddit. A vers. 946. de corporum Gravitate agit, cujus causam  
repetit a globulis secundi Elementi a centro motus, quod idem  
Terræ centrum est, recedere nitentibus, & cætera corpora deor-  
sum renovato semper impulsu trudentibus: idcirco enim ea lapsus  
suos per quadrata temporum accelerant: imo & Terræ rotunda  
figura prodit ab hujusmodi particulis eam circumundique premen-  
tibus. Gravitationem corporibus minorem sub Æquatore, quam sub  
Polis esse a celeriori in his, in illo tardiori Pendulorum motu  
deprehendi ait; idque ea de causa fieri, quod sub Æquatore ma-  
jor terrestrium corporum ex diurna Terræ conversione motus plus  
gravitatis detrahat, quam sub Polis. Tum a vers. 1077. cur cor-  
pora alia aquis innatent, alia iis submergantur, demonstrat; &  
motus piscium sursum deorsumque explicat. Corpora tantum sub  
aquis amittere ponderis, ait, quantum par aquæ moles habet gra-  
vitatis: hinc diversam in variis liquoribus gravitationem itemque  
in solidis corporibus deprehendi posse. Demum Vestis exemplo  
corpora valde gravia facile moveri ad Vers. 1214. ostenditur.  
Nunc ad Magnetis vim explicandam transiens hæc habet: quo-  
niam ab uno Terræ polo in alterum striata materies perpetuo  
fluit, eadem per Magnetis corpus viam sibi accommodatam fa-  
cile invenit; idque pervadendo ad polum suo cursu dirigit; quin  
imo egrediendo & regrediendo parvum vorticem circa idem, ut  
circa Terram, conficit. Hinc infertur, cur Magnesa Magnetes,  
ut varie alter alteri obversus est, nunc trahatur, nunc rejiciat-  
tur. Porro si ferrum Magneti admoveatur, ab hoc fluens materia

in

## (XXVII)

In illo sibi meatus construit: unde & ferrum a Magnete tactum in Polum convertitur, & cum juxta situm est, ab illo trahitur. Hoc loco aliorum etiam corporum vim Electricam explicat. Quæ omnia ad verum 1615. persequitur. Jam ex supra constitutis principiis manant variae corporum affectiones: Calorex perturbata particularum corporis, quas primi vis Elementi commovit, agitatione proficitur; contra frigus vel a quiete particularum vel ab earum recto motu repetendum est. Tum a veru 1741. unde corpora alia humida & liquentia sint, alia dura, quædam vero pelucida, quædam opaca fuscæ declarat. Postremo corpora a corporibus non alio docet differre, quam diversa partium, quibus componuntur, dispositione. Sub finem digrediens Metalla in præposterus usus converti damnat, & nimiam hominum in conquirendis divitiis anxietatem redarguit.

## LIBRI QUARTI

### ARGUMENTUM.



E jam medii Operis labore perfunctum cogitatione eorum, quæ adhuc pertractanda restant, ait animum despondere; recreari tamen officii sui erga nobiles Viros, quibus hæc nuncupat, recordatione, iisque placendi studio excitari. Protinus, ut aquæ aeris & ignis, de quibus hoc libro acturus est, utilitates commemoravit, singillatim eorum naturam explicare a Ver. 84. aggredditur. Aquam igitur docet lævibus oblongis ac flexibilibus particulis constare; proinde facile fluere, & madefacere corpora, & in vapores resolvi, tum in planitiem se componere, & æque undique librari. Porro a veru. 180. cur Maris aqua salibus corrupta sit, inquit; & cur eadem fluat ac refluat, hanc offert explicationem: ut in fluminum alveis, ubi a pontium mole coarctantur, undæ celerius effluunt; sic in Terræ Vortice, ubi Luna suo corpore iter fluenti ætheris materiæ arctavit, ea materies majori vi connitens per impeditiorem viam subiectas Oceani aquas premit, simulque Terram paulum illa impressione repellit: hinc in oppositis Terræ partibus fluere Maria necesse est, refluire vero, cum Luna ab illo loco digreditur. Et quoniam Orbis Vorticis Terræ ellipticus est, cum Luna in graciliore ejus parte (quod in Oppositionibus & in Conjunctionibus fit) versatur, arctam per se viam magis obstruens solito majores Æstus efficit, præteritum

## (XXVIII)

sertim in Æquinoctiis directiore vi Solis accedente. Æstus hujusmodi maxime sub proximis Æquatori locis, qua Lunæ est via, contingunt; & quo quæque magis ab illo distant Maria, minus agitari oportet. A vers. 298. tres assert de Fontium origine Philosophorum sententias; primam, quam refellit, eorum, qui maris aquam terræ insinuatam, ejusque purgatam meatibus in Fontes derivant; alteram asserentium eandem maris aquam in cavos terræ sinus illapsam ejus calore in vapores resolvi, qui post relictis salibus in guttas revertuntur, & manant in Fontes; tertiam, quæ pluviis & solutis nivibus Fontium originem refert: huic potissimum assentitur, eamque plurimis probat argumentis. His subjungitur a vers. 543. Nubium Pluviarum Nivis Grandinis & Roris explicatio. Aërem, de quo a vers. 726. pergit dicere, tenuibus quibusdam & flexibilibus filis ait componi: hinc fluidum esse, & si comprimatur, conniti, ut se restituat, ac dilatet. Hujusmodi Elastica vis in aliis etiam corporibus explicatur: hoc loco Sclopetum, ut vocant, Pneumaticum, & Boyli machina describitur, & pleraque eorum, quæ in ea ad probandam vim aëris experimenta fiunt, afferuntur. A vers. 919. Aëri quoque gravitatem inesse suam probat ex aqua in tubis suspensa, & ab illo extra premente sustentata; idque ad vers. 994. Mox de Ventis agit: illos ipsum Aërem fluentem esse, eumque fluere, cum vel a Solis calore, vel a vaporibus agitur, ostendit. Ventorum nomina & plagas designat; & cur quidam certis locis statisque temporibus flent, atque alia hujusmodi ad Vers. 1244. demonstrat. Reliquum jam est, ut Ignis natura declaretur: hanc sitam esse docet in celeri ac perturbato primi Elementi motu corporum particulas dissolventis & abripientis: facile porro explicatur, cur assuta aqua Calx ferveat, & cur silex chalybe & ligna lignis percussio scintillas emittant. Præterea Ignem a Solis radiis vitrea lerte aut speculo concavo collectis excitari, asserit. Tum a Vers. 1401. Pulveris pyrii compositionem ejusque, cum accenditur, vires persequitur. Ab hoc propter similitudinem pertransit ad Tonitru Fulguris & Fulminis causas exquirendas, in quibus ad Vers. 1538. immoratur. Hæc excipit Ignium, quos vocant Fatuos, atque hujusmodi aliorum explicatio. A Vers. 1564. ad Vers. 1624. Aurora Borealis describitur, ejusque causa repetitur a Solis atmosphæra, quæ ubi longius procurrens Terræ Vorticam contingit, ab ejus correpta impetu in polos projicitur, ubi a Sole collustrata appareret. Demum Ignis sub terra produci ait; hinc a plerisque montibus flammæ eructari, & terram sæpe tremete deducit; variisque terræ Tremoris effectus enumerat; quibus subjungit casus Patriæ suæ a terræ motu subversæ anno CIO IO CLXVII. VIII. Id. Apr. non inelegantem descriptionem.

( XXIX )

## LIBRI QUINTI

### ARGUMENTUM.



Um Divina Mens in rebus omnibus, quas condidit, eluceat, atque animo conspici a nobis possit, nihil tamen ait magis, quam Hominem claram atque expressam ejus imaginem exhibere. Toto itaque hoc libro Hominis naturam consideraturus jam ab ejus generatione atque exortu incipit: idque a vers. 65. ad 116. Tum Animam in cerebro locat, unde per totum corpus nervorum propagines dif-

funduntur, per quos ipsa corpus impellit ac movet, & externarum rerum admonetur. Accedunt & spiritus, quos Animales vocant, qui de purgatori sanguine effecti totum corpus pervadunt celeriter, ac mobilitant, rerumque species in cerebrum deferunt, in eoque imprimunt. Ab horum spirituum varietate, & diversa cerebri fibrarum constitutione diversi sunt Hominum mores & ingenia; unde & singula ætates Hominis inter se præcipue differunt. A vers. 248. præteritorum nos reminisci docet propter spirituum excursum per impressa rerum in cerebro vestigia; itemque a sæpe repetito eorum per nervos transitu agendi aliquid facilitatem a nobis acquiri: ubi de labrorum ac linguæ ad loquendum & de nervorum ac muscutorum ad progrediendum apto motu differit. A versu 345. vigilare nos ait, cum spirituum copia nervos omnes intendens sensus ad res percipiendas excitat; iisdem deficientibus delassari & somno corripitur; somnare vero ob eorum incertum perturbatumque per cerebrum motum; ab illis quoque capitis morbos, vertigines, virium defectum, atque insaniam sæpe oriri ad vers. 450. docet. Famem deinde & sitim & ciborum in stomacho concoctionem, & quo pacto corporis partes nutriantur, explicat; ac circulationem sanguinis describit. Ad sensus delapsus a vers. 520. ad vers. 621. disputat, nobis eos a Natura datos esse non ad veritates rerum cognoscendas, sed ad tuendum conservandumque corpus ( facile enim & compendiaria quadam via de rebus, quæ vel obesse vel prodesse possint, nos admonent ). Tum de iis seorsum acturus, primo Tactum, qui per totum corpus diffunditur, progigni docet in extima cute, aqua motus per nervos ad ipsius Animæ sedem deferretur. Affert hoc loco doloris & voluptatis discrimen, & hujusmodi alia. A vers. 704. ad 748. Gustum præcipue in linguæ fibris collocat, variasque saporum species enumerat. Porro ad Olfactum transiens agit  
de

## (XXX)

de Odoribus, qui vel in perpetuo particularum certis e corporibus effluxu, vel in varia aeris eorum meatus pervadentis dispositione consistunt. Cum igitur interiorem narium membranam illi percellunt, propagatus ad cerebrum usque hujusmodi motus convenientem in Anima sensum excitat. A vers. 796. sonum qui Auditus fibras percutit, nihil aliud esse, quam celeres aeris fremitus probat. Ejus reflexione ac repulsu Echo & vocalem Tubam explicat. Lentiore hujusmodi fremitu sonum ait fieri graviolem, eodem frequentiore acutiorlem; ex utroque autem convenienter inter se permixto fieri Harmoniam; ubi & rationem reddit, cur de duabus chordis æqualibus & æque tensis, percussa altera, altera pariter exulter, & sonum edat. Tum observari docet sonum sive tenuior sit sive fortior, sive feratur secundis sive adversis ventis, æquali semper tempore per æquale prope spatium propagari, & velocitatem ejus vix quidquam progrediendo imminui: Hinc ad eorum corporum, quæ sonum pariter cum fulgore reddunt, cognoscendam a nobis distantiam ducimur. Quod jam superest, Visus naturam explicaturus a vers. 1098. varias lucis affectiones considerat; cujusmodi est ejus reflexio & refractio. Ob refractionis radiorum rationem & remus sub undis videtur fractus, & sidera suos exortus anticipare, obitusque postponere; neque illa eo, quo apparent, loci revera sunt: tum convexis transmissi radii vitris colliguntur, concavis disperguntur. Per reflexionem vero res in speculo repræsentantur, in eoque tantum ultra, quantum sunt citra, videntur. Inde quoque oriuntur Colores: candida apparent enim corpora, quæ omnes in omnem partem radios reflectunt; nigra contra, quæ paucissimos: & cum lucis elementa a corporibus reflexa pro varia eorum superficie varie circa se rotentur, & moveantur, variis corpora perfundi Coloribus necesse est. Hic Newtoni quoque de Coloribus rationem breviter declarat. Post quædam de Iride, nonnulla de Halonibus, & de Pareliis ad vers. 1430. habet. His explicatis de Oculi structura agit. In intima ejus membrana, quam Retinam vocant, res exteriores ait pingi, atque exprimi, velut pinguntur in obliata domus interiore pariete, vel in objecta charta radiis per lentem vitream transmissis: ea figura per nervum Opticum cerebrum Animæ sedem concuti, Animamque percipere. Porro cognosces, cur quidam, præsertim Senes, propiora minus distincte videant, nonnulli contra remotiora: & quo pacto rerum, quas tuemur, distantias percipiamus; & pro variis distantiiis quare varia nobis eorum magnitudo figura & motus videatur; & cur duobus oculis singulæ res non duplices appareant. A vers. 1784. Affectuum originem tradens, Admirationis, Amoris, Odii, Desiderii, Tristitiæ, & Gaudii naturam atque effectus describit.

Postre-

Postremo dissolvi oportere Hominum corpora ex ipsa eorum constitutione deducit, omnibusque proinde obeundum esse.

## LIBRI SEXTI

### ARGUMENTUM.



NATURA rerum haftenus explicata ad Morum doctrinam transit; atque ut in re maxime necessaria, & quæ magis nostra referat, quam omnium extra positarum rerum cognitio, SAPIENTIAM iterum invocat Justitiæ ac Legum Magistrat. Deinde a versu 26. ad 465. hæc habet. Nobis, ne vagi atque incerti in rebus temere circumferamur, necesse est esse a Deo propositum & con-

stitutum aliquem ultimum bonorum Finem, ad quem nostra omnia referamus, quemque unum ex omnibus expetamus. Huiusmodi summi Boni desiderium experimur esse ita nobis insitum, ut ab ejus quærendi studio averri & cessare nequeamus. Videmus vero erroribus variis plerosque decipi: aliis Divitias fraudi esse, quibusdam Honores, nonnullis Potentiam, plerisque Gloriam, multis Voluptatem; quod huiusmodi rebus, quas quique concupiscunt, adeptis se beatos fore putent. Ita fit, ut in quærendo Bono illusi a recto tramite deflectant, cum in rebus non summis summum Bonum collocent, idemque natura sua simplex atque unum sejungant quodammodo ac dividant. Igitur cum in hisce rebus illud a nobis inveniri non possit, oportet Deum ipsum ultimum esse Bonorum Finem, & eum se nobis unum expetendum proposuisse; cuius cum infinita Natura sit, eadem explere nostrorum animorum desiderium potest. Sed in hoc mortalis vitæ cursu optare tantum Bonum ac sperare possumus, id plene assequi, in eoque acquiescere non valemus: interim tamen relicta nobis hic est quædam etsi non perfecta Beatitudo, quæ in sana mente ac tranquilla sita est. Hislatus explicatis, nostrorum Actuum, quos ad ultimum Finem dirigere nos oportet, naturam ad vers. 572. considerat; tum Regulam, ac normam, ad quam eos componere debemus, ait esse æternam supremæ Rationis Legem, a qua Naturæ Lex manavit: præcipuum hujus Legis scitum esse, ut Deum ipsum amemus, eique omnia referamus: Ab huiusmodi præscripto recedere plerisque, qui decepti sensibus inhærescunt, ac fruuntur rebus, quæ nobis ad usum vitæ tantummodo datæ sunt. A vers. 728. docet



## LIBER PRIMUS.



Errarum Cælique potens atque uberis alma  
Naturæ Genitrix, magnum, SAPIENTIA,  
Numen;

Quam Pater haud ævo nec majestate secundam  
Edidit æterna fecundæ in imagine mentis  
Progeniem; per te causæ & sua semina rebus  
Seminibusque suis vigor & vis indita vitæ:

Tu Dea, tu pulchri Ratio ordinis, omnia nectis  
Mensuris elementa suis, numerisque revincis.

Terra tibi fœtus, tibi debent sidera lucem:

Tu facis, ut caleant ignes, tu cærulea ponti

Diffundis, cælumque levi circumtegis aura:

Et facis, ut certo volvantur tempora cursu

Per motus distincta suos, vicibusque recurrant.

Mentibus humanis tu certa & summa voluptas:

Nam simul atque tuum longe splendescere lumen

Incipit, & lucis radios ostendis amicæ,

Ardet inexplētā cupidum dulcedine pectus

Teque sequi, visaque frui, semperque potiri.

Inde animo ætherios avidi conscendimus orbes,

Sidereasque procul metas lustramus, & ignes,

Et liquidi salis æquor, & aëris, & loca terræ, &

Quærenti quæcumque patent, scrutamur avari,

Correptique ardore tui: nam quid sola terræ

Quid mare quid cælum quid demum sidera & ignes

A

Nos



Nos caperent, nisi sancta Tui vestigia, per quæ  
 Te cupide sequimur, quo inducis cumque, referrent?  
 Denique te propter nocturnis invigilamus  
 Pallentes libris, somnoque epulisque relictis  
 Et Socium turbagaudentum. Sufficis una,  
 Una licet longe tenues quærita per umbras 30  
 Sufficis. O! illo quantum gaudere licebit  
 Tempore, cum te ipsam non per simulacra, sed ore,  
 Qualises, attoniti claro spectabimus ore.  
 Affore tanta equidem speramus gaudia nobis:  
 Sed, te dum rebus longe speculamur in ipsis,  
 Tota tibi quoniam parer, quam pandere versu  
 Aggredior, Natura; tuo mihi Numine præsens,  
 Quo sine nil oritur, neque pulchrum & amabile quidquam est,  
 Adsis; pectus & hoc veris rationibus imple  
 Illabens, facilisque tuum da, Diva, leporem 40  
 Versibus in nostris, conor quos pangere magnis  
 SORGORUM de Gente Viris: hos inclita tollit  
 Nobilitas, his ingenium divinius, & mens  
 Rerum notitiis præfulget in omnibus, omni  
 Hos tu, Diva, tua voluisti excellere laude.  
 Eja igitur Vos, doctrinæ qui templa tenetis  
 Edita jam pridem ingressi, si publica rerum  
 Cura finit nostras etiam non spernere Musas,  
 Eja agite, hos vultu facili mea dona labores,  
 MARINE, atque ANTONI, illo, quo sæpe soletis 50  
 Me meaque, excipite; &, quamvis sint tenuia dona,  
 Non inopem laudate animum: quin estis & hujus  
 Vos partim Auctores Operis; (pars altera nostra est)  
 Nam Vos & suastis, & id potuistis ob usum  
 Suavis amicitiae; (vobis concedere quidvis  
 Par erat) idcirco est opus ad vos vestra referri.  
 Vos etiam nec spe nec nobilitate minores,  
 BASSEGLI, cujus vitrix facundia linguæ;  
 Quique tuam Grajum, ZAMAGNA, a fontibus ipsis,  
 Doctrinam hauristi; tuque o fate sanguine claro 60  
 RAGNIADUM, ingenuas Musarum exculte per artes,  
 Egre-

Egregii Juvenes animos intendite vestros;  
 Ut rerum occultas penitus convifere caufas  
 Possitis, noſtro quas in ſermone ſolemus  
 Sæpe acri ſtudio vigilique inquirere mente.  
 Quamquam ego non vobis ignota edicere pergo.  
 Nam quid rebus in his ignotum eſt denique vobis?  
 Sed, quia difficile eſt ( præſertim cum ſit agendum  
 Multa aliis verbis, quam quæ ſibi vindicat uſus )  
 Vertibus illuſtrare nova atque obſcura reperta, 70  
 Multa ideo poſſunt attentam expoſcere mentem.

Et jam, docta Cohors, tibi protinus ipſe, quod inſtat,  
 Cunctarum incipiam rationem evolvere rerum,  
 Principio inquirens, quæ ſenſu & mente videntur  
 Eſſe in Natura, num ſint? tum quodque quid extet?  
 Quid Deus, atque Animus, quid Corpora? & unde coorta,  
 Et quibus a cauſis, & qua ratione? vacantes  
 Tu tamen his adhibe dictis aures animumque;  
 Dum maria & terras circumfuſumque peragro  
 Aëra, ſidereique vagor per mœnia mundi. 85

Invenies etiam, teque hoc longe omnibus unum  
 Plus capiet, per quæ felix conſiſtere poſſit  
 Vita hominum, & rerum rectus quid flagitet uſus,  
 Quæ finis ſit ſumma Boni, quo tendere oportet.

Gallus Homo nobis ea mente animoque ſagaci  
 Omnia pervidit: non illum monſtra, Chimærae,  
 Scyllæque, Sphingefque, aut triſtia Centaurorum  
 Sæcla peragrantem naturæ luſtra latentis  
 Obvia compreſſere minaci murmure contra  
 Horrificifque Virum formis. Vis vivida cælum 90  
 Vicit, & hinc lucem nobis felicibus audens  
 Extulit auſpiciis, & pulſis orbe tenebris  
 Naturæ cæcam patefecit callidus artem.

Hunc Deus, ipſe Deus mundo & tibi, Gallia, multum  
 Indulgens plane eſt illo dare tempore viſus,  
 Quo viſ cæca hominum ſtygiis ſuſſuſa venenis  
 Tollere de medio Numen, penitusque receptum  
 Infixumque ſuo ſub corde abolere parabant.

Ille audax bellum contra non ære nec armis,  
 Aut quibus infestum monstribus purgaverat Orbem 100  
 Claviger Alcides, aut Diva quibus jaculatrix  
 Usa in montiferos Phœbo cum fratre Gigantes;  
 Sed rationum illud suscepit pondere, & ipsa  
 Naturæ specie, dum veri luce corusca  
 Fulgurat, & cæcæ præpandit lumina menti.

Hujus ego servata legens vestigia longe  
 Principio edico, Naturæ in templa serena  
 Si juvat admitti, atque illa gaudere reperta,  
 Omnibus esse tibi dubitandum in limine primo  
 De rebus, quas nosse prius te cumque putabas : 110  
 Non id propterea, quia rebus nulla vel extent  
 Vera, ea vel possint nulla ratione patere;  
 Omnia pro falsis sed habendum, purius inde  
 Eductum ut Verum omne nitescat, certaue consent  
 Principia in rebus, totamque gerat Ratio rem.  
 Non secus ac curvo crescentem stipite plantam  
 Seu gaudentis aqua Platani seu puberis Ulmi,  
 Tunc illam si cura agrestis sedula rectam  
 Stare velit campis, multum in contraria flectit  
 Connitens, aliudque, facit, detorta sua vi 120  
 In latus inclinet; non quod magis optet, ut illac  
 Pendeat; ast inter geminatos oppositosque  
 Nisus, non illac non hac, at utrinque reducta  
 Arbor consistat medio rectissima trunco.

Nec simplex causa est dubitandi: plurima namque  
 Scire licet multis erroribus intermixta,  
 Quos Veri indutos faciem internoscere pacto  
 Possumus haud alio, nostramque exfolvere mentem,  
 Omnia ni pariter rationis ad acre vocentur  
 Judicium, atque alte quoque singula dispiciantur, 130  
 Constet uti, Veri species quæ certa, modoque  
 Quo distet falsis, quid & hæc illamque sit inter.

Tu, reor, haud aliter facias quoque, si tibi quisquam  
 Aurea multa ferat, quæ se debere fatetur,  
 Multa ex argento confecta numismata, quorum

Si

Si non pauca minus vel pendere, deteriori  
 Vel retegas longe, quam par, constare metallo,  
 Plurima tum ex cumulo quamvis sincera rearis,  
 Non tamen ante tibi recipis, quam singula libes,  
 Singula quam puro teneas conflata metallo. 149  
 In nummis igitur si legem hanc exigis æquam;  
 Illis nonne tibi ratio quoque suadet eandem  
 Æquior in rebus, queis mens ditescere possit?  
 Cum minus interfit, flavo ne fallar in auro,  
 Quam ne quid falso mens judicet, incertumque  
 Fluctuet in tenebris ignara & luce maligna.

Quare age; & errorum fontes penetremus ad ipsos,  
 Illorum & causas penitus nos inlinuantes  
 Evolvamus: erit multæ id seges utilitatis,  
 Pectora doctrinæ sancto dum lumine gaudent 150  
 Perfundi, puroque haurire a fonte liquores.  
 Nil didicisse potest, qui non prius omne, quod intra est,  
 Excutiat falsum. Jam mentem adverte sagacem.

Principio rerum species, quas hautimus alte  
 Tum, cum prima novis ætas fuit & rationis  
 Indiga mens, longe ex animo posuisse necesse est.  
 Tunc etenim, ut quævis male firmo per loca gressu  
 Repsimus instabiles, & humum plerumque petentes,  
 Sic levis & nullo rationis pondere certæ  
 Mens firmata ferebatur, quocumque labantem 160  
 Rerum impellebat variantia, seque plicabat  
 Errorum in nodos cæcis conspersa tenebris.  
 At veluti facile ignotis nova pectora rebus  
 Protinus illud, se fortibus indupeditum  
 Sic contra durum ac rarum est exsolvere nodis.

Præterea tenero molles in corpore sensus  
 Multa modis multis in se transmissa receptant  
 Ex alienigenis rebus, varieque moventur.  
 Nam manus ad glaciem gelidique ad fluminis undam  
 Frigida fit; sentit flammis admota calorem; 170  
 Contrectata sibi solidissima marmora restant;  
 At cedunt mollis tangenti vellera lanæ;

Lucem oculi a rebus varioſque in luce colores  
 Accipiunt, tremulus pulſis ſonat auribus aer.  
 Inde fit, ut lucem temere, & cum luce colorem  
 Rebus inefſe putemus, & auras eſſe ſonantes,  
 Et gelidam glaciem, flammisſque vigere calorem  
 Aſſimilem noſtro, quem tum manus excita ſentit :  
 Prædita mollitiæ quoque vellera, prædita multa  
 Marmora duritiæ : velut idem ſenſus inefſet 180  
 Illis, qui nobis, ope quorum cominus ipſi  
 Talia percipimus : quia propter diſpoſituras  
 Rerum mulcimodas motuſque ſimul variantes  
 Exoritur varius nobis quoque multiplexque  
 Senſus, ut eſt variis a rebus percitus extra.

Adde, quod & noſtros multi nil fallere ſenſus  
 Contendant : ( quibus hoc ultro concedere poſſim :  
 Senſus enim haud aliter rerum nos admonet omnis,  
 Ac ipſe a rebus fuerat commotus : eandem  
 Oſtendunt oculi, quam ipſi acceperere, figuram ) 190  
 Præterea exortum verum omne a ſenſibus ipſis,  
 Noſtrarumque putant ut normam notitiarum  
 Senſus, quos nunquam ratio ulla reſellere poſſit.  
 Fiet at hinc, ut Sol ut ſidera, quæ ſuper alto  
 Æthere conſedere, ( quibus ſi vaſta referre  
 Hæc terræ loca cum circumcingentibus undis  
 Collibuit, Tellus, quam lata eſt, tota neceſſe eſt  
 Sit longe longeque minor, milleſima quam pars )  
 Non majora micent, oculis quam conſpiciuntur,  
 Quam facis exiguæ, quam parvæ lampadis ignis. 200  
 Fiet item, celeres cum per vada falſa phæſeli  
 Decurrunt Nautis remo impellentibus undas,  
 Subter aquis tonſæ ut frangantur; namque videntur  
 Subter aquis frangi : pariter quoque cætera fient,  
 Veri prima fides inerit ſi ſenſibus ullis,  
 Quæ fieri ſenſus demonſtrant : cum tamen omnis  
 Poſſe cadem fieri ratio cujuſque reſutet.  
 Ergo, ſi tollas rationem, opus eſſe fatendum eſt,  
 Nobis ut ſenſus ( quamvis non claudicet ipſe )

Cau-

Causa sit errandi : nimirum iudicii expertus  
 Dum sibi, quam par est, plus arrogat immoderate.  
 Ut si regula certa, potes qua noscere rectum  
 Quid sit, quid contra curvum, & nil talia præter,  
 Exoptes etiam, ut tibi pondera mensurasque  
 Demonstret rerum, longe a ratione ferere.

219

Nimirum sic est per fœdera naturæ  
 Dispositum, ut rem quæque suam gerat officiumque  
 Res bene, ut alterius, nili prave, non metat arvom.  
 Iudicio sensus abstant : cætera sume,  
 Quæ sua quisque tibi dant ordine convenienti.

220

Et tamen usque adeo primis hæere tenaces  
 Sensibus haud pauci Sapientum, in rebus ut esse  
 Nil usquam, quod non ipsi sentire, reantur.  
 Quapropter, quoniam nil, præter corpus & ejus  
 Eventum, sensus possit pertingere nostros ;  
 Nullam aliam in rebus, quæ non sit corpus & ejus  
 Eventum, pugnant naturam existere posse :

Usque adeo longe progressi, ut non minus esse  
 Corporeas dicant animas, quam cætera, terram,  
 Aëra ventosum, lapides, arbuta, liquores.

230

Et quoniam, solido si constet corpore, ut aurum,  
 Mens non possit, ut est, sic velox esse, repente  
 Permeet ut maria & terras cælumque profundum ;  
 Lævibus idcirco persubtilem atque minutis  
 Perquam corporibus dicunt constare creatam,  
 Qua neque mobilius quidquam neque tenuius exat ;  
 Assimilemque putant igni ventisque citatis,  
 Omnia qui penetrant late loca pervolitantes.

Quod quantum a vera avulsum ratione recedat,  
 Perspicuum tibi posterius faciemus, & hanc rem  
 Ipso a principio repetentes expediemus.

240

Nunc locus est quoque in his illud tibi dicere rebus,  
 Mentem sæpe suis nimirum præcipitanter  
 Uti iudiciis, metuit dum ignara videri.  
 Idcirco magnis erroribus involvuntur,  
 Qui nescire volunt potius, quam haud scire videri.

Infantum potis est hunc declinare pudorem,  
 Qui bene pervideat, Sapientum quantula res sit  
 Scire, suum teneat quæ Anem progrediendi;  
 Infinita quidem cum constant omnia, sciri 250  
 Quæ possint, quæque est illos nescire fatendum.

Hac proin labe animi si quis mentisque laborans  
 Viderit excelsi montis de vertice rupem  
 Aut pluvia aut annis aut fulminis igne solutam  
 Ex alto ruere in valles strepitumque ciere;  
 At tenues contra in cælum discedere flammæ;  
 Dicit eam subito vires gravitatis habere,  
 Quæ summæ in medium res nititur ire sine ullis  
 Lætibz externis; contra levitate superne 260  
 Tenuia sponte sua, atque in cæli templa volare.  
 Sic litem ignotis plane ambiguisque resolvit  
 Nominibus, cupiens tantum se scire videri.

Consimili ratione, videt cum pondera ferri  
 A magnete rapi sursum, & conjuncta teneri;  
 Sortitus lapis est vim ferro convenientem,  
 Inquit, & æterni sancitum fœdus amoris,  
 Ut vicina velint jungi, metuantque revelli.

Jam ne vides igitur, nos quanta pericula fraudum  
 Circumstent? quantum prope re fallamur in omni?  
 Quo magis est nobis dubitandum. Nec tibi possum 270  
 Errorum latebras omnes penitusque repositos  
 Insinuare aditus, omnesque ostendere rimas:  
 Nam me alia expectant cunctantem; forsitan & te  
 Jam piget, & quereris longum promissa morari.  
 Sed patere, adjiciam quoque pauca e pluribus, addi  
 Quæ possunt, dictis penitus tua tota fides sit  
 Ut contra mea; tum dein ad cætera pergam  
 Lætior ingenuo concinnans omnia versu.

Dic porro, mea si causando dicta refellis,  
 Unde sit, ut, veteri nostraque ætate vocamus 280  
 Nomine quos pulchro, & Sapiētes credimus esse,  
 Scilicet inter se tanto ut discrimine rerum,  
 Quas docuere, recedentes penitusque repulsi

Diffi-

Diffideant, atque in pugnas in bella ferantur  
 Ardentes? quænam hos excivit causa tumultus?  
 Assimili veris nimirum prædita forma  
 Plurima falsa, quibus mens sese opponere nescit  
 Victa dolis: nam si vera omnes omnia dicant,  
 Haud ulla inter se distent ratione, necesse est.

Aspice præterea gentes a gentibus ipsas 290  
 Non tantum varia cæli regione locique  
 Aut lingua aut habitu aut diversas moribus esse,  
 Quantum inter sese de rebus mente videndis  
 Judicio pugnant; nunquam quod possit, opinor,  
 Esse, nisi omnino fallantur in inveniendis  
 Veri, quod quærunt, rationibus, & procul errent.

His accedit, uti vario pro tempore vitæ  
 Nos etiam a nobis longe distemus in annis  
 Nunc quam præteritis multum diversa sequentes,  
 Post & venturo longe mutabimur ævo. 300  
 Quin & sæpe die pugnantia sector eodem:  
 Nimirum modo fleclit amor, modo concitat ira,  
 Et modo tenem animum reddit jucunda voluptas.  
 Quare nostra modis variis mens mota, necesse est,  
 Ut varium tueatur, & in diversa feratur.

De plano potes hinc igitur cognoscere, longe  
 Quam nos a Veri regionibus abistamus  
 Multis in rebus: quapropter, fallere multæ  
 Res quoniam possunt, simili ratione cavendum est,  
 Ne fallant omnes: quare omnibus est adhibendum 310  
 Rebus, ut est illis, quas circa erramus aperte,  
 Nimirum veræ pro vi rationis ut omnes  
 Rursum expendantur: neque porro expendier omnes  
 Possunt, & veram revocarier ad rationem,  
 Ni, quarum nos cumque sumus rerum ante potiti  
 Notitia, nil jam penitus nunc scire reamur.  
 Et veluti, juncto postquam bove verterit arva  
 Pingua, & infelix excoxerit omne per ignem  
 Herbarum vitium tribulos loliumque Colonus,  
 Proscissæ mandat frumenti semina terræ, 320

Inver-



Inverſoque ſolo penitus tegit; haud ea certe  
 Prodigus ut perdat, ( non ruri prodiga vivunt  
 Peſtora ) ſed plenas illinc viſurus ariſtas  
 Creſcentes, & meſſe domum impleturus opima :  
 Sic bene majori commutat ſcenore ſortem,  
 Tu quoque cunſtarum ſic obliſicere rerum:  
 Neu ſemper ſit opus dubitare, incertaque rerum  
 ( Fluſtibus ut mediis ſine clavo pinus ) agatur  
 Huc animi mens atque illuc, metuaſque dolofas  
 Errorum facies, captæ ludibria mentis; 330  
 Hic paulum addubites : dein ingens copia veri  
 Inſluet in mentem, tuque hac lætabere parta.

Nec Verum in rebus facile eſt reperire : ea certe eſt  
 Gloria paucorum, quos non ſine convenienti  
 Ordine notitiis ſcimus rerum eſſe potitos.  
 Nos horum, ſi quid cupimus feciſſe, neceſſe eſt  
 Obſervata ſequi veſtigia certa via.  
 Fruſtra Paſiphaes Prolem Taurique biſormem  
 Immani letho ſtraviſſet Cecropidarum  
 Egides longe fortiſſimus, & ſua nunquam 340  
 Narraviſſet ſeſe pereunti facta Puellæ  
 Fortia, ni tandem labyrinthæos mæandros,  
 Et cæcum teſti ducenia fila ſecutus  
 Explicuiſſet iter : per flexus reddita finis  
 Nam ſecus errandi nunquam foret, æternumque  
 Manſiſſet cæca labyrinthi indagine clauſus.

Quapropter, quoniam naturam inquirere rerum  
 Cœpimus, eſſe opus eſt aliquod, quod prendere primo  
 Impete poſſimus mentis, liquidumque patenſque  
 Principium veri, quod nos ad cætera ducat 350  
 Paulatim a primis & notis progredientes  
 Ad non nota & ope alterius noſcenda prioris.

Quare age, quæ noſtræ primordia notitiae  
 Sint, & quam ſolidæ nitantur cætera moli,  
 Percipe : nempe omnis ratio hinc exordia ſumit,  
 Non Animum, quamvis de cunſtis ambigat anceps,  
 Ambigere incerto de ſe unquam poſſe timore,

Num

Num sit? in immenso nihili jaceatne profundo?  
 Quo sese magis ille fugit, conditque sub umbras  
 Avius in dubiæ cæca caligine noctis, 360  
 Hoc magis usque tibi occurrens sibi que undique præsens  
 Se reperit, quocumque parat se denique frustra  
 Evasisse loci: nam conscia vociferatur  
 Mens intus, claraque magis se luce videndam  
 Exhibet, & sibi se dubitanti existere monstrat.  
 Quod si illam falli dicas, tamen usque necesse est  
 Sit, quæ fallatur; nam si non esset, eadem,  
 Qua non est, falli porro ratione nequiret,  
 Cum nihilo nil conveniat: quapropter oportet,  
 Mens ut non possit, dum se putat esse, refelli. 370  
 Et quamvis dubitare queam, num scilicet ipse  
 Et loquar & videam, dum sæpe videre loquique  
 Me reor; affimili tamen haud ratione valebo  
 Ambigere incertus, num sim; dum sæpe videre  
 Mi videor, tecumque loqui, tibi que edere versus,  
 Aut dubitare etiam: neque enim præsentior ulla  
 Res Menti, ipsa tibi quam sit, quæ plurima circa  
 Ambigat, aut erret, se circa non valet unquam  
 Falli, dum sese per se sibi que intima novit.  
 Confiteare opus est igitur, quæ cogitat esse 380  
 Mentem, & propterea, dum sese cogitat esse,  
 Non falli; neque enim, quod non est, fallitur unquam.  
 Nunc animum advertas, quid ab his deducere pergo.  
 Nos, quia percipimus, certum est extare; neque ullo  
 Id potuit nobis unquam innotescere pacto,  
 Ni quia perspicuam manifestamque ejus habemus  
 Notitiam, qua nos ipsum non posse videmus  
 Non extare Animum, dum vult dum percipit & se  
 Cogitat, aut aliud quodcumque facit ratione  
 Non alia certe, quam quod sit, & absit inani 390  
 A nihilo: quare manifesto lumine quidquid  
 Et non confusa clarebit imagine veri,  
 Verum erit usque adeo, non unquam ut fallere possit:  
 Nam si posset, eadem illum ratione valeret

Fal-

Fallere, qui sese retur, dum cogitat, esse;  
 Quod non posse quidem docui, res ipsaque per se  
 Jam patet. Ergo illud, quod clara in mente tuetur,  
 In nullas poterit nos unquam inducere fraudes.  
 Inde tibi elucet, rerum id non posse quod extat  
 Non extare simul; nihili nihil esse; suaque 400  
 Majus parte, quod est totum, parque omnibus esse.  
 Cætera de genere hoc tibi possim commemorare  
 Plurima; sed facile a paucis tibi commemoratis  
 Tutemet agnoscis, quo verum defluat amne.  
 Quare, perspicua in se mens quodcumque recepat  
 Notitia, vinco verum debere fateri  
 Omnino: nam, si menti subtraxeris illam,  
 Cuncta sub incertis latitabuntmersa tenebris.  
 Haud secus ac clari subtracta lampade Solis  
 Hanc terræ faciem horrenti nox contegit umbra, 410  
 Obruit atque omnes simili nigrore colores,  
 Ut neque Purpura Sidonio continctanitore  
 Concharum quidquam plebeja a veste recedat,  
 Nec veris lepor & pratorum gloria flores,  
 Desponsæ unde suo capiti dant ferta Puellæ,  
 Aut adamantina lux digitis gestata Potentum  
 Exsuperent terræ horrorem brumalis & atras  
 Cimmeriis herbas in vallibus: omnia namque  
 Unum consimili forma velamen inumbrat.

Hæc bene cognita si tibi sunt, ut opinor, & alte 420  
 Vera recepta animo, sequere ad majora paratum  
 Ferre pedes: certum namque est mihi te comitante  
 Omnia ferre alacrem susceptæ dura viæ,  
 Donec ad extremum pertingam. Conscia certe  
 Non tantum mens ipsa sibi est existere sese:  
 Scit quoque, quod variis, dum semper cogitat extans,  
 Cogitet ipsa modis: modo vult, modo velle recusat;  
 Contemplatur item meditans; incognita quærit;  
 Tum super addubitat; vix multo pauca labore  
 Detegit ignorans infinitum omne, quod ultra est; 430  
 Et se plura quidem notis nescire fatetur:

Multa-

Multaque præterea, quæ non habet, optat habere  
 Ingenti desiderio percussa repente.

Denique sæpe malo turbatur mœsta dolore  
 Sæpe metu, & nunquam votorum in fine quiescit  
 Propter egestatem, sibi quæ cupit ipsa, bonorum.

Quare deficere in multis se conscia novit:

Quod nullo posset de se cognoscere pacto,

Ni Summi nullaque ex parti deficientis

In se notitiam cohiberet; protinus a quo, 440

Dum se illi confert, videt usque recedere longe,

Ut medio penitus dirimantur ab infinito.

Inde fit, ut facies, cum primum ætatis agunt ver,

Virgineas facies florentiaque ora tuentes

Pulchra vocemus, & hæc aliis præstare putemus

Judice non alio, qualis Priameus ille,

Cui Venus ante alias placuit Dea, Pastor in Ida;

Ipsa sed specie Pulchri, quod mente tenemus:

Ad quod ut accedunt quædam minus aut magis, illa

Debebunt nobis minus aut mage pulchra videri. 450

Consimili ratione videbis de genere omni

Nos aliquid summum supremumque intus habere,

Idea quod Grajis vocitatur; possumus id nos

Notitiam aut speciem aut exemplar reddere rerum.

Porro quis tanto donavit munere mentem,

Ut, quod fit Summum Supremumque, ipsa videret?

Non etenim sibi mens per se unquam effingere tale

Quid valuit: quoniam a Summo sibi conscia certe est

Deficere in magnis atque omnibus e genere omni.

Nec nostri docuisse ea nos potuere Parentes, 460

Quos ex natura consistere scimus eadem

Ac nosmet pariter finita & deficiente.

Nec fuit a rebus postremo haurire potestas

Notitiam Summi; cum quas natura locavit

In promptu, nobis sint longe deteriores:

Quo magis a Summo cunctas distare satendum

Res, nec notitiam illius procudere posse.

Quare, quod superest, Summi quam mente tenemus

Noti-

Notitiam, a Primò Summoque recepimus ipso.  
 At Summum hoc merito Numen vocitare Deumque 475  
 Suemus; namque illò majus nihil esse putandum.  
 Ergo extare Deum debes Numenque fateri;  
 Quandoquidem debes, quod Summum est, esse fateri:  
 Quin Ipsum nostram præsens involvere mentem  
 In sese, & diæ radiis effulgere lucis.

Præterea vel Mens, quam certo existere novi,  
 Hoc habet a sese, major Natura vel olli  
 Largita est: at id ipsa sibi concedere nunquam  
 Evaluit, quoniam & simul omnia summa dedisset,  
 (Quod magis huic facile est, qui sese eduxit, ut esset, 480  
 A nihilo) parti neque passa fuisset ab ulla  
 Deficere, Ergo aliquam, quæ mentem effecerit, extra  
 Esse Potestatem magnam fateamur oportet.  
 Rursus id inquirò, Natura hæc altera major  
 Unde sit? a sese si constat, summa profecto  
 Est eadem; fin quæ præstantior altera, ut esset,  
 Huic dedit, hanc iterum rationem iterumque sequendo  
 Demum erit in summa sistendum, unde omnia pendent,  
 Natura, quam nos Numenque Deumque vocamus.

Postremo Summi, cujus nos intus habere 490  
 Sentimus speciem, ad naturam pertinet esse:  
 Quod non extat enim, nihil est; distantia proinde est  
 A nihilo certe summa infinitaque Summi.  
 Ergo extare Deum debes Numenque fateri.

Neu tibi sit fraudi, quod nos Numenque Deumque  
 Dicamus, tu fac subjungas nomen utrumque  
 Uno, quod Summum & Supremum diximus esse:  
 Nam, quod Supremum est & Summum, excellere debet  
 Longe alios supra, quod non nisi convenit Uni.  
 Tum, si plura forent paria hæc, quæ Summa vocamus, 500  
 Diversa inter se natura disque gregata,  
 Distarent aliquo; nam quod foret alterum, id alterum  
 Haud foret omnino: quare consistere neutrum  
 Sic posset Summum, quod non nisi convenit Uni.

Consimili ratione nequit de partibus ullis

Com-

Componi Summum : neque enim tunc quælibet harum Summa foret ; siquidem Summum est , ut diximus , Unum : Porro ex non Summis non quit coalescere Summum.

Est igitur summi simplex natura reperta  
Numinis : omnis erit quapropter corporis expertus : 510  
Corpus enim pariter supraque infraque & ab omni  
Est latere extensum , quod non sine partibus ulla ,  
Si bene pervideas , fieri ratione putabis.

Illud præterea , quod non est corpus , oportet  
Aut nihil , aut mens sit : neque enim queat esse quid ultra ,  
Percipio ; at supra Summum nihil esse negatum est ;  
Spiritus illud erit quapropter Vitaque Mensque.

Immutabile item , quia Summum est , Numen oportet  
Esse : suis etenim quodcumque e finibus exit  
Mutatum , certe in melius , contrave , necesse est 520  
Vertat se in pejus ; quod Summum utrumque refutat.  
Adde , quod hoc fines nullos habet , unde recedat  
Egrediens ; nec habet , quo se deferre , quod ipsum  
Non sit idem , possit ; quare immutabile Summum est.  
Et pariter debes proinde immortale fateri.

Qui tibi possit item Pulchrum Verumque Bonumque  
Non id , quod Summum est , summa ratione videri ,  
Si quidquam est usquam pulchri verique bonique ,  
Tale quod ex aliqua saltem tibi parte videtur ?

Adde , quod & cælum & terras pelagusque profundum , 530  
Et quicumque oculos circumfers , numine complet  
Immenso locus ipse sibi Deus , omniaque uno  
Continet amplexu , sed non extensus , ut æther ,  
Per loca , qui circum mundi latera omnia fusus  
Stelliferi ad metas extollitur arduus orbis ,  
Sic tamen , ut teneat majori parte loci plus ,  
Parte minore sui minus , & non omnis ubique .  
Omnibus omnis adest Deus , & videt omnia passim  
Nuda & aperta sibi , quæ rerum cumque geruntur ,  
Queis sunt cumque locis ; nil possit ut illius usquam 540  
Effugisse Potestatem , longæque recesse .  
Scilicet hæc Summi natura immensa requirit .

Quin

Quin etiam æternum, quod Summum est, esse fateri  
 Cogimur. Ante pedes (da sic colludere paulum)  
 Illius ante pedes fractis inglorius alis  
 Annus, & immotum jacet alta per otia Tempus:  
 Tempus enim fit, ubi quid nos mutarier ipsis  
 Cernimus in rebus: transactum dicimus esse,  
 Quod fuit ante, nec est in re, quæ mobilis extat;  
 Ac tum deinde, quod instat, in illud prospicientes, 550  
 Est nec adhuc in re, venturum nominamus.  
 Scilicet intra nos tum percipiamus oportet  
 Notitias aliis alias succedere: tempus  
 Novimus hinc; prima hinc ejus mensura fluentis.  
 At, quoniam, ut supra docui, immutabile Summum est,  
 Nec divina quies motu variatur ab ullo,  
 Temporis est expers etiam æternumque repertum:  
 Scilicet immotum non unquam elabitur illinc  
 Præfens, dum felix & tota simul fruitur se  
 Vita carens pariter sine omni principioque. 560

Hinc quoque perfacili poterit ratione patere  
 Esse infinitum, quod Summum est; non numerorum  
 More, quibus serie permagna quamlibet auctis  
 Adde unum, crescent; uno minuentur ademto.  
 Quin magnum poteris guttatim tempore longo  
 Exhaurire, licet terram circum ambiat omnem,  
 Oceanum, quia habet, quod sese finiat, ultra.  
 Nunc, extra Summum quoniam nihil esse videmus,  
 (Nec foret id Summum, si quid finiret id extra)  
 Non habet extremum: nullo ergo fine tenetur. 570  
 Unde animo tollas quantumvis, non tamen illuc  
 Pervenies, ut non infinitum usque relinquas:  
 Nam Summum est sine fine, sibi par denique semper.  
 Non alibi inquiras, quid sit Sapiëntia: nusquam  
 Illa, nisi in Summo est; quod, cum se noverit intra,  
 Omne quod est, novit: quare Sapiëntia summa est  
 Infinitaque Mens, hujus cui scena Profundi  
 Tota quidem patefit, quàm vasta est quantaque tota.  
 Hæc rerum formas cunctarum continet in se.

Pro-

Proinde quidem, semper cum se tueatur, oportet, 580  
 Quarum habet exemplar, videat res semper ut omnes,  
 Quæcumque existunt, quæcumque existere possunt.

Da paulum ex humili mihi nunc consurgere mente,  
 Alma Fides: neque enim Naturæ luce patescunt  
 Omnia, quæ tute non ignorare sequentes  
 Concedis sancto perfundens lumine corda,  
 Non ego te e cæli regionibus ostentantem  
 Lumen inocciduum Veri mortalibus ægris  
 Usquam amittebam dubiarum in nocte viarum,  
 Notitiam ante omnem quas sponte ingressus inibam. 590  
 Ipsa doces, Numen, dum sese conspicit intra  
 Contemplans summam Naturam & id omne quod Ipsum est,  
 Par sibi quod genuit Verbum, fœcundaque semper  
 Mens generat, semper sese quia conspicit intra.  
 Hanc Prolem Pater æternum complexus amavit,  
 Illa quoque æterno in Genitorem fertur amore:  
 Hinc ab utroque simul sed par procedit utrique  
 Dius Amor: sic se fœcundam reddidit illa  
 Impare sed numero simplex Natura, tribusque  
 Constat at una manens, aliusque aliusque, sed unum 600  
 Omnes sunt pariter, naturæ simplicis omnes.  
 Talia velle animo sed vestigare sagaci  
 Funditus insanæ nimia est audacia mentis;  
 Interea tanto quam præ fulgore necesse est  
 Caligare mage, & reperire in luce tenebras.  
 Et jam, quod superest, pergam contexere dictis.

Præterea summi debet Natura videri  
 Numinis Omnipotens, ut possit, quidquid in illa  
 Mente gerit, facere: at rerum gerit omniparentes  
 Cunctarum formas; quare omnia posse fatendum est. 610  
 Non illi labor ullus erit facere atque creare;  
 Nam, quæcumque velit, subito facta atque creata  
 Exoriuntur, & e nihilo venientia constant.  
 Nec mora, quod libuit (satis ipsi velle) peractum est.

Nec finita potest postremo mens cohibere  
 Summum infinitum: nam, si comprehenderet ipsum,  
 B Non



Non infinitum Summum foret, ipsave contra  
 Non finita. Vides, pariter quam pugnet utrumque.  
 Nos itaque a Summo tantum distare necesse est,  
 Quantum infinita inter se ac finita Potestas 620  
 (Quod ratio cohibet mensuræ nulla) recedit.  
 Pro! mentes hominum ignaras, pro! quantula norunt  
 Cæca magis cæcis avibus, quæ nocte vagantur,  
 Pectora: at ærias affectant pennipotentum  
 Ire vias, magnique cacumen prendere cæli.  
 Hinc se illi a vili cupiunt fecernere vulgo  
 Sublimes, spretis aliis, alteque locari.  
 Reptantes nec humi sese agnovere, suisque  
 Hærentes tenebris ausu contendere vano.  
 Æquius a parvi cum Pastor vertice collis 630  
 Jactet se spatio propiori cernere Solem,  
 Quam qui humiles campis federe aut vallibus imis;  
 Cum magis ad Solem collati & sidera distent  
 Illi inter se, quam Sapiens a plebe minuta,  
 Si simul ad Summum collati respiciantur.

Hæc si pernoſces perfunctus carmine nostro,  
 Quod tibi de Summi natura concinui, quo  
 Firmius hærescant animo res, infideantque,  
 Cætera perfacili poteris cognoscere nisu.  
 Nam veluti excelsi qui clivum montis anhelans 640  
 Difficili ascensu Sole impendente per æstum  
 Vix tandem exsuperârit, & est jam rupe potitus  
 Suprema, fessus quamvis & languidus artus  
 Convertens oculos huc illuc detegit omnem  
 Subter planitiem camporum & vallium opaca,  
 Nec non & longo spatio diducta locorum  
 Prospicit & pelagi fluctus urbesque lacusque  
 Fluminaque & longo fugientes ordine montes;  
 Nec clivo superest ullus labor exsuperato:  
 Sic postquam tibi, quod multum referre videbis, 650  
 Constitit esse Deum, Naturaque summa reperta est,  
 Cætera perspicua poteris, quæcumque supersunt,  
 Luce palam cognôſſe; velis convertere tantum

Huc

Huc aciem mentis, quo te mea dicta vocabunt.  
Quare age, corporea quæ prædita mole videntur,  
Pervideamus, utrum constantia sint in rebus.

Principio, semper cum mentem ad corpora verto,  
Nil aliud novi naturam corporis esse,  
Quam quod se simul in longum atque extendit in altum,  
Et latum pariter constat: neque fingere possum 660  
Illius usque adeo minimum extremumque, quod ullas  
Non habeat partes, quarum altera non sit ad ortum,  
Non sit ad occasum versa altera, tum quibus imam  
Respiciat terram, & quibus aurea sidera cæli.  
Tactu id sæpe licet, quodcumque est, sensificisque  
Usurpare oculis nequeam; tamen usque necesse est  
Partibus extensam naturam corporis esse.

Hinc mihi perspicuum est existere corpora posse:  
Namque quod extensum est, ulla ratione videri  
Haudquaquam oppositum poterit tibi discrepitanisque 670  
Existentibus a rebus, non possit ut unquam  
Esse, quod extensum est: igitur dum constitit illud  
Posse existere, erit revera extare probandum.

Et primo tactu contingere plurima sæpe,  
Cernere res coram, sonitusque audire videmur.  
Et licet hic sensus nos intra in mente genatur  
Omnis, ut audire est nimirum, resque videre,  
Tangereque: in plures quoniam se vertere formas.  
Mens potis est, dum res varias ratione revolvit  
Non una, verum varianti multiplicique: 680  
Sæpe tamen sensu, quæ non velit ipsa, reluctans  
Percipit, ut propiore manus cum læditur igne.  
Non igitur, quamvis mens omnia sentiat, omnis  
Ipsa sibi causa est sensus: quare esse fatendum est  
Quiddam extra, sensus quod concitet impellatque:  
Quod porro extensum nili sit, non possit, opinor.  
Hac ratione animum pariter sensumque movere.  
Corpora sunt igitur, quæ nos extensa vocamus,  
Et vere existunt in rebus, certaque constant.

Tum, quando sensu semper constante vigemus 690

Res circa, rerum si nil existeret harum,  
 Et nos perpetuo proin tota denique vita  
 Erraremus eas revera extare putantes,  
 Gauderet nostros fallis illudere sensus  
 Numen imaginibus; ratio quod vera refutat,  
 Qua prius esse Deum docui Verumque Bonumque.  
 Constantes igitur quæ nos extare videmus  
 Corpora per sensus, eadem illa extare necesse est.

Et quia, quæ nosmet circumstant corpora, eosdem  
 Semper per sensus variis distantia formis 700  
 Inter se, & longe in multis diversa videntur;  
 Illud erit, quod idem, dum magnis partibus extat  
 Corpus & innumeris, vario harum conciliatu  
 Ordine contextu & motu variare figuras  
 Debeat, atque alia, in quibus hæc differre videmus  
 Ante oculos posita, atque ideo diversa vocamus  
 Inter se; quamvis unum sint omnia corpus,  
 Unum sint pariter corpus, quod dicimus Omne.  
 Omne vocamus enim, multis e partibus aptum  
 Digestumque bono quod convenit ordine in unum. 710  
 At variant partes; alba hæc, ea nigra videntur;  
 Multa moventur item, velut ignis; multa quiescunt  
 Concreta solidaque magis constantia mole;  
 Altera sicca magis sunt; ast humentia contra  
 Altera: multimodis sic distant corpora formis,  
 Corpora, quæ partes unius diximus Omnis.  
 Namque sua sunt pro natura convenientes  
 Quæque sibi sortita locos dispoſtaque tali  
 Ordine, ut efficiant, unum sint omnia corpus,  
 Unum sint pariter corpus, quod dicimus Omne. 720

Contemplator item, sic quoddam semper adeste  
 Nobis corpus, uti quo tandem cumque locorum  
 Progrediamur, id assidue comitetur, & unquam  
 Non absit longe a nobis, ut multa, relictum.  
 Quin super auxilio est, quoties tentare quid extra  
 Collibuit; motu illius quæcumque movemur  
 In loca; at immoto pariter consistimus illo;

Illo

Illo oculos tuimur circum referante; per aures  
 Illius audimus voces; tum mollia quæque,  
 Duraque item, siccas glebas, frigentia saxa, 730  
 Humoremque liquentem opera contingimus ejus;  
 Et sentimus item per nares ejus odorem;  
 Ut demum pepigisse queat cum mente videri,  
 Ut cum affectum aliqua fuerit re, protinus ipsa  
 Adsit ibi excubiis veluti Mens excita, vinque  
 Excipiat sensu quamvis invita molesto,  
 Ictum erit immitti graviter si vulnere corpus;  
 Mulceat at suavis placide transmissa voluptas:  
 Inque vicem motus animi, mentisque sequatur  
 Imperium corpus subito parere jubenti, 740  
 Temporis inter nil videatur ut esse, paratum.  
 At nulla hoc peragi posset ratione profecto,  
 Isto ni penitus mens sit cum corpore juncta,  
 Ut tali simul e consensu prodeat unum,  
 Unum id, nos Hominem quod dicimus esse: duabus  
 Quapropter naturam Hominis constare necesse est  
 Rebus, nimirum quæ sunt corpusque animusque  
 Inter se pariter conjuncti & conciliati.

Hoc poterit sese pacto cognoscere quivis  
 Esse Hominem: sed quid certa ratione putandum 750  
 De reliquis, Homines pariter quos credimus esse,  
 Accipe. Non vultus non membra simillima nostris,  
 Non quod respirent auras, quod edantque, bibantque,  
 Atque pari nostro motu moveantur, & ipsis  
 Quod resonent verbis vocum flexuque moraque  
 Distinctis, facient, merito dicantur ut esse  
 De genere humano; quoniam nil detegit horum  
 Intus inesse animam; nam posse hos ire videtur  
 Corpus item in motus, sine vita quamlibet extet.  
 At neque quod vitæ nimirum inimica videntur 760  
 Longe averfari fugiendo incendia dira  
 Serpantumque truces iras malasque leonum  
 Sanguineas tristemve ex alta rupe ruinam,  
 Nec quod præterea sibi convenientia quaerunt

Seclando ardorem per brumam umbrasque per æstum,  
 Uilum animi præbent intus ratione vigentis  
 Indicium; fieri quoniam ratione remota  
 Cernimus illa eadem: longe averfantur arenas  
 Frumenta; at crescunt saxosis montibus Orni;  
 Flumina amant Salices; quærunt sibi frigora Taxi: 77  
 Nec tamen in plantis animus ratioque videri  
 Debet inesse, licet sibi convenientia poscant,  
 Adversaque loci natura sponte recedant.

Adde, quod, ante oculos prope si crepitantia pulsu  
 Æra sonent, inopinaque lux vibrata coruscet,  
 Sponte repente sua subitum clauduntur ad ictum  
 Lumina, ut hinc animam nunquam deprendere possis.

Ut demum invenias, quod aves reperire, sagacem  
 Advertas animum, quod cum audis sæpe loquentes  
 Coram Homines, vocem non tantum percipis illam, 78  
 Cujus in aëre consistit natura agitato,  
 Verum etiam vocis sub signo nomina rerum,  
 Notitiæque tuæ bene respondentia verba:  
 Tutemet hæc eadem quoniam es tibi conscius esse  
 In te mentis opus tantum, fateare necesse est  
 Hac ratione, aliis etiam vivata quod adlit  
 Vis animæ, per quam fundant ea verba, quibus res  
 Significant tibi non temere, ut vesania mentem  
 Percussit quibus, aut sopitos somnia ludunt,  
 At ratione animi certa penitusque valente. 79

Sed si forte putes nihil horum a corpore posse  
 Non fieri, horarum numeros & ut indice certo  
 Monstrat, & ut sonitu dat tempora scire per aures  
 Constans aut ferro aut dentato machina ligno  
 Prorsus corporea & non ullo prædita sensu;  
 Sic quoque si, humanum quod corpus nominamus,  
 Esse putes adeo digestum dispositumque,  
 Ut per se voces, quas non intelligat ipsum,  
 Edere possit, uti digitis pulsata peritis  
 Vocalis cithara, aut silvestris fistula cantus 80  
 Dat ventis animata, licet non audiat ipsa,

Quod

Quod canit; hæc, inquam, fieri si forte rearis,  
 Falleris, & vera procul a ratione recedis.  
 Illa etenim moles motus constanter eosdem  
 Temporis, & numerum servabit in ordine primo:  
 Nec quascumque voles horas pro tempore quovis  
 Illa tuo dabit arbitrio, sed quas feret intus  
 Dispositæ inter se contextus materiai.  
 Nonne vides contra, quam a certa lege solutæ  
 Temporis, humano voces quæ ex ore feruntur, 810  
 Sint, & quam propria se libertate moventis  
 Causæ a principio procedant interiori?  
 Quilibet apta tibi reddet responsa petenti  
 Quidvis, cum libuit; rationem inquirere noscet  
 Deducens alid ex alio, pravisque relictis  
 Esse bonum dicet sectandum præque ferendum,  
 Dicet item, quid sit pulchrum, quid consonet illi  
 Veri notitiæ, quam nos in mente tenemus.  
 Denique multa tibi regionum, quas peragravit  
 Intervalla viasælum moresque virosque 820  
 Narrabit memor; ac, quæcumque vacaverit, artes,  
 Scilicet arma tibi ventosque marisque procellas,  
 Astrorum cursus itidem memorabit & alto  
 Mensuris comprehensa suis labentia cælo  
 Sidera; nec doctæ deerit facundia linguæ.  
 I nunc, &, simili quos cernimus esse figuræ  
 Nobiscum, oblistens rationibus esse repugna  
 De genere hoc Homines, qualem es te conscius esse.  
 Nunc age, & omnigenum quæ constant corpora rerum  
 Omnia non semper sæclis æterna fuisse 830  
 Innumerabilibus, sed quæ Divina Potestas  
 Ipsa prior cunctis & per se prima creârit,  
 Percipe. Quæcumque in rebus constare videntur,  
 Non sunt Summa; etenim Summum est, ut diximus, unum,  
 Quod per se nullius egens existere debet.  
 Ast hoc omne, quod est non summum, non erit unquam  
 Per se extans: opus est igitur, natura quod ejus  
 Pendeat a Summo: porro quia pendet ab illo,

Principium tenuisse sui videatur, oportet,  
 De nihiloque creata, nec usque æterna fuisse. 840  
 Quapropter, qui cunctarum primordia rerum  
 Esse æterna ferunt, per seque existere posse,  
 Insanire putem priscorum corda Virorum,  
 Quorum cum primis Epicurus Democritusque est  
 In patriis ambo viventes molliter hortis.  
 Hi licet a vera lapsi ratione ferantur  
 Egregie multis in rebus, ob id tamen unum  
 Magnopere errantes merito insanisse videntur.  
 Haud aliter quam qui suspensam stare catenam  
 In liquido tantum velit aëre, tentet & auris 850  
 Innixam fabricare domum atque educere cælo.

Neve Deum mihi jam pergas contendere, rerum  
 Quidquid id est, potuisse æterno educere ab ævo,  
 Æternasque ideo res omnes posse videri;  
 Ut, licet a Solis claro lux profluat orbe,  
 Æternus si Sol, etiam illa æterna fuisset:  
 Non lux Solis enim diversa constat ab illo  
 Natura; siquidem naturam utriusque patebit  
 Perpetuo in motu consistere particularum.  
 At contra Summum longe longeque remotum est 860  
 Rerum a non summa natura; proinde videri  
 Si queat hæc pariter semperque æterna fuisse,  
 Nonne pari ratione queat quoque summa videri?  
 Quod quoniam pugnat, pariter pugnare, creatæ  
 Quæ fuerint quondam, æternas res esse, necesse est.  
 Æternum summæ quapropter totius Omne  
 Non fuit; ast illam semper Deus infinita  
 Natura excedens durando vincere debet.

Non minus &, per quem rerum natura creata est  
 Omnis, uti maneat, servari debet ab illo. 870  
 Nam veluti ætherio perfusi lumine campi  
 Aëris & vitrei fluctus maris & sola terræ  
 Non possent lucem e cælo servare receptam.  
 Usque novum nisi Sol largiri haud desinat ignem;  
 Omnipotens ita quæ primo dedit esse Voluntas  
 Rebus,

Rebus, perpetuo maneant ut deinde creatæ,  
 Definere haudquaquam semper res debet easdem,  
 Ut sint, velle: igitur nihil est servare creata,  
 Nimirum quam perpetuo semperque creare,  
 Ut sic longa queant durando vincere sæcla. 880

Illud in his tibi erit minime mirabile habendum,  
 Quod, velut effigies e marmore sive elephanto  
 Aut ære aut ligno multam confecta per artem  
 Stare diu valet, atque ævi contemnere vires,  
 Quamvis docta manus signo procul ablit ab illo  
 Artificis qui finxit opus, quoque non ita possit  
 Copia cunctarum hæc rerum per temporis omnes  
 Circuitus per se constans servataque egere  
 Jam nihil Auctoris, qui primum existere fecit:  
 Namque horum ratio patefit diversa profecto. 890  
 Non manus Artificis penitus consistere fecit  
 Omne, quod in signo est, nec ab omni parte creavit;  
 Materies etenim signi omnis constitit ante  
 Aut inter silvas foliis & cortice tecta,  
 Aut inclusa ima terra Pariisque rigens in  
 Rupibus; utque prius, quam formaretur in ora,  
 Indiga nil artis potuit constare, necesse est,  
 Post etiam ut possit, formam nil præter inanem  
 Dante manu: at quoniam, quanta est, a Numine tota  
 Constitit hæc penitus rerum Natura (neque unquam 900  
 Quisset enim constare secus) fateare necesse est,  
 Ejus quod sit egens, ut constans incolumisque  
 Servetur pariter: nam si subtraxerit illud  
 Velle suum, in nihilum revoluta repente rediret,  
 Inque suo penitus consumpta periret inani.

Quod superest, non est ratio scruposa probare,  
 Provida res omnes, queis jam dedit esse creatis,  
 Perpetuumque creat servans, Divina Voluntas  
 Ordine quod suavi regat & ratione potenti.  
 Principio, omnigenis constat de partibus Orbis 910  
 Ignibus atque undis & mobilis æris auris  
 Et solida pariter terra; quæ singula cum sint

Distan-



Distantem longe naturam, ut cernere cuique est,  
 Sortita, haudquaquam formam coalescere in unam  
 Convenienter & inter se connexa ligari  
 Per se fortuitis potuissent motibus unquam,  
 Ni Chaos hoc ingens atque hæc variantia rerum  
 Suprema tum primum a Mente diremta fuisset  
 Formarum æterna ratione & lege suarum.  
 Nec sic diversæ possint res continuato  
 Ordine temporibus certis spatiisque moveri,  
 Certaque Naturæ non unquam in fœdera ferri,  
 Ni vigil interea Mens excubet arce Pronœæ,  
 Instabilesque regat stabilis res, atque reducat  
 Sub leges per se pugnantem legibus Orbem,  
 Discordesque liget concordi fœdere partes.

920

Præterea, Mundo fieri quodcumque videmus,  
 ( Nubila enim fiunt & agentes nubila venti  
 Et tempestates cælo terraque coortæ,  
 Per campos late fruges arbutæque crescunt,  
 Alituum proles generatur quadrupedumque  
 Necnon squammigerum nec non serpentia sæcla  
 Humanumque genus, sic damna perennia vitæ  
 Ut possint auctu pariter reparare perenni:  
 Multaque de genere hoc nova mundo suppeditantur  
 Enascentia, uti lapsis succedere possint )  
 Id rerum sine motu intraque supraque meantum  
 Haud ullo fieret pacto: quapropter inesse  
 Corporibus debet motus, quando omnia motu  
 Nascuntur, pereunt, mutantque locum atque figuras. 940  
 At motum hunc per se non possunt corpora habere,  
 Nimirum nostræ quæ scimus corpora menti  
 Verti in notitiam non ullo prædita motu.  
 Sint ea magna quidem, sint contra tenuia longe,  
 Ut libet, aut triquetra aut quadrata rotundave ponas,  
 Plena foraminibus multis condensave; nunquam  
 Efficies, per se sit ut illa necesse moveri.  
 Non se igitur possunt, alio nisi mota, movere.  
 At porro causam hanc motus fateare necesse est

Esse

Esse Deum, quoniam non possent illa moveri  
 Diversis translata locis, nisi semper ab illo  
 Diversis eadem illa locis servante creentur.  
 Quare cum peragi videamus cuncta movendo,  
 Omnis qui motus causa est, agat omnia, oportet.

95<sup>b</sup>

Hinc facile agnosces, quam scilicet avius erret,

Qui penitus nulla fretus ratione fatetur

Semina cunctarum per se genitalia rerum

Æternos ire in motus semota quiete,

Quique ea summañ partem contendit in unam

Ferri: at cur potius nullo impellente ferantur

96<sup>a</sup>

Illuc, non alio, non partes undique in omnes?

Errat item his addens æterno ea percita motu

Sæpe in concilium genitale coire, suoque

Edere res omnes concursu, ut cæca tulit fors;

Nimirum sic & terram mare sidera cælum,

Quæ nos incolimus, quæ sic digesta tuemur

Ordinibus numeris, sine lege sine arte coorta

Tantum materiæ confuso conciliatu.

Quæ fieri si posse rear, num sanior essem,

Quam si posse rear fieri, quod nescius artis

97<sup>o</sup>

Contrectans varios cæca quis nocte colores

Colludensve super puerilis dextera telam

Possit Apelleas casu simulare figuras,

Reddereque humanos vultus aut Numina Divûm

Sacras inter ebur gazasque locanda per ædes?

Possit item vocum, constat quibus Ilias omnis,

Fortuitis elementa modis congesta capaci

Projicere ex urna tabulam super, omnia ut illo

Sic coeant casu, ut versus ex ordine reddant

98<sup>a</sup>

Mænonios, iramque truceñ noscamus Achillis,

Hæctoraque immani flagrantem Marte legentes,

Atque immixta dolis certamina Grajugenarum

In Trojam, Paridis quæ accendit perfidus ignis?

Non igitur, quamvis quoque multis semina rerum

Ex infinito ferrentur percita plagis

Conciliorum infinitum genus experiundo,

...]

Un-

Unquam congruerent inter sese ordine tali,  
 Qualem sortita est hæc rerum Summa creata:  
 Qui queat ut fieri, rationem consiliumque  
 Altius humano divinam denique Mentem 990  
 Postulat, ut penitus nulla erret ab ordine parti,  
 Quo neque per cœtus æternos deveniet fors.

Porro terræ num qua sunt parte reperta  
 Edita fortuito concursu particularum  
 Unquam Tempia Domus Urbes atque Oppida multa,  
 Qualia visuntur nimirum condita nostra  
 Arte hominum? Quænam mirandum hoc protulit ætas?  
 Quisve adeo insanus posse hæc contingere dicat?  
 Ergo opera hæc hominum nequeat si denique cæca  
 Fors simulare, queat subito velut arte magistra 1000  
 Id facere, humanam quo non pertingere mentem  
 Noscimus? ipsa queat nempe hæc rationis egestas,  
 Quæ ratione quidem miramur condita summa?

Præterea in cœtum si semina convenientem  
 Sunt conjecta semel; cur tandem continuata  
 Ordinis haudquaquam discedunt a ratione?  
 Quodque semel potuit Fors, num semper sibi constans  
 Efficiet? motum stellis servabit eundem?  
 Vere dabit semper flores de semine certo?  
 Plantarumque genus fota tellure novabit? 1010  
 Ut neque robora roboribus prognata vetustis  
 Distent, atque oleæ crescat de stirpe virentis  
 Non ulmus non celsa abies non vitis lacchi,  
 Ast olea & ramis & trunco & fronde priori  
 Assimilis? nihil ut mentita immensa vetustas  
 Sit rebus, quascumque novat? nihil innumerarum,  
 Quas Fors condiderit, rerum omni de genere unquam  
 Mutatum exierit de sinibus, omnia quando  
 Fors incerta regit, quæ quanta vi peragantur  
 Consilii, nostra non est pertingere mente? 1020

Aspice præterea passim genus omne animantum,  
 Quotquot aquas cælique vias terramque frequentes  
 Concelebrant, quod opus! quanta ars elucet in illis!

Inspice

Inspice parvarum tam tenuia texta volantum,  
 Si tamen has ullis quis sensibus usurpare,  
 Vermesque innumero numero quoque lumina nostra  
 Plane elabentes animo mirante recense:  
 Qui, quoniam vivunt, nervos & sanguinem & ossa  
 Fibrasque & venas debent & viscera habere,  
 Non secus ac Elephas aut Bos aut fortis Equi vis; 1030  
 Quas res in magnis adeo constare minutas  
 Miramur, neque nostra imitari possumus arte.  
 Hunc igitur tenuem contextum, hæc corpora parva  
 Condere nec primo potuit fors, nec potuisset  
 Semper eodem eadem constans servare tenore.  
 Quare opus est etiam atque etiam fateare, quod omnis  
 Hæc rerum Summa a suprema Mente regatur.

Hic tibi multa quidem falso conficta feruntur:  
 Nam, quia dant motus occultis plurima causis,  
 Hoc genus est herbas de terra exire recentes 1040  
 Post hiemem, æstivis augeri a Solibus, & jam  
 Ætatis firmas maturæ sumere vires,  
 Omnibus his terra succos alimenta rebus  
 Submittente locis aptis & tempore certo;  
 Exin Naturam nos appellare solemus  
 Communem veluti Matrem, quæ provida cunctas  
 Cum populis urbes plantasque amplexa ferasque &  
 Squammigerum genus & volucres alit ubere multo;  
 Nec non & subter telluris viscera lapsa  
 Flumina dat multis excurrere fontibus extra, 1050  
 Succenditque locis multis sola, condit & altis  
 Terræ procul usque repôsta metalla tenebris:  
 Quin cæli magnas extenditur in regiones,  
 Sole diem & multo collustrat sidere noctem,  
 Nubibus imperitat, ventos regit, aëra mutat:  
 Quin & gignendis genitalia semina rebus  
 Præstat, vique sua sæcundat, nutrit, & auget.  
 Quorum qui nossent bene causas, esse pateret  
 Naturam (quamquam maternum nomen adepta est)  
 Nil nisi protelum causarum continuatum, 1060  
 Quæ

Quæ per se facere haud quidquam potuere, sed omnes  
 A prima pendent Cauſa, quæ ſingula per ſe  
 Et movet, & facit, ut moveant; velut ipſe catenam  
 Si parte ex una teneas, agiteſque, neceſſe eſt  
 Annellos per pendentes ad cætera motus  
 Ordine demifſo deſcendat, qui tamen idem  
 Ille erit, a dextra qui ſit ſe ſponte movente,  
 Quamvis per medios annellos manet ad imos.  
 Quin ipſum hoc, ſeriem quod dico continuatam  
 Cauſarum a prima, dici ne forte rearis  
 Propterea, credas revera in rebus ut illas  
 Eſſe; licet videantur enim res ſæpe movere,  
 Haud tamen ut moveant, illis largita proſecto  
 Viſ ulla eſt; verum ſancitæ a Numine leges  
 Cum poſcunt motum, res quæque moventur ab Uno,  
 Quod primam dixi modo Cauſam; namque ita ſuêrunt  
 Dicere; cum certe non prima, ſed unica conſtet.  
 Quare opus eſt, caveas, Naturæ ne tibi nomen  
 Sit fraudi, ſuit ut multis, qui plurima rerum  
 Dum fieri in terris pariter cæloque tuentur,  
 Omnem vim rebus Naturam ſuppeditare, &  
 Omnia divino fieri ſine Numine rentur.  
 Uſque adeo ignaros abducit devius error.  
 Præterea ignotis cauſis quæcumque videntur  
 Incertiſque locis fieri nec tempore certo,  
 Quæ poſſunt quoque diverſa ratione geri res,  
 Fortunæ referunt. Quoties laudare ſecundam  
 Audivi Dites, & magnam dicere Divam  
 Marmoreis dignam templis & thure Sabæo.  
 Contra alii triſtes in eam convicia jaſtant  
 Sævam appellantes excordem e ſemine diro  
 Eumenidum. Veteres illam cecinere Poëtæ  
 Incertam vultu pedibuſque globosa prementem  
 Cumque ſuo ruitura volumina pondere, & orbes  
 Volventem ambiguos dextra lævaque rotarum,  
 Sæpe quidem multos opibus pollere docentes,  
 Ima qui nuper fuerant in plebe locati,

1070

1080.

1090

Et,

Et, modo qui magni Reges, vix jam ultima vitæ  
 Servare amissis aliis sibi; discere ut inde  
 Possint non opibus non illi fidere regnis, 1109  
 Ignotaque sati haud animum demittere terra;  
 Discere præterea, non hæc bona posse beatos  
 Efficere unquam homines, quæ puncto tempore possunt  
 Elabi, & vacuam potentis linquere dextram.  
 Illa eadem Assyriis quondam Pertisque relictis  
 Et leviter Macedum res pervolitavit & arma  
 Fertilis Ægypti, celerique citissima cursu  
 Regna peragravit Syriæ Boreamque nivalem  
 Argentesque Getas & Mauros sole perustos,  
 Et Latium Imperium provexit, & extulit alte 1110  
 Denique de magno ruituras culmine Vires.  
 Nec tandem positis usquam talaribus alas  
 Exuit, aut stabilem fixit mansura locum, quo  
 Exorata velit populis decedere nunquam.

Hæc licet egregie vulgo disposita ferantur,  
 A vera ratione tamen sunt usque remota.  
 Omnis enim Mundo, quæcumque inopina videtur  
 Forte tibi res accidere, haud unquam quit oriri,  
 Rem nisi præcedat sua causa; ideoque necesse est  
 Nil temere exoriat, & intereat; licet ipsi 1120  
 Nec quod principium quimus novisse sit ortus,  
 Nec quæ discidium pariat res, dissolvatque.

Illud in his iterumque tibi est iterumque cavendum;  
 Dum moneo, ne quid Fortunæ fortuitisque  
 Casibus attribuas, ne te in contraria vertas,  
 Et Fatum in rebus non evitabile Fatum  
 Protinus admittas; semper florentis Homeri  
 Ut Musa æternis exponit versibus edens.  
 Pelides Socios mortemque ulturus Amici,  
 Quem bello ereptum fleret noctesque diesque 1130  
 Insedabiliter, dum fertur in Hæctora magnum  
 Ære nitens supraque Viri caput arma coruscans,  
 Accepit longam dextra omnipotente sagittam  
 Juppiter & sancta Astræ præscripta secutus

Hinc

Hinc atque inde pari intervallo fata Virorum  
 Utraque suspendit visurus, quem velit illo  
 Tempore Parca mori: tua sed graviora fuere  
 Priamide infelix; Libitinæ in tristia regna  
 Lanx tua non alio librata a pondere mersa est:  
 Eripere extremi nec te contra ultima Fata 1140  
 Juppiter Omnipotens valuit de faucibus Orci,  
 Nec quotquot Trojam te Numina quotquot amârunt.  
 Quænam igitur Divis fuerit servata potestas,  
 Illos si supera Fatum est? cur magna vocentur  
 Numina, si multa invitis plerumque geruntur?

Hæc leviora: etenim manifesto tendere bello  
 Sæpe quidem multos videas in provida Mentis  
 Consilia æternæ, atque antiquo more Gigantum  
 Conari rerum Dominum exturbare potenti  
 E solio, rapere & mundi quas fleclit habenas; 1150  
 Scilicet ut vita sic liberiore fruantur  
 Impia Gens; tanta est scelerosæ audacia mentis:  
 Quod metuunt, tollunt Numen, longeve remotum  
 A nostris arcent rebus nil scire volens, ne  
 Infestet dolor aut æternam cura quietem,  
 Ac si, quod Summum est possit non omnia scire,  
 Aut summam res ulla queat turbare quietem:  
 Justitiamque nihil rentur, nisi nomen inane.  
 Quod si Justitia est, dicunt, si denique justus  
 Rector agit Mundum, & nostra hæc mortalia curat, 1160  
 Unde erit unde, adeo ut vivant impune Nocentes?  
 Nec pro justitia merces aut præmia dentur  
 Ulla Bonis? quin paupertas durique labores  
 Hos sæpe exagitent, contra felicibus annis  
 Exultent illi regnis auroque potiti?  
 Scilicet hiscælum contendunt impetere ausis.  
 At veniet tempus, cum expertem consilii vim  
 Discutiet Pater, atque æternum in Tartara mittens  
 Justitiam invitos coget regnare fateri.

Attamen id ne quid nostris rationibus obsit, 1170  
 Contemplator, uti bene provida cura Medentum

Si

Si noscat, quod pro morbi ratione modoque  
 Conveniens remedi genus, ut recreata valescant,  
 Corpora quæque velint, aliis dant pocula tetra  
 Absynthi, aut acri sævire in membra videntur  
 Præcincli ferro laniantes more ferarum;  
 At mites aliis succos dulcemque liquorem  
 Nectareum & latices mellis lactisque propinant:  
 Atque ea cura, etiam si posse valescere nullo  
 Quem videt auxilio, jactatum haud deserit Ægrum, 1180  
 Donec frigida mors languentes sopiat artus.  
 Sic quoque fac reputes hominum mortalia sæcla  
 Posse a suprema curari Numinis arte,  
 Dum vitæ celeres annos hic ducimus ægri;  
 Nam quis non animo morbis languente laborat?  
 Postquam autem functi vita frigentia terræ  
 Corpora liquerimus, tunc omnia denique reddi  
 Debent pro meritis, queis vita antea potita est.  
 Neu quis ab hac usquam rationum indagine possit  
 Evalisse loci, penitusque ex parte perire 1190  
 Omni Hominem dicat, nihil ut super illius extet;  
 Immortalem Animæ naturam simplicis esse  
 Nunc reddenda mihi est ratio: tu percipe dicta.

E parti naturam Animæ quacumque tuaris,  
 Nil illam, nisi rem quæ cogitat, esse videbis:  
 Nec recipit Mens posse aliud consistere Mentem;  
 Sive sit illa sciens etenim dubitansve volensve,  
 Oderit, optet, amet, metuat quoque, gaudeat, atque  
 Tristetur, semper tamen est, ut cogitet: illo  
 Tempore quapropter tantum, quo cogitat, extat 1200  
 Mens tibi, quandoquidem hæc Mentis natura reperta.

Sed quædam tibi forsan in his quærenda videntur  
 Rebus, uti penitus, quod dico, agnoscere possis.  
 Quæris, materno num clausus cogitet infans  
 In gremio, ætheriis aut nuper redditus oris.  
 Tum porro, quam fieri queat id ratione,  
 Ut nostri, & quod tum, vere si cogitat infans,  
 Mente volutatum est, nunquam meminisse queamus.

C

Ut



Ut primum in parvos dispoſti corporis artus  
 Vis Animæ ingreſſa eſt, ſubito jam cogitat infans: 1210  
 Sed quoniam propter novitatem corporis ejus  
 Et teneros artus & membra recentia ( ſenſus  
 Reſ extra facile ut poſſunt impellere ) ſemper  
 Rebus ab externis impellitur atque movetur,  
 Percita Mens illo motu impulſuque tenetur,  
 Nimirum ſemper ſentire coacta dolorem  
 Sive voluptatem vario pro corporis icſtu:  
 Propterea eſſe ſui compos, in ſeque redire,  
 Interdumque vacare ſibi nequit. Humida mollis  
 Porro materies veſtigia nulla cerebri 1220  
 Preſſa tenere valet, velut undæ inſcripta fluenti:  
 Proin noſtri rerumque, in parvo corpore quas tum  
 Geſſimus infantes, nunquam meminiffe valemus,  
 Atque illis vere ſine mente videmur in annis.  
 Eſt etiam Mens ſæpe Virûmquoque florida ut intus  
 Evaneſcere, & extra ſe videatur abire:  
 Et, cum vi concuſſa aliqua mox ſe ipſa recepit,  
 Conſcia nullarum rerum, quas volverit, illo  
 Nil egiffe recordetur ſe tempore, nullos  
 Sopito motus animo ſenſuſque fuiſſe. 1230  
 Id fit, ubi rerum multarum copia multa  
 Multimodis animo ſimul obverſatur oberrans,  
 Atque levi quævis impellit tenuiter icſtu;  
 Quamque nequit tum Mens proprio cognoscere ſenſu  
 Pro numero ingenti; neque menti ſingula præbent  
 Diſtinctam effigiem, poſſint advertere ut illam;  
 Sed confuſa videns ſimul omnia cernere ſeſe  
 Nil putat, atque ideo velut evaneſcit, abitque,  
 Ut queat intra ſe nil tum volviſſe videri.  
 Quapropter ratio eſt hæc ſemper vera, quod omni 1240  
 Tempore, quo Mens eſt in rebus, cogitet: & ni  
 Cogitet, exiſtens nulla ratione videri  
 Poſſit; quandoquidem hæc ejus natura reperta eſt.  
 Quod ſupereſt, corpus, quod ſupra diximus eſſe  
 Patribus extenſam multis rem per loca multa,  
 Quam-

Quamlibet exiguum nulla ratione profecto  
 Jam poterit simplex fieri Mens, atque Animam  
 Verti in naturam, & sic res quæ cogitat esse.  
 Namque quod extensum est, partes invertere, formam  
 Et variare situm, varios quoque reddere motus, 1250  
 Augeri minui scindi valet, adde alias res  
 His similes: at qua ratione & quousque secari  
 Debet, quos unquam motus dare, sequē figuras  
 In quas vertere, uti possit, quæ cogitat, esse  
 Mens, & notitia Veri potiatūr & Æqui,  
 Et Summum Pulchrumque intelligat, Ordinis atque  
 Justitiæ leges agnoscat, gaudeat illis,  
 Falli indignetur, flagret virtutis amore,  
 Sidera mensuris cælique coërceat orbes?  
 Adde alia ipse etiam, Mentis ratione geri quæ 1260  
 Cumque vides: non est ut possis credere non est  
 Possē eadem extenso peragi hæc a corpore, sic ut  
 Corporis atque animi natura sit una eademque.  
 Quare Mens non est corpus neque corporis ullus  
 Est modus, aut longe differre ab utroque fatendum.  
 Hinc tibi perspicuum est, grajo qui nomine Mentem  
 Harmoniam dicunt, procul usque per avia ferri  
 Diverfos: quid enim est habitus nisi corporis illa,  
 Partium ubi inter se nexarum consonat ordo?  
 At quocumque modo partes connectere pergas 1270  
 Corporeas, semper distare a Mente necesse est.  
 Non igitur, vivum corpus quia definit esse,  
 Æternos nec tale potest durare per annos,  
 Mens, erit, ut pariter finito tempore constet,  
 Et longo extingui tum demum debeat ævo.  
 Præterea mors est, seu cum revoluta perit res  
 In nihilum penitusque a nulla parte superstes;  
 Seu cum disjunctis inter se disque solutis  
 Partibus illius congressus disperit omnis,  
 Constitit unde aliquid jam totum: tertia mortis 1280  
 Nulla via est, At Mens quoniam est a corpore longe  
 Distans, extensam pariter non esse probatum est

Partibus aut ullis constantem compositamque.  
 Non igitur poterit corrumpi, dissoluique  
 A rerum plagis neque longo vincier ævo.  
 Dicere at, in nihili quod nostra redire profundum  
 Debeat exacto tandem Mens tempore vitæ,  
 Desipere est. Quid enim sic omni ex parte peremtam  
 Occidit usque adeo penitusque revertitur in nil  
 Rerum natura ex omni Summaque creata? 1290  
 Quod si Summa manet rerum omnis corporearum  
 Morte carens penitus, tanto magis inficiandum  
 Debere omnem Animæ naturam nobilioris  
 Deficere & penitus letho cessare peremtam.  
 Namque ea non alia posset ratione perire,  
 Quam si nunc Animam esse volens divina Potestas  
 Mutetur porro, & ne sit, velit, atque ideo Mens  
 Concidat in nihilum: sed supra ostendimus esse  
 Nos tibi quandoquidem per se immutabile Summum,  
 Certe erit haud unquam verisimile esse putandum 1300  
 Id summa voluisse Deum virtute creare,  
 Tempore post parvo quod dein dissolvere vellet.  
 Nos iterum atque iterum Mentem quapropter oportet  
 Æternamque putare immortalemque futuram.

Porro cur vitæ frustra felicitis amorem  
 Inferuit Natura animis nil provida nostris,  
 Cur Veri desiderium succendit inane,  
 Si ruit in nihilum vita privata futura  
 Mens votis frustrata suis? hic namque, quod optat,  
 Anxia quo ingenti trahitur dulcedine, Verum 1310  
 Invenit haud unquam; qua pleno flumine manat,  
 Attingit modice, & sitiens conviva recedit,  
 Nec pariter felix valet esse, ubi tempore parvo  
 Deficiet: quid enim felix, nisi constet in ævum?  
 Indidit hoc etiam nobis Natura, velimus  
 Semper ut æterna per terram vivere fama.  
 Nosne Deus semper Naturaque luderet istis,  
 Deberet penitus si extinguere morte sua Mens?

Præterea illa animis unde insita poena Nocentum,  
 Quæ

Quæ miseros, quamvis metuant hic nulla Potentes 1320  
 Supplicia, & luxu regali corpora curent,  
 Attramen heu miseros torquet noctesque diesque,  
 Unde erit? unde tibi mens conscia dissonet illi  
 Fortunæ, & veluti districtus pendeat entis  
 In caput, inter opes ea tetro angore laboret?  
 Nimirum quia nos agnoscere præque videre  
 Ipsa facit Natura, quid hæc post fata futuro  
 Pro vita antea facta cujusque paretur in ævo.  
 Adde Viros, sanctæ qui Religionis amore  
 Justitiæque truces iras odia improba sæpe 1330  
 Exhaustire Tyrannorum potuere ferendo  
 (Audaces solum hic, timidi sed cætera): tantum  
 Num foret angusto positum sub pectore robur,  
 Omnem deberent uno finire sub ictu  
 Si vitam, neque prospicerent, quid deinde merentes  
 Perpetuo maneat vitæ immortalis in ævo?  
 Denique nullus erit, vel in hac imponere tentet  
 Re tibi, cui lucro est Animam quoque morte resolvi,  
 Nullus erit, qui non Naturam vociferari  
 Audiat intus, uti, cum avulsa a corpore fatis 1340  
 Mens erit, æternum tum debeat ipsa manere.  
 Nec potuisset idem tacite omnibus insinuare  
 Usque tibi concors Natura, errore nisi omni,  
 Nimirum quod nos semper docet illa, careret.  
 Scilicet emissas nervo stridente sagittas  
 Unam si videas semper contingere ferro  
 Omnes rem, dubio procul esse fateberis illam  
 Erectam in signum, quo ferrum missile tendat.  
 At pueris, inquis, pariter cum corpore crescit  
 Mens, & ubi vires firmat robustior ætas, 1350  
 Consilii constans etiam illa animique vigore est:  
 Obtulis demum quassati ubi viribus artus  
 Jam cecidere senectutis sub mole labantes,  
 Deficit Ingenii vis, & Mens lapsa senescit:  
 Haudquaquam videas rationum id demere pondus,  
 Fœdere si tali Mentem cum corpore junctam

Agnoscas, tali consensu, sublit ut omne  
 Imperio Mentis corpus, motusque det illos,  
 Quos in membra Animæ velit exercere Potestas;  
 Inque vicem sit opus Mentem sentire valentes 1369  
 Corporeos ictus, & ad omnes evigilare  
 Illius impulsus, ut talia cogitet ipsa,  
 Qualibus afficitur conjunctum fœdere tali  
 Corpus ab externis plagis: ideoque vigenti  
 Corpore Mens vigeat, languenti langueat illo,  
 Inde fit, ut, vini cum venas vis penetravit  
 Acris, & ardorem per cunctos dididit artus,  
 Sanguine turbato turbetur vis animæ,  
 Claudicet ingenium, madeat mens, impediuntur  
 Notitiæ rerum cum libertate, neque ulla 1379  
 Denique vi sibi Mens constet, sed ad omnia præceps  
 Id facere impellat, fieri quod non pateretur  
 Incolumis, retegat secreta, nefandaque prodant;  
 Usque adeo vini vehemens violentia Mentem  
 Percutit interdum, brevis ut vesania fiat.  
 Hujus item rationis erit vesania jugis.  
 Adde gravis somnum lethargi, & cætera; quorum  
 Vis Animam & pariter corpus perturbat, ut acri  
 Jactentur pariter morbo, pariterque valescant,  
 Nimirum quia juncta suo cum corpore Mens est 1389  
 Illa lege, pati plagas ut corporis omnes  
 Debeat, & motus ejus sentire valentes.

Fœderis hanc legem, qua rerum discrepantes  
 Sunt inter se naturæ per mutua nexæ,  
 Corpus uti atque Anima est, sanxit Deus; unde habet omnes  
 Et sensus Anima, ipsa suos & corpora motus.

Sunt tamen hic, facili qui non ita tendere gressu  
 Sese posse putant, quo se purissima Veri  
 Ostendit Regio; sed sentibus omnia duris  
 Aspera confingunt, glomerantque per ardua gressus 1399  
 Difficiles, nimiumque vias scrutantur iniquas,  
 Qua vix sint aditus ulli: res plena laboris  
 Errare ambagesque sequi, res plena pericli est;

At

At contra pronum ac tutum decurrere recta.  
 Ergo hi non Animam jungi cum corpore rentur,  
 Non agere & fungi sese inter posse vicissim  
 Naturas tam dissimiles, sed quamque sine ullo  
 Alterius respectu, & opis nullius egentem  
 Per se, quidquid agit, facere, & sua munera tantum  
 Exercere, ut fert intus cujusque potestas; 1400  
 Dum vult nimirum, dum percipit ipsa sua vi  
 Mens intus, proprios educit & elicit actus  
 Ordine perpetuo nexos, quem nulla potest vis  
 Vertere; namque statu de primo, cum fuit orta,  
 Illicet exoritur ratio, cur deinde sequatur  
 Alter & hinc alter status ejus, & usque perennis  
 Illorum series certa ratione fluentum.  
 Quapropter nihil in Mentem de corpore migrat;  
 Nam si vel nullum corpus foret, haud minus illa  
 Omnia perciperet, quæ percipit, omnia vellet, 1410  
 Quæ nunc velle vides, naturæ nempe suæ vi.  
 Præterea humanum componunt talibus illi  
 Corpus principiis, ut cætera corpora quævis,  
 Ollis ut per se quædam vis insit agendi.  
 Ergo non alios motus fluere inde necesse est,  
 Verum quos tantum fluere inde videmus, eorum  
 Ut fert natura & contextus principiorum.  
 Scilicet in quovis ratio indita corpore quædam est,  
 Ex uno transire statu qua deinde per omnes  
 Ordine perpetuo se debeat excipientes. 1420  
 Quare cum nostro fiunt in corpore motus,  
 Ut cum oculos circum, seu crura manusve movemus,  
 Tantum corporea a natura educier illos  
 Est opus, ut fierent Anima quoque sponte sine ulla.  
 Haud Animæ est igitur quidquam, dum talia fiunt,  
 Quamvis ipsa velit tum crura manusve movere  
 Aut oculos; a se quia non hæc mutua pendent,  
 Sed simul existunt tantum, recteque vicissim  
 Respondent. Facile id fuit Olli, quem penes omnis  
 Rerum, quas fieri nil pugnat posse, Potestas 1430  
 C 4 Infini-

Infinitarum. Quapropter id eligit idem  
 E numero tanto, Menti quod consonet apte,  
 Corpus; ut hinc motus ejus videantur oriri  
 Mentis ab imperio, rerumque a corpore nasci  
 Notitiæ, & partem nostri se mutua quamque  
 Afficere inter se; cum nullum jungat easdem  
 Commerci genus & nullius fœdera legis.

Quæ cum audis, licet in multis male tuta videri  
 Hæc possit ratio atque incerto pondere nutans,  
 Illa tamen vehementer ob id suspecta necesse est 1440  
 Sit tibi, quod tanto fuerit quæsitæ labore  
 Tam procul, & tantos per flexus ducta per orbis,  
 Ut se ipsa impediat facile, involvatque tenebris.  
 Nempe hic ingenium prius admireris & artem,  
 Ullam quam retegat speciem aut vestigia Veri,  
 Cujus forma quidem simplex se lumine prodit  
 Ipsa suo, quoties visum convertimus illuc.

Ergo harum Inventor rationum plurima profert,  
 Hoc genus, ostenditque suæ par mentis acumen  
 Omnibus in rebus; seu cum probat omnia certis 1450  
 Corpora principiis componi, quæ tamen ullas  
 Non habeant partes, natura at simplice consent,  
 Unde fluunt, quæcumque cluent in corpore quovis  
 Officia, atque illis, qua fiant singula, agendi  
 Esse potestatem quandam, sed cuique suam, ne  
 Sint prorsus paria, at varie discreta vicissim,  
 Ut numeri, inter se; varias componere possint  
 Ut rerum formas, neque possint incolumi re  
 Permutari, & eundem in ea servare vigorem:  
 Seu probat ille etiam, hæc magni cur machina mundi 1460  
 Non melior, quam sit, queat esse; educere Numen  
 Nempe aliam si tum potuisset, pulchrior ista  
 Quæ foret, hanc ipsam, abjecta meliore, quid esset,  
 Cur legeret? neque enim Ratio secus ulla videtur  
 Esse, ut sufficiat: metiri hac omnia debent,  
 Hæc illi ad Verum via, & hinc certissima rerum  
 Argumenta petit; reddi hac tum denique retur

Pervia

Pervia quæque suæ divina humanaque menti, &  
Quæcumque in mundo constant, quæcumque vel extra.

Sed jam digressum paulum in mea claustra necesse est 1470

Me recipi. Ergo inter corpusque Animamque vicissim  
Fœdera sunt, ut jam docui, quibus uniter aptæ  
Res tam dissimiles consistunt; pacta nec illis  
Sunt ea; sed, cujus nequeant vim solvere, legem  
Hanc primo accepere a Numine, quod magis arte  
Jūnxit utramque, lapis lapidi quam jungitur ullus.  
Tantum nam lapidem lapidis pars extrema tangit  
Parte sui extrema tangentem, cum tamen extra  
Corporis alterius molemque locumque sit alter.  
Ast ulla in vivo nusquam est pars corpore, Menti 1480  
Quæ non jungatur; quoniam quacumque ciebis  
Corpus parte, novo subito Mens percita sensu  
Et percussa, illam plagarum corporis ad vim  
Vertit se, multumque agitata a parte tenetur:  
Idque alia longe ratione, ac sæpe tuentur  
Rectores fractum puppis latus, illa minaci  
Turbine si dudum quassata & fluctibus atris  
Hiscat aquas sorbens, seu cursu naufraga cæcas  
Incidat in Syrtes, scopuloque hærescat acuto:  
Experietur enim tum sensum Nauta doloris 1490  
Illi dissimilem, proprium cum vulnere corpus  
Percussum est, & sanguis aperto exundat hiatu.

Præterea quoque scire licet, quod vivida pars est  
Corporis, ad sensum proin & magis apta ciendum,  
Sive voluptatis sensus sit sive doloris,  
Quæ fibrisque magis constat nervisque referta.  
Ac veluti arborei de trunco & stipite rami  
Proveniunt, sic & de humenti tota cerebro  
Copia nervorum partes in corporis omnes  
Diffusa est, longoque extenditur undique nexu 1500  
Infima conjungens summis animæque fovens vi.  
Nam si de cerebro in certam commercia partem  
Impediantur, opus, non sensu polleat ullo  
Pars, erit, ac si sit præcisa a corpore toto.

Qua-



Quapropter liquido deprendis, vita quod omnis  
 Corporis & sensus fons omnis principiumque  
 In parvo capitis media regione cerebro  
 Infit; proinde magis Mens illa parte tenetur:  
 Sentit, & externos impulsus excipit illic,  
 Illinc, quos libuit, motum dispertit in artus. 1510  
 Quare Animæ est sedes cerebrum, a quo sensus in omne  
 Defertur corpus diffusis undique nervis.

Quapropter jam multa vides communia habere  
 Inter se Mentem corpusque, ut cernere lucem est,  
 Tangere, odorari, atque cibos gustare palato,  
 Et sonitus audire: tamen discrimen id extat,  
 Illa omnem sensum quod possidet intus eorum,  
 Perque oculos aures linguam naresque manusque  
 Gustat, odoratur, videt, & contingit, & audit;  
 At corpus sensu caret omni, & non alia re 1520  
 Fungitur, in variis varie quam partibus ictum  
 Quod moveat varie quoque Mentem, quæ varianti  
 Percipit idcirco sensu, quæcumque lacescunt.  
 Nam si mente! movens quædam penitusque revolvens  
 Magnopere intendas animum, nil cernere eorum,  
 Quæ posita ante oculos tibi erunt, nil tangere circum,  
 Non audire leves sonitus non murmura vulgi,  
 Denique nil tibi tum sentire videberis, aures  
 Quamvis excipiant sonitus, rerumque coloret  
 Lux oculos, manibus quamvis obstantia tangas, 1530  
 Idcirco quia non illis est percita rebus  
 Mens, ad quam sensus, quicumque est, pertinet omnis.

Ejus item rationis erunt timor ira voluptas  
 Et genus hoc aliz res, quæ corpusque animamque  
 Afficiunt una, ut possint utriusque vocari.  
 Illa etiam rerum retinentia, quodque valemus  
 Esse diu memores, poterit commune videri.  
 Omnia quæ mihi qua fiant ratione modoque,  
 Cum res poscet, erit clarandum. Plurima vero  
 Expers corporeo per se gerit auxiliatu 1540  
 Vis Animæ intra se, nam per se intelligit, & vult.  
 Vult,

Vult, & amat summum, quo felix possit adepto  
Esse, Bonum, sequiturque suum, quem condita propter  
Est, Finem, atque ultro sequitur, sed amare necesse est.  
Prætereaque, ut amet seseque suumque, necesse est,  
Esse; sine his quoniam finem non possit apisci  
Illum, ubi summa Boni ratio est, quod oportet amare.  
His contraria item rationem propter eandem  
Debes, non possit quod non odisse, fateri:  
Nam tum summa mali ratio est, cum distat ab omni 1550  
Quid penitus regione Boni, summeque remotum est.  
At quod se mediis interfērit intervallis  
Hinc atque hinc, neque sic rationes oppositorum  
Attingit, totum videatur ut unius esse  
Extremi alterius saltem sine particula, illud  
Nolendi contraque volendi erit usque potestas,  
Pulchro appellamus quam nomine Libertatem,  
Mentis & Arbitrium; cujus sibi conscia Mens est  
Talibus in rebus, quas summi utriusque locatas  
Inter distantes metas bene novimus esse, 1560  
Cum volumus quid eorum, opus est, ratione velimus,  
Qua bona sunt; contra, cum quid procul averſamur,  
Ad mala respicimus. Sed qui sit denique rectus  
Arbitrii circa res isto de genere usus,  
Supremo tibi posterius sermone probabo.  
Hoc modo dum teneas, Animæ quod motus in illud,  
Quod summum est plenumque Bonum, sit nostra Voluntas,  
Qui veluti cessare nequit, sic velle necesse est  
Semper; at hunc varie nimirum inflectere nobis  
Posse datum est, varias atque in res irrequietum 1570  
Dirigere, ut libuit: nimirum hæc infinita vis est.  
Hinc Animam agnosces rarsæ non esse tabellæ,  
Ut dicunt, similem, quæ nullam gestet ab ortu  
Impressam rerum speciem, nullamque receptet  
Notitiam sensu sine corporis, unde figuret  
In varias porro se formas. Scilicet ipsa  
Multa etiam per se sine corporis auxiliatu  
Novit, jam prima signavit origine quorum

Illam

Illam notitiis, illam qui condidit, Auctor.  
 Principio, (quis enim lateat se?) quæ sua, novit, 1580  
 Sit natura tibi per se manifesta; neque ullis,  
 Quam tibi sit, præsens magis & magis intima rebus  
 Esse potest; ideo specierum hic corporearum  
 Non eget auxilio: tum porro novit & illa,  
 Quorum in se formas habet, e quibus omnis aperte  
 Notitia exorta est; atque hac ab origine rebus  
 Nomina dat, quæ si numeris atque ordine consent,  
 Non alia Pulchras poterit ratione vocare,  
 Quam quod convenient Formæ, quam continet in se.  
 Quid sit item Verum, cognosceret unde? nisi intus 1590  
 Secum ortam Veri speciem cohiberet, ut illa  
 Notitias inter se jungat convenientes;  
 Contra, quæ nequeant bene consentire, resolvat.  
 Omnia corporea quæ non in imagine fiunt  
 Per sensus; quoniam neque sunt extensa neque ulla  
 Prædita corporea forma motuve, sonanti  
 Nec sunt natura neque lucis tincta colore  
 Duraque: ut hinc possis comprehendere plurima mente  
 Cognosci sensum licet haud transmissa per ullum.  
 Notitiæ Sui quoque non signaverit, illam 1600  
 Qui formis rerum ditavit pluribus, Auctor?  
 Quiq; sua, fecit, videantur ut omnia luce,  
 Ipsam non dederit Mens lucem ut cernere possit?  
 Proinde potest etiam naturam agnoscere Summi.  
 Non tamen hinc credas posse id comprehendere Mentem.  
 Non secus ac, quæ sit triquetra aut quadrata figura  
 Sive rotunda, tenent omnes, clareque scientes  
 Percipiunt; sed non omnes, quid quamque sequatur  
 Naturam, agnoscunt, (esse hoc comprehendere dico)  
 Ex infinitis, possunt quæ ad quamque referri, 1610  
 Quæque fluunt de natura cujusque: sed horum  
 Plurima Menses quamvis non omnia dicunt;  
 Non igitur penitus comprehendunt: proptereaque  
 Noscere multa, licet non sint comprehensa, valemus.  
 Non erit ut summi naturam Numinis ergo

Mens

Mens non scire queat: quamvis comprehendier ipsum  
 Mente sua evaleat tantum, cui scena capaces  
 Ante oculos Summi patefacta est funditus omnis.

At nos Naturam tantum cognoscimus illam.

Est adeo præsens Animæ Deus, ut neque possit 1620  
 Extra ipsum penitus Mens vivere nostra neque esse.

Scilicet ille suo circum ambit lumine totam  
 Collustrans, densasque infusa luce tenebras.

Ejicit, & Veri fontem dat origine prima

Omnis se Veri fontem reperire volenti

Quærentique Animæ. Nescit Lux illa latere,

Ingrediturque volens, & aquarum divitis instar

Fluminis exundans oculos rigat, implet apertos.

Atque utinam altius eventos audacia felix

In Solem hunc oculos converteret, unde fluentes 1630

Exciperent radios & puræ fulgura lucis,

Nec sic noctis amans & prona jaceret humi Mens;

Quæ quia corporeæ est inclusa in carcere molis,

Nocte tenetur in hac ultro, sequiturque tenebras,

Et magis atque magis loca caligantia quærit

Indupedita suo cæcarum errore viarum.

Infelix! cæli interea neque suspicere audet

Templa serena, neque illius vim sustinet almæ

Lucis sueta inopem trahere in caligine vitam.

At non cum primo naturam conderet ejus, 1640

Affimilemque sibi Numen puramque crearet,

Et magis atque magis quæ supra corporis omnem

Naturam excellat, tam dura lege putandum est

Illam corporeis voluisse involvere vinclis;

At Dominæ voluit famulari corpus & omnes

Corporeos ultro motus parere jubenti.

Namque ea justitiæ vis est, is debitus ordo,

Ut quod naturam est sortitum nobiliorem,

Prælit, sublit item melioribus omne, quod infra est.

Quapropter quoniam non tali lege creatam 1650

Dicere fas, quid jam superest, nisi solvere pœnas,

Dicendum, quas proinde aliquod scelus esse secutas

Est

Est opus? at nullum potuit scelus esse, nisi omni  
 Parte recusarit sese illa, ut postulat æquum,  
 Subjicere Auctori: quæ sic violaverat ergo  
 Sanctas justitiæ leges æternaque jura,  
 Par erat, ut meritis damnata a legibus isdem  
 Perfolvat pœnas; nimirum ut nostra potenti  
 Ausa fuit Mens a Domino desciscere velle,  
 Sentiat ipsa sua sic a ratione rebelles  
 Corporeos motus, neque iis dominetur ut ante.

1690

Scilicet antiquæ luimus contagia culpæ.  
 Primorum hoc Hominum tum mundi in origine crimen  
 Heu! fuit, unde omnes nato corpore creti  
 Nascimur. Hi sortem vitæ tenuere beatam;  
 Integra adhuc dum nostra fuit natura sub ortu,  
 Libera tunc Animi regnabat in omne potestas  
 Corpus, & hoc totis parebat partibus uni,  
 Fibræque nervique atque edita claustrâ cerebri  
 Et tenuis puri vapor almus sanguinis omnis  
 Nil inconsulta tentabat Mente, neque ullos  
 Non mandante Anima motus dabat, extera quâvis  
 Multimodo rerum facies impelleret ictu  
 Corpus, ut hinc sensu posset variante moveri  
 Mens intus, si vellet, & hinc sentire dolorem  
 Sive voluptatem pro plaga & frigora & æstum,  
 Omnia quæ nullo vitabat libera nisi  
 Usque adeo, nil ut plagis aut ictibus ullis  
 Divinæ posset vel paulum Lucis ab haustu  
 Lucis inocciduae turbatam avertere Mentem.  
 Propterea tum plena fuit Pax plenaque Pacis  
 Gaudia; Seditio Discordiâ Bella Tumultus  
 Tum neque nomina erant neque in ullis cognita rebus.  
 Felices! donec, scelus o! tetigere proterva  
 Poma manu, Pater ex omni quæ veris honore,  
 Scilicet ut possent aliqua parere, vetabat  
 Multa minatus. Ab hac prima tunc labe repente est  
 Perpetuum corrupta omnis Natura, suoque  
 Concidit e decore: hinc prorsus versa omnia retro  
 Ilicet,

1670

1680

Ilicet, omnia mutata confusa figura. 1960  
Tum primum Mens corporeo se carcere sensit  
Invitam includi, nec jam dominarier intus  
Omni Reginam imperio, velut ante, potentem;  
Erepta prope sed jam libertate triumpho  
Captivam indecori trahier plerumque, rebelles  
Cum Dominam invadunt vi multa immanibus ausis  
Corporei motus, oriturque miserrima contra  
Seditio & bellum magno turbante tumultu.  
Iam nunc illius vitæ sortisque beatæ  
Heu! neque reliquæ superant: quin ipsa vetustas 1700  
Invidit seris dilecta Nepotibus arva  
Elysi antiqui; fines disjecit, & altos  
Confudit campis montes & vallibus agros.  
Ipsam etiam Fontem, mediis qui maximus arvis  
Ingentes quatuor diversis partibus amnes  
Telluris magno e gremio atque undantibus antris  
Fundebar ditem stringentes gurgite terram,  
Abrupit: prisca cessere ab origine longe  
Discreti inter se fluvii & capita altera aquarum  
Sortiti. Euxinas propior jam Phasis in undas 1710  
Volvitur irrumpens, atque auri dives Araxes  
Divitias jam non ab eodem fonte receptas  
Desert se Hyrcanum evolvens devexus in æquor:  
Jam caput Euphratis nascenti a Tigride longo  
Terrarum spatio discluditur; undique magnis  
Exinde errantes huc illuc flexibus ambo,  
Tandem haud immemores veteris sese inter amoris  
Junguntur cursu extremo, sociantque fluentes  
Undas dein uno properantes effluere alveo. 1719

## LIBER SECUNDUS.



UAVE peregrinas Gentes atque extera Regna  
Trans mare trans montes mutato visere cælo,  
Egregiasque Urbes lustrando atque Oppida  
multa  
Et monumenta Virûm & Populorum ediscere  
mores.

Suave etiam, quibus hæc visendi externa potestas.  
Deficit, ex fastis Veterumque annalibus omnes  
Transactæ ætatis res noscere gestaue Regum  
Bella & fortunas & quis datus exitus armis.  
Sed nil suavius est, humili quam assurgere terra  
Altius in cælum, nullaue a parte tenere 10  
Interclusum Animum, qui libertate sua se  
Undique victor agat, totumque feratur in Orbem,  
Imaque summaue & in medio quæ pōsta revolvat,  
Atque alium intra se similem comprehendere Mundum.  
Possit, eumque pari hoc exemplar grande secutus  
In partes ratione suas disponere pergat.  
Præstat enim longe divinam Numinis artem  
Scire tibi, quam quid transacti temporis ævo  
Induperatores magni fecisse ferantur  
Sive Virûm validis cum millibus atque Elephantis 20  
Fluctibus in mediis belli, seu pace vacantes.  
Nam cum suspicimus rutilantia fidere multo  
Templa super Solisque vias Lunamque meantem,  
Et venit in mentem caesarum atque ordinis hujus,  
Omnia tum, vulgus plausu quæcumque secundo  
Excipit, evictos Populos diffusa per Orbem  
Imperia & Regum vires titulosque Potentum  
Marmoreas etiam moles laqueataque tecta,  
Hæc, inquam, nihilo tunc sunt miranda magis, quam  
Quæ Pueri peragunt ludentes, ædificantque. 30  
Præsertim cum nos æternæ munere Mentis,  
Qua genus omne caret pecudum, ditârit amicum  
Numen,

Numen, quid facere hic pro tali denique oportet  
 Natura? num divitiis certare parandis  
 Noctes atque dies? infestumne ambitionis  
 Luctari per iter potius, quam exordia rerum  
 Dispicere & causas, qua quid ratione geratur,  
 Et lustrare plagas Mundi, & deferrier illuc,  
 Unde gradus summam ad Naturam pervius extat?

Nunc age, quo pacto Summā totius Omne  
 Digestum, & qua hujus possint ratione videri  
 Connexæ partes inter sese atque locatæ,  
 Ut sic astrorum concursus tempora motus  
 Annorumque vices tempestatumque reduci  
 Ad proprias valeant causas, atque omnia conslent,  
 Expediam: tamen ante tibi memorare juvabit  
 Quædam, quæ cunctis præmitti postulat ordo:  
 Nimirum, quoniam naturam corporis esse  
 Diximus extensam, quæ restant, percipe porro.

Et primo triplicem mensuram poscere corpus;  
 Nam triplici extensum quodvis ratione necesse est,  
 Scilicet in longum & latum atque excurrit in altum.  
 Quare ubicumque triplex fuerit mensura, fatendum est  
 Corpus id esse, licet minimum; velut haud minus aer  
 Illud erit, parva possis quod claudere testa,  
 Quam quod in immenso circum diffunditur orbe.

Nec magis extensum est corpus, cum rarius extat;  
 Rarius est etenim, laxata foramina cum plus  
 Aëris accipiunt, & plus disjuncta recedunt:  
 Densius at contra fit, cum minus intus apertum  
 Contraxitque vias, aurarumque expulit extra  
 Naturam: proin corpus idem conservat eandem  
 In se materiem, semperque intrinsecus æqua  
 Mensura extendi rarum densumve necesse est,  
 Namque eadem ejusdem mensura est materiai.  
 Id tibi ut exemplo confirmem; spongia multa  
 Plena tumescat aqua; quamvis majoribus illa  
 Extendi tum forte locis videatur eo, quod  
 Lympha recepta intus juncta intervalla relaxat;

D

At



At præter spatium, liquido quod corpore lymphæ 70  
 Obtinet, extendi paribus loca, ut ante, videbis,  
 Spongia quæ replet, mensuris: propterea  
 Non tibi majus erit corpus, cum rarius extat,  
 Nec minus extensum, cum laxa foramina junxit.

Corporis & spatii porro sunt nomina quanquam  
 Diverſo distincta ſono, tamen una utriusque  
 Est natura, utrumque ſuis quia partibus eſſe  
 Extensum pariter ſenſuque & mente videmus.  
 Quod magis ut liquidum fiat, facilisque ſequatur  
 Hæc mea dicta fides, rem ſic oſtendere pergam 80  
 Exemplo lapidis: fac, ut illi mente rigorem  
 Demas; corpus erit tum molle, ut mollia multa  
 Corpora ſunt: ullo porro ſine ſinge colore;  
 Corpus adhuc remanebit, ut undæ corpus & ær:  
 Dehinc ſine pondere cum demta gravitate recenſe;  
 Corporeamne minus tum, quam levis ignis, habebit  
 Naturam? frigus quoque tolle, & tolle calorem,  
 Atque alia e genere hoc, ſine queis permulta videmus  
 Mutata haudquaquam natura corpora dici.  
 Quid demum lapide ex illo remanere fatendum? 90  
 Quid? niſi quod ſpatium eſt, metiri quod valeamus.  
 Et quia adhuc corpus compellimur eſſe ſateri,  
 Propterea ſpatii natura & corporis una eſt.

Proinde videre licet non mixtum rebus inane;  
 Nam foret extensum, ſpatio quod convenit atque  
 Corporeæ pariter naturæ: ergo omnia plena.  
 Si porro nihilum eſt illud, quod inane vocamus,  
 Nec valet extendi nihilum (nil convenit illi);  
 Quandoquidem nuſquam, qui non extenditur aptus  
 Menſuris, locus eſt, nuſquam reperitur inane. 100  
 Neve putes clauſum vas omni corpore poſſe  
 Intus inaniri ſpatio tamen intercepto;  
 Nam ſi, quidquid id eſt, inter latera intima tollas,  
 Nil tum proinde, quod interſit, ſuperare neceſſe eſt,  
 Propterea ſpatio quoque, quod ſuit ante, vacabit.  
 Quapropter laterum coeuntēs undique collæ

Jun.

Jungentur, quoniam medium nihil esse videtur.  
 Nos tamen arbitrio vulgi persæpe vocamus  
 Illud inane, quod est sine re, quam debet habere:  
 Æquor uti vacuum est, cum nullo pisce natatur, 110  
 Aut Navis, si merce vacat; non plenior illa  
 Quanquam est, Eois intus si pressa laboret  
 Divitiis, quam si levis extet pervia vento:  
 Nam neque durities neque pondus corpora reddunt  
 Augmine majori, sed cum majoribus ipsa  
 Sunt extensa locis, spatiumque capacius extat,  
 Quod semper sibi par in navi constat eadem:  
 Semper propterea plena est, neque plenior unquam.

Quod si forte aliquis non omnia plena reatur,  
 Corpora quandoquidem sine inani posse moveri 120  
 Non videt, a vera quantum ratione recedat,  
 Accipe. Progrediens quæ pes loca liquit, in illa  
 Confluit extemplo atque in eodem tempore pulsus  
 Aër, qui motum pariter suscepit eundem  
 Cum pede; & id tali fieri ratione videtur.  
 Aëra propellit motus pes anteriorem;  
 Ille alium præ se trudit, pariterque propinquum  
 Alter hic; & motu per plures continuato  
 Non recta sed circuitu celerantibus auris,  
 Fiet, uti moveatur & aër, posteriorem 130  
 Qui tangit, sequiturque pedem, sed tempore eodem.  
 Haud secus ac gyros intra se ferreus orbis  
 Cum peragit, pars una locum quem linquit, eundem  
 Protinus altera succedens pars obtinet ipso  
 Tempore. Quapropter sine inani corpora possunt  
 Ire suos varie in motus, semperque cieri.  
 Sic mare per vitreum possunt procedere pisces,  
 Et mutare locum circum refluentibus undis,  
 Qua liquidas fecere vias; sint omnia quamvis  
 Plena, neque idcirco privandum est corpora motu. 140

Illud in his rebus mihi ne contendere pergas,  
 Corporis ullius non sic potuisse coire  
 Implexas partes inter se, unaque teneri,

Quin sint intermixta foramina multa viæque  
 Exiguæ quamvis rerum concedere, nec mea proinde  
 Sponte tibi hoc possum concedere, nec mea proinde  
 Victa labat ratio, supera neque dicta vacillant:  
 Intervalla etenim multo subtilior aura  
 Ingressa est, repletque vias cujusque figuræ  
 Multimodis varians: fieri quod posse patebit, 150  
 Si tibi firmâro, quod non videatur habere  
 Ullum corporibus fineni Natura secandis.

Nonne, quod extensum est, (ut corporis esse probavi  
 Jam tibi naturam) ratio cujusque receptat  
 I'osse suas scindi in partes, quas debet habere?  
 Um quoque eas partes, longe tenuissima quamvis  
 Corpora sint, quis posse secari in bina negabit?  
 Inde alias aliasque pari ratione videbis  
 Frangi posse; etenim mediæ pars partis habebit  
 Dimidiam partem, neque mens præniat ulla. 160

Utque animo hæc possint facile insinuarier, audi,  
 Subjiciat nostris quoque quam subtilia multa  
 Sensibus, & quo res tenuet, quo dividat usque  
 Ante oculos Natura, vel illius Ars imitatrix.  
 Principio flavos Bombycum fila labores  
 Inspice, contineant quam parvo, si glomerentur,  
 Se contracta loco; cum quæ vix unius æquant  
 Grani pondus( eo metimur parvula ), possint  
 Pene quater centum distendier exque plicari  
 Longa pedes; totque ipsa habeant, queis nostra minores 170  
 Cernere non valeant oculorum lumina, partes,  
 Ut vicies centum ad millenas perveniatur,  
 Nequaquam exhaustis numerandum restet & ultra.

Par auri quoque pondus( erit quod proinde videnti  
 Mole perexigua ) tam longum ducere possunt  
 In filum Artifices tenuando, ut denique passus  
 Plusquam centum æquet, stadio & prope congruat uni:  
 Conspiciuæque in eo quot erunt, tum conjice, partes,  
 Vel quot erunt, gracili argenti si inducta cylindro  
 Bractea sit fulvi, quod circum contegat, auri: 180  
 Atque

Atque ille interea per decreſcentia multa  
 Ærea tranſmiſſus perſæpe foramina magna  
 Ægre vi tandem ( neque enim perrumpitur ) uſque  
 Diducatur eo, tenui ut non craſſior extet,  
 Plurimus exornat Juvenum qui colla, capillo.  
 Non minus ipſum etenim ſuprà diſtenditur aurum,  
 Continuoque ſuo nec vanefcente coloris  
 Cortice candentem tegit involvitque medullam.  
 Scilicet hoc aurum phrygio deducere ritu  
 Per varios flexus non ceſſavere Puellæ 190  
 Arte in Arachnæ præſtantes, dum ſibi peplum  
 Circum oras fulvo decorant pallamque nitore,  
 Munera live aris laturæ corde prementes  
 Vota verecundo & tacita orantes prece Divos.  
 Aureus in tela Leo pellucente refulget,  
 Per cælum volat extenſis Avis aurea pennis,  
 Plurimus in pratis circum flos aureus exit.  
 Pingitur interdum quoque furtim languidulum cor,  
 Nimirum teneri percuffum cuſpide Amoris,  
 Quod Juveni mittant blanda inter verba cupito. 200  
 Tum genus hoc ſalis eſt, pauxillum quamlibet ejus  
 Ut pondus ſub aquas, amplo quæ vaſe tenentur,  
 Immiſſum ſolvatur, in omnia diſque trahatur  
 Paulatim huc illuc intus loca, quaſlibet undæ  
 Particulas certo contingens undique fuco;  
 Quandoquidem nulla eſt tenuiſſima guttula, poſſit,  
 Si bene pervideas, quæ non fucata videri;  
 Quæ non proinde ſalis corpuſcula multa receptet.  
 Præterea piper humectum ſi vitrea ſerves  
 Septa per, ut faciunt, noſtros qui cernere gaudent 210  
 Quæ ſunt infra oculos, animantum effervere ſæcla  
 Aſpicias, minimum genus horum ut craſſius extet  
 Si ſe mille etiam vicibus, vix æquet arenæ  
 Exiguæ molem: ſtabulari millia multa  
 Cuſpide acus tenuis valeant ſuper, & dare ſaltus  
 Huc illuc varios lati velut æquore campi.  
 Horum jam quid erunt venæ, quid ſanguis & oſſa,  
 D 3 Quid

Quid nervi fibræque, quid intima claustra cerebri?

Deinde & particulas his adde prope innumerales,  
In quos (nec mora non aliqua est) abit unda, vaporum, 220  
Unda licet perparva cavo conclusa metallo,  
Quod calefactum igni gracili vomit ore strepentem  
Alituum vim, quæ loca per diffunditur ampla  
Aëris, & tenuis confit nubecula circum.

Adjice & immensas nocturna a lampade partes  
Quæ saliunt cum luce, leves abeuntque per auras  
Perpetuo fluctu, parvo ut vix tempore possit  
Cera liquens flamma abrasa & tenuata videri,  
Et tota lucis vim nocte per atria jactet.  
Nonne vides etiam, cum thura adolemus ad aras, 230  
Late per templi laquearia perque columnas  
Perque tholum fundi fumos, & odora revolvi  
Nubila per populum, cujus se millia in æde  
Stipant, & portis prodire patentibus extra?

Denique perpetuum quod odorem e corpore fundit,  
Succus uti florum & multarum expressus ad ignem  
Herbarum, molles & quæ servantur ad usus  
Unguenta, & patulas infesta ac tristia nares  
Quæ tetro midore gravique offendere possunt;  
Sæpe ut solvantur languentia membra, suisque 240  
Mens etiam sopita labasciat sedibus intus,  
Illo & præcipue Mulier percussa recumbat  
Pallida, & e manibus teneris opus effluat olli;  
Perpetuos, inquam, quod odorum emittere fluctus  
Sentimus, spatiisque ingentibus omnia circum  
Replere, & multos quoque non cessare per annos,  
Ponderis amittit minimam vix denique partem,  
Ut vel inexhausti scateat fons largus odoris.

His aliisque tuum permultis de genere horum  
Exemplis animum ad rationes flectere nostras 250  
Possim, ne finem in rebus se attingere speret.  
Non tamen hinc ausim de partibus infinitis  
Corpora vel parvo vel magno quælibet auctu  
Constare, atque in eas quoque solvi posse docere.

Quis

Quis temere hoc, Superi, non audeat? Icarisſque  
 Conſiſus pennis non alte corruat impar?  
 Quandoquidem Mentis longe finita poteſtas,  
 Infinitorum quæ ſit natura, quibuſque  
 Conveniat, ſi ſcire audax & quærere tentet;  
 Haud minus infano vexabitur acta furore, 260  
 Quam qui ſublata cælum contingere dextra,  
 Aut totum ſe poſſe putet ſimul omnibus undis,  
 Quantus iſ eſt, late Oceanum exhaurire bibendo.  
 Non ideo tamen eſt frangendæ ut reddere finem  
 Poſſis materiæ, minimas neque fingere partes  
 In rebus ſolida conſtantes ſimplicitate,  
 Unde ſibi avelli quidquam Natura reclamet.  
 Proinde nec eſt credas immixtum ut rebus inane,  
 Omnia ne variis plena undique motibus obſtent.

Namque in Natura motum quis perneget eſſe? 270  
 Qui ſi non eſſet, ſtarent mare flumina venti,  
 Ipſaque iners Natura quieſceret, & genitali  
 Haudquidquam cœtu rerum ſœcunda crearet  
 Principio; quidquam neque porro augere creatum  
 Poſſet: quæ fieri manifeſtum eſt; plurimæ quando  
 In ſumma rerum naſcuntur, & edita creſcunt.  
 Vere novo Tellus herbarum vivida mater  
 Profert res teneras, gremioque educit in auras,  
 Aptaque, uti creſcant, paulatim alimenta miniſtrat.  
 Quare nonne vides Naturæ multa moveri 280  
 Eſſe opus omnino? ſine motu ingloria ſtaret.

At porro motus ſit, ubi vicina relinquens,  
 Quæque quiera manent, ſingive quiera valerent,  
 Corpus finitimas tranſmittitur in regiones  
 Corporis alterius. Non uno ſæpius una  
 Res eſt in motu: veluti cum Nauta cavatam  
 Impiger hac illac puppim ſuperambulat, atque hæc  
 Interea vada ſalta ruit, ſpumasque relinquens  
 Præcipitanter aquis volat alite percita vento;  
 Tum motu licet ille ſuo per tranſtra feratur, 290  
 Puppis fertur item motu, perque æquora currit.

Verior ille tamen motus, quo Nauta per altam  
 Progreditur puppin; nam, si confidat acerna  
 Projectus tabulata super, somnumque capeſſat,  
 Dum tamen & cælum permutat & æquora navis,  
 Expertem motu dicemus; puppis eaſdem  
 Quod partes reſpectat, & æque diſtat ab illis.

Nec motum per ſe, quod primo in carmine veſta  
 Oſtendi ratione, poteſt tibi corpus habere.  
 Et quem jam Deus, hoc mundi cum conderet Omne,<sup>300</sup>  
 Materiæ impreſſit motum, conſervat eadem  
 Menſura in rebus; quidquam non deperit ejus  
 Scilicet e ſumma, non ullo creſcit adauctu.  
 Corpore pro vario quanquam variare videtur;  
 Ocyor in parvo fit enim, fit tardior idem,  
 Cum diſpertitur per magnum corporis augmen:  
 Omnis poſcit enim ratio, ut divina Potestas,  
 Quam ſupera oſtenſum eſt eſſe immutabile Summum,  
 Quem motum primo tum rerum effecit in ortu,  
 Legibus haudquaquam mutatis ſervet eundem.<sup>310</sup>

Haſ mihi nunc leges, quæ ſint, par dicere verſu,  
 Non alio, quam quem ſimplex Natura repoſcit.  
 Eſt ſuus in rebus decor omnibus & ſua virtus;  
 Nec, ſi parva nequit magnis contendere Cycnis  
 Voce ſua Philomela, minor tamen inde voluptas,  
 Dum canit, incuſſas ſilvarum commovet umbras:  
 Nec mihi Parrhaſium Latii nemus, Arcadicoque  
 Tuni de colle minus Paſtorum docta Corona  
 Concinet, & plauſu vires animumque fovebit.  
 Legibus hiſ certe conſtat Natura; nec illa<sup>320</sup>  
 Eſt aliud, quædam legum quam viſque vigorque,  
 Quas primo in rebus ſanxit Deus, edita ut ortus  
 Viſere quæque ſuos poſſint, ſervarier aucta,  
 Poſſit & in Summa certus conſiſtere ut ordo.

Prima tibi ante alias eſto lex; ſemper eadem  
 Corpoream naturam omnem ratione neceſſe eſt;  
 Qua ſemel extiterit, perſtare; nec excidere illa  
 Per ſe unquam externis niſi cauſis victa valebit.

Proinde

Proinde, quod immotum est, corpus servabit eundem,  
 Sic poscit Natura, statum, immotumque manebit, 330  
 Ut nunquam per se queat incipere ire repente  
 Externa sine vi : contra si forte moveri  
 Incipiat semel, amissa mutare quiete  
 Haud poterit, donec sistat vis externa, motum.  
 Quare seu corpus moveatur, sive quiescat,  
 Ejus semper iners per se natura videtur.

Sed quia nos cœco circumstat corpore, in omne  
 Porrectus cælum, qui motibus officit, æther;  
 Et facit, ut deorsum se corpora quæque volutent,  
 Quæ sistuntur, ubi in terram venere ruendo; 340  
 Propterea fit, uti videantur quæque moveri  
 Ingenitum sese sistendi propter amorem;  
 Natura rebus quem dicunt insinuatam,  
 Quo placidam inveniant motu cessante quietem :  
 Nec causa fluere ex alia de montibus altis  
 Eruptos amnes, quos largis imbribus augent  
 Nubila rupta, nivesque tepenti vere solutæ,  
 Dum late infestant campos, stragemque propagant  
 Impete silvisfrago; magnis ita viribus acti  
 In placidam properare videntur sponte quietem. 350  
 Quod procul a vera quam sit ratione repulsum,  
 Percipe. Tranquillæ res est opposita quieti  
 Motus, proinde nequit fieri ejus propter amorem;  
 Nec res ulla sui valet in contraria ferri.  
 Præterea cur missa arcu stridente sagitta  
 Evolat, & longe nervoque manuque relicta  
 Aëra scindit adhuc pennis, oculosque fatigat?  
 Nimirum quia missa semel servaret eandem  
 Motus vim, & nunquam, si nil obstaret eunti,  
 Desineret ferri, quo tum manus impete jecit. 360  
 Non minus ad motum quapropter, nec magis apta  
 Corpora ad ignavam finxit Natura quietem.

Altera Naturæ lex est, ne materiali  
 Pars quævis, cum mota cietur, debeat unquam  
 A recto per se deflectere tramite cursus;

Quan-



Quandoquidem simplex longe via recta brevisque est:  
Gaudet enim brevibus simplex Natura, geritque  
Per compendia res, ubi non est pluribus usus.

Obliquo porro cum tramite mota feruntur  
Corpora, continuis extrinsecus in diversa 370  
A rerum debent deflecti offensibus, atque  
A latere impelli, ut cursu decedere semper  
A recto possint, & iter signare recurvum.

Quod si nulla foris res esset, causaque motum  
Obliquans, quo cœpit, eo procurreret usque  
Materies; quæ cur partem se vertat in hanc, quam  
Adversam potius, nil intus habere videtur:  
Quare opus est, teneat medium, rectaque feratur,  
Si nihil obfit, & in diversum cogat abire.

Neve meis quidquam possis diffidere dictis, 380  
Tutemet acceptam circum aures tempora circum  
Fundam volve manu; lapis ipse feretur in orbem,  
Obliquumque sequetur iter, tamen usque repugnans,  
Vimque reluctantis sentit manus; ocyus illa  
Et quo circumagit fundam, vim fortior augeat.

Laxata fac deinde patefcat liber habena  
Exitus; e funda tum protinus effluet ima  
Erumpens, quo vis illum impulit ultima dextræ;  
Nec post in gyrum sed recta concitus ibit.  
Quapropter, quantum est in se, Natura meatum 390  
Rebus largita est recta regione viai;  
Corpora nec per se possunt obliqua meare.

Denique postremam Naturæ percipe legem.  
Corpus in alterius si corporis incidat augmen,  
Tantum illi subito motus impertiet ictu,  
Quantum hujus sibi perdet: in æs lignumve rotundum  
Ut globus incurrit cum ferreus, ilicet æri  
Aut ligno partem motus largitur eandem,  
Ipso quam motus partem sibi decutit ictu;  
Semper enim motus summam cum servet eandem 400  
Numen, uti docui: corpus non posse necesse est  
Partem aliquam ipsius deperdere, totam alienum

Quam

Quam non in corpus transmittat; diminui nam  
 Effet opus quid de summa, quæ condita primo est.  
 Nec contra incipient tibi protinus ulla moveri  
 Corpora, tantundem quin perdant altera motus;  
 Nam secus illius manifestum est crescere summam.  
 Attamen hæc semper, quamvis sit, vera videri  
 Non erit ut possit ratio: sunt multa profecto  
 Naturæ hic nobis speciem quæ sæpe videndæ  
 Præcludunt, gravitas velut ætheriæque potestas  
 Materiæ, qua cuncta vigent, obstacula densi  
 Aëris, & quæ post ictum retillire repente  
 Corpora vis cogit, capere & diversa viarum:  
 Scilicet efficiunt non hac ut lege soluta  
 Corpora sint, verum ne nos possimus eandem  
 Interdum in vario rerum deprendere motu.

His bene firmatis jam rebus, scire necesse est  
 Te memorem quas ante alias, ut postulat ordo;  
 Namque aliis, quæ mox dicendæ cumque supersunt, 420  
 Rebus iter sternunt, & vim rationibus addunt;  
 Nunc locus est late per cælum & sidera ferri,  
 Multorum ut ratio, peragi quæcumque videmus  
 Astra per & terras & mundi concava, constet.  
 Dum tamen in magni partes discurremus orbis,  
 Naturam ante oculos, quæ condidit omnia, summam  
 Semper habe interea, & nunquam obliviscere primam  
 Hanc Causam summeque bonam summeque potentem:  
 Ne quam mox fraudem metuas, dum magna videbis  
 Magna & pulchra nimis, quæ illius condita rerum 430  
 Sunt opera; quoniam & magnis majora videri  
 Hac poterunt ratione: quia illa condita constant  
 A Causa, longe quam debes posse fateri  
 Quid majus, quam nos pertingere mente queamus.

Quapropter ne te in promissis plura moremur,  
 Principio Solem & Terram Lunamque tuere:  
 Quæ nobis quanquam tria corpora magna videntur,  
 Attamen haud aliis, quæ ferri cumque tuemur  
 Per cælum, debes ideo majora fateri

Side-

Sideribus, quamvis hæc longe tenuia nobis 440  
 Parvaque demonstrent oculi : namque impare possunt  
 Mensura a terris distantia parva videri,  
 Quæ majora aliis multo sunt, magnaque contra,  
 Corpore quæ minimo constant; ut monte super quem  
 Conspicias si forte Virum procul ipse remotus,  
 Non illum Pueris te coram adstantibus ausis  
 Conferre & tenui constantem dicere mole;  
 Quanquam oculi & Pueris tibi monstrant esse minorem.  
 Quare vestiganda tibi est distantia primum,  
 Quæ sit ea a nobis ad sidera; quæ quia valde 450  
 Ad Lunam brevis est, neque cætera mole videtur  
 Luna sua tantum superare, exceditur ipsa  
 Quantum in mensuris spatiorum; nonne necesse est  
 Exiguam esse inter cælestia corpora Lunam?  
 Terrarumque globum superantis corpora Lunæ  
 Comperies ratione pari multo esse minorem  
 Sole, minorem aliis, verum non omnibus astris.

Protinus inter se quo distent ordine nosce.  
 Et primo Maja Geniti quod dicitur astrum  
 Nomine, Phœbeos vicinior aspicit ignes, 460  
 Quam Venus; illa minus te, Mars, a Sole recedit;  
 Juppiter at spatio distat majore; sed ipso  
 Longe Saturni est a Sole remotius astrum.  
 Quam colimus, Tellus Veneris Martisque locata est  
 Inter circuitus : at quæ sunt plurima toto  
 Præterea cælo, quæ sidera fixa vocamus,  
 Quam distent, ullis non est comprehendere cuiquam  
 Mensuris : quoniam, quam distent corpora, pacto  
 Noscimus haud alio, quam si regionibus illa  
 Terræ e diversis pariter spectata videri 470  
 Diversa ratione queant; ut tempore eodem  
 Cum tuimur sed non ab eodem littore puppim  
 Per mare labentem, mihi fors respondet ad Austrum,  
 Fors eadem Eoas tibi visa refertur ad oras :  
 Proin notum spatium, quod nos interjacet, illi,  
 Quo ratis a nobis distat, conferre licebit.

Ve-

Verum e disjunctis sed eodem tempore terris  
 Sidera conspiciamus si fixa, haud illa videre  
 Possumus aspectus varia ratione; neque ullis  
 Propterea potis es notis conferre locorum 480  
 Mensuris spatium, quo scilicet illa recedunt.  
 Ipsum quapropter Terræ corpus ab ortu  
 Littus ad occiduum quam longe extenditur, omne  
 Si tibi fidereis procul aspiceretur ab oris,  
 Aut nihil aut tenui puncto par esse videres.  
 Non igitur poteris tam parvo a corpore Terræ  
 Metiri spatium, quo astrorum scena recessit.  
 Et quis proinde vetet, fallique redarguat, illa  
 Pene infinitis spatiis disjuncta recesse?

Proin quoque quis dubitet Solem, si desuper altis 490  
 Longe a Sideribus spectetur, luce videndum  
 Obtusa, neque majori fore lumine forsan,  
 Sidera quam a nobis ea quo rutilare videntur.  
 Et quia nunc Solem propria quis fulgere luce  
 Haud neget ( unde etenim tam largi luminis illum  
 Acciperet fontem, quo terras aëra pontum  
 Irrigat, ut nunquam fulgoris deficiat vis<sup>2</sup> )  
 Sic etiam immenso quæ sidera plurima distant  
 A nobis spatio, tenui majora videri  
 Cum nequeant puncto, propria si luce carerent, 500  
 Languida reflexæ transmittere lumina lucis  
 Non possent tam longa per intervalla viarum:  
 At quoniam vivis tremere ignibus aspiciuntur,  
 Scintillantque, suæ credamus origine lucis  
 Gaudere, & propriæ fulgorem emittere flammæ;  
 A nobis ut si, quantum Sol, omnia abessent,  
 Per cælum totidem Soles, quot nocte videmus  
 Sidera, perpetua rutilarent undique luce.

Propterea vero scintillant alta tremuntque  
 Sidera ( præsertim venti si magna serenam 510  
 Vis agitet noctem ), quod concita multa per auras  
 Corpora, quæ tellus exhalat nostra, vaporum,  
 Objecta tenui quantumvis mole, nitentes

Pau-

Paulum intercipient, interceptosque repente  
 Restituant radios & puræ fulgura lucis:  
 Atque ita nos inter, cælumque fluentia fluctu  
 Perpetuo tremuli, faciunt, videantur ut ignes,  
 Qui late toto dispergunt lumina cælo,  
 Scilicet hinc clara constat ratione probatum  
 Sidera non tenui puncto majora videri.

520

At quia tantum illa Lunam fulgere tuemur,  
 Qua Solem de parte videt, fateare, necesse est,  
 Esse Nothon; propriam neque enim de corpore lucem  
 Jactat, at objecto susceptam a Sole remittit.  
 Præterea multæ Lunæ in corpore quid sunt  
 Nigrae maculae? nisi magnæ corpus in ejus  
 Projectæ hinc illinc umbræ; nam collibus illam  
 Extantem multis & montibus esse putandum est:  
 Proinde illam aduersa Solis de parte necesse est  
 Projicere in valles magnis de montibus umbras. 530  
 His accedit, uti vario quoque corpore constet,  
 Scilicet & terra & lapidum gravitate vel undis;  
 Quæ partes vario pro textu dissimilique  
 Non una ratione valent non viribus æquis  
 Ad nos Phœbeæ radios reflectere lucis:  
 Quare hi languidius contingere, fortius illi  
 Irruere in terram visumque laceffere nostrum:  
 Hinc intermixtas tuimur fulgoribus umbras.

Assimili ratione licet pulcherrima toto  
 Se cælo ostendat Venus, & profundat amica 540  
 Lumina, non propria sed Solis luce superbit:  
 Quandoquidem ipsa etiam per cælum, ut Cynthia, flexis  
 Cornibus incedit persæpe, & candida tantum  
 Illa parte nitet, Solis qua conspicit Orbem.  
 Hesperus est, sequitur cum Solem nocte ruente,  
 Vertit in occiduas & lucem fulgida metas:  
 Phosphorus at contra pariter Solemque diemque  
 Luce sua præcurrit, eamque obvertit Eoas,  
 Ex illa quia Sol parti convestit, ad oras.  
 Hac ratione etiam Mars Mercuriusque videntur 550

Fulge-

Fulgere phœbeo, quod cernunt, lumine tantum.  
 Saturnique Jovisque globum quoque vestit eodem  
 Lumine, quo Lunam, radiisque micantibus ornat  
 Sol medium; neque enim opposita de parte coruscant.  
 Corpora quandoquidem, quæ circa vertier illos  
 Post referam, opposita Soli cum parte feruntur,  
 Amissa penitus conduntur luce; quod ulla  
 Non fieret ratione, nisi Astrum umbraret opaca  
 Mole sui, quare propria non luce coruscat.

Denique confimili cur non ratione putemus, 56a  
 Quandoquidem solida est radiisque impervia Tellus,  
 Ipsa quod & lucem revomat, semperque micantem  
 Clara sit ad Solem, suaque illi dona remittat?  
 Idque tibi ex ipsa cæli ratione valebo  
 Confirmare: prope est Soli cum Luna, sui que  
 Plus quam dimidia cum cæca est parte, videbis  
 Illa parte quidem conspersam lumine tenui;  
 Quod certe a Terra super infiluisse fatendum est:  
 Namque ea paulatim lux deficere incipit, ut se,  
 Qua clara est, removet Tellus: quapropter opinor, 57a  
 Desuper a Lunæ si Terram corpore spectes,  
 Tum fore, in Astrorum numerum referenda repente  
 Ut videatur, uti Lunam quoque dicimus Astrum.

Porro scire licet, quod sidera fixa vocamus  
 Propterea, quia cæli hærentia semper eadem  
 In regione simul volvi cernuntur in orbem  
 Inter se nunquam variantibus intervallis.  
 At contra vaga sunt, cæloque errare feruntur,  
 Sese inter quæ nempe situm mutare videntur,  
 Et nunquam spatiis æque distare locisque. 58a  
 Nunc ea quæ consent, & quo correpta cieri  
 Per cælum motu possint, age texere pergam.  
 Et veluti placidum cum stat mare, multa que circum  
 Navigia apparent, si puppi Navita ab una  
 Mutatis alias spatiis innare locisque  
 Prospiciens advertat, erit, cur hæreat anceps,  
 Scilicet hocne ratum motus concinnet earum,

Quas

Quas longe auctas pelago videt? an sua puppis  
 Illabens tacito tranquilla per æquora curſu  
 Efficiat, videatur ut hæc variantia longe 590  
 Inter eas, ſpatiis quæ fors retinentur in iſdem?  
 Sic cum ſuſpicimus vaga magno ſidera cælo  
 Inter ſe mutare vias confuſaque ferri,  
 Hæſere ambiguo rationum pondere mentem  
 Eſt opus, hæc quonam fiat variantia motu?

Propterea, cælo fieri qua ſingula conſtet,  
 Uſus erat rationem aliquam reperire: neque illa  
 Credendum tamen eſt nobis quod condita rerum  
 Summa ſit hæc: quiſenim temere id non crederet audax,  
 Ex infinitis rationibus & mage pulchris 600  
 Et mage naturam ad rerum facientibus harum,  
 Quas Deus æterna conceptas Mente gerebat  
 Omnipotens, quod in hanc tandem conceſſerit unam  
 Præ reliquis longe melioribus & magis aptis?  
 Mi ſat erit, quod & hac arcana reſolvere poſſim,  
 Quæ ſupera in cælo mirantes ſæpe videmus:  
 Illam propterea recipi evolviſque neceſſe eſt,  
 Donec quæ melior labenti prodeat ævo.  
 Multa tulere anni, quæ prima ætate latebant;  
 Multa ferent ſecum venientes: nec fuit ante, 610  
 Quæ regat errantes ventofa per æquora puppes,  
 Ferrea Cuspis, ut eſt longo poſt tempore tandem  
 Inventa ingenti mortalibus emolumento.

At neque præterita neque noſtra ætate repertum eſt,  
 Herculeas ultra metas ſine littore magnum  
 Audax Oceanum qui navigat, ut queat undis  
 In mediis certa ratione agnoſcere, quantum  
 Littore ab heſperio proceſſerit, inſtabiliſque  
 Qua ſit parte viæ deſunctus, quæque ſuperſit.  
 Forſan & hæc ventura aliis mox deteget ætas. 620

Quare age, & intenta jam percipe mente, quod inſtat.  
 Principio Solem propria qui luce coruſcat,  
 Ut ſupera oſtenſum eſt, noſtræ fac ut eſſe rearis  
 Aſſimilem flammæ, quæ vi motuque agitatur

Uſque

Usque adeo vehementer, ut omni fortior extet  
 Corpore mobiliorque; ita magna percita motus  
 Vi, quæcumque furens contingit, concremat atque  
 Diffuit, aut secum violento turbine raptat,  
 Quamvis condensa restantia conciliatu.  
 Sic quoque Sol fluido atque agitato corpore constet, 630  
 Ut, quæ circumstant secumque, ardore furenti  
 Transferat, atque illo cæli rotet impete partes;  
 Sed tamen ipse manens una in statione quiescat,  
 Nec loca permutet variis regionibus errans;  
 Signa velut cælum rutilant quæ fixa per altum.

Debet materies proporro fluvida cæli  
 Esse; etenim solida si constant omnia mole,  
 Quæ supra tuimur cæli in regione patere,  
 Qua ratione queant palantia sidera ferri?  
 Num cuneis debent & acuta cuspide præ se 640  
 Rumpere iter? semperque via luctarier arcta?  
 Ne tamen hanc ob rem penitus per inania ferri  
 Astra putes, liquidis permixtum aut rebus inane:  
 Nam, præter spatium quod ab omni exclusimus omnem  
 Naturam vacui, & pugnare ostendimus ante,  
 Si sit inane super, queis possit viribus astra,  
 Quæ vaga sunt, circa Solem oblustantia ferre?  
 Quare etiam atque etiam fluidum est cælum omne liquensq;  
 Et penitus pleno quoque corpore constet, oportet;  
 Ut, quia commotum est, & Solis circuit Astrum, 650  
 Vi transferre sua solidissima corpora possit  
 Secum in circuitum, raptareque turbine eodem.

Propterea Tellus (quia non est funibus ullis  
 Suspensa aut subter solidis innixa columnis,  
 Debeat ut constans una in statione per ævum  
 Omne manere; sed aurarum tenuissima circum  
 Vis omni pariter cingit de parte, suisque  
 Perfluidum hoc cælum conjunctam amplexibus ambit)  
 Debet ab illius circumferri impete, & una  
 Immotam lustrare moventis lampada Solis. 660  
 Non tamen hic agitare loco scelus esse rearis

11

E

Tellu-



Tellurem, Vestamque sua e statione movere,  
 Propterea, quod in hoc quid mundo fiat eorum,  
 Non doceo, at fieri quid possit, ut omnia consent.  
 Deinde quod immotam nihilo-minus esse fateri  
 Possumus, immotam quam sit fateare necessum  
 Esse ratem nullo religatam ad littora morsu,  
 Quam neque propellant venti, neque palmula ponto  
 Trudat in æquoreis hærentem partibus istem;  
 Unda licet tacito secum illam deferat æstu. 67

Astra quoque errando sese quæ multa volutant  
 Per cælum varie, liquidissimus æris æstus  
 Vortice corripit rapido, circumque revolvat,  
 Orbibus ut medium repetitis versâ coronent  
 Solem; qui rapide quoniam movet omnia circum,  
 Nonne vides opus esse, ut quæ pars ætheris illi  
 Est vicina magis, properantior exagitetur,  
 Contra tarda meet, longumque absumat eundo  
 Tempus, quæ cæli pars est a Sole remota?  
 Quod genus interdum est in aquis deprendere; nam cum 68  
 In sese contorta furentes vorticis æstus  
 Flumina concinnant, ramorum pondera parva  
 Festuæ paleæque leves rapiuntur in orbem,  
 Quæ magis accedunt, citius, quæ vortice contra  
 Longius a medio distant, sinuare videbis  
 Se magnum in gyrum, sed longæ segnius ibunt:  
 Evanescere enim paulatim turbinis hujus,  
 Et spatio imminui vires fateamur, oportet.  
 Proptereaque gravem finxere senilibus annis  
 Saturnum, quia cum Solem procul usque remotus 69  
 Aspiciat, magno sese semel orbe volutat  
 Segniter expletis triginta scilicet annis:  
 Bis senas hiemes peragit sed Juppiter uno  
 Circuitu, geminas citior Mars: nostra propinquit  
 Terra magis, Solemque uno circumspicit anno:  
 At multo propior quod sit, quam Terra, peragrat  
 Mensibus octonis cursus sed turbine multo  
 Flaccidiore Venus, quam quo Cyllenius errat

In

In gyrum ; tribus hujus iter nam mentibus æquēs.  
 Omnia ab occasu per magnos ætheris orbes, 700  
 Sed per inæquales hæc astra feruntur in ortum.

Præterea hic, ut hoc in magno vortice Solis  
 Saturni minor atque Jovis Terræque feratur  
 Vortex: in magno veluti nam turbine aquarum  
 Conspicias ferri circum perſepe minores ;  
 Sic licet immoti volvatur ab impete Solis  
 Saturnus, tamen ille pari ratione volutat  
 Circa ſe quinos aſtrorum conditus orbes:  
 Juppiter at quatuor circumvehit, ocyus illos,  
 Quos ſe propter habet; tarde, qui longius abſunt. 710

- Hæc quoque ſunt ſolida conſtantia ſidera mole;  
 Nec propriam jaçant lucem, ſed Sole receptant.  
 Hanc opus eſt valde tenuem jaſtariæ ad nos;  
 Nam nudis oculis illa uſurpare nequimus:  
 Priſca proinde Viros omnes ætate latebant:  
 Donec per vitreos tandem conſpecta tuborum  
 Anſractus: vidit primum Vir gentis Hetruſcæ:  
 Inclitus ille novis nova finxit nomina ſtellis.  
 Haud ullo tantum ſe Tuſcia tollit Alumno:  
 Namque hic multa bene & divinitus inveniendō 720  
 Rerum notiſias prægrandibus incrementis  
 Auxit, quæ æternis monumentis inſita florent.

Præterea ipſius ſpeciem variare notatum eſt  
 Saturni; viſus modo namque rotundus, & idem  
 Se modo in oblongum ſectebat lucidus orbem;  
 Nunc veluti geminis excurrentibus aurbus ibat  
 Hinc anſatus & hinc: quod quare appareat, audi.  
 Illum ingens medium quidam circum annulus ambiſcit  
 Sat latus craſſuſque parum: qua propter, ut aſtrum  
 Nobis ſe varia de parte obvertit, oportet 730  
 Multiplici variare ſuam ratione figuram:  
 Nam ſubtile latus ſi verterit annulus ad nos,  
 Quod noſtri nequeant oculi uſurpare, rotundum  
 Apparebit, ut eſt, Saturni corpus: ubi idem  
 Nobis poſt faciem paulatim oſtendere latam

Cœperit; auritum primo, tum deinde videri  
 Oblongum debebit, eo sed latius ipsum,  
 Quo minus obliqua ratione tuebimur, Astrum.  
 Scilicet hic etiam levibus suspensus in auris  
 Annulus abripitur Saturni a vortice eodem,  
 Quo ferri quinos Astrorum diximus orbes.

740

Tertius est Terræ vortex, quo Luna sui se  
 Circuitus per iter convertit concita Terræ  
 Turbine terdenis prope circum rapta diebus,  
 Scilicet assequitur queis Solem abrepta manentem.  
 Multaque præterea, quæ nos ignota lateſcunt,  
 Fors correpta suo circumfert vortice Tellus  
 Corpora: Saturnum pariter fors plura Jovemque  
 Circumeunt, quam quæ vix demum prodita constant:  
 Forſitan & Martem quoque Mercuriumque coronant 750  
 Et Venerem quædam, quæ nondum detegit ulla  
 Arte valens oculus; quoniam vel tenue reflectunt  
 Lumen, vel parva nequeunt pro mole videri.  
 Utque rapit circum medius fervore suo Sol  
 Astra movens, & fors notis quoque plura; quid obſtat,  
 Sidera quin pariter, quæ fixa vocavimus alte  
 (Quandoquidem propria fulgentia luce videri  
 Tot poſſunt Soles) aſtrorum corpore multo  
 Ambiri in medio licet ipſa immota putemus?

Præterea Terræ corpus, quod Luna peragrans  
 Semper habet medium, circa ſe turbinis huius  
 Præcipitanter agit viſ major, ut acta rotatu  
 Orbem Terra ſuum ſenis quater expleat horis.  
 Nonne vides, cum planitiem ſuper aſſeris æquam  
 Forte globis Socios inter colludis eburnis,  
 Projeſti geminis ut agantur motibus illi:  
 Partim tranſite eunt recto, partimque voluti  
 Se circa multos peragunt ſuper æquore gyros.  
 Haud aliter gemina Tellus ratione duos ſe  
 Volvit per motus, dum Solis circuit ignes  
 Alterius vi rapta, ſuoque in vorticis aſtu  
 Dum fertur ſeſe verſata volutaque circum.

760

770

Inde

Inde tibi, advertas paulum, constare videbis  
 Sic nos Annorum sic tempora posse Dierum  
 Metiri: fit namque Dies, dum se pila Terræ  
 Toto se circa molis glomeramine volvitur;  
 Atque ita ab occasu dum se convertit ad ortum  
 In Solem, illius jam lumine tincta, necesse est,  
 Dimidia sit parte sui, pars obruta nocte  
 Altera, quæ radios subtracta reliquit: at Annus  
 Uno in circuitu sit Terræ, quo vaga Solem  
 Omni ex parte videt bis senis mentibus actis.

780

Hic age, cur Solis radiis modo plena nitere,  
 Nunc minui, penitus nunc lumine cassa videri  
 Luna queat, dicam. Fieri hæc rere omnia tantum  
 In speciem; quoniam cursu cum cæca silenti  
 Progreditur, fratrique suo conjuncta videtur,  
 Illam Solem inter Terramque meare necesse est  
 Tempore eo: minuit prorsus quapropter & aufert  
 Luciferam nobis partem, quæ candida Phœbum  
 Aspicit; ast ejus quantum decedit ab orbe,  
 In speciem tanto majori lumine crescit:  
 Namque minutatim partem, quam possumus ipsi  
 Aspicere, ad Solis convertit lampada, lucem  
 Unde haurit; donec pleno bene lumine fulsit;  
 Ut facit, igniferum cum Solem adversa tuetur  
 Exorientsque cadentem, & nocte argentea tota  
 Fertur agens currus lucentes æmula Solis.

790

Cur tamen interdum vultum improvisa micantem  
 Umbra tegat Lunæ, cur fontem luminis ipsum  
 Deficere innubi cernamus in æthere Solem,  
 Reddere quam possim rationem, pauca necesse est  
 Jam firmare prius, quæ tu prænoscere possis.  
 Propterea attentas aures animumque reposco.

800

Si Solis media situs in regione manentis  
 Te circum Terræ spectares corpus oberrans,  
 Hoc bisseña viam signare per astra notares,  
 Ad speciem per quæ nobis Sol ire videtur.  
 Et, quæ sint ea Signa, canam, quæ terra peragrat.

E 3

Pri-

Primus inauratis Aries se cornibus effert 810  
 Sidere conspersus multo, quo vellus & altum  
 Collucet caput. Hoc Athamantis Filia ponto  
 Non bene vecta dedit nomen, queis concidit, undis.  
 Fecerat ipse suo celebrem tum Colchidis oram  
 Vellere, quod sacris Divum pendebat ab aris;  
 Ut tali excierit pretio tot robora pubis  
 Argœ, quot prima per æquor vexerat Argo:  
 Scilicet ut veteres Grajùm cecinere Poëtæ.  
 Insequitur Tauri, quod dicunt nomine, Signum;  
 Ignes per nares & frontem & tempora fulgent. 820  
 Excipitis Taurum Ledæ pulcherrima quondam  
 Pignora, vexatis at tunc gratissima Nautis  
 Sidera, vos inter pedibus manibusque revinctis.  
 Post hæc Oëtipedis collucent brachia Cancri  
 In supra cæli statione. Micantia porro  
 Exerit ora Leo, caudamque retorquet: at illum  
 Virgineæ vestes & Virginis ora sequuntur  
 Erigones, patriam quæ cædem propter, ut ajunt,  
 Alte glandifera suspenderat arbore sese:  
 Sed pietis Divum justum miserata dolorem 830  
 Transtulit in cælum nomenque habitumque Puellæ.  
 Pendula Libra subit: chelisque sequentibus ardens  
 Scorpius attollit caudam: tergoque refulget  
 Semivir Hæmonii Dux quondam fidus Achillis.  
 Herculis hic dum tela Senex squalentia tractat  
 Excidit incauto, & lævo est pede fixa sagitta.  
 Ingemuit Chiron; non lectæ collibus herbæ  
 Proficiunt; superat Lernæ virus Echidnæ;  
 Exanimem excepit cælum. Mox Ægocerotis  
 Aurea, mox geminis resplendent sidera rivis; 840  
 Deinde loci subeunt Pitæces, extremaque claudunt.  
 Quare per cælum, qua late extenditur ingens  
 Signiferi via circuitus, a turbine Solis  
 Rapta suum tibi iter poterit fecisse videri  
 Terra( quia hac medio properantem e Sole videres  
 Teipetuo); neque enim parti declinat ab ulla;

Annua

Annua sed cælo contundens tempora circum  
 Unquam Signiferi planum non deserit orbis.  
 Cætera, quæ vaga sunt, deflectunt sidera paulum  
 Hinc atque hinc. Cursus simili ratione videmus 850  
 Lunam agere obliquos; modo ab Austro truditur errans  
 Brumales longe ad flexus, vicibusque recurrit  
 Æstiferam in partem gelidis Aquilonis ab oris.  
 Dum tamen interea citraque ultraque per orbem  
 It, redit, in geminis magnum oppositisque necesse est  
 Luna locis Terræ secet orbem, quo via flectit  
 Signiferi se circum, & iter bis transeat illud.  
 Hæc loca bina vocant nodos hi, qui loca cæli  
 Omnia nominibus certis signisque notârunt.

Hæc bene cognita si teneas, per te ipse valebis 860  
 Defectus Lunæ & Solis cognoscere causam.

Nam si tempore eo, Soli quo Luna propinquo  
 Juncta meat, nobisque illam, quæ luce refulget,  
 Eripuit partem, vultuque averfa decoro est;  
 Si procul a nodis, inquam, illo tempore flectat  
 Cynthia iter, claro Terram secludere fratris  
 Lumine non poterit, nec amicam avertere lucem.  
 Quod si per nodum tum transeat aut prope, Solis  
 Occurret radiis ardentibus officietque,

Ne transire queant in Terram, corpore opaco. 870

Propterea tibi Sol dimittere languidus ignes  
 Parte aliqua ardoris lucisque orbisque minutus,  
 Seu plane extincto mœrere videbitur orbe;  
 Protinus ut nigram cum multo sidere noctem  
 Interdum referat; nocturnæ erumpere visæ  
 Tum latebris volucres, in nidos ire diurnæ,  
 Vel subita jam percussæ caligine noctis  
 Decidere in terram; Pastores, territa turba,  
 Tum neque pasta domum neque pota armenta referre.

Annulus interdum lucis pro Sole videtur, 880

Si minimum a nobis distet Sol, atque ita major  
 Illius species ad sensus accidat orbis,  
 Cynthia si contra, quantum pote, dimoveatur

A Terra cælum bigis inuenta per altum;  
 Nam nequeat totum breviori corpore Solem  
 Obtegere in nodis, quin circum luceat ora.

Cum vero penitus se Luna a Sole removit,  
 Jamque parat totam nobis convertere lucem,  
 Longe a Signifero si qua de parte meatu  
 Declinet, nunquam radiis spoliata latebit. 890  
 Sed contingat eo si nodum tempore, eundem  
 Vel prope versetur, Tellus quam projicit, umbram  
 Incidit in longam, quæ totam obnubit, ab una  
 Vel parti faciem delibat prætereuntis.  
 Nani tibi tum Solemque inter Lunamque, necesse est,  
 Terra sit; hujus item, quia opaco corpore constat,  
 Parte ex adversa Solis protensa per illam  
 Umbra cadat cæli regionem, qua meat Orbis  
 Lunæ tempore eo; quare perlabitur umbras.  
 Et quoniam ipsa suo non fulgit Luna nitore, 900  
 Sed radiis Solis, quos aspicit, interrumpi  
 Tunc opus est Solis radios lumenque profusum;  
 Ora ibit mæstis ideo suffusa tenebris.

Scilicet hinc nivei tractam Endymionis amore  
 (Turpe!) Deam dicunt post Latmia saxa latere:  
 Scilicet & phrygios Curetas semivirosque  
 Diæis memorant Corybantes montibus( orbem  
 Cum plenum inciperet ferrugine condere nigra  
 Deficiens) magnum miseratos esse laborem:  
 Propter enim magici vim carminis esse putabant 910  
 Contactam subito tenebris ægreque ferentem  
 Deduci in terram & rhombum parere moventi.  
 Concava propterea certatim tympana palmis  
 Pulsabant omnes, atque æribus æra ciebant  
 Terrifico sonitu, possit qui vincere cantus.  
 Ne moveant Lunam auditi, cæloque refigant.  
 Has tamen errorum nubes jam cognita rerum  
 Causa resolvit, & ex animi ratione repellit.  
 Quod si eadem nostra quoque nos ætate lateret,  
 Forsitan insanam( quis contra spondeat Auctor?) 920

Nos

Nos quoque stultitiam victi sequeremur eorum,  
 Illud idem, vel, quod moveat magis, esse putantes :  
 Saltem propterea trepido terrore repletis  
 Triste aliquod monstros portendi talibus omen  
 Confringens metus ipse fidem sibi conciliaret.  
 Cecropius morbo Siculisque exercitus armis  
 Vexatus tandem hostili decedere terra  
 Per magnum Jonium collecta classe parabant,  
 Et patria mutare solum Pandionis urbe  
 Trinacrium : Nox jamque aderat, jam vellere signa, 930  
 Jam properare fugam; cum cælo Luna sereno  
 Protinus obducta est tenebris, lucemque negavit.  
 Religionem animis nova res gelidumque timorem  
 Incussit; compressa fuga est; clademque piandam,  
 Ista sibi quam ferre Duces portenta putabant,  
 In Triquetra exclamant terra : sacrisque vacarunt,  
 Donec posse datum sese subducere cædi, &  
 Arma referre domum : nam demum barbarus hostis  
 Inruit, & forti cinctos indagine vicit,  
 Æternumque solo patrio ( pro ! dedecus ingens 940  
 Cecropidum ) cæsos ingenti clade diremit.  
 Usque adeo nocuisse potest, ubi pectore fixa est  
 Ignorantia causarum : formidine terret,  
 Insanaque animos conscindit religione.  
 Inde tibi sortes inde omina diraque menti  
 Auguria; & Lemures apparent Capripedesque  
 Per noctem formæque Animarum luce carentum.

Quod superest, cum Sole minor sit Terra, necesse est,  
 Umbra, qua lata est, decrefcere progrediendo  
 Illius; idcirco quo plus extenditur, usque 950  
 In speciem metæ tenuabitur, atque ita tandem  
 Desinet in parvum quamvis longissima punctum.  
 Non potis idcirco est tenebras inducere Marti;  
 Nec, Martem supera quæ sunt, fulgentibus astris  
 Saturnique Jovisque; quia huc non pervenit umbra  
 Terræ: quin etiam totum non mergere posset  
 Lunæ orbem, tegetetque minus caligine lata,

Si



Si non tantundem minor effet corpore Terræ  
Luna, vel ipsa magis Terra, quam distat, abesset.

Paterea cum Sol objecto corpore Lunæ 960  
Deficere apparet nobis, non omnibus una  
Deficiens æque Populis videatur, oportet.  
Nam cum Lunæ major sit corpore Tellus,  
Major item multo pila Solis constet utraque,  
Non poterit Solem Terræ subducere toti  
Luna, licet multis lucem regionibus ejus  
Interdum eripiat, verum non omnibus æquam.  
At cum Luna suis condit se cæca latebris,  
(Olli nam lucem Terræ rapit umbra) fatendum est  
Omnibus a Populis æque debere videri 970  
Obscuram, nullumque illo dare tempore lumen.

His tibi claratis, quæ restant percipe porro.  
Et quoniam Terræ circa se diximus orbem  
Volvi, illoque sui noctemque diemque rotatu  
Efficere, oppositis geminos in partibus ejus  
Concipe mente polos: ( loca sic voluere vocari,  
Turbine quæ in tanto possunt immota videri;  
Circa ea quandoquidem moles evolvitur omnis)  
Porro finge, suum veluti rota versa per axem est,  
Axem per mediæ corpus versatile Terræ 980  
A geminis transire polis, & concava cæli  
Productum recta regione utrinque per auras  
Tangere: fac pariter loca partibus esse rearis  
In cæli oppositis, quæ ( ut fert natura polorum)  
Æquis hinc illinc spatiis disjuncta recedant  
Orbe a signifero, medioque ea neciter axe,  
Illum propterea magnum qui rectus ad orbem est.  
Totius hunc axem Mundi, Terræque minorem  
Finibus a geminis ad sidera continuatum  
Imparibus semper spatiis distare putato 990  
Inter se; quoniam, Tellus quo vertitur, axis  
Paulum signorum magnum inclinatus ad orbem est;  
Mensuraque pari vergit, quocumque feratur  
Terra loci gradiens; verum directus eodem,

Inque

Inque plagas mundi pariter conversus easdem  
 Omnibus usque locis constat; quapropter oberrans  
 Dum loca commutat Terræ pila magna, potorum  
 Nunc unum obvertit Soli, nunc parte viai  
 Alterum in opposita, mediis media ipsa necesse est  
 Collustrata locis medio quoque Sole caleseat. 1000  
 Ut, Puer ardentem si ludens circumit ignem  
 Eoas vultu semper conversus in oras,  
 Nunc opus est dextrum caleat latus illius igne,  
 Opposita nunc parte loci manus altera flammæ  
 Sentiat ardores: ast inter utrumque locorum  
 Cum tergum flamma aut pectus peragrans & ora  
 Collustrat, dextrumque æque lævumque necesse est  
 Collucere latus. Fac idem in Tellure rearis,  
 Tempora obit medium dum rapta per annua Solem.

Hinc tempestatum, quas uno cernimus anno 1010  
 Tam varia ratione subire, ut frigida Bruma est  
 Post mitem Autumnum, percoctaque solibus Æstas  
 Veris post Zephyros, ratio tibi certa patebit.  
 Nam cum Sol metas per Cancri solstitiales  
 Vifus erit ferri, tum vere concita Tellus  
 Per signum aduersi versabitur Ægocerotis.  
 Et quoniam sese Mundi totius ad orbem  
 Inclinat paulum, quo Tellus vertitur, axis,  
 Est opus hunc nostrum magis illo tempore tingi  
 Solis luce Polum, quia ab ista parte magis se 1020  
 Ad Solis radios inclinat Terra, Boreas  
 Obvertitque plagas: quare tum servida nostris  
 Sæviet a Sole illabens regionibus æstas.  
 Tum nudi arentem proscindunt vomere terram  
 Agricolæ, campisque metent frumenta perustis;  
 Cornigerique boves deducti vespere rivum  
 Ad tenuem vix fonte sitim lenire valebunt  
 Collectam nimiis fervoribus atque labore  
 Mirantes, quo tantus aquarum abscefferit humor.  
 Illo tempore item tardis mora longa diebus 1030  
 His aderit terris, quæ quo magis ad Boreales

Acce-

Accedunt metas, sumunt magis augmina luces.  
 At Polus alter erit proin nocte & frigore denso  
 Obſitus, a Solis quia ſe procul igne removit.

At porro medium cum Terra peregerit orbem,  
 Curvaque jam ſubter tibi brachia Canceris ibit,  
 Solemque adverſo Capricorni ſtare ſub aſtro  
 Aſpiciet ( quia ſemper eaſdem dirigit axem  
 In Mundi partes ſibi conſtans ), condat, oportet,  
 Tunc a Sole Polum, radiis qui exarſerat ante, 1040  
 Atque alia de parte alium convertat ad ignes.  
 Proin tibi per noſtras late dominabitur oras  
 Triftis hiems : longas ceſſare per illa videbis,  
 Tabefcente die paulatim, tempora noctes.

Tum glacies conſtringet aquas, & flumina ſternet,  
 Canefcent nivibus juga montium, & horrida nudas  
 Concutient late ventorum flamina ſilvas.  
 Nos exuret hiems : alia ſed parte, prope Auſtri  
 Extenſa eſt qua Terra polum, deſcendit æſtas  
 Phœbei radiis ſuperimpendentibus ignis. 1050

Poſtremo mediis cum magnum inveſta per orbem  
 Fertur Terra locis Capricorni & Canceris inter  
 Lucida ſigna, Aries vel per ſua cornua volvit  
 Suſceptam, Libræ vel per momenta vagatur;  
 Tum mediam radiis Sol recta percutit urens,  
 Æquatoque Polum ſpatio colluſtrat utrumque.  
 Idcirco æquatæ procedunt lucibus umbræ  
 Omnes per Terræ regiones. Illa vocamus  
 Tempora Ver, cum poſt brumam venere rigentem :  
 At, qui ferventes æſtatis temperat ignes, 1060  
 Dicimus Autumnum : non illo ditior ulla eſt  
 Tempeſtas : matura ſuos tunc Uva racemos  
 Undique vitigenos per colles multa colorat;  
 Pomaque curvatis ſuſpēdit mitia ramis  
 Dædala Natura, & turgentes Palladis almæ  
 Fert baccas : quæ & paſſim nemora avia complet  
 Omnigenum ſælſis volucrum, quas poſſit ab alto  
 Dejicere occiſas Venantum ruſtica turba.

At

At non Vere novo pars est formosior anni :  
 Tum florent arbuta, nova tum fronde comantes 1070  
 Luxuriant silvæ, crescuntque in montibus umbræ :  
 Tum decor & campis redit omnis, quos viridantes  
 Herbarum soboles nova vestit, & ubere rident  
 Ex utero terræ rumpentes undique flores;  
 Pacatumque nitet cælum, lenique susurro  
 Aspirant animæ Zephyrorum; per Veneris res  
 Quadrupedum Volucrumque genus sua sæcla propagant.  
 Tempore non alio veteres Philomela querelas  
 Suavius in solis vulgavit concita lucis,  
 Scilicet incussum est blando cui pectus amore : 1080  
 Tempore non alio furiis majoribus acti  
 Cornibus incurfant Tauri, pugnasque laceffunt,  
 Pascuaque averfantur eam vim propter amoris.  
 Denique Vere novus senium post triste fit Annus.

Nunc age, cur celeri videantur sidera cursu  
 Omnia in Occasum Cæli per templa cieri;  
 Cur videatur item Sol pulsa surgere nocte  
 Ex Oriente, per ætherias dein labier oras,  
 Mox & in occiduas defessus concidere undas, 1090  
 Percipe : quin primo poteris cognoscere causam  
 Tutemet intuitu, supera si dicta revolvis.  
 Terrâ etenim Solique & cælo stantibus astris  
 Occurrit motu, quo circumlata per orbem  
 Semper ab occasu sese convertit in ortum.  
 Idcirco, quoniam celerem non possumus ipsi,  
 Qui simul abripimur cum Terræ corpore magno,  
 Percipere ipsius motum, videatur, oportet,  
 Turbine præcipiti cælum in contraria volvi  
 Cum signis cum Sole suo : velut alta petentes  
 Mirantur, collesque procul montesque citatos 1100  
 Turritasque Urbes portusque recedere Nautæ.

Illud neve puta temere hic me rebus in istis  
 Arripuisse, quod hunc Terræ non posse rotatum  
 Nos sentire uno correptos turbine dixi :  
 Id fit enim, quoniam, qua circumfundimur, aura  
 Nobis-

Nobiscum pariter cursu versatur eodem:  
 Non ulla idcirco vis progredientibus obstat  
 Aurarum nobis, quæ nostros officiendo  
 Significet celeri Terræ cum turbine motus.

Præterea aspicias (oculos cum mente sagaces 1110  
 Sæpius in purum si tentes tollere cælum)  
 Sole quod interdum Mars sit vicinior ipso;  
 Inter utrumque sita est cum Tellus scilicet Astrum.  
 At cum Sol Terram medius Martemque sit inter,  
 Tum magis a Terra distat Mars Sole. Videtur  
 Ultra sæpe Venus Solem quoque Mercuriusque;  
 Nimirum ex alia cum Solis parte feruntur,  
 Ex alia Tellus; quapropter Sole necesse est  
 Tempore eo a nobis sit utrumque remotius Astrum.

Aspicias etiam, fors & miraberis, isdem 1120  
 Nunc immota locis palantia sidera cæli  
 Stare, modo effusus ferri properanter habenis  
 Signiferum per iter, modo contra signa reverti,  
 Confectæque remetiiri retrograda partem  
 Sæpe viæ. Non est ut possis credere vera,  
 Quæ genus hoc cælo tuimur; neque Sole videres  
 Talia de medio, non sic variante peragrant  
 Sidera quem motu constanti vortice rapta.  
 Terra tibi, quoniam transfertur Terra, necesse est  
 Efficiat, videantur ut hæc, quæ visa profecto 1130  
 Non fiunt; etenim, cum sit vicinior Astrum  
 Mercurii Venerisque, opus est brevioribus usque  
 Solem obeat spatiis, atque ocyus orbe feratur,  
 Terræ quam corpus; item properantior ipsa est  
 Marte rubente, Jovis quoque fidere falciferique  
 Saturni, quoniam plus Solis ab impete distant.  
 Quapropter sit, uti mage cursu concita Tellus  
 Inter Solem interque ea transeat ocyus Astra  
 Præteriens; pariter Solem Terramque sit inter  
 Mercuriusque Venusque citato ut uterque volatu 1140  
 Transmeet: hanc ob rem cursus mutare videntur  
 Tum varia ratione suos ea sidera; sitque,

Ocyus

Ocyus ista meant quia Terra, segnius illa,  
In speciem tantum nostri variantia visus;  
Proptereaque opus est, nunc in statione tuamur,  
Nunc celerare viam, nunc retro sidera ferri.

Attamen ut possit tibi met manifesta patere  
Horum, quæ dico, ratio, neque verbis anceps  
Hæreat in nostris animus, potes omnia fidis  
Subjicere hæc oculis in cana picta papyro, 1150  
Et signare vias, & circumducere cursus  
Astrorum calamo, motus & tempore certo  
Ordineque & numeris disponere: namque videbis  
Tum facili prorsus ratione, quod omnia fiant,  
Quæ mihi difficile est sine signis ante notatis  
Effari, & solis rationem exponere verbis.

Quod superest, quosdam pergam dissolvere nodos.  
Terra suos, inquis, si se ipsa ciceret in orbes,  
Corpora non deorsum recta cecidisse valerent;  
Subtraherentur enim tunc illa ruentibus, in quæ 1160  
Missa cadunt, Terræ loca concita: sed neque Terræ  
Pars ea subtrahitur, neque labi obliqua notatum est  
Corpora, quæ supra cadere e regione tuemur:  
Quapropter debet Tellus immota videri.

Nonne vides contra, cum pervolat æquore puppis,  
Si gravis a malo deorsum lapis excidat alto,  
Subduci non proinde locum, quo concideret, si  
Tranquillo ratis in portu religata maneret?  
Proin queat ut Nautis recta cecidisse videri;  
Et tamen obliquo cadit ille per aëra motu; 1170  
Et vere obliquum cernunt in littore stantes.  
Sic grave pondus, ubi celsæ de vertice turris  
Aspicias in terram recta ruere, atque ferire  
Subjectam vi molis humum, tu tramite rere  
Decidere inflexo; quoniam cum mollibus auris  
Cum Terraque simul cursu transfertur eodem.  
Non igitur debet Tellus immota videri.

Dicere porro avium causa debere videri  
Immotam, quoniam nidos reperire volantes

Non

Non possent; etenim, dum cælo aurisque morantur 1180  
 Suspensæ pennis, seseque per aëra librant,  
 Subtraheretur humus, correptaque turbine Terræ  
 Cum nidis nemora effugerent, præterque volarent,  
 Nonne hoc delirum est? nihil est tibi namque, quod obset  
 Concipere, ejusdem vi turbinis aëra raptum,  
 Cumque auris volucres, nec proinde amittere nidos.  
 Addunt præterea, quibus hæc nova perculit aures  
 Res animumque, quod in Terræ sit corpore motus,  
 Qua ratione queat, cum Solis obambulet ignes  
 Terra per ingentes spatiorum versa meatus, 1190  
 Non variare situm fixis collata videri  
 Sideribus? cæli sed iisdem denique semper  
 Respondere locis, si signa manentia spectes?  
 Et ratio, dicunt, reclamat vera, quod orbis  
 Annuus, immani ductu quem Terra peragrat,  
 Collatus spatiis, quibus Astra immota recedunt,  
 Debeat exiguo puncto par esse videri.  
 Hi tandem ut vincant, certa cognoscere debent  
 Id ratione, quod objectant, verumque fateri.  
 Ast id quis certa verum ratione notavit? 1200  
 Contra quin cælo servatum est sidera ferri  
 Non una ratione hieme atque æstate, nec una  
 Veris & Autumnii per tempora: namque videntur  
 In medio cæli spatio non semper eundem  
 Illa tenere locum, nec eodem tramite ferri:  
 Nempe ut Menforum Cæli Terræque sagaces  
 Perspiciunt oculi; non virtus omnibus hæc est:  
 Proinde situm queat ut Tellus variasse videri.  
 Adde, quod interdum diviso lumine quædam  
 Apparere solent Stellæ; velut Arjetis una 1210  
 Phryxei visa in geminos partirier ignes;  
 Visa etiam alterutro quæ vertice fulgurat alta  
 Tyndaridum: quædam quin & rutilante Sororum  
 Pleiadum e numero, medioque in Orionis ense  
 Quæ nitet, & triplicem quandoque emittere flammam  
 Conspiciuntur, itemque quaterna effulgere luce.  
 Non-

Nonne hoc Terræ cum motu convenit apte?  
 Nam fit, uti stellam plures cogantur in unam,  
 Cum mage distantum vicinior obstruit ignes;  
 Deinde situ Terræ mutato, ubi scilicet altis 1220  
 Ignibus alterius non altera corpore possit  
 Officere objecto, compareat utraque nobis  
 Est opus, & geminæ videantur multiplicesve.  
 Quo minus est mirum, quod motus inesse videri  
 Possit, uti dico, tam magno in corpore Terræ.  
 Verum, quidquid id est, fieri num posse negabunt  
 Ipsi, quæ metuunt, quoniam sunt magna, fateri?  
 Debent ante quidem, quæ non comprehendere possunt,  
 Non facere hæc eadem quoque posse ostendere Numen.  
 Tenuibus, o, nimium rebus longeque minutis 1230  
 Assuetos animos! utinam, quid summa Potestas  
 Infinitaque sit, mens cogitet, atque revolvat;  
 Unde ea mira quidem possit, sed vera fateri.  
 Nullum erit errandi metuendum hic, crede, periculum,  
 Scilicet egregie de rebus magnificeque  
 Sentire, omnipotens quas res Natura creavit.

Et jam quæ puro videantur sidera cælo  
 Nominibus distincta suis spatiisque, canamus.  
 Principio Boreæ qua se Polus extulit Axis,  
 Alta micat Cynosura, ducem quam Nauta marinis 1240  
 Fluctibus ante aliud servat sequiturque per undas  
 Sidus: at huic Helice plastro majore propinqua est;  
 Septem præcipuis Helice nitidissima stellis  
 Conspecti micat, Septem dixere Triones.  
 Hujus ego sæpe extremam de nocte serena  
 Aspicio inscripti per parva foramina buxi;  
 Unde licet tenui pendente agnoscere filo,  
 Nocturni quæ sit numeranda ea temporis hora.  
 Fulgidus Arcturo cunctantia plaustra Bootes  
 Segniter insequitur: quondam hic Puer Arcas, ut ajunt, 1250  
 Mænaliæ jaculo stravisset cominus Urfam  
 ( Mater erat, formam Saturnia verterat; ille  
 De Jove nam fuerat furto conceptus ); in altum  
 F Ni



Ni pariter rapti micuissent sidera cælum  
 Arctophylax Puer & Calisto haud cognita Mater.  
 Proximus Hesperidum custos fulgentia profert  
 Ora Draco, spirisque intorquet lucida terga,  
 Quem super incumbens vi comprimit Hercules pes.  
 Hic Bereniceo videas de vertice Crinem;  
 Cnossidaque aspicias multa jam luce Coronam 1260  
 Fulgentem: radios non hinc procul Anguitenentis  
 Cernere erit: propter Lyra lucida Vulturis adstat;  
 Quique tulit quondam Delphinus Ariona ponto.  
 Commendat factum memorabile prisca Vetustas.  
 Hic Populos cantu quondam capiebat & Urbes;  
 Cumque peragrata jam fama plenus & auro  
 Italia bimarem conducta puppe Corinthum  
 Trajiceret, Nautæ Vati nil tale putanti  
 Jam struere insidias, jam lethum triste parare:  
 In scelus hoc aurum, pro! vilia pectora movit, 1270  
 Quod secum extulerat Latiis vir Lesbios oris.  
 Sensit ut ille sibi mortem impendere paratam,  
 Effera nec lacrymis molliri pectora posse,  
 Impetrat, extremum ut moritura carmina voce  
 ( Dulces exequias ) extremo in tempore fundat;  
 Jamque data cythara puppim superinsilit altam,  
 Et canit; æquor aquis placidis filet omne canenti.  
 Nec mora, se placidas Vates coniecit in undas:  
 In mare præcipitem dorso Delphinus amico  
 Excepit, supraque undas ad littora vexit. 1280  
 Ac tum pro meritis Cælum Delphina recepit.  
 Hac quoque parte nitens Aquila, Antinousque refulget:  
 Proximus est & Olor: tuque o memorande relictis  
 Huc tandem terris sublatu es alite penna  
 Pegase: sidereos tecum fert Hinnulus ignes.  
 Æthiopum quondam Cepheus Rex, Cassiopeque  
 Uxor regnantes inter pulcherrima Nuptas  
 Illo signa micant cælo; religataque rupi  
 Filia sidereis ostendit vincula palmis  
 Andromeda; ast ultor conspersus sidere multo, 1290  
 Gor-

Gorgonei Perſeus jam proſert verticis iras:  
 Aſtra Meduſeo præfulgent aurea vultu.  
 Hic Triquetrum quoque ſidus habes, tergoque ſuperbus  
 Fulget Erichthonius; nam tergo lucida Mater  
 Hædorum ternique coruſcant ignibus Hædi.

Tum duodena, tibi quæ diximus ante, per orbem  
 Sidera ſigniferum numerabis. Cætera ad Auſtrum  
 A ſcythicis ſeclunt Aquilonibus. Occupat amplam  
 Immani hic cæli regionem corpore Cete:  
 Inde loci Orion clypeo depugnat & enſe 1309  
 Fulgidus: haud illum credunt impunè coruſco  
 Cernere ſurgentem Nautæ ex Oriente; furentes  
 Namque movet nimboſ, & tempeſtatibus atris  
 Exoriens cælum terras pontumque fatigat;  
 Ut memorant, quibus hæc tentata pericula ponti:  
 Bellatrix humero fax emicat, altera planta,  
 Illa rubens, hæc cæruleo continctâ colore;  
 Balteus aurato ſtellarum promicat igne.  
 Eridanusque Pater fluviorum haud deficit illa  
 Cæli parte fluens: Leporique propinqua minantis 1310  
 A tergo Canis ira impendet; Sirius ille  
 Dicitur: at Procyon vicino fidere fulget.  
 Continuata micant tria ſigna & Corvus & Anguis  
 Et medius Crater; prope Semivirum Centaurum,  
 Atque Lûpum, atque Aram, Piſcemque, aliamque Coronam  
 Aſpicias. Hac eſt in cæli parte locata  
 Argo; per malos per vela tumentia perque  
 Coſtas & proræ tabulata apluſtraque fulgent  
 Conſperſi ſtellarum ignes, longeque coruſcant.

Adjice, quæ veteri latuere incognita ſæclo 1320  
 Signa, per intactum tandem mare donec in Auſtrum  
 Perventum eſt: illum nam Terræ deſuper axem  
 Sidera colluſtrant noſtris contraria Signis.  
 Unicus hoc cælo Phoenix collucet, in ignem  
 Jamque abit, & veterem renovat per damna ſeneſtam.  
 Hunc prope Grus longo ſuccendit gutture ſtellas:  
 Sidereiſque micat jaculis Puer Inluſ & arcu:

Astraque fulgentem Volucris Junonia profert  
 Per caudam conspersa; & proxima Pica coruscat:  
 Propterque in spiras se evolvit lucifer Hydrus. 1330  
 Quodque vocant parvi de nomine Chamaleontis  
 Sidus, & australi Triquetrum quoque fulgere cælo  
 Subjectæ aspiciunt Gentes; Apis indica tandem  
 Haud similis nostræ stellarum fulgurat igne.

Hæc tibi nomina sunt, queis cæli sidera dicunt,  
 Non quia consimili natura consimilique  
 Cum rebus specie consent, ea nomina quarum  
 Sunt sortita: etenim quod nos Cratera vocamus  
 Centaurumque Lupumque, pari ratione queamus  
 Dicere Ovem Cervum seu Tigrim sive Elephantem 1340  
 Sive alia, inciderint quæcumque ea denique menti;  
 Sed quia collibitum est, ita cæli signa vocârunt.  
 Scilicet hæc artem ratio labefactat eorum,  
 Qui varia cæli regione micantibus astris  
 Fortunam referunt temere & discrimina morum;  
 Editus ut si quis Libræ sub sidere in auras  
 Prodeat, aut urens nascentem stella Leonis  
 Aspiciat; numeris tibi protinus ars ea miris  
 Proferet, hunc iracundum fore more Leonum,  
 Ast illum Libræ sub amico sidere justum. 1350  
 Hinc vitam nobis prædicunt divitiasque  
 Fortunæque vices stolidi in ludibria vulgi,  
 Quod capiunt eventa eventis accumulando:  
 Cum, quod seu temere hi sive astu conjicientes  
 Evenisse ferunt, millesima non sit eorum  
 Pars, quæ mentito referebant ore futura.

Cæsaris hi Genero quondam & cum Cæsare Crasso,  
 Scilicet ut fama est, morituros denique longum  
 Post senium fessos fama partisque triumphis  
 Urbis in amplexu spondebant; nec minus omnes 1360  
 Fortuna a magna magnam fecere ruinam.  
 Adde, quod exitio Marathon quibus Emathii que  
 Una prostratis in cæde fuere Philippi,  
 Sunt eadem quoniam sortiti fata, videri

Debe-

Deberent pariter sub eodem fidere nati.

Fratres præterea gemini, quos edidit uno

Partu enixa Parens sub eodem fidere ( si qua est

Astrorum tandem in terras hominesque potestas )

Omnibus unanimes in rebus consimilesque

Moribus atque habitu fortuna & viribus esse

1370

Debent, atque isdem studiisque locisque teneri,

Ægroti pariter fieri pariterque valentes,

Et pariter debent eadem ire in funera tandem.

Cum persæpe quidem contra contingere nosmet

Intueamur, ut, ætatis qui tempore Fratres

Non distant, vitæ ratione ferantur in omni

Diversum, semperque animis discordibus obstant

Impare fortuna & cultu fatisque supremis.

Illis quapropter latitandi copia nulla est,

Quos doctrinâ tenet Babylonica, quin fateantur

1380

Inventam temere in stolidi ludibria vulgi.

Quod superest, præter, supera quæ diximus, astra

Sunt alia innumero numero dispersa per ingens

Ætherium spatium, quæ tantum nocte serena

Aspicere est oculis; penitusque abducta recedunt

Quædam, ut, ni tenues per vitrea septa tuborum

Immittant radios, nulla ratione videri

Possint, prorsus uti veteres latuere per annos.

Hæc igitur, cum se contingere plurima, & uno

Esse in concilio veluti congressa videntur,

1390

Quandoquidem speciem nebularum immittere sensus

Desuper ad nostros pergunt, Nebulosa vocantur.

Lactea de genere hoc Via cælo extenditur, illac

Ire ad concilium Divos cecinere Tonantis,

Quois etiam Superam de Gente & sedibus horum

Falsa fuit veri in speciem cecinisse voluptas.

Esse hunc candorem nil constitit, innumerarum.

Ni congesta simul stellarum lumina perquam

Tenuia, quæ faciunt oculis albescere cælum.

Idque tibi manifesta palam res indicat, ex quo

1400

Per vitreos cælum omne tubos lustrare repertum est.

Cum tamen hac in re, quæ nunc ita constat aperta,  
 Ante Viri incertis varic rationibus omnes  
 Errassent: ni Democriti sententia solers  
 Esse, quod est, dubia tantum conjecerit in re.

Impare præterea fulgentia mole videntur  
 Sidera; quandoquidem non æquis omnia distant  
 A nobis spatiis; cum fors æqualia constent  
 Mole pari inter se & magni cum lampade Solis.  
 Et totidem prope sunt numero, quæ Maxima dicunt, 1410  
 Tangere Phœbei quot circum vorticis æstum  
 Possunt; & nobis ideo propiora coruscant.  
 Altera, quæ moli referuntur deinde secundæ,  
 Quandoquidem spatiis ultra majoribus hærent  
 Per cælum, sunt plura quidem sed mole minori.  
 Tertia sic porro, quæque his super edita constant,  
 Perpetuoque alia atque alia ordine lucis ut ipso  
 Decrescunt auctu, numero sic crescere debent,  
 Ut prope jam possint esse infinita videri.

Hic me forte velis superis descendere ab astris, 1420  
 Atque peragrato Tellurem invisere Cælo,  
 Quam colimus, quæ digna magis, quam sidera quævis,  
 Esse videtur, ut in nostro sit carmine princeps;  
 Quandoquidem merito maternum nomen adepta est;  
 Sustinet ut quæ nos, & opimo munere nutrit.  
 Dicendum est igitur qua sit conflata figura,  
 Quique habitent circum, numeret quot denique partes,  
 Principio in speciem glomeraminis esse rotundam  
 Est opus; haud simplex ratio quod monstrat apertum.  
 Atque mihi vel cum primis illa esse videtur, 1430  
 Deficiente quod in Luna compareat Orbis  
 Cæcus propter eam, quam Tellus projicit, umbram.  
 Quod si Terra foret triquetra aut quadrata, videri  
 Deberet pariter Lunæ in corpore cæco,  
 Ut primum inciperet jam deficere, angulus umbræ:  
 Scilicet haud foret in conum porrecta per auras,  
 Pyramidi sed par in Lunam excurreret illa;  
 Rectum proinde latus simul aspiceretur & umbræ

Angu-

Angulus in Lunæ facie, cum deficit, atra.  
 Quod quoniam non fit, Terram par dicere non est 1440  
 Quadratam aut triquetram aut cujufvis esse figuræ,  
 Hoc genus, alterius, tantum sed proinde globosam  
 Confimilemque pilæ magnæ fateare, necesse est.

Præterea Tellus si plana pateret ab ortu  
 Littus ad occiduum, Sol omnibus exoriretur  
 Tempore eodem oris, occumberet omnibus una.  
 Contra sed fieri tuimur; namque ante propinquas  
 Collustrat radiis Gentes Sol, deinde remotas,  
 Post alias, quarum regio mage distat ab ortu;  
 Quoque aliis lucem profert, in nocte relinquit 1450  
 Tempore eodem alios: quare non plana videri  
 Debet in Occasum Nabathæo a littore Tellus.

Confimili ratione nequit tibi plana videri,  
 Qua sese in Boreæ regionem extendit ab Austro:  
 Namque sub Arctoo positas qui fidere terras  
 Classe petit, tolli videt Ursæ signa minoris  
 Paulatim in cælum, contraque oppôsta tuetur  
 Sidera, dum mutat regiones progrediendo,  
 In pelagus sensim ruere, & depressa videntis  
 Effugere ex oculis tandem, pontumque subire. 1460  
 Quæ fieri non posse putem, si plana sit illa  
 Tellus parte tibi; quare omni a parte rotunda est.

Huc accedit, uti, qui terras puppe relinquunt  
 In mare progressi, primo navalia portus  
 Littoraque auferri cernentibus experiantur;  
 Cum tamen & turres possint montesque videri;  
 Donec summa etiam vanescant culmina demum.  
 Contra, ubi jam terris accedunt, vertice primos  
 Aspiciunt montes, educlaque culmina raræ  
 Turris; dehinc multum progressis ima videri 1470  
 Incipiunt, humilesque apparent denique portus.

Denique ab Occasu qui progrediuntur in Ortum,  
 Ocyus aspiciunt Solemque & sidera oriri,  
 Ocyus occidere, atque magis noctesque diesque  
 Idcirco constare breves; mora longior horum

Contra est, occasum properant qui invifere ab ortu;  
 Sidera quandoquidem his oriuntur ferius, atque  
 Serius occumbunt: tum demum, ubi utrique reverfi  
 Hac ratione viæ Tellurem denique, quantum est  
 Longa, peragrarint, illos vidiffe dierum 1486  
 Plus unam, pariterque hos una luce minores  
 Effè fatereris: fieri quod poffe negares,  
 Hæc fi plana foret Tellus, fierique neceffe est  
 Si convexa fit, & circumflectatur in orbem.

Nec mihi inæquales per terras objice montes;  
 Quandoquidem & montes & montibus addita fummis  
 Oppida, quæ apparent fefe inter condere nubes,  
 Collata ingenti cum Terræ totius auctu,  
 Exiguus pulvis convexa per æra rotarum  
 Effè videbuntur, vel fi quid tenuius extat. 1490

Ne tamen idcirco Terram æque a parte rotundam  
 Effè putes omni; media nam forfitan illa  
 Excrevit paulo convexior in regione,  
 A geminis compressa polis; fors planior illie  
 Est, & longa polo contra procurrit utroque.  
 Multis quod multi fuadent rationibus: ipfi  
 Partem, dum ambiguo certatur marte, feramur  
 In neutram, donec ventura id detegat ætas.  
 Nec fore jam longum speramus, denique nobis  
 Ut quamvis magno hæc prolata labore patefcant. 1500  
 Imperio Regis, quo fefe Gallia tollit,  
 Vel fuerit prifcis dominata Heroibus, ut Dîs,  
 Exciti petiere Viri, pars frigora terræ  
 Arctoæ, nimio pars oras sole calentes;  
 Ut fpatiis ita diftantes ingentibus inter  
 Se conferre queant Terræ loca menfa, fuisque  
 Evincant certis demum rationibus, illa  
 Num qua parte fui protuberet, excurratque.  
 Quondam erat in votis, Sapiens regnaret ut ipfe,  
 Vel faperent Reges; tali fore namque beatos 1510  
 Imperio Populos atque aurea sæcla putabant.  
 Ante quod optatum est, hoc noftro cernimus ævo.  
 Nem-

Nempe hic munifico Doctrinam amplexus amore  
 Dat fluere usque suis felicia tempora regnis.  
 Jamque sub hoc doctæ quo Principe progredientur  
 Artes? nunc quis honos, quæ nunc data præmia Musis?  
 Plus hoc Regis opus, quam classibus æquora magnis  
 Sternere, quam validas Urbes & Regna potenti  
 Hostibus evictis quatere atque evertere Marte.  
 Quanquam ille & sumtis cui non metundus in armis 1520  
 Bellipotens? vult pace tamen sibi quærere laudem,  
 Illa concussas medius componere Gentes  
 Gaudet; & arte sua pacatum cernere Mundum.

Quod superest, Zonis præcinctam quinque rearis  
 Tellurem. Prior est, quam dicunt Torridam ab igne;  
 Solis enim reliquis multo magis igne calefcit.  
 Hæc paribus distat spatiis ab utroque Polorum.  
 Quæque habitant intra Gentes, utrinque per annum  
 Projiciunt umbras: nam cum Sol flexit ad Austrum,  
 In Boream umbra cadit; cum contra Aquilonia Regna 1530  
 Illustrat, cadit umbra eadem contraria in Austrum.  
 Bisque illa certum est terræ regione quotannis  
 Nullam e corporibus cadere ullis partibus umbram:  
 Desuper excurrrens nam Sol bis lumine recto  
 Impendet, supraque caput bis præterit urens;  
 Corpora propterea parti collustrat ab omni.

Hanc mediam excipiunt ardenti a Sole perustam  
 Zonarum geminæ, quæ Divâ munere nobis  
 Concessæ nimio non exuruntur ab æstu,  
 Frigore nec nimio; tantum his regionibus una 1540  
 Corpora projiciunt umbras de parte; propinquum  
 Harum quæ ad Boream est, jacet illas sub gelidam Arcton;  
 Quæque Austro accedit regio, projectat in Austrum.

Postremo extremis hinc illinc partibus extant  
 In geminos extensa polos spatia ultima terræ  
 Frigore perpetuo ventisque nivalibus ulla.  
 Hanc ubi Sol terræ regionem lumine lustrat  
 Obliquo surgens, quoniam sex mensibus illam  
 Circumiens ambit radiis, convertitur umbra

Circum



Circum corpora perpetuo; circumque vocamus 1550  
Umbrosos, habitant hujus qui frigora terræ.

Percipe præterea, terrarū quæ loca distant  
Cardine ab alterutro geminorum utrinque polorum  
Æqua mensuræ pariter ratione, necesse est  
Illa loca æstatemque simul brumamque rigentem  
Perferre, & pariles noctes agitare diesque.  
Non simul at possunt ortumque obitumque videre  
Solis: & oppositis qui distant partibus, uno  
Hi mediam lucem, noctem illi tempore semper  
Aspicient: gelidæ tantum spatia ultima Zonæ 1560  
Excipe, quæ noctem pariter lucemque tuentur.

At quibus est mediam semper noctemque diemque  
Tempore eodem agere in diversis partibus illic  
Austri, ast hic Boreæ, Antæcos vocitamus: eorum  
Noxque diesque quidem mensura deficit æqua;  
Nam, dum aliis brevis est, aliis longissima constat  
Alterutra; æstates alterno tempore ducunt  
Atque hiemes. Tandem loca quæ contraria Terræ  
Incoluere vocati idcirco nomine Grajo  
Antipodes, prorsus non ulla his convenit in re; 1570  
Non simul augeri simul & tabescere noctes,  
Crescere non luces simul imminuique tuentur,  
Non Solem simul aspiciunt nec sidera noctis;  
Alternisque ferunt æstatem ac tempora brumæ.

Quæ quoniam docui, quod restat percipe porro.  
Principio globus hic, Tellurem quem vocitamus,  
Et Maria & Terras ingenti amplectitur orbe.  
Qua tamen in Terras spatiis extenditur amplis,  
In partes multi scissum voluere quaternas;  
Nos unam incolimus, quæ nunc vetus Orbis habetur; 1580  
Quandoquidem priscis fuit haud incognita sæclis.  
Altera Terrarū pars est America, suumque  
Nomen ab Etrusco retulit modo cognita Tiphys.  
Laudamus veterem Grajo sub Iasone Pubem,  
Quam freta tentantem prius usque impervia puppis  
Transtulit Argolica de terra ad Colchidos oras,  
Deinde

Deinde viâ pretium referentem velleris aurum:  
 Majus opus nuper tentatum audivimus ipsi,  
 Tanto majus opus, quantum nostra æquora vincit  
 Oceani pelagus, tanto præclarius, ingens 1590  
 Quantum America suis cum regnis omnibus atque  
 Omni auro pretium hoc excedit velleris aureum.

Tertia pergelidæ pars Terræ subjacet Urfæ:  
 Ultimaque Arctæ contraria nomen ab Austro  
 Sortita est: nobis sed vix nota utraque propter  
 Æternas hiemes ventorumque invia regna,  
 Qua late excurrit gelidas America sub Urfas,  
 Apparet Canadum tellus, & Virginiaï,  
 Florida, Mexicaque ora, novumque Hispania nomen,  
 Atque aliæ atque aliæ sic cultu ut nomine Gentes 1600  
 Regna tenent: dives stat Caliphornia ponto  
 Insula: non est & reliquas ut dicere post hanc  
 Jam morer; illa tibi par regnis grandibus extat.  
 Parte alia oppositum Boreæ qua vergit in Austrum,  
 Aurea Castellæ regio est, Guanaque late  
 Porrigitur; non ulla ferax magis altera Tellus  
 Auro atque argento; fert omnigenos animantes;  
 Oppida habet, magnisque extructas molibus urbes.  
 Adde his Bratiliam, Chilos quoque, Peruviumque.  
 Ingentes multique lacus, & ditibus undis 1610  
 Flumina opima rigant horum spatia ampla locorum.

Dehinc oculos & ad hanc nostræ, quæ dicitur Orbis  
 Esse vetus, Terræ partem circumfer, & Afros  
 Europæque Asiæque immania regna recense.  
 Prima Hominum sedes atque altrix prima fuisse  
 Fertur Terra ferax Asiæ: his prægrandibus oris  
 His Populis Reges magni rerumque Potentes  
 Imperitant. Vastis regionibus Othmanidarum  
 Imperium angusto spatiatur ab Helleponto.  
 Quot Gentes quot Regna tenet! tum Perfidis ingens 1620  
 Excipit hoc ditio: hinc Indi, Seresque, Scythæque,  
 Extremique Asiæ Sinæ Gens invia montes  
 Propter inaccessos muri que crepidine junctos.

Africa

Africa deinde subit nigro continctâ colore,  
 Vasta quidem Tellus, sed non ita culta, videtur  
 Quæ regione sui media deserta prope esse.  
 Namque ibi arenosi montes campique feruntur  
 Instabiles, & sæcla tenent invisa ferarum.  
 Nilus eam pluvia & cælesti humore carentem  
 Abluit exundans, & largo flumine ditat. 1630  
 Hic est fertilis Ægyptus, Nomadesque vagantes,  
 Et Mauri, & Numidæ, sunt hic Garamantes, & ora  
 Exusti Æthiopes, Nubiæque calentia regna:  
 Multaque præterea Populorum nomina, multæ  
 Regnantum late ditiones. Ultima restat  
 Europa, a Tyria tenuit quæ Virgine nomen.  
 Hanc Jove cornigero, dum littore luderet inter  
 Æquales ætate simul florente Puellas,  
 Deceptam memorant Vates vectamque per æquor  
 In Cretam: trepidans ex æquore respiciebat, 1640  
 Æquore dum Tauri tergo veheretur amantis,  
 Littus respiciebat, eoque in littore Pubem  
 Tendentemque manus iterumque iterumque vocantem;  
 Pulchraque plus lacrymis quam fluctibus ora rigabat  
 A magno nuptam se ferri ignara Tonante.  
 Virginis hujus habet nomen, quæ dicitur Orbis  
 Tertia pars veteris, longe minima inter utramque  
 Et Libyæ atque Asiæ partem, sed enim magis illis  
 Nobilitata, superque alias florentior omnes.  
 Atque ea Parrhasiæ qua late subjacet Ursæ, 1650  
 Moschorum Imperium complectitur, hisque propinquos  
 Suecosque, Danosque, & quorum nomina versu  
 Claudere Musa vetat, Boreæque & frigoris ejus  
 Indigenas; nec non illa tellure Britannos  
 Avulsos paulum & munitos æquore circum.  
 Pars alia Europæ, qua se convertit ad Austrum,  
 Cum Regnis te vasta tuis Hispania pulchramque  
 Italiæ pariter Tellurem, Pannoniamque,  
 Et Misum, & Thracum, & Grajorum continet arva.  
 At medium tenuere locum Germania Lechi 1660  
 Cum

Cum Regnis late campestribus, & ditiones  
Gallorum, quos a Pyrenes montibus illinc,  
Alpibus hinc clausos Tellus alit alma feraxque.

Demum quod superest, magnum Mare, circuit omnem  
Quod Terram, Oceani vocitamus nomine; at illud  
Pro regione loci varia, quem perluit undis,  
Nomina sortitum est pariter variantia; quippe  
Æquor Atlanteum tibi Mauri a vertice montis  
Nomen habet, quoniam radices montis ad ejus  
Franguntur fluctus: Americæ ad littora Iberis    1670  
Longe a littoribus pelagi hic extenditur æstus.  
Æquor Hyperboreum contraque Australe vocamus,  
Terrarum quod eas perfundit fluctibus oras.  
At mare Pacificum jacet inter littus Eoum,  
Occiduasque plagas Americæ: æstumque vocamus  
Præterea Medium, Libycas qui volvit arenas,  
Europæque Asiæque allabens exedit oras.  
Deinde quid Hyrcani, Rubrique tibi æquora ponti,  
Euxinum, Adriacumque, minoraque nomina dicam?  
Quid freta Bosphoriarum fauces syrtesque sinusque    1680  
Commemorem? doctis hæc tutemet omnia quibus  
Discere de Tabulis. Sine me nunc otia fessum  
Captare, atque istas paulum dimittere Musas,  
Mox iterum ad Causas rediturum & munera cœpta.    1684



## LIBER TERTIUS.



Allia, quæ Medii glaucis hinc æquoris undis  
 Illinc Oceani rauco perfunditur æstu,  
 Ultro cui fines posuit Natura tumentem  
 Rhenum & nubiferam Pyrenem Alpinaque  
 claustra,

Propter multa quidem multis regionibus  
 una est

Anteferenda, quia & mitis lætissima cæli  
 Gaudet temperie, telluris & ubere glebæ,  
 Felicesque hortos habet & pulcherrima Tempe;  
 Ut neque propterea priscis Phæacibus arva,  
 Nec nemora Hesperidum inuideat licet aurea quondam, 10  
 Nec ripas Penæ tuas; proin mira videri  
 Gentibus ut possit Regio, visendaque ferri.  
 Oppida quis Populis munita opibusque, quis Urbes  
 Enumeret magnas? num terra Urbs visitur omni  
 Æmula Lutetiæ? quæ tantum rebus opima  
 Rebus opima bonis? Viden & quos Gallica profert  
 Terra Viros? seu bella movent, quæ doctior armis  
 Gens erit? Amplexu placidæ seu civica pacis  
 Jura artesque colunt, tantum felicibus ausis  
 Progrediuntur, uti prorsus miranda reperta 20  
 Gentibus humanis in publica commoda vitæ  
 Ediderint. Verum miranda hæc omnia quid sunt  
 Denique præ rerum majestate atque repertis  
 Ejus, qui nobis rationem invenit eam, qua,  
 In cælo quidquid peragi terraque videtur,  
 Verius ex adyto divini pectoris edit,  
 Sacri quam Tripodes Laurus Cortinaque Phœbi?  
 Gallus & hic; magno se Gallia tollit Alumno.

Felix, qui clarum potuisti extollere primus  
 Lumen, & immensum te late ferre per Orbem, 30  
 Et nubes atque Astra tuæ supponere menti.

Te

Te sequor, o Gallæ Gentis decus, atque tuorum  
 Docta pedum relego pressis vestigia signis;  
 Non quia te sperem properantem æquare sequendo,  
 Veri propter eum sed, quo mens ardet, amorem:  
 Namque facem Veri præfers, lucemque ministras.  
 Tu sapiens rerum Inventor, tu munera nobis  
 Inclita suppeditas & vita digna perenni.

Nam simul atque tuis evolvimus aurea chartis  
 Aurea dicta, quibus penitus Natura resecta est 40  
 Omni ex parte patens, occultaque prodita vis est  
 Causarum, & ratio simul ac tua vociferari  
 Incipit, hanc omnem suprema a Mente coortam  
 Naturam rerum & suprema a Mente geri res;  
 His animum rebus quædam divina voluptas  
 Afficit, atque extra mihi me rapit, ut videar jam  
 Non humilis Terræ sed totius incola Mundi,  
 Et per te propius Naturam agnoscere summam.  
 Non ita vis mentem tangit mihi suavior ulla,  
 Magnifica ante oculos vel cum se nocte Theatra 50  
 Auro & picturis & lumine fulgida multo  
 Objiciunt, resonatve modis vocalibus ær.

Dum tamen interea te ad cælum Gloria tollit,  
 Ipse ego Musæo pergam tua dicta lepore,  
 Namque aliquis lepor est Musis, contingere, & illum  
 Doctrinæ fontem suavi conspergere cantu.  
 Forsan ad hæc Homines turmatim carminis ergo  
 Accurrent; rapimur quoniam mage suavibus omnes,  
 Et properamus eo, quo res dulcedine grata  
 Invitant: veluti Pueri, qui sæpe recusant 60  
 Pharmaca, si mellis non sunt contincta liquore.  
 Quapropter pergam incæptum pertexere versu.

Et quoniam docui, quæ partes Totius extent,  
 Et qua sint inter sese ratione locatæ;  
 Semina nunc, quæ sint rerum & Primordia Mundi,  
 Dicendum, & sese quo motu corpora quales  
 Composuerê recens in formas, quaque coacta  
 Vi facere id, demum unde omnis Natura coorta.

Prin-

Principio ante alias te res, quas deinde docebo,  
Scire velim, nullum, cum primo est conditus Orbis, 70  
Præcessisse Chaos confusæque materiæ

Semina, quæ longo fuerint mox tempore motu

Digesta in varias paulatim disposituras:

Talem sed primo ( simul esse incæpit ) abortu

Crede fuisse Orbem, qualis nunc sæcula constar

Post elapsa, statim rationis & ordinis hujus.

Nimirum Tellus & Sol & Sidera primo

Extabant ortu rerum tempusque coortum,

Motu quæque suo subito distincta locisque,

Primi quin Hominum non sunt rationis egentes, 80

Ut Pueri, exiguo pariter neque corpore creti,

Sed plena jam ætate & mole & viribus aucti.

Et quo pervideas magis hæc, reminiscere Summi,

Exorta unde omnis res constitit, infinitam

Esse Potestatem: ratio proin vera reposcit,

Perfectum parti subito quod prodiit omni,

Quidquid ab illius constat virtute profectum:

Longe aliter quam qui Divûm simulacra, perenni

Aut veterum Heroum vultus in marmore fingit:

Principio lapidis rude pondus & horrida moles 90

Multiplices ferri quavis de parte, per ictus

Excutitur; donec referat molemque modumque

Corporis humani; signantur brachia porro

Et caput atque humeri pectusque & crura pedesque;

Porro oculis vitam dabit Ars, spirantia finget

Ora, & cæsariem venasque & tenuia quæque

Ducet: at interea est mora temporis illius ingens,

Singula quo tenui studet ipsa effingere cælo.

Sed mage docta manus cui sit, tibi tempore signum

Efficiet brevior: potes deducere porro, 100

Artifici si summa sit Ars & summa Potestas,

Quo primum inciperet, jam illo confecta videres,

(Prorsus ut interlit mora nulla) in tempore signa,

Hac ratione vides, primo jam tempore Mundi,

Omnis quod rerum quoque tum Natura repente

Consti-

Constiterit, qualis post longos constitit annos  
Parti perfecta ex omni, quia Mente creata est  
Illa, cui summa est simul Ars & summa Potestas.

Id tamen haud nostris quidquam rationibus obstat;  
Scilicet, ut si, Hominumquæ sit natura, requiram, 110  
Et quibus a causis habeant exordia prima;  
Effet opus potius, quo semine qua ratione  
Se foetæ evolvant gremio, perquirere, Matris;  
Quam quales jam tum cunctarum in origine rerum  
Cum Terra simul extiterint Cæloque creati.  
Sic etiam quid erit, vera ratione quod obstat,  
Quasdam scrutari naturas Principiorum,  
Unde velut certo de semine Sidera Cælum  
Undarumque sales liquidi Tellusque videri  
Possit, & unde omnis demum Natura coorta, 120  
Quamvis non ita res exortas esse reamur?  
Proinde magis, quæ sit rerum Natura, patebit,  
Quam cum constat, uti fuerit res quæque creata.

Porro cum summa potuissent Numinis arte  
Hæc infinitis rationibus esse coorta;  
Eligere e numero tanto quamcumque relictum  
Quis neget arbitrio nobis, veramque fateri?  
Dum tamen omne, quod ex illa deducere pergo,  
Rebus, quas cælo fieri terraque tuemur,  
Conveniat, neque secum in re quoque discrepet ulla. 130  
Quare age jam, Mundi quæ sint Primordia, dicam.

Totius hanc, constant unde omnia, materiai  
Summam, ubi de nihilo jam extabat condita, rere  
Protinus in partes divisam esse innumerales;  
Rere & eas partes in motum protinus isse, &  
Qui modo mensura in rebus servatur eadem;  
Nam neque adaugefcit quidquam, neque deperit inde:  
Scilicet & partem circa se quamlibet actam;  
Quoddam & præterea medium commune obeuntem;  
Ire viæ recta quoniam regione nequibat; 140  
Obstabant aliæ atque aliæ cui semper eunti:  
Idcirco ut varios se flexerit omnis in orbes,

G

Ufus



Ufus erat, subito multis cum partibus una:  
Atque ita Vorticibus totidem se verterit omnis  
Materies, totum quot constant Astra per orbem.

Illas præterea cuiusvis pone fuisse  
Particulas, cum summa fuit divisa, figuræ;  
Non opus idcirco minus est fateare, quod omnis  
Pars ea debuerit prostantes e latere omni  
Excudere angululos ( parti pars officiebat 15d  
Quandoquidem motu ), fieri tum proinde rotunda,  
Ut pila, quam Pueri volvunt per strata viarum.  
Quod sic exciderat de partibus, esse necesse est  
Id minimum & quascumque potens variare figuras;  
Ut tali ratione queat replere, pilarum  
Inter particulas quod possit inane videri:

Jam duplex genus est inventum Principiorum;  
Scilicet offensus decussæ particularum  
Dispersæque scobes, quas Primæ Elementa vocamus;  
Altera volventum dicunt Elementa pilarum. 16d  
At quæ Tertia sunt, tibi post manifesta patebit  
Esse ea, quæ propter molem crassamque figuram  
Non possunt properanter agi, motuque cieri  
Perfacili, duo quo jam percipis altera ferri:  
His Tribus omne, quod est, rerum constare necesse est:  
Efficiunt Solem, & quæ fixa vocavimus, Astra  
Prima, Scobes, Elementa; at fluvida deinde Pilarum  
Particulis constat cæli natura rotundis;  
Denique Tellurem Lunam Stellasque vagantes  
Tertia constituunt Elementa. His plura negamus 17d  
Esse opus ad rerum Naturam: namque tuamur  
Convestire sua cum Solem & Sidera luce  
Omnia, luminibus cælum præbere meatum,  
Rejicere at lumen Terram Stellasque vagantes;  
Nonne tibi totidem naturas Principiorum,  
Unde tria hæc consent, reperire opus esse videtur?

Præterea, fractis quod motu particularum  
Decidit angululis, Elementum, ubi copia multis  
Ejus adaugefcit dissecta erasaque plagis,

Plus

Plus quam opus, ut partes inter repleatur inane; 185  
 Omne, quod hac ratione tibi superestfluet extra,  
 Atque redundabit; cogetur Vorticis axem  
 In medium: nec sponte sua subigente putanda est  
 Id sine vi facere, atque illuc non pulsa coire  
 Materies: Scobs namque Pilis cum tenuior extet,  
 Vi multo maiore recedere longius illæ  
 Nituntur medio de Vortice; proptereaque  
 Intro ea contrudunt Elementi pondera primi  
 Parte repulsa omni, mediisque in Turbine stipant:  
 Nonne vides; cum pertuso versatur in orbes 190  
 Triticeum cribro frumentum; immixta coire  
 Quælibet in medio; tenui quæ pondere constant;  
 Ut paleæ & culmi fragiles siccataque sole  
 Herbarum folia & ramorum fragmina parva?

Namque, prius quoniam Naturæ diximus esse  
 Legem, ut, circuitu quæ corpora cumque moventur;  
 A circumductæ media regione viai  
 Nitantur fulgere, & recto se avertere cursu;  
 Ut lapis, in fundæ qui circumductus habena  
 Funem tendit eo, quod vult erumpere nisu; 200  
 Sic; quia particulas, Elementa secunda, rotundas  
 Jam doceo celeri versari turbine circum,  
 Debent propterea nisu contendere magno  
 Vorticis e medio disjunctæ longius ire,  
 Nequidquam; quoniam conantibus exteriores  
 Mole sua obstant semper, vi vimque refranant  
 Funda velut lapidem: Vis hæc & nifus eundi  
 Longius a medio Lucis natura profusæ est  
 Undique per magni regiones Vorticis omnes:

Turbinis in motu porro cuiusque; Polorum 210  
 Rere loca extremis hinc illinc partibus esse;  
 Circa ea materies etenim convertitur omnis:  
 Ut sic deinde queas cognoscere; qualis inesse  
 Vorticibus rapidis tactus per mutua possit.  
 Namque polo alterius si fors tangatur uterque,  
 Circum & uterque viæ de parte feratur eadem;

Unum opus est gemino fieri de Turbinis æstu:

Quod si correpti sese in contraria volvant,

Officiente inter se cursu præpedientur

Mutua; & hac magni fient ratione tumultus

220

Materiæ tanta in turba celerique rotatu.

Quare, quod superest, ita debent esse locati

Inter se, ut gemina medius tibi parte polorum

Contingat Vortex alios regionibus illis,

Quas geminis utrinque polis distare videmus.

Præterea, quoniam vi turbinis exagitur

Primi materies Elementi, extraque furentis

Impete circuitus propellitur; omnis in axem

Non medium cogetur, & inter septa Pilarum

230

Hærebit semper: verum quia corpore constat

Subtili atque auctu tenui nimis, effugiumque

Proinde potest reperire per intervalla Pilarnm;

Idcirco rapidi vi turbinis egredietur

Per partes elapsa, polis quæ longius absunt.

Vix elapsa tamen cursu se proferet extra;

Ecce recepta polo vicini Vorticis intro

Illabetur eo, quo fugerat, impete cursus.

Hac nunquam ratione potest cessare meare

Inter contiguos rapidæ vertiginis æstus,

Illa lege tamen, tantum per aperta polorum

240

Ut queat endogredi tenuis natura Elementi;

Undique at extremis laterum de partibus exit.

Atque ubi materies ea Vorticis unius æstus

Ingressa est per utrumque polum, se concita recto

Intro aget incursum; donec de partibus æque

Oppositis veniens hinc illinc tramite motus

Occurret medio, offensusque rotabitur acri.

Est, genus hoc, falso quoque cernere in æquore motum:

Namque, fretum angustum rapidis qua dividit undis

Trinacriæ terræ Italæ a finibus oras,

250

Vasta Charybdis ubi est, & vis Scyllæ minatur,

Hinc mare Tyrrhenum magno se gurgitis infert

Procursum, Æolio qua spargitur insula ponto

Plu-

Plurima Vulcani fumantibus usta favillis;  
 At contra Ionium rapidis devolvitur undis:  
 Quorum ubi in angusto vis obvia colluctatur,  
 Commiscetque undas; rapidum se volvit in orbem  
 Pontus, & ingenti sinuatus turbine sævit.  
 Non illac impune rates transire; marique  
 Ante procelloso potiusque furentibus Austris 260  
 Jactari cæcam per noctem hiememque malignam  
 Nauta velit, quam vel cælo ventisque serenis  
 Deprendi Siculi diros prope gurgitis ætus:  
 Namque ratem misere illa rapax vis corripit undæ,  
 Contorquetque æstu, sævoque absorbet hiatu.  
 Sic tibi materies ea diro agitata per orbem  
 Protinus offensa circa se turbine magno  
 Volvetur, liquidumque illa ratione fluensque  
 Constituet corpus; debet quod proinde rotundum  
 Esse: rotatur enim se circa; hoc dicimus Astrum: 270  
 Quod circumpositas quia turbinis impete magno  
 Impulsuque Pilas, Elementa secunda, valenti  
 Arjetat, hisque auget proin nisus effugiendi;  
 Est opus, ut multam videatur fundere lucis  
 Undique viam magni in regiones Vorticis omnes:  
 Quandoquidem vis hæc lucis natura reperta est.

At si materies Elementi percita primi  
 Vorticis alterutrum velocius ingrediatur,  
 Qua via facta, polum; sed tardius altera multo  
 Opposita de parte meet; tum volvier Astrum, 280  
 Non erit, ut possit media regione via,  
 At fulgere polo tanto vicinius uni,  
 Quanto hac motus erit mage segnis materia.

Denique consimili pariter ratione fatendum est,  
 Si de parte Scobi pateat magis exitus una,  
 Astrum non medio statuendum in Vorticis orbe.  
 Esse; quia a medio plus partem accedet ad illam,  
 Liberior primo patet exitus unde Elemento.  
 Idcirco æstivo Tellus mage tempore distat,  
 Horrida quam brumæ per frigora, Solis ab igne: 290.

Quandoquidem medium non obtinet orbe suo Sol  
 Vorticis hujus eam, quam dicimus, ob rationem:  
 Forſan ob hanc etiam, non æquis viribus extra  
 Quod Vortex omni de parte prematur; & inde  
 Parte hac excurrat protentior, arctior illa,  
 Et ſeſe oblongi ſpeciem conformet in ovi.  
 Propterea haud æquum gradiuntur & aſtra per orbem,  
 Idcirco Tellus unam quoque ſerius orbis  
 Abſolvit magni partem, plureſque dierum  
 Actos circuitus æquatis Veris ab horis 300  
 Ad mediũ Autumnum proinde enumerabis, ab ipſo  
 Quam contra Autumno nimirum ad tempora Veris.  
 Nec tibi propterea eſt illud mirabile habendum,  
 Quare Terra magis, cum diſtat longius, igne  
 Uſta calet Solis; quoniam æſtas tempore tali  
 Rectius a radiis fit deſcendentibus, atqui  
 Et magis condenſis, gelido quam frigore brumæ,  
 Cum Terram obliqua tangunt ratione meantes.

Porro particulæ, quas diximus eſſe Elementi  
 De numero alterius quavis de parte rotundas, 310  
 Quæ magis accedunt medios ad Turbinis æſtus,  
 Eſſe magis celeres debent, atque ocyus ire,  
 Quam reliquæ, a medio quæ Vortice longius abſunt,  
 Propterea, primi quia fortius exagitantur  
 Viribus a validis Elementi, ideoque minores  
 Debent eſſe: etenim majori mole vel æqua  
 Si ſint cum reliquis, ſupra quæ tardius errant,  
 Debebunt alias ſubito ſuper inſiluiſſe,  
 Atque aliis longe magis uſque recedere: nam vis  
 Major ineſſet ob id, motus pernicioſior illis 320  
 Quandoquidem eſt, circumque ſuo ocyus orbe feruntur.

Augminis hæc ratio, qua ſcilicet eſſe remotas  
 Majores opus eſt partes, per Vorticis omnes  
 Non valet extendi regiones: namque neceſſe eſt  
 Poſt ingens ſpatium tum demum exiſtere partes  
 Mole pari, atque alia motus ratione cieri,  
 Ocyus extremas, quam quæ procul haud ita diſtant.  
 Scilicet

Scilicet & ratio est, quoniam cum corpora in orbem  
Acta cientur, in extremis, fateare necesse est,  
Finibus illius quod vis perniciosior extet: 330  
Nam properant partes maiorem tempore eodem  
Conficere, ac aliæ, quibus est minor ambitus, orbem.  
Adjice præterea, quod, quæ regionibus errant  
Extremis, urgentur, & impelluntur ab ipsis,  
Extra contigui qui sunt, spatiumque coarctant,  
Vorticibus: quare est motus violentior illic.

Nunc, quoniam docui, quæ prima secundaque rerum  
Sint Elementa, & qua motus ratione ferantur,  
Tertia jam illorum quæ sit natura, tuamur.  
Nec me animi certe fallit, quod tristior esse 340  
Hæc ratio plerumque videtur, qua tibi motus,  
Vorticibus rapidis quales sint; edere pergo;  
Tandem ut turbinibus jam jam lassata teneri  
Mens facile haud possit nostris in versibus, atque  
Elabi sibi multa hnat, quæ scire necesse est  
Funditus ad rerum naturam perspiciendam.  
Proin opus est factio, veluti, qui lumina figunt  
Artifices in rem tenuem perquamque minutam,  
Sæpe fatigatos oculos jamjamque trementes  
Inter opus vertunt in amicæ lumina lucis 350  
Gemmarum, prope quas cupiunt id propter habere,  
Lumina ut aspectu tali recreata valescant;  
Sic opus est, inquam, dum prima Elementa, quibus res  
In mundo gerit omniparens Natura, suosque  
Auctifcos motus evolvimus ac genitales,  
Interdum res in varias avertere mentem,  
Quæ plus collibeant, animus magis unde juvetur,  
Robur ut inde suum viresque recolligat auctas.  
Hoc age, si sit opus; porro renovare memento  
Intermissam operam, dicendaque protinus audi. 360

Et quoniam tenuis Scobs, fractis orta Pilarum  
Quæ fuit angululis, varianti est prædita forma  
Multiplicique figurarum ratione, nec æqua  
Mobilitate fluit motus, fateare necesse est,

Ipsa suis quod perplexis plerumque figuris  
 Endopedita una neclatur, conque globetur,  
 Inque ita majorem concresecat corporis auctum.  
 Et cum deinde meare per intervalla Pilarum  
 Debeat, ipsius sulcos in mole cavatos  
 Hac ratione opus est fieri corpusque striatum. 37<sup>o</sup>  
 Corpus id, ut solidum minus est pro mole, suoque  
 Languidius motu, quam cætera quæque, cietur,  
 Debet propterea retro trudi atque repelli,  
 Inque polum redigi, motus quo tenuior extat,  
 Alterutrum: veluti si ligna in fluminis undas  
 Immittas medias, qua vis properantior harum est,  
 Illa sequi celerem non posse videbis aquarum  
 Cursum, ast alterutram trudi impellique repente  
 Propterea ad ripam, qua segnior impetus urget  
 Fluminis: illa etiam moles sic corporis, una 38<sup>o</sup>  
 Quæ de perplexis inter se primi Elementi  
 Particulis concrevit, & hinc redigetur & illinc  
 Axis ad extremas, ubi cursus tardior, oras.  
 Hinc correpta simul medium descendet in Astrum,  
 Cum valido primi subito torrente Elementi.

Illud in his obſignatum ſed oportet habere,  
 Corpora de genere hoc quod quæ compulſa per unum  
 Sunt tranſire polum, ſulcos de parte retortos  
 Evolvunt alia, quam qua ſunt parte ſtriata,  
 Oppoſitum per iter veniunt quæ miſſa polorum. 39<sup>o</sup>  
 Nam veluti adverſa ſeſe polus inter uterque  
 A parte hinc illinc opponitur, uſque neceſſe eſt,  
 Oppoſitis quæcumque polorum a partibus acta  
 Corpora ſunt, ut item cieantur ab impete motus  
 Oppoſiti: porro motu ſulcique ſtriæque  
 Quandoquidem ſunt, pariter de partibus eſſe  
 Oppoſitis perarata retortaque corpora debent.  
 Quæ compulſa polis dein corpora cum venere  
 In medium, ſit ubi, ſupera ut claravimus, Aſtrum,  
 Ejus turbineam neque vim ſuperare, neque intus 40<sup>o</sup>  
 Merſa manere queunt, extra ſed ab iclibus atque

Vi

Vi valida motus primi rejecta Elementi,  
 Multaque sese inter magnis impulsibus una  
 Sic conjuncta regent agitata extrinsecus Astrum,  
 Atque illa maculas tenebrarum parte refundent.

Quod genus est maculas tibi claro in Sole tueri

Hac ratione; domum, facito, per tenue foramen

Ingrediantur in obscuram radiantia Solis

Lumina; tum vitreo radiorum ea lumina clausus

Excipies tubulo: dein egredientia multos

410

Post vitri anfractus pura super ipse papyro

Objecta facies parvo clarescere in orbe.

Protinus hac longe tenues longeque minutas

Diffundi maculas in Solis imagine cernes.

Quare opus est, labes etiam fatearis in ipsa

( Nec fecus id fieret ) reperiri lampade Solis.

Illinc scire licet se circa vertier Astrum:

Hærentes illi maculæ nam conspiciuntur

Occidere a nobis nimirum & rursus oriri

Haud spatiis inter sese variantibus: ergo

420

A Solis motu circumlatæ esse videri

Debent: perque dies quia ter prope in orbe novenos

Perstant, idcirco tanto Sol tempore circa

Se peragit gyrum, & magno rotat impetê lucem.

Quarum etiam hoc melius poteris cognoscere pacto

Naturam, si, quæ simili ratione geruntur

Hic nos inter, ea, qua polles, mente revolvās.

Scilicet inipuros undæ cum flamma liquores

Concoquit, ex illis ferventibus atque agitatīs

Spumam exire, superque undas innare videbis

430

Non ratione alia, quam quod permixta liquori

Materies alienigenis ex rebus eadem

Vi nequit ignis agi, qua concita lympha cietur:

Quare ferventi ex humore exire necesse est

Illam, ipsisque undis disjungi, conque ligatam

Hærare inter se, supraque extare liquores.

Et quoniam, unda diu valido si ferveat igne,

Spumam dissipat, & magnis fervoribus actam

Disperdit;



Disperdit; pariter fieri hoc in Sole rearis;  
 Scilicet interdum maculas consumier æstu 449  
 Vorticis illius, rapidoque perire rotatu:  
 Attamen absumtis succedunt usque recentes,  
 Sæpe quidem plures, quam quæ perire; novæque  
 Molem aliis maculæ plerumque manentibus addunt;  
 Majorem debent proin lucem subtrahere Astro.

Propterea, ut memorant, lux sæpe est languida Solis  
 Visa, atque obtuso tabescere lumine sæpe  
 Decolor; ignaris timor ut Mortalibus ingens  
 Exortus trepidis suffecerit argumenta  
 Mentibus exitium cælo terræque parari, 450  
 Omniaque horrifono jamjam ruitura fragore.  
 Sic fuit, ut toto langueret pallidus anno,  
 Et nitidum obscura ferrugine tingeret Orbem,  
 Curia Cæsareo quondam cum sparsa maderet  
 Sanguine: proin mæsta tenuem cum luce calorem  
 Fundebat cælo; gravis ut caligine densa  
 Desuper incumbens horreret frigidus aër,  
 Et non percoctis squallerent frugibus agri:  
 Visus item Sol est per cæli templa vagari  
 Clarior assueto: maculas cum scilicet atras 460  
 Sorberet victor, motuque resolveret acri.  
 Quin etiam, propriam quæ jactant fidera lucem,  
 Interdum exiguum cælo demittere lumen,  
 Tergemina interdum veluti reviviscere flamma:  
 Nimirum ut maculis circumfunduntur opacis.

Accidit, ut maculis quoque densis sæpe coortis  
 Undique velatum nigra ferrugine Sidus  
 Fulgorem condat nobis, penitusque videri  
 Delinat, aspectu subtractum scilicet omni.  
 Idcirco septem cum Plejadas Atlanteas 470  
 Ante fuisse ferant cælo, post excidit una  
 De numero: nam sex clara de nocte videntur  
 Dumtaxat; quoniam quæ quondam septima fuit,  
 Jam lucem maculis obduxit nigra coortis.  
 At, placuere quibus mendacia ludicra, dicunt,

Sex

Sex Nuptas Divûm in thalamos ivisse Sorores,  
 Septima mortali Merope tibi, Sisyphæ, nupsit:  
 Propterea claras inter pudibunda Sorores  
 Delituit cælo. Varia est sententia multis,  
 Nimirum Trojæ non funera Trojugendûmque 480  
 Unam harum Electram memorant potuisse tueri,  
 Aversamque ideo vultus, oculisque pudicas  
 Opposuisse manus: quantus dolor iste fuisset,  
 Nunc quoque qui terris avertere cogeret ora!

Adde, quod illa ipsa poterit ratione repente  
 Apparere novum radiis orientibus Astrum,  
 Ante videre fuit quod nusquam: id scilicet illo  
 Tempore continget, medio cum in Vortice, ubi Astrum est,  
 Prima redundabunt vi multa Elementa, superque  
 Fundentur maculas ingenti percita motu, 490  
 Immerfasque tegent: lucem tum protinus Astrum  
 Exeret haud maculis obstantibus interceptam.  
 De genere hoc visum est in Sidere Cassiopeæ  
 Astrum luce novum majori ardere, sereno

Quam micat Idalium, mage cum nitet, æthere Sidus.  
 Hæc nova tum lucis species objecta repente  
 Mira videbatur; tantam ut propter novitatem  
 Suspicerent Homines in cæli lucida templa.  
 Sed dehinc paulatim decrescente inque minuto  
 Lumine conspectus hominum subducta refugit 500  
 Tandem Stella recens, maculisque obducta negavit  
 Lumen, ut ante, suum, penitusque evanuit omnis.  
 Altera post paulo est in Cycno visa; sed ipsa,  
 Atque aliæ pariter, quas conspexere micantem  
 Ex improvise terris ostendere lucem,  
 Velatæ maculis tandem nigrantibus ignis  
 Fulgorem aspectu prorsum eripuerunt videntum,  
 Est etiam cælo nuper servata sereno  
 Stella, micat magni quæ collo confita Ceti:  
 Hanc referunt cælo nasci, extinguique quotannis, 510  
 Propterea forsan, quia dum convertitur ipsa  
 Circa se, ut pariter converti diximus orbem

Solis,

Solis, nunc claram maculisque necesse carentem  
Exhibeat partem, nunc, quæ est obscura, revolvat.

Atque ea, quæ dico labes offundere Soli,  
Corpora, si celeri subito rejecta rotatu  
Non jungantur, uti maculas componere possint,

Sed disjecta fluant extra, magnoque ferantur  
Impete, tum Solem quendam velut aëra circa

Constituent, longe qui Vorticis in regiones

520

Procurrit magnas; magnis quia viribus illa

Ejiciuntur, uti longe procurrere possint.

Aër nec penitus forma queat ille rotunda

Esse; sed in morem lentis mage tollitur illis.

Partibus, a geminis quæ distant scilicet æque

Solis utrinque polis: nam corpora fortius illinc

Ejiciuntur, uti longe procurrere possint.

Hinc protensa quidem per cælum sepe videtur

Lucida surgentem præcurrere Lancea Solem,

530

Occiduumque sequi. Prælonga cuspe primum

Tollitur exoriens; post latior usque videtur

In Solem. Hoc cernas nimirum, innubilis aër

Et cæli facies si sit nitidissima noxque

Illunis. Fiunt plus longa crepuscula sæpe

Illius ob lucem; siquidem quæ fluvida Solem

Ambit materies, liquidi cum impurior aura

Ætheris hæc constet, radios reflectere debet:

Haud secus ac Solis radios Telluris hic aër

Ad nostras acies reflectit, conditus undis

Nuper ubi Sol est, vel ubi jam proximus adstat

540

Cardine in Eo lucemque diemque daturus.

Languida nunc ea lux, nunc est mage clara: necesse est.

Densior idcirco sit sæpe & rarior ipsa

Lucida materies, queat ut reflectere Solis

Viribus haud æquis radios: nunc cuspe utrinque

Protensa videas procurrere sæpe vel ultra

Tellurem, retrahi nunc atque recedere longe,

Ut minor aut major nimirum materia

Copia ferventi Solis jactatur ab Astro,

Aut

Aut valida plus sive minus disiecta fugit vi.

350

Nunc supera a dictis deducam, qua ratione

Quilibet absūmi Vortex queat atque perire.

Nimirum, maculæ texere ubi corpore denso

Undique, quod medio manet æstu Vorticis, Astrum,

Objice perfractō nequeat discurrere ut extra

Primi materies Elementi inclusa sub illis,

Turbineumque agitare citatis viribus æstum;

Imbecillus eam rem propter Vorticis ejus

Motus erit, fietque remissior illa rapax vis;

Ut proin finitimis haud contra obistere possit

360

Vorticibus, valido qui certant impete motus

Pertrahere ad sese secumque revolvere raptum.

Quapropter cum non obftet, velut ante, trahenti,

Alterius prorsum debebit Turbinis æstu,

Ejus præ reliquis, cui vis violentior extat,

Sorberi, seseque alieno evolvere motu

Confusus, nec jam suus; atque illabier una

Astrum etiam maculis circumtectum undique nigris

Usque adeo, ut corpus videatur prorsus opacum.

Hinc tibi perfacili poterit ratione patere,

370

Constare unde queant palantia Sidera Tellus

Lunaque & insueta fulgentes luce Cometæ.

Sed primo, supera paulo quæ dicta, revolve.

Nimirum quod, quæ a media regione remotæ

Vorticis, has partes propioribus esse fatendum

Majores multo, motuque minore cieri.

Nec ratio hæc omnes debet, velut ante probatum,

Vorticis extendi in regiones: namque necesse est

Post ingens spatium tum demum existere partes

Mole pari, ast motus alia ratione cieri.

380

Ocyus extremas, quam quæ procul haud ita distant.

His tibi suppositis rebus super atque probatis,

Concipe, quod rapido sorbetur Vorticis æstu,

Multum in se pro mole sua complectier Astrum

Materiæ, solidique nimis proin corporis auctu

Constare. Hoc fines ubi Vorticis unius Astrum

I m

Ingressum est; quoniam extremis in finibus ingens  
 Est motus, valida motus vi debet earum  
 Vorticis in medium trudi impellique Pilarum:  
 Dumque intro trudetur, idem vim debet apisci 390  
 Sese in circuitum pariter cum Turbine toto  
 Valvendi: quare, prius ac descendat ad illas;  
 Languidiore meant quæ motus impete, partes,  
 Si circum majore Pilis, quas tangit; agi vi  
 Incipiat, nimium solido quia corpore constat,  
 Non ultra descendet; at ejus ut impetus extat  
 Major, contiguis quam partibus; egrediendi,  
 Ascendens medio de Vorticis usque recedet;  
 Majoresque fuga fugiendi augescere nifus  
 Debent; donec eo prorsus de Vortice tandem 600  
 Elabatur: at egrediens in Vorticis æstus  
 Incidet alterius; pariterque exhibit ab illo  
 Porro in finitimum; semperque errabit eodem,  
 Quo doceo, pacto varios ratione per æstus  
 Fortuita certo nec motu aut tempore certo.

Atque ea convenient nimirum ut cuncta Cometis;  
 Servatum est; cælo cum visi ardere Cometæ;  
 Nam motu neque eunt certo neque tempore certo:  
 Quamvis usque adeo se rari tempore longo  
 Ostendant, ut, si certum quid constet in illis, 610  
 Propterea, raro quia visi, haud nosse queamus.  
 Forsan & hæc melius ventura ætate patebunt,  
 Namque ea præteritos cælo servata per annos  
 Noscere quibit; & antiquis præsentia rebus  
 Conferet, ut videat, si quidquam hæc convenit inter;  
 Qui sit motus, uti redeant, abeantque videntum  
 Ex oculis; quin & loca eorum & tempora signet:  
 Non evolvendis ætas his sufficit una.

Hoc Astrum, unde tibi dico constare Cometæ;  
 Innatat ingressum cum nostro in Vortice, Solis, 620  
 Quod recipit, lumen reflectit corpore opaco.  
 Tempore propterea tali apparere Cometæ  
 Lûx oculis debet nostris visumque ferire:

Potr

Porro cum nostro fugiens de Vortice longe  
Abscessit, non lux aciem reflexa valebit,  
Ut videatur id a nobis, contingere nostram;  
Quandoquidem intersunt mediorum immensa locorum:

Ut tamen in dubiis varia est sententia rebus;  
Contendunt multi vagâ Vortice Sidera nostro,  
Ut Venus & Mavors & Juppiter, esse Cometas, 630  
Qui magnos circa Solem rapiantur in orbes,

At non circuitus media in regione manentem,  
Verum vicinos nunc illi accedere, contra  
Abductos spatiis nunc longe immanibus ire.

Proinde ubi jam longe longeque a Sole recessit  
Astrum, haud a nobis lumen, quod tenue reflectit

Ob longinqua; quibus distat; loca, posse videri:

Posse tamen, propius cum Soli accessit; ab ejus

Si tamen haud radiis propioribus involvatur,

Si supera & nostrum clara de nocte feratur 640

Per cælum; magnos ita rentur scilicet orbes

Talibus absolvi diuturno tempore ab Astris:

Proin, quoniam longos in Solem tarda revertunt

Post annos; neque tum, cum jam rediere; videri

Interdum a nobis possunt; sive obruta Solis

A radiis, nostro seu luce exstantia cælo;

Non bene conveniunt, quæ sunt servata, queamus

Per cælum ut certos horum deprendere motus.

Propterea possis quoque dicere; corpora circum

Multa Cometarum a medio raptarier Astro; 650

Non tamen immoto, sed Solem obeunte manentem;

Rapta quoque ut Lunam Tellus vehit: illud at ingens

Non posse ob spatium, quo jam procul usque recessit

Disjunctum; tenui dispersa luce videri.

Haud alio apparent ergo illi tempore nobis,

Quam cum se a nostra propiores parte revolvunt,

Demittuntque; latent immenso cætera cælo.

Tutemet aspicias raro fulgere Cometam,

Quin longos lucis videas emittere tractus.

Si quid in incerta re conjectare valemus;

660

Haud

Haud male refractæ per cælum, dum loca tranat,  
 Id tribuas luci, quæ pro regione situque  
 Diversa nostras acies ratione laceffit.  
 Sin, hoc ne credas; obstat, quod sidera quæque  
 Cum longo pariter deberent crine videri,  
 Hoc alio melius rem clarem fors tibi pacto  
 Astrorum, genus hoc, tali consistere putandum est  
 Corpora textura, Phœbeo ut tacta calore  
 Ingentes possint facile exhalare vapores  
 In speciem fumi, flammis velut humida ligna. 677  
 Quod magis ut veri noscas simile esse: videntur  
 Hi tractus longum, prope cum Sol, crescere semper  
 In spatium, & partem cæli comprehendere magnam;  
 Cum procul est, contra curtato incedere tractu  
 Per cælum, & longa decrescere luce: sed usque  
 Est opus adversa ut Solis regione feratur  
 Fumida materies visque exhalata vaporum:  
 Nam motu acquirunt levitatem, ut scandere possint  
 Altius,educti liquido velut aëre fumi.  
 Hos tibi præterea lucem dare posse vapores 680  
 Credendum est; quoniam radios reflectere Solis  
 Posse quis inficias eat? ut suspensa per auras  
 Nubila reflectunt. Hæc nos Caudata vocamus  
 Sidera, cum caudæ nimirum more sequuntur  
 Astrum Phœbeo lucentes lumine fumi:  
 Sin vero partem, Sidus quo tendit, in illam  
 Directi spatio præcurrant anteriori,  
 Lucem, quæ Sidus prævortit, dicere Barbam  
 Suemus: sæpe comas quoque circum hæc fundere cernes  
 Sidera, ab opposita Soli cum parte feruntur. 690  
 Denique ( rebus in his nec multa indicta relinquo,  
 Ut, quam Hominum varii, possis dignoscere, sensus )  
 Non deerunt multi quoque præsertimque repertis  
 Hærentes Veterum, quorum sententia Veri  
 Instar habet normæ, tam prona mente sequuntur  
 Sæpe etiam errantes, velut ipsa Oracula Divûm:  
 Non deerunt, inquam, qui jam nihil esse Cometas  
 Con-

Contendant, quam, quos exhalat Terra, vapores  
Sublatos superas tenui cum corpore in auras;  
Nubila uti nebulæque volantiaque Astra genuntur: 700  
Magnopere in qua mî ratione errare videntur  
Propterea, quia se nubes aliiqve vapores  
Non procul extollunt Terra: cum sæpe Cometæ  
Omnia fulgentes ultra vaga Sidera distent.

At vehementer in his vitium hoc fuge, quod tibi pacem  
Delibare animi queat & turbare timore;  
Nimirum dira ne credas luce Cometæ  
Vertere Regna, famem portendere, certaue Regum  
Funera pestiferamque luem terræque tremores  
Insolitos, & quæ, genus hoc, sunt cætera, vulgus 710  
Affore quæ jurat dubio procul inque minere.  
Nil humana quidem suffundere pectora vulgo  
Unquam consimili potuit nigrore metus, quam  
Ignorantia causarum & rationis egestas.  
Primum ubi nam cælo Mortales fulgere lucem  
Ex improvise objectam videre Cometæ;  
Cum neque tum causam novitate exterrita scirent  
Corda, neque incassum cælo apparere putarent,  
Dirum si quid in hoc terrarum protinus orbe  
Acciderat, bellum cædes morbique famesque 720  
Funeraque, ex illa repetebant luce coortum.  
At cur non aliquid lætum, quod deinde sequatur,  
Fulgori referant inopini luminis ejus?  
Tempore cum nullo terræ regionibus ullis  
Non interveniant felicia tristibus, atque  
Intermixta malis non sint bona, quæ videantur  
Esse novam cælo comitata secutaue lucem.  
Præsertim cum, quod summa ratione creatum est.  
Numinis, esse nequit, nisi totius utilitatem  
Propter Summæ, atque bono servarier ejus: 730  
Namque suo prodest Toti pars, ipsaque partem  
Pars aliam juvat, ut secum non dissonet Omne.  
Astrum præterea, vi languescante sua quod  
Vorticis alterius victum sorbetur ab æstu,

H

Cor-



Corpore si solido constet minus, ut queat alte  
 Jam medio propius descendere, transque meare  
 Illa loca, in motus ubi copia particularum  
 It segnes longe, atque agitur tardissimus orbis,  
 Illuc perveniet tandem, quo fortius ipsum,  
 Languidiუსque Pilis non sit tangentibus; æqua 740  
 Inter eas sed vi libratum cogier ultra,  
 Non erit, ut possit descendere: namque vel ultra  
 Si descendat, eas in partes materiai  
 Protinus incurrens, quæ constant mole minori,  
 Proinde minus solidæ sunt & minus usque valentes,  
 Astrum perceleri motu resilire repente  
 Debet: item supera neque contra ascendere possit  
 Hinc, ubi libratīs agitatur viribus æquo  
 Momine; quandoquidem si supra ascenderet Astrum,  
 Contiguæ partes vi tūnt majore repulsum 750  
 Respuere, & plagis intro propellere possent.  
 Restat, ut hæc igitur consistere debeat usque  
 In regione loci, quo par vis illius extat,  
 Incidit inter quas, cum motu particularum.  
 Atque his exemplum rationibus addere coner.  
 In vitreum si vas argenti pondera vivi  
 Infundas pluviasque undas oleumque, levemque  
 Post Bacchi florem, componit quisque loco se  
 Non mixtus liquor, atque alium est super editus alter  
 Pro gravitate sua: vario tum corpora merge 760  
 Pondere; vis auri fundum penetrabit ad imum;  
 At super argenti ferrum saxumque liquores  
 Exabit sub aquis; super undas flava natabit  
 Cera prius perrupto oleo; non rumpet olivum  
 Quercu de viridi ramus, sub flore Lyæi  
 Immerfus licet; hunc abies hunc fraxinus, ulmus,  
 Frustraque de genere hoc leviorum plurima rerum  
 Non vincent, sed se super illum educta locabunt.  
 Sic etiam gravitate sua se quodlibet Astrum  
 Desert inter eas partes, quæ viribus æquis 770  
 Sint, & ubi cunctos libratum persitet in annos.

Tunc

Tunc una a rapido versabitur impete circum  
Vorticis, atque una Solem æquo tempore obibit.

Rebus ab his patefit, quæ sint ratione coorta  
Astra, vago cursu quæ cælo cumque feruntur,  
Atque obeunt rapido volventem turbine Solem.  
Nimirum Saturnus & altus Juppiter & Mars  
Terraque fulgentique Venus nitidissima luce  
Proximus & Solis medio Cyllenius igni  
Ante fuere, velut Sol est modo fixaque cælo 780  
Sidera, quæ proprio rutilantia Vortice perstant.  
Sed porro propter maculas absorpta furenti  
Sunt a Sole, velut fieri paulo ante probatum est.  
Hac ratione putes etiam, quæ multa perenni  
Saturnumque Jovemque videntur obire meatu,  
Astra fuisse suo cum Vortice, deinde coortis  
A maculis solidata in eorum rapta valentes  
Turbineos motus. Lunam quoque, cum fuit Astrum  
Terra, pari Terræ ratione rearis in æstum  
Descendisse; velut Solis descendit in ætum 790  
Dehinc Tellus pariter solido cum corpore Lunæ.

Verum alia genitum longe ratione rearis,  
Qui medium circa suspenditur Annulus orbem  
Saturni, genus hoc, unum & mirabile Mundo  
Spectaclum, Si quid nobis est conjiciendum  
Rebus in obscuris; fuit ille in origine prima  
Saturni crustæ pars forsitan exterioris,  
In nucleum immani quæ lapsa est denique casu;  
Quo casu haud valuit mediam illam involvere partem;  
Unde manet tantæ monumentum hæc grande ruinæ. 800

Jam quoque constat, uti palantia Sidera, quæ sunt  
Mole magis solida, majoribus intervallis  
A medio distent; vicinius illa locentur  
Queis solidi minus est auctus. Et mole minori,  
Quam Tellus, quamvis Mars sit, magis ipse videtur  
Esse tamen solidus, cum plus a Sole recedat:  
Majorum libratur enim cum mole Pilarum.  
Præterea mage quæ distant, ea sepius orbem

Conficiunt, quam quæ Soli vicina feruntur;  
 Quandoquidem, ut supra quoque dixi, Vorticisillæ, 810  
 Quæ medio magis accedunt, citiore feruntur  
 Particulæ motu, at segni, quæ longius absunt:  
 Et cum participant harum vaga Sidera cursum,  
 Circa, opus est, Solem ratione ferantur eadem.

Tum quoque scire licet, dum Lunæ circuit orbis  
 Tellurem, hanc fluidæ, quæcumque interjacet, auræ  
 Materiem proprii pariter vertigine motus  
 Raptari; Terramque ita circum Vorticis æstum,  
 Fac, fieri exiguum reputes, quo fluida cæli  
 Vis in circuitum rapiatur; at ultimus orbis 820  
 Æquis non spatiis omni est de parte remotus  
 Terræ a medio, sed supra arctatur & infra  
 Amplior ad latera; urgetur quia desuper a vi  
 Multarum majore Pilarum, respuiturque:  
 Inferiusque ægre contra descendit ob ipsam  
 Vim, qua librari media regione reposcit.

Non immota suo Tellus in Vortice perstat,  
 Sed corpus circa se totum agitata revolvit,  
 Ut docui: quoniam, si concipis antè fuisse  
 Astrum, quod nunc est Tellus, fateare necesse est, 830  
 Primi materiem crusta jam clausam Elementi  
 Esse sub hac, nihilo-minus acri concita motu  
 Quæ Terræ molem ratione volutet eadem,  
 Qua quondam, fluidum dum Tellus constitit Astrum,  
 Propterea ratione pari quoque Sidera volvi  
 Cætera se circa reputes errantia cælo:  
 Adde quoque & longa fulgentes luce Cometæ,  
 Quorum cauda, vapor nempe exhalatus ab illis,  
 Nigranti interdum distingui haud simplice filo  
 Cernitur, oppositam quod ab una transit ad oram; 840  
 Indicat impressum quod in ejus origine motum.  
 Nec non & Phœben, dum Terram circuit ejus  
 Vortice rapta, super proprio semel axe fatendum est  
 Circumagi. Quonam fieri sed denique pacto  
 Possit, uti sese circa se Luna revolvat,

Et

Et semper faciem nobis obvertat eandem,  
( Nunquam non eadem pars ejus namque videtur )  
Protinus exemplo manifestum id percipe tali.

Sic obeat media stantem regione columnam,  
Fac, Puer, ut vultu semper conversus eandem 850  
Aspiciat: toties uno semel orbe revolvi  
Ipsum se circa ( tu motum adverte ) notabis.

Scilicet ex una si Lunam parte rearis  
Esse magis solidam, parte hac extabit, inesse  
Fortior ut cui vis debet, qua Vortice tentat  
Effugere e medio; faciemque voluta, necesse est,  
Propterea vertat, cui sit minor impetus, intro.

Porro non illud poterit mirabile dici,  
Quare Signiferi semper declinet ab axe 860  
Orbis hic, errantem Terram qui sustinet, axis,

Propterea, quoniam est eadem positura situsque  
Terræ utriusque poli nunc, ut fuit ante, suo dum  
Vortice constabat Tellus, Astrumque nitebat:

Atque eadem extremis nunc finibus aspicit axis,  
Aspiciebat eo quæ tempore, sidera: quare  
Non est mirandum sese inter uterque quod axis  
Mutua declinet; quoniam nec conveniebat  
Inter eos, etiam dum Tellus constitit Astrum.

Demum perfacile est rationem reddere dictis  
Errorum, quibus a cœpro vaga Cynthia cursu 870  
Multimodis flectit, non motu atque orbibus ipsis

Non spatiis nec re sibi constans denique in ulla:  
Ut non ulla magis res torqueat, excrucietque  
Illos, qui numeris & certa includere lege

Astrorum tentant cursus orbisque vagantum.

Illa quidem geminis opus est impulsibus usque  
Pareat, & Terræ proprio quæ Vortice raptat,  
Et, Solis, pariter qui circumvectat eandem

Cum Terra: quapropter agens vis utraque semper  
Diversa ratione facit, variante feratur 880  
Et motu & spatio, neque certis orbibus errer.

Consimili ratione potes dissolvere, quidquid

Cætera turbato peccant vaga Sidera cursu:  
 Corpora sublato nam cum neſtantur inani  
 Corporibus, poſſintque a ſummis ima moveri,  
 Summaque ab his pariter, quoniam ſunt utraque nexa  
 A mediis; ut agant, opus eſt, & agantur ab iſis  
 Diſjunctis etiam diſjuncta remotaque rebus.  
 Quo magis inter ſe diſtant, hic mutuus eſſe  
 Impulſus debet minor, at violentior inter 890  
 Corpora, quæ ſpatiis non ſunt diſtantiâ-tantis.  
 Quapropter Luna, & quæ ſunt errantia cælo  
 Sidera, quandoquidem a diſjunctis atque propinquis  
 Corporibus varias in partes undique aguntur  
 Multimodis, non impulſu non viribus æquis,  
 Debent tot variis ideo rationibus orbes  
 Et motus mutare ſuos, quot corpora paſſim  
 Conſtant in Summa rerum, quæ mota cientur;  
 Omnia quandoquidem, quæ concita cumque feruntur,  
 Diffundunt vires etiam in longinqua per inter- 900  
 Jeſta loca, & vacui quæ ſunt expertia prorſus.

Cætera quin etiam, genus hoc, quæcumque videntur  
 Per cælum, facili poteris cognoscere niſu,  
 Si poſitas ſupera rationes mente revolvis,  
 Idque tibi certo poſſum promittere, mentis  
 Non a te magnas ullam rem poſcere curas,  
 Conque ſequi parvo te plurima poſſe labore;  
 Si tamen inſliteris veſtigia certa viai,  
 Namque ut montivagus Venator, ſæpe feraï  
 Signa pedum ſilvis ubi comperit, impiger illuc 910  
 Conſequitur gaudens, quo pergunt ducere fixa  
 In prædam: neque enim poterit tunc illa ſequenti  
 Elabi, & ruta inteſtam ſe condere fronde;  
 Ducere ſic certam rerum veſtigia mentem  
 Parva queunt etiam; capiat quo præmia Veri  
 Dulcia, jucundo nec non quæſita labore:  
 Oblectant animos ipſi nam ſæpe labores,  
 Scilicet & magno quædam inſudare voluptas  
 Eſt operi: quin in condendis verſibus iſtis,

Quam-

Quamvis multa mihi multo sint verba labore 920  
 Conquirenda, queant numeris quæ clausa modisque.  
 Carminis obscuras penitus res lumine claro  
 Convellere, tuæque diem præpandere menti,  
 Oblector tamen in condendis versibus ipsis.  
 Quin etiam Veri mentem magis ipse necesse est  
 Quærendi labor alliciat; præstantius ejus  
 Nam desiderium est, & mentibus altius hæret;  
 Ulla nec est specie Veri res aptior ipsis.  
 Quare ne nostro pigrescis carmine; quanquam  
 Desunt multa, placent quæ fors audita Poëtis 930  
 Ex aliis; neque enim pugnata sub Illo alto  
 Bella cano, nec habet teneros hoc carmen amores,  
 Nec pastorales sub frondosa ilice curas;  
 Amphitryoniadæ non magni hic nomina factaque  
 Inclita sunt; domitis jamdudum Liber ab Indis  
 Victor agens tigres rediit; neque tempore nostro  
 Vidimus unquam ullas Silvestria Numina Nymphas  
 Panæque; prisca tulit secum hæc ludicra Vetustas,  
 Et teneris tantum Puerorum mentibus atque  
 Mollibus ingeniis post se tractanda reliquit. 940  
 At quibus est Animi vis auctior, illa resutant;  
 Vestigantque avidi veras rerum rationes.  
 Quare age, cunctarum si jam primordia rerum  
 Certa tenes, porro, quæ cætera cumque supersunt,  
 Evolvamus ab his, unde ipsa exorta videntur.

Et quoniam docui, Terræ corpora circum  
 Cæli materiem rapidos per Vorticis æstus  
 Volvier; idcirco magnis ea viribus extra  
 Nititur elabi, medioque recedere motus,  
 Scilicet a Terra; medium namque obtinet ipsa. 950  
 Et quia particulis omni de parte rotundis  
 Cæli materies, nimirum Elementa secunda,  
 Constat, propter eam debet majore figuram  
 Vi niti ad citius, quo pellitur, egrediendum,  
 E Terraque recedendum, quam corpora possint.  
 Quælibet alterius cujuscumque figuræ.

Namque, ut Menfores certa ratione fatentur,  
 Tantum in corpore inest haud ullo materiai  
 Extima quam si sit facies de parte rotunda  
 Omni more pilæ, reliquis quapropter oportet 960  
 Corporibus præsent nifu, quo longius ire  
 Pugnant a Terra, medio quæ Vortice constat.

Hinc rerum Gravitās patefactaque certa videtur  
 Ponderis hinc ratio, quo deorsum multa feruntur:  
 Nam si de terra sublatis pondera saxi  
 Projicias fursum, subito tum obstat eunti  
 Fluida materies multarum objecta Pilarum  
 Tanta mole sui, quanto lapis augmine constat.  
 Quæ quoniam majore recedere nititur extra  
 Impete, uti docui, quam saxi corpora, quævis 970  
 Aut alia, idcirco valido certamine victrix  
 Corpora cuncta locis propellet ab omnibus intro  
 In Terram, cogetque redire, repulsaque deorsum  
 Labi, & humum casu graviter properante ferire.  
 Inde Graves res, in terram quæ pondere ab alto  
 Delabuntur, uti lignum est aurumque lapisque  
 Lanaque item & ficæ frondes plumæque volucrum:  
 Ast hæc tenuia sunt quæ corpora raraque longe,  
 Horum quandoquidem per multa foramina liber  
 Particulis fluidæ est egressus materiai, 980  
 Non ita vehementer subtus trudentur, cunctque  
 Lentius in terram, quam quæ solidissima constant:  
 Namque ea condensa præstantia mole receptant  
 Nullas, quæ paulum sustentent transgrediendo,  
 Particulas in se subtilis materiai.  
 Propterea solido vis est gravitatis in auro,  
 Quam nivis in floccis aut lanæ glomere, major.  
 Proinde aliis alias rebus præstare videmus  
 Pondere res; quoniam non omnia respuit æque  
 Vis ea materiæ; sed, quæ plus densa, premuntur 990  
 Fortius & citius, contextus quam quibus extat  
 Rarior, intersuntque foramina multa viæque.  
 Aëriæ quanquam quoque rerum pondera iniqua

Men-

Mensura immutant auræ: gravitatis in illis  
 Nam plus amittunt longe, quæ corpore raro  
 Sunt & contextu tenui lataque figura,  
 Quam solido quæ sunt auctu, & mage densa feruntur;  
 Ut pro materia non constent pondera rebus.  
 At contra labi prope eodem tempore cernes  
 Pertenues plumas grave & aurum in fornice vitri 1000  
 Omnibus exhausto, quantum licet, aëris auris;  
 Cujus, post referam, quæ sit structura, quis usus:  
 Scilicet ut quodvis rarum densumve ruendo  
 Per ter quinque pedes descendat corpus eodem  
 Tempore, quo vibrat se pulsu arteria tantum  
 Simplice, nimirum decies pars sena quod extet  
 Partis item decies quoque senæ simplicis horæ;  
 Multorum ut vario tandem tentamine constat.

Corpora præterea, quæ deorsum pondere aguntur,  
 Usque suos magis atque magis celerare necesse est 1010  
 Casus, propterea, quoniam nova deprimit usque  
 Cæli materies, atque ictibus adjicit ictus.  
 Nec vero incerta celerant ratione cadendo:  
 Pro quovis etenim memento temporis æquo  
 Labentis crescit fuga corporis incremento:  
 Descendat primo spatium si namque pedale,  
 Duplo jam citius corpus tripedale secundo  
 Tempore decurret; peraget post quinque ruendo,  
 Post septem spatia: imparibus decursa notatum est  
 Crescere sic numeris loca; sic decrescere contra, 1020  
 Si sursum emittas grave pondus in aëra jactum;  
 Decrescit quoniam pariter fuga. Certaue constat  
 Præterea hæc ratio, si per declive seratur,  
 Atque inclinato volvatur in assere pondus.  
 Haud tamen immensis ita quovis tempore posset  
 Augeri spatiis deorsum fuga corporis: æque  
 Ad celerem tandem lapsum fateare reduci  
 Namque opus est; siquidem novus ictus materiai  
 Addi non poterit tanta in properante ruina:  
 Ut neque te a tergo poterit propellere quisquam 1030  
 Pone



Pone sequens cursu fugientem scilicet æquo.

Contemplator item, quia deprimit omnia deorsum

Vis ea, quæ partes nituntur abire rotundæ,

Et quia libratæ nituntur viribus æque

Undique, libratæ pariter premere undique debent

Viribus hanc Terræ molem, quæ proinde rotunda est,

Noscere ut hinc possis mirum non esse, quod illi,

Quos retro in terra scimus requiescere pōsta,

Recidere e Terris non possint in loca Cæli

Inferiora; velut neque possunt corpora nostra 1040

Hæc supera e Terris in Cæli templa volare.

Corporibus, gelidas quæ sunt delata polorum

Ad partes plus, quam terrarum ubicumque, videmus

Ponderis acquiri: mage quo removentur ab illis

Ast aucta eadem regionibus; usque minuto

Pondere decrescit Gravitas, levioraque fiunt,

In media donec tandem tellure locentur,

Qua minimum rebus servatum est pondus inesse.

Atque id ea tantum potuit ratione notari;

Pendula nimirum cum ferri virgæ rigentis 1050

Huc illuc commota semel vibratur, eisdem

Tardius hic itus peragi reditusque videmus,

Extremum quam si terræ vibretur ad axem;

At citius contra, quam terræ partibus illis,

Queis secat Æquator mediam; quapropter oportet

Istic, motus ubi virgæ lentissimus extat,

Vi minima urgeri Gravitatis corpora deorsum:

Ejus utroque polo, quo virga citissima ferri

It redit icta semel, contra vis maxima constat.

Hujus nec ratio est impervia differitatis, 1060

Omnis quæ a motu mihi nempe petenda videtur,

Quo Terram proprio volvi super axe probatum est,

Proinde quidem immoti quæ corpora finibus axis

Sunt propiora, minus celeri correpta rotatu,

Quam media quæ sunt terræ in regione, feruntur.

Qui quoniam oppositus Gravitati est motus ( ut illo

Conversa e medio Terræ corpora longe

Tur

Turbine nituntur discedere ), detrahit illi  
 Plus, ubi major inest, minus, ille ubi lentior extat,  
 Nempe polum prope utrumq; minus, plus partibus illis, 1070  
 Quæ spatiis distant æquis ab utroque polorum.

His, opus est igitur, decrescant pondera rerum,  
 Et Gravitās deorsum minus urgeat, auctaque contra  
 Vi majore premat gemina in regione polorum.

Propterea multis Terra hinc compressa videtur,  
 Altior in medio, tumefactaque surgere paulum.

Jam quoniam quævis ejusdem corpora molis,  
 Si solida haud æque constant, non prædita eodem  
 Pondere sunt; sed, quod solidum mage, pendere debet  
 Plus aliis, quæ sunt plura intervalla viæque 1080

Majores: poterit tibi ab hac ratione patere,  
 Cur quædam summas fluitent nonmersa per undas;  
 At deorsum sub aquas contra cur multa ferantur,  
 Confidant fundo labentia donec in imo.

Nam quæ condense sunt corpora conciliatu  
 Texta magis, quam corpus aquæ, fateare necesse est,  
 Illa cadant sub aquas immersa: at corpora contra,

Sunt unda quæ rara magis levioraque, quam par  
 Auctus aquæ, extabunt lymphas super, inque natabunt,  
 Partem nimirum non undis obruta tantam, 1090

Quanto illis constant leviora: at denique, si quod  
 Tantundem corpus, par quantum pendit aquæ  
 Moles, illud aquis non partes exeret ullas,  
 Nec fundum contra per se volvetur in imum;  
 Sed regione loci hærebit quacumque liquentis:

Nunc tibi perfacile est ex his cognoscere causam,  
 Qua muti possint se a fundo tollere Pisces,  
 Atque iterum in fundum superis se immergere ab undis,  
 Aut media regione liquentum nare viarum.

Nimirum æquali si constant pondere Pisces 1100  
 Undaque, squammigerum quæ exæquat mole animantem,

Tum quacumque loci media regione vel ima  
 Vel summa adstiterit, non sursum infraque valebit  
 Ire, sed in liquido Piscis procedere cursu

Tan-

Tantum erit ut possit: quod si quæ causa deorsum  
 Mergier impellat, seu subter visa profundis  
 Præda sit in latebris, seu Bellua desuper ingens  
 Terruit; inclusam vesica comprimet auram,  
 Et sic mole minor fiet, graviorque minori  
 Pro mole; insit idem cum pondus ut ante, parique 1110  
 Proin tum fiet aqua gravior quoque: decidet ergo  
 Hac gravitate sui fundum submersus in imum.  
 At si quæ veniat supera se efferre libido,  
 Protinus illam ipsam dilatat & explicat auram  
 Efficiens, solito majus fit corporis augmen,  
 Proptereaque unda levius; quapropter oportet  
 Se sursum attollat: tum summis oscula lymphis  
 Sæpe dat, & varios ludentum more per auras  
 Contiguas saltus; festas quoque inire choreas  
 Turba cum magna pariter ludente videtur. 1120

His animadvertis illud quoque noscere debes,  
 Nimirum sub aquis gravium cur pondera rerum  
 Decrescant adeo, ut facili vel magna moveri  
 Saxa labore queant; quæ porro educla sub auras  
 Taurorum juga lassarent, atque Agricolarum  
 Contererent magnas immani pondere vires.  
 Sic etiam parvo sustollitur anchora nisu  
 Obruta aquis; sed ubi jam proxima pendet in auris  
 Aëris, obstitit nimio tum pondere, magno  
 In proram gemitu inducentibus æque labore. 1130  
 Et tibi jam rejci certum proponere pergo  
 Exemplar: geminis in libræ lancibus hinc atque  
 Hinc paria imponas si pondera, quodlibet horum  
 Nil tum pendere contra aliud videatur, oportet;  
 Omni privatum penitus sed pondere parva  
 Nisus vi poterit sursum deorsumque moveri;  
 Quandoquidem inter se tum mutua sustentantur  
 Corpora, dum constant æque librata: sed illa  
 Si non convenient in pondere, non majoris  
 Pondus erit tantum, quantum gravitatis haberet 1140  
 Lancem extra: partem siquidem ejus ponderis æquam  
 Su-

Sustinet alterius vis corporis: ergo necesse est,  
 Pendat parte sui dumtaxat ponderis illa,  
 Corporis alterius superat qua pondus. Et isto  
 Nonne vides pacto gravibus vel pondera prorsum  
 Tolli a corporibus, minui vel posse? sed ad rem,  
 Quam nunc quærimus, hanc rationem transfer, eoque  
 Percipe rem pacto. Nimirum detrahe tantum  
 Ponderis a saxo, liquidis quod in æquoris undis  
 Mersum est, par gravitatis habet quantum auctus aqua, 1150  
 Cum qua non æquis libratum est viribus illud:  
 Pars lapidi gravitatis erit tunc illa superstes,  
 Parte parem qua vincit aquam: quapropter oportet,  
 Pondera cæruleis rerum minuantur in undis.

Si libet, hinc poteris, gravitas quæ certa liquorum,  
 Scrutari: si namque pilo suspendis equino  
 Auri aut argenti pondo, atque immergis in undas,  
 Ponderis amissi ratio tibi denotat undæ  
 ( Sed quæ mole pari est ) gravitatem: ita nempe valebis  
 Securos fontem illimem cognoscere in haustus, 1160  
 Purus qui ante alios longeque levissimus extet.  
 Tum quoque consimili solidarum pondera rerum  
 Deprendi ratione queunt: tamen ante necesse est  
 Hoc teneas, solidi quod major corporis auctus  
 Majorem amittat partem gravitatis in undis,  
 Sustentatur enim majori a mole liquoris.  
 Quapropter, geminum si corpus ponderis æqui,  
 Non æquæ sed molis, in undas mergere tentes,  
 Argentum velut atque aurum, plus ponderis illud,  
 Est opus, amittat, minus hoc; quia scilicet illi 1170  
 Major inest moles, minor auro: proinde fatendum est,  
 Quod tantum argenti gravitas vincatur ab auro,  
 Amissum liquidis illius pondus in undis  
 Id quantum exsuperat, quod in isdem perdidit aurum.  
 Sic opus ex auro fictum explorare queamus,  
 Nempe insinceri sublit tum liqua metalli.  
 Suspicio; ut Siculi Regis vulgata Corona est,  
 Cum Vir ob inventum tam magnum balnea linquens  
 Extra

Extra profiluit subito, nudusque cucurrit  
 Exultans veluti lymphaticus, atque potenti 1180  
 Percussus mentem thyrsō; tam mira reperto  
 Scilicet a Vero venerunt gaudia menti.  
 Est etiam, ut possint extra undas pondera rerum  
 Imminui, & facili quovis ratione moveri,  
 Findier, adduci, præcelsa in culmina tolli:  
 Multimodis fieri quod sæpe videmus; at uno  
 Vectis ab exemplo brevibus rem percipe dictis.  
 Prælongi partem lapidi suppone movendo  
 Extremam ferri, quod fulcrum immobile propter 1190  
 Sustineat: dextra tum extremos deprime partis  
 Alterius fines, quæ longe excurrat in auras  
 Protensa a fulcro, atque innixus desuper urge  
 In terram: si tum ( quia partes dividit hastam  
 In non æquales fulcrum ) pars longior hastæ  
 Subjectam lapidi plus partem excedat, ab ipsa  
 Quam lapidis gravitate manus vis atque potestas,  
 Exsuperatur; erit momentum fortius ista  
 Parte, premens quam dextra urget; lapidemque moveri  
 Proinde gravem quamvis & vasta mole videbis.  
 Et quod est longa magis, quæ pars procurrit in auras, 1200  
 Hoc saxum levioere potes convertere nisu.  
 Hac etiam montes hac Terram posse moveri  
 Arte putes, extra si Terram immobile punctum  
 Sit, quod sustentet Vectem ex adamante rigenti  
 Tantis protensam spatiis, vis addita dextræ  
 Ut queat ex illa momentum reddere parte  
 Majus, & oppositam Terræ vincere molem.  
 Sæpe Syraculium dicentem talia Cives  
 Audivere Senem. Vulgus risisset; at ejus  
 Jam miranda fidem faciebant multa reperta. 1210  
 Tympana sunt etiam Cunei Trochleæque movenda  
 Viribus haud magnis inventæ ad pondera rerum,  
 Cætera item, mihi quæ properanti prætereundum est.  
 Nunc age, præter eam, quam dico, materiâ  
 Vim, quæ Tellurem circum versatur in orbem,

Unde

Unde tibi exoritur Gravitas, & Pondera rerum  
 Exoriuntur, uti docui, jam percipe porro  
 Quod superest, aliud quoque Terræ corpora circum  
 Materiæ genus esse, polo quæ transit ab uno  
 Cardinis oppositam in regionem, atque esse retortas 1220  
 Hujus particulas: ut ab his cognoscere possis  
 Naturam Lapidis, quem nos Magneta vocamus;  
 Scilicet unde habeat, grave ferrum ut ducere possit,  
 Possit se gelidam convertere semper ad Ursam,  
 Et tactum miræ chalybem vis participare:  
 Proin paulum haud longis ambagibus est abundum.

Quare particulas, ut diximus ante, striatas  
 Cardine ab alterutro Terræ transire polorum  
 Cardinem ad oppositum recta regione rearis,  
 Circuituque polos introire, exire perenni, 1230  
 Sub terraque meare, extraque meare per auras.  
 Cumque ingressa polum terræ intra viscera fertur  
 Materies, motu facili meat: invenit intus  
 Nam sibi pervia multa foramina: Transmeat ergo,  
 Qua via facta patet; sed cum de cardine terræ  
 Egressa est, superas vel aquas transire vel auras  
 Luctatur magno nisu: neque enim invenit illic,  
 Pervia quæ pateant moli intervalla retortæ:  
 Quare vi sibi scindat iter rumpatque, necesse est.

Hæc ubi constiterint bene confirmata, videbis, 1240  
 Magnes cur certa semper se parte nivalem  
 Ad Boream vertat: nam, cum tellure lateret  
 Conditus, illum intra sibi corpora particularum  
 Ingressu egressuque vias egere patentes.  
 Tenuibus utque pilis Magnes fuit oblitus intus,  
 Erectique viis surgebant undique rami,  
 Vis ea materiæ celeri transmissa meatu  
 Flexit in obliquum ramosque pilosque, meanti  
 Ut nihil obstaret: quapropter ubi erutus ima  
 Hic Lapis e terra est, superis si pendeat auris 1250  
 E tenui filo, per crebra foramina sese  
 Intro particulæ subtiliter insinuabunt;

Per-

Pervia quandoquidem moli intervalla retortæ  
 Inveniunt, quo confugiant ex aëris auris,  
 In quibus ingenti luctamine progrediendum est.  
 Quoque iter est ipsis directum, protinus illuc  
 Convertent Lapidem: cumque ipsæ cardine ab uno  
 Oppositam in terræ regionem progrediantur,  
 Altera Magnetis Boream pars, altera contra  
 Respiciet conversa Austrum. Res mira profecto, 1260  
 Quæque diu latuit: quanquam, si vera feruntur,  
 Hæc fuit extremos Asiæ inter cognita Sinas  
 Jamdudum, ut magnam daret illis utilitatem;  
 Scilicet ut medio reperire ex æquore possent  
 Austrique Boreæque plagas: hunc denique nostris  
 Prima dedit Nautis usum Magnetis Amalphis.  
 Major ob hoc ollis tum deinde audacia crevit  
 Intactas maris ire vias, spretisque procellis  
 Metiri Oceanum cursu, atque inquirere terras  
 Per mare classe novas, Orbemque ambire carinis. 1270  
 Porro cum sese Lapidis per aperta viarum  
 Tam facile insinuent, vixque ire per aëra possint  
 Particulæ, circa Magnetem in vorticis æstus  
 Se ferre incipient egressæ regrediendo.  
 Quod magis ut pateat, ferri scobs desuper ipsum  
 Sparsa tegat Lapidem, partique involvat ab omni:  
 Tum projecta licet temere hæc qua tollet in hirtos  
 Sese sponte pilos, qua circumflectet eosdem,  
 Disposita in formam nimirum vorticis ejus,  
 Quem faciunt circum peragrans materiai 1280  
 Particulæ: prorsus quo Terræ corpora pacto  
 Circumeunt illæ redeundo a cardine rursus  
 Cardinem in oppositum, superaue infraque meando.  
 Quare si gemini prope sint, nec mutua sese  
 Contingant genus hoc Lapides, ut scilicet alter  
 Obvertat partem, qua corpora materiai  
 Introeunt, latus id, datur unde his exitus, alter;  
 E latere hoc Lapidis transibunt illa recepta  
 In latus appositi; medium simul aëra plagis

Di-

Discutient, illos inter qui est cumque locatus. 1290

Fiet continuo, cum factus rarior aër

In medio sit, uti ex transverso postque locatus

Atque hinc atque illinc quasi provehat, atque propellat

Inter se Lapides, & prorsus mutua jungat

Connexos arcte: tunc ambiet unus utrumque

Materiae vortex recta per utrumque meantis.

Fit porro Lapis a Lapide ut plerumque recedat,

Conjunctique neget pariter, pulsusque vicissim

Appositum pellat: discordia tanta creatur

Propterea, quia nimirum, cum mutua sese

Respiciunt illis a partibus, egrediuntur

Per quas particulae Lapide ex utroque retortæ,

Inter se nequeunt confundere vorticis æstus:

Opposito inter se verum egredientia motu

Atque hinc atque illinc corpuscula percita, debent

Respuere appositos Lapides, pulsareque fluctu

Turbinis, & plagis longe remove re pulsfos.

Porro quo pacto Magnesia participet vis

De sese chalybem, non longo carmine dicam,

Haud secus ac Magnes, validi sic frigida ferri

Est pertusa foraminibus natura viisque,

Intus quæ multa lanugine tenuibus atque

Consistæ inhorrescunt directis undique ramis.

Quapropter simul ac ferrum prope contigit æstus,

Qui fluit a Saxo, sese illos protinus intra

Insinuat ramos atque intervalla pilorum

Illabens, facilemque viam sibi construit intus:

Namque means rectos cogit deflectere ramos,

Ventus ut inclinat violento flamine aristas.

Id quoque sit longo si ferrum tempore perftet

Auris expōstū liquidis, qua cardinem ad unum

Perpetuus se fert adverso e cardine fluctus.

Et quoniam fiunt sic intervalla viæque

In chalybe affimiles illis, queis pervius extat

Ipsē Lapis Magnes, ideo fateare necesse est

Illud vim Lapidis debere acquirere ferrum,

I

Qua



Qua sese Scythicam Cynosuræ vertat ad Urfam.  
 Nonne vides, nigro si tacta est ferrea Saxo  
 Pyxide acus librata, ut scilicet irrequieta  
 Vertitur hac illac; donec se sistat ad illam, 1330  
 Qua fulget Cynosura, plagam? Proin Navita fretus  
 Hac ducē carpit iter dubiæ vel tempore noctis:  
 Scilicet illa polum nimbo & caligine nigra  
 Quamlibet obductum non nunquam ostendit in undis,  
 Ventorumque domos varias & sidera monstrat.

Attamen interdum paulum declinat ab Arcto  
 Eoas flectens in partes Occiduasve.  
 Quod fieri quonam possit; mirabere, pacto;  
 Cum directa means ex uno cardine terræ  
 Semper in oppositum; docui velut ante, feratur 1340  
 Materies, Lapidem cursu quo dirigit illuc  
 Et ferrum, quod vim Magnetis participavit.  
 Propterea dico, torrentem sæpe retortæ  
 Illum materiæ cursu deflectere recto:  
 Namque, ubi sub terris se ferri multa coëgit  
 Copia, quæ facilem possit præbere meatum,  
 Debet eo properans divertere, quo via ducit,  
 Et quo tendit, acum rapere & deducere paulum.

Si Boreæ advenias gelidas nascentis ad oras,  
 Inclinare videbis acum in terramque revolvi 1350  
 Lilia, propterea quia, cum se partibus illis  
 Materies demittat, uti sub viscera terræ  
 Illabatur, acum cursu quoque deprimit isto.

Denique, cur Lapidem ferri natura sequatur,  
 Et cæcis in eo compagibus hæreat arcte,  
 Percipe: cum chalybi Magneta quis admovet, ejus  
 Naturam & vires, ut paulo diximus ante,  
 Participare chalybs debet: nam materiæ  
 De Magnete fluunt quæ tenuia corpora, ferri  
 Possunt ire vias; medium quapropter oportet 1360  
 Aëra disjiciant; tergo qui proinde receptus  
 Exagitat plagis Lapidem ferrumque, locoque,  
 Unde abiit, medio jungi compellit utrumque.

Mu-

Mutuus inde amor est, ut dicunt, ortus, & illa  
 Cum Lapide æterno sunt ferri fœdera nexu.  
 Vim miram hanc Lapidis primum Armentarius olim,  
 Ut memorant, Magnes (Lapis est dehinc unde vocatus)  
 Detexit, patria Tauros dum pasceret Ida,  
 Forte canens teneros silvestri in arundine amores  
 Hærentem clavis crepidarum sensit; & illa 137  
 Miratus Lapidis cum ferro fœdera, gaudet  
 Queis jungi inter se pariter, vim mutuam amoris  
 Protinus invidit, questusque sua impia fata est.

Proderit hanc ob rem Saxum Magnetis, ut ajunt,  
 Armare; & faciunt, puri cum lâmina ferri  
 Hinc atque inde duplex Lapidis conjungitur illis  
 Partibus, ingreditur queis scilicet egrediturque  
 Fluvida materies, quæ Saxum transmeat illud,  
 Namque ea cum faciles multo magis, aëre quam sint,  
 In ferro reperire vias queat, effluet hilum 138  
 Haud extra, sed qua per longum extenditur illud,  
 Ibit: quapropter chalybis si fragmina duri  
 Applicet armanti quis ferro hinc inde, teneri  
 Vi majore queunt pendentia, junctaque subter  
 Firmius hærescunt: nam copia material  
 Omnis, non circum aërias dispersa per auras  
 Confluit a ferro, Magnes quo armatur utrinque,  
 Pendentem in chalybem, atque arctis compagibus una  
 Copulat hunc Lapidi; majoraque pondera Magnes  
 Sustinet, ac faceret, si ferro armante careret, 139  
 At cave, ne ferrum quod obarmat, quodve propinquo  
 A Magnete rapi fursum cupis atque teneri,  
 Exesum scabra constet rubigine; claudit  
 Omnes namque vias rubigo, atque invia ferri  
 Intervals facit: quapropter viribus expers  
 Esse Lapis, neque enim rapiet, videatur oportet;  
 Cum labes nigro in ferro vitiumque sit omne.  
 Quod nisi percaveas, toties experta licet te  
 Fallet vis Lapidis, coramque rubescere erget  
 Illudum Sociis, quos visum hæc mira vocasti. 140

Succina præterea sunt & pellucida multa  
 Corpora Gemmarum naturaque Vitrea, frictu  
 Quæ valido calefacta potest tibi jungere raptas,  
 Si prope sint, paleas & quæque levissima rerum:  
 Inter namque vias & cœca foramina multas  
 Vortice perpetuo fluere atque meare putemus  
 Particulas, quibus est iter auris indupeditum  
 Perplexæque viæ: quapropter ubi excitus extra  
 Egreditur fluctus, multas illapsus in auras  
 Aëris extemplo parat intra tecta reverti; 1410  
 Proinde recurrenti, quidquid leve, turbine secum  
 Corripit, atque illo nexum cum corpore jungit.

Multa etiam sunt, quæ simili vi prædita constant,  
 Si caleant, ut Ebur Lapis Ossa & Marmora Conchæ  
 Et Corium & Cornu & flaventis fragmina Buxi:  
 Quoque magis retinent conceptos ista calores,  
 Hoc magis has servant diuturno tempore vires;  
 Queis, si sint etiam non trita & frigida quædam  
 (Ut Pix ut Sulphur naturaque Cereæ) pollent,  
 Idque diu, cum sunt ab apertis aëris auris 1420  
 Præsertim mollis defensa volumine lanæ.  
 Clara dies æstiva, boræaque flamina magnas  
 Intendunt vires, quæ bruma, humentibus auris,  
 Nocte remittuntur. Si par sit utrinque potestas,  
 Non vicina trahunt, sed sese bina repellunt  
 Corpora: cum validis igitur bene languida tantum  
 Conveniunt; quin hæc vires exinde receptant,  
 Omnia quæ sese facile in propiora propagant  
 Corpora, dura eadem, contraque fluentia consent,  
 Ut liber. Hinc Vitro a perfrecto egressus in auras 1430  
 De genere hoc fluctus per longum excurrere Funem,  
 Seque potest Ebori & Silici variisque Metallis,  
 Seque & Arundinibus Chartis teretique Bacillo  
 Omnibus & Lignis, lapsusque infundere Plantis,  
 Artubus & vivis Animantum; sæpe videntur  
 Qui trahere ad se res tenues, & fundere circum  
 Scintillas; nam cum quodam plerumque nitore

Lucis

Lucis vis sese nostris ea sensibus offert.

Ut tamen hæc facili coram ratione queamus  
Perficere, usus erit, claro quam carmine scribam, 1440  
Machina tam miris ut fiat idonea rebus.  
Ante alia aptatur vitriglobus, ut queat axe  
Circumagi super ipse suo, & volvente revolvi  
Usque rota; propter bipedalis lamina ferri  
Serum e cæruleis filis suspensa rigenti  
E ferro pariter tubulos sustentet hiantes  
Utrinque, & vix non vitrum patulo ore rotundum  
Tangentes, hoc majori qua volvitur orbe:  
Scilicet egrediens ut ab illo material  
Torrens non vacuas circum effundatur in auras, 1450  
At per septa meet ferri cava, multiplicesque  
In partem vires illapsus dirigat unam.  
Ferreæ præterea quoque magnum exinde catena  
Longe extendatur producta per intervallum,  
Ut vel dena quater stadia æquet; at undique ducta  
Tenuibus e filis vacua dependeat aura,  
Ne tangat prolapsa solum, neu parjete pondus  
Applicet aut alia re quavis; omnia turbant.  
His actis vitrum fac volvier, & manus illo  
Desuper incumbens subterlabente teratur, 1460  
Nec mora, lamellam tubulos longamque catenam  
Irrigat extemplo vis mira atque imbuat omnem.  
Si tum ergo admoveas digitum ferrumve, videbis  
Quodam cum crepitu scintillas exilientes,  
Scilicet in parvo simulantès ignea cæli  
Fulmina, cum de nube ruunt elapsa tonante.  
At si contingas, crepitantia fulgura cessant,  
Non sonus auditur, nullo manus intremis ictu,  
Ut prius, exiguo tonitru cum mota tremebat.  
At quibus ad vires magis hæc est apta ciendas 1470  
Natura, ut vitri sunt corpora, cum prope longo  
Accedunt chalybi, tenuis dat sibilis flamma  
Continuo erumpens, & lenis profilit ignis.  
Prætereaque leves res exagitantur, ubi illis

Viribus accedant ferri; propiusque locentur,  
 Ut paleæ aut siccis pulvis de frondibus, auri  
 Aut folia aut plumæ, ducuntur in oscula raptæ,  
 Protinus & fugiunt celeri absceduntque repulsa,  
 Concussæque æstu vario saliantque caduntque.

Adde quod acclini bombycum fila catena

1489

Si demittantur tenui pendentia nodo,

In terram hæc recta non coget vergere pondus,

Sed paulum nova vis infusa attollet, & ipsi

Diriget, undanti consent ut recta catenæ:

Si tamen interea propiore ciebis ab illa

Scintillas digito, subito prolapsa redibunt

Pondere subjectam recta spectantia terram;

Nam tum mira fluens ab eis avertitur aura.

Tum quoque carbonum cum pulvere sulphura mixta,

Et Bacchi florem si latæ imponere ferri

1490

Lamellæ tentes, digito das sulphura flammis

Protinus admoto per fulmina crebra per ictus,

Et Bacchi accendis, contactum ut lampade, florem.

His etiam interdum fecere pericula multi

In tenui vilique animantium corpore bruto;

Protinus exitum muscis fuit iste per illas

Scintillas; namque immotæ exanimæque cadebant,

Parvaque turbatis avis expirabat ocellis

Dilatans plumas, extendens tenuia crura.

Vis ea transit item per aquam, ut si flumine plenum

1500

Dextra tenens cyathum propter versatile vitrum

Pendenti ferro aut æri supponat, & ejus

Immergat partem, manibus per mutua junctis

Longa se innectant Spectantes deinde chorea,

Nec mora, cum digitum accedens ferrumve quis illuc

Admovit, subito se tactum sentiet ictu

Quisque, manusque suas agitari & brachia dicet;

Non sine pernicie, grandi peragatur id ipsum

Si vitro; siquidem nimius cui scilicet ardor

Id fuit audendi, cælesti ut fulminis igne

1510

Contactum cecidisse ferunt, ægreque labantem

Post

Post in se rediisse animam; tum protinus ausi  
 Pœnituisse sui. Fors hinc haurire medelam  
 Est etiam, tristesque e corpore pellere morbos:  
 Nam quibus obstructi quadam de parte fuere  
 Nervi, & membrorum quoque eorum perditus usus,  
 Aut quibus articuli podagra indoluere tenaci,  
 Admissi tum forte, novisque in corpora fulis  
 Viribus a vitro, facile & sua membra plicabant  
 Illi immota prius, nitique repente receptis 1520  
 Hi poterant pedibus tam tristi humore soluto  
 Nescio qua ratione; sed hæc magis excolet ætas  
 Altera, noscet & his etiam ulteriora repertis.

Quid magis infestum, quam frigidus humor aquarum,  
 Ignibus? ex undis nihilo tamen hic minus ignis  
 Exilit, & gelidæ scintillant undique lymphæ.  
 Parvaque si fluitet super undam cimba, propinquum  
 Insequitur digitum, velut æris incita flabis,  
 Et varios sinuat flexus, quocumque jubetur;  
 Interea crepitus crebros ciet, & vomit ignes 1530  
 Undique navalis velut in præludia belli.

Adde quod in tenebris tenui candentia luce  
 Corpora sæpe videntur, inest queis mira potestas,  
 Ut cum materie, quæ tum de corpore migrat  
 In corpus, pariter migret lux & calor una.  
 Scilicet & vitrum volvens palmamque prementem  
 Imbuit illustrans splendor guttamque cadentem,  
 Ignea gutta cadens apparet & igneus humor,  
 Filæque lucentes diffundunt serica tractus.

Præterea si crine ab equino cæruleisque 1540  
 Bombycum filis liquida quis pendeat aura,  
 Accedat porro capiti mirabile vitrum,  
 Protinus in vivos late vis funditur artus.  
 Sæpe pici insistant etiam, vel serica calcant  
 Texta Viri junctis pedibus, dextraque catenam  
 Protensa retinent; ergo tum ferrea frustra  
 Admoveat Comitum manus, extensove propinquet  
 In frontem digito in nares oculosve genasve

Pectora collum humeros in brachia crura pedesve  
 Colludens, subito crepitantes excutuntur 1550  
 Scintillæ ex oculis ex fronte ex ore genisve,  
 Concussivæ aliis ex artubus; exagitantur.  
 Nam commoti artus, & eo quatuntur ab ictu.  
 Mutuus impulsus fit utrinque, & percutit ipsam  
 Cum digito propiore manum. Super illius effert  
 Lancem auri argenteæ caput palmanive patentem,  
 Protinus incipiunt motari & fronte capilli.  
 Erecti insano Bacchantum ut vertice surgunt.  
 Vini succus abit conceptum & sulphur in ignem 1560  
 Admoto digito, levia ad se corpora sursum  
 Qui tollit, subitoque eadem sublata repellit.  
 Bractea mota salit resilitque, & vortice raptâ  
 Vertitur a celeri, concussaque tenuia quæque  
 Turbineo extemplo turbantur mota tumultu.  
 Si dextra educum vagina porrigat ensen,  
 Mucronique orbis tum ferreus aut manus extra  
 Accedat, liquidas prorumpit flamma sub auras  
 Protinus, ut torrens, summoque ab acumine prodit  
 Latior, & celeri concinnat sibila motu:

Nempe ego ab experto vidi horum plurima nuper 1570  
 Ante oculos tentata Viro, qui circuit urbes  
 Regnaque, & oppositum veritus non esse sub axem est,  
 Insuetis non ut monstret miracula vulgus  
 Lusibus a stulto corradens æra popello;  
 Occultasque suas jactet temerarius artes;  
 Verum ut Naturæ vires non invidus Orbi  
 Proferat, & doctas moveant spectacula mentes,  
 Quæque umbratilibus quoque sint accepta Lyceis,  
 Ostendat, rerum desideriumque novarum  
 Sopitis incendat, & ad tentamina ducat: 1580  
 Vidi equidem, Vos & mecum vidistis, & una  
 Omnia mirantes lustrastis mente sagaci,  
 Cultor & Interpres Naturæ magnus uterque  
 LESEURI & JACQUIERI, antiqui o moris Amici.  
 Hic ego non memorem vestras, opera inclita, laudes;  
 Quan-

Quandoquidem quacumque patet non barbara tellus,  
 Et quacumque dies Doctrinæ splendor ortus,  
 Nomina vestra sua decorum cum luce feruntur,  
 Aeternisque vigent monumentis insita Famæ,  
 Atque suo inscribens sacravit Gloria templo. 1590  
 Jam quoniam per vos licet esse, ut dicar Amicus  
 Vester ego optârim pariter; decus inde sequetur  
 Ingens & nostris non deerit gloria Musis.

Tum permulta etiam possem miranda referre,  
 Nostra recens ætas quæ protulit experiendo  
 Hoc genus, inque dies vario tentamine profert,  
 Quæ penitus Veterum vel sæclo ignota fuere,  
 Nunquam in Natura fieri vel credita posse.  
 Verum hac dicta tenus sat erunt, ut nôsse queamus  
 ( Utile præ multis documen Mortalibus ) illum 1600  
 Infans propius nimirum accedere, nostri  
 Mensuram ingenii magnis qui viribus aptat  
 Naturæ, & certo constrictam limite finit,  
 Quid queat aut nequeat, præscribens, arbitrioque  
 Cuncta suo temere, haud contentus quærere, fingit,  
 Cum qui Naturam rerum in discrimina ducunt,  
 Quosque diu varius solertes reddidit usus,  
 Quo vertunt se cumque, nova undique & undique mira  
 Obijciantur, & humanæ quæ denique nunquam  
 Inciderint menti, nisi cum per somnia ludit. 1610  
 Ergo in Natura spectatum admittimur ipsi,  
 Idque agere, ut taciti servemus singula, oportet,  
 Docta suas peragat Ratio tum denique partes.  
 Nimirum bene, si præeat Natura, sequemur.

Quod superest, opus est etiam cognoscere quædam,  
 Quæ de principiis ipsis manantia rerum  
 Afficiunt varie naturam corporis omnem.  
 Et primo calor est, ubi corporis exagitantur  
 Particulæ a primi correptæ motu Elementi,  
 Perceleri motu, quo quamque avellere tentat: 1620  
 Hoc sine non etenim posset calor ullus haberi;  
 Nec prorsus calida ulla foret res, quin ciantur

Ejus



Ejus particulæ; quæ cum majore cientur  
 Vi motus, fit, uti tanto calor audior extet:  
 Illo sed contra languescente inque minuto.  
 Elanguescere item tuimur minuique calorem.

Hac modo perfacile est ratione exsolvere nobis,  
 Quare perceleri interdum rota concita cursu  
 Concipiat flammæ, medio qua jungitur axi.  
 Namque opus est, ut, cum revoluta manente teratur 1630  
 Axe rota interior, vehemens oriatur in ejus  
 Particulis motus: motu fit protinus ignis;  
 Flammaque degustat lambens axemque rotamque;  
 Ipsum etiam arripiat currum Aurigamque, refusis  
 Ni pereat lymphis ingestave obruta terra.

Et ne forte putes, caleant ut corpora, motu  
 Particulas debere horum quocumque cieri:  
 Ille quidem tantum dabit, in rebusque calorem  
 Gignet, particulas perturbato ordine motus  
 Qui ciet, exagitatque in cunctas undique partes. 1640  
 Propterea e tumidis cum pellimus aëra buccis  
 Expressum vi multa oris per tenuis foramen;  
 Frigidus ille foras erumpet non aliam rem  
 Propter, quam recto quia motu concitus exit.  
 At perturbato cum motu ex ore patente  
 Mittitur, aura tibi tunc aëris illa calebit.  
 Illa nos gelidæ fuemus per frigora brumæ  
 Calfacere extremos digitos palmasque rigentes;  
 Illa fuemus item ceram mollire tenacem.

At quia non alio quimus dignoscere pacto 1650  
 Res calidas, nostri nisi tactu corporis uno;  
 Si commotus erit plus nostro in corpore sanguis,  
 Unde calor nobis oritur, quam motæ Elemento  
 Particulæ a primo sint, quam contingimus, undæ;  
 Frigida tum nobis esse unda videbitur ipso  
 Contactu; quamvis illi natura caloris  
 Insit commotas ob partes: idque videtur  
 Propterea, calida unda minus quia corpore nostro est,  
 Mens alienigenas per quod res sentit: at illa

Exa-

Exagitata magis si sit, quam corpore sanguis  
 In nostro, calidam sensu fateare, necesse est.  
 Hinc loca sub terris effossa æstate videntur  
 Frigidiora, hiemis quam sint per tempora canæ:  
 Illis quandoquidem mage nos æstate calemus;  
 At mage per brumam contra frigemus opertis;  
 Quamvis revera caleant magis illa per æstum,  
 Frigidioraque sint tristis per frigora brumæ;  
 Tempore nam tali lymphas persæpe repostas  
 Constringit glacies; æstatis tempore nunquam  
 Quod sumus experti; quamvis illa usque profunda 1670  
 Sint loca, ut efficiant frigentes contremere artus.

Plerumque hic motus, calor unde est, particularum  
 Res liquidas dilatat, & efficit, ut majori  
 Se spatio extendant: quoniam cum pigra quies est  
 Corporibus, pars una aliam plus tangit inhærens,  
 Quam cum perceleri pars motu quæque cietur.  
 Quare opus est, in majus uti sese explicet augmen  
 Corpus; ubi privas in partes insinuatus  
 Ejus corripuit rapido quamque impète motus.  
 Hinc quanta æstivi calor aëris augmina sumat, 1680  
 Decrescatque hieme ac ventis brumalibus idem,  
 Agnosces; vitrea, collum quæ porrigit arcum,  
 Si Bacchi tentes ampulla claudere florem:  
 Nam gracile ascendat si tum liquor altius intus  
 Per collum, tali dabit aucti signa caloris  
 Tempore: quandoquidem major vis illa caloris  
 Dilatans vinum superextulit: assimilique  
 Agnosces pacto, vini quo tempore florem  
 Ampullæ longo cernes descendere collo,  
 Tempore eo decrescere vim minuique caloris. 1690

\* Nec non & solida quæ sunt constantia mole  
 Plurima, uti duri lapides & quæque metalla  
 Vitraque distendunt augmen se in majus, ubi ictus  
 Solis ad æstivi perstant, flammisve calescunt;  
 Ferrea propterea paulum producitur igne  
 Virga; eadem, cum frigida sit, contractior exit.

Nam

Nam contra opposita frigus ratione coarctat  
 Multas res: quid enim est frigus, nisi particularum,  
 Pigra quies, perturbatis seu motibus obstants. 1700  
 Motus? quapropter glacies est frigida, itemque  
 Frigida marmora sunt, quoniam non intus aguntur  
 Particulæ a primi correptæ motu Elementi.

Prætereaque etiam sunt frigida flabra Aquilonum,  
 Pigra licet non sint eadem atque expertia motus;  
 Impete præcipiti sed terras & mare perflent,  
 Atque avulsa ruant multa vi rupibus altis  
 Robora; & ærio jactent cita nubila cælo.  
 Mam quæ Sithoniis e partibus exoriuntur  
 Flamina ventorum, motus ratione feruntur  
 Non perturbati, calidus quo scilicet Austro, 1710  
 At fera directo descendunt impete contra:  
 Qui perturbatis motus cum motibus obstat,  
 Frigidus idcirco venit Ursæ a cardine ventus,  
 Qui fugat Agricolas armentorumque Magistros  
 Exoriens, hiememque refert, atque enecat herbas.

Præterea constringit aquas, calcandaque sternit  
 Flumina; quandoquidem sese insinuantia nitri  
 Corpora vi multa defert, quæ fixa liquentes  
 Inter particulas religant, motumque fluentum  
 Sistunt undarum; glacies ut dura geluque 1720  
 Fiat, & immoto neclantur frigore lymphæ.

Forſitan inquires, quare glaciatus in auctum  
 Majorem concreſcat aquæ liquor, ærea sæpe  
 Poſſit uti clauſus diſrumpere vaſa, ſuperque  
 Exter jam levior, motis atque innatet undis.  
 Scilicet hæc ratio tibi conſtet vera, plicantes  
 Quod ſeſe omnimodis ſe formam prorsus in omnem  
 Particulæ undarum poſſint inflectere, & omne  
 Flexu intervallum vario replere locumque.  
 Intus cum vero penetrantia corpora nitri 1730  
 Suſcepere, fluensque gelu jam ſiſtitur unda;  
 Inter proinde ſuas multa intervalla receptet  
 Particulas, & ſe ſpatium dilatet in amplum,

Et

Et molem subito majorem acquirat, oportet.  
 Propterea teneræ rumpuntur frigore plantæ;  
 Intus enim in glaciem succus durescit, & amplam  
 In molem subito distensus vincula rumpit.  
 Horrida quin etiam præduræ marmora rupis  
 Finduntur persæpe gelu, quo stringitur unda  
 Occultis illapsa viis in viscera cautis.

1740

Humida proporro sunt corpora, flexilibus quæ  
 Constant particulis oblongis mobilibusque,  
 Ut facili possint in crebra foramina rerum  
 Insinuarier ingressu, madefactaque reddant,  
 Quæcumque humentis naturæ corpore tangunt;  
 Res velut humectat tactu liquor almus aquarum.

Mollia quod si harum primordia particularum  
 Tenuibus inter se perplexaque perque plicata  
 Tangantur ramis, nexu magis usque tenaci  
 Hærebunt: subito ut non possint effluere extra, 1750  
 Effluere ut possunt undæ vinique liquores.  
 Viscosi, genus hoc, olei natura videtur  
 Esse, fluit celeri quod multo tardius unda.

Est ratio haud simplex, possis qua noscere, quantum  
 Humidus augescat status aëris omnibus horis,  
 Decrescatque; facit quem sic variare vaporum  
 Halitus ex undis liquidas sublatus in auras.  
 Indicium festuca dabit silvestris avenæ,  
 Lignosas effert, ut tenuia cornua, fibras  
 Vertice quæ summo: nam, cum vapor aëris illas 1760  
 Humectat, laxantur, & orbibus evolvuntur:  
 At facit ut redeant in spiras ficior aër.

Hoc etiam organico poteris deprendere nervo,  
 Extremos cujus fines hincinde duobus  
 Firmandum est clavis: medio at suspendere pondus,  
 Quod queat inflexum trahere & distendere, debes;  
 Namque, ea cum nervi constet natura, sereno  
 Ut cælo, ficiis atque extendatur in auris  
 Longior, humenti contractior aëre fiat,  
 Descendit ficiis auris cæloque sereno

1770

Pon.

Pondus, at humenti contra salit aëre sursum:  
 Indicat id multos auris volitare vapores:  
 Nam tunc, ut cunei, se tortis insinuabunt  
 Horum particulæ fibris, ut debeat inde  
 Tum retrahi nervus, mediûmque attollere pondus.  
 Propterea ingenti suspensæ pondere moles  
 Funibus, & vacuo pendentes aëre possunt  
 Sustolli paulum conspersa fluminis unda.

Nec non & saxum de monte molare parantes  
 Dividere, excidunt circum ducuntque canalem, 1780  
 Quo ligna, ut cuneos, adigant vi: deinde frequenti  
 Humectant lymphæ, quæ lignea texta penetrans  
 Dilatat paulatim, & saxa obstantia findit.

Hæc autem liquido quæ corpore fluvida constant,  
 Non tantum oblongis & lævibus exiguisque  
 Debent principiis consistere particularum,  
 Ætheriæ verum quoque motu materiai  
 (Hanc constare putes e primis atque secundis  
 Inter se mixtis Elementis) exagitari,  
 Scilicet in proclive volubilis ut procursus 1790  
 Sic valeat fieri: lymphæ sed definit humor  
 Esse fluens, sese in glaciem cum vertit inertem;  
 Propterea quia tum non amplius exagitantur  
 Particulæ a motu subtilis materiai.

Præterea ad speciem nulla ratione vel arte  
 Pressus densatur liquor; ut si clausa sub auro  
 Argentove sit unda cavo, tum pondere magno  
 Imposito videas durum sudare metallum  
 Rore prius tenui per parva foramina lapsô,  
 Intus quam spatium sese in minus illa coarctet. 1800  
 Nec mirum, quoniam partes se flectere possunt  
 Undique, qua locus est, vixque ullum proinde relinquunt  
 Inter se spatium, nisi qua pervadere possit  
 Æther, quem non est excludere viribus ullis.  
 Possumus hinc varios vario de corpore succos  
 Exprimere, & medicos aliosque educere in usus.  
 Tantundem in sese nam si liquor ipse recedat

In-

Introrsum, quantum se pressum extrinsecus arctat  
Corpus, non ullas ullo de corpore guttas  
Viribus a magnis unquam stillare videres,  
Nec succo digitos contingeret herba prementes,  
Nec tibi calcata Bacchi liquor iret ab uva.

1819

Duraque præterea quæ sunt, ut robora ferri  
Ut validi silices ut saxa adamantina constant,  
Debent immotis & se tangentibus esse  
Prædita particulis, subtilique æthere & auris  
Omni a parte premi, atque arte conjuncta teneri.  
Vis circumpositis nimirum magna premendi  
Est auris, ut pressæ a sese mutua partes  
Avelli nequeant, velut una glutine nexæ.

1820

Utque tibi aurarum magnas exponere vires  
Ante oculos possim, tali rem percipe pacto.  
Lævia si jungas duo corpora lata, sit inter  
Ut prope nil spatii, quo confluat aura, relictum,  
Tum conjuncta simul concursu ea corpora tali  
Dividere hinc illinc si tentes disque gregare,  
Irritus aut labor omnis erit, vix denique magnis  
Aut tum dissilient conatibus atque Virum vi  
Multiplici oppositis divulsa a partibus a se.  
Sic circumpositus validis compagibus aer,  
Undique dum premit, in contactu corpora jungit.

1830

Consimile est, faciunt quod multi, ostendere vires  
Aëris exemplis rerum dum pluribus optant.  
Ferri namque globum scindunt in bina cavatum,  
Dimidiæ ferri parti tum deinde rotundi  
Dimidiam jungunt, at nullo glutine, partem;  
Aëra sed media tantum e regione pilai  
Educunt illa, qua post ratione docebo.  
Nam geminas partes ita vis extrinsecus auræ  
Comprimit, atque arcta compagine copulat una,  
Octo ut jungere equos dehinc experiantur, utraque  
Hinc illinc qui parte trahant, tendantque retortos  
Certatim funes cursum in diversa parando,  
Illo ut conjunctas divellant impete partes.

1840

pi

Ter

Ter quater intendunt vires, & corpore forti  
 Conatus edunt validos, pedibusque repellunt  
 Tellurem; retinent sed tergo stupea lora,  
 Terque quaterque refrænati sistuntur ibidem.  
 Vix tandem valido vincunt conamine, partesque  
 Inter se nexas disjungunt, vique relaxant. 1859  
 Usque adeo exterior junctas res comprimit aura.  
 Unde quidem fluidus vi tanta polleat aër,  
 Posterius referam; satis est modo scire probatum  
 Duritiem rerum repeti quoque ab aëris auris.  
 Non tamen aëriis ut non sint dura sine auris  
 Corpora: namque etiam dixi tibi ab æthere partes  
 Urgeri circumque premi immotasque teneri.  
 Motu nempe sua pars e statione recedit,  
 Ad latus ut nequeat tum parti hæere propinquæ.  
 Ergo quies retinet junctas semel, & facit, illum 1860  
 Ut servant, vel sola, statum, pignentque repelli;  
 Materiæ quoniam est omni vis inlita quædam,  
 Qua semel extiterit ratione, ut persistet eadem,  
 Victa nisi externis causis, ut diximus ante.  
 In punctis & quo tanguntur pluribus aptæ  
 Inter se partes, hoc corpus durius extat,  
 Ut validos ictus penitus contemere possit.

Cur vero in magnis corpus mollescere flammis  
 Prædurum queat, & liquefactum fundier aurum,  
 Duritiem frigens nativam deinde receptet, 1870  
 Accipe; nimirum liquidum fit ab igne, quod ejus  
 Exagitet partes ignis, quæ protinus actæ  
 Æthera sese intra subtilis materiæ  
 Admittunt, neque compactæ immotæque tenentur.  
 Mox iterum frigus connectit ab igne solutas  
 Ætheris expellens extra vim, duritiemque  
 Partibus amissam reddit, religatque liquentes.

Postremo fluido quæ constant corpore, sæpe  
 Sunt pellucida multa; quod est genus unda vel aër.  
 Undique subtilis quoniam vis materiæ, 1880  
 Inter particulas dum transit multa liquentes,

Rectum

Rectum scindit iter, rectoque dat ire meatu  
Propterea lucem, quæ dum transmittit, ab omni  
Parte patens corpus debet clarumque videri.

At quæ dura, sed & pariter pellucida constant,  
Ut vitrum ut glacies adamasque aliique nitores  
Gemmarum, debent eadem intervalla viasque  
Atque situm servare suarum partium eundem,  
Quem tenuere, prius quam dura rigescere demum  
Cœpissent, dum molliâ adhuc, velut unda, fluebant. 1890

Corporis at contra natura videtur opaci,  
Cum licet intra se claudat permulta viarum  
Intervalla, tamen vel recta foramina non sunt,  
Interrupta locis vel pluribus atque reflexa;  
Ut facili nequeat lumen transire meatu;  
Mille repercussum variis sed flexibus intra  
Infringat vires, distractum dispereatque.

Denique corpora corporibus distare videntur  
Non ratione alia, quam quod, communia quæ sunt,  
Semina materiæ variis congressibus aptant 1900  
Sese in concilio, ut rerum variantia possint  
Edere multiplici formæ ratione coorta.  
Nempe, infinitas quoniam variare figuras  
Prima queunt Elementa modis distantia multis,  
Atque uno formis in corpore permutari  
Innumerabilibus possunt, & quisque dat ordo  
Formam propriam speciem; manifesta fateri  
Te cogit ratio res hinc differre, suasque  
Corpora fortiri species certasque figuras.  
Hinc silices Tellus gemmasque habet atque metalla 1910  
Tam variis inter se formis, omnigenisque  
Conferit arboribus nemora undique, & educat herbas.  
Plurima quid terra gradientia dicam Animantum  
Corpora, quid per humum longas volventia spiras,  
Diversam inter se naturam nomina vires  
Sortita & mores & vitam denique & auctum?  
Quid genus Alituum memorem, quicumque vel auris  
Assueti prædam sectari & vivere raptis,

K Vel



Vel vitam insontem varie qui corpora picti  
 Per dumos agitant umbras vel per nemorales? 1920  
 Demum evolvere quis liquidi jam regna Profundi  
 Evaleat, pecudum sæcla omnia commemorando,  
 Quotquot aquas scindunt, scopulis & quotquot inhærent?  
 Usque adeo est variis repletum animantibus æquor.  
 Et tamen, ut supra retuli, quodcumque creatur  
 Æquoris aut undis, terrasve vel aëris auras  
 Concelebrat, re non alia differre putandum est,  
 Quam forma motu concursu principiorum,  
 Quorum abitu atque aditu naturam corpora mutant.

Proptereaque locis non omnibus nascuntur 1930  
 Omnia: disponi quoniam non omnibus omnes  
 In formas res posse locis Natura creatrix  
 Concessit. Nequeunt silvestria sæcla ferarum,  
 Urisque Tigresque atque iracunda Leonum  
 Vis gigni æquoreis sub fluctibus, atque liquentes  
 Ire vias; possunt ut Rhombi cæruleique  
 Delphines Mugilesque natantum & cætera turba.  
 Contra Caucasæis num montibus aut Riphæis  
 Aut aliis unquam extimuit quis monstra, profundi  
 Quæ salis æquor habet? certis Natura locavit 1940  
 Scilicet omnia, uti vigeant, seseque propagent,  
 Sedibus: ætherias herbæ se tollere in auras  
 A tellure queunt floresque arbutaque læta;  
 Abdita sed contra tellure metalla sub ima  
 Conduntur, plumbum grave nimirum æraque ferrumque  
 Aurum atque argentum; quoniam solidissima multo  
 Pondere sunt, nequeant ut proinde attollier ima  
 Altius a terra: sed nos præstante labore  
 Eruimus, vique in superas educimus auras  
 Quærentes in eis quoque dulcis commoda vitæ. 1950

Commoda multa quidem plumbi ferrique potestas,  
 Et simul argenti pondus simul æris & auri  
 Attulit: his partim silvas nam possumus altas  
 Cedere, materiem lavare, & radere tigna,  
 Perque forare, solumque etiam proscindere terræ;  
 Partim ex argento simulacra nitentia Divûm Po-

Ponimus, ornamusque auri fulgoribus aras.  
 Quamvis ista tamen dent vitæ præmia dulcis,  
 Ina condita adhuc melius tellure jacerent.  
 Nam neque nunc ullus gladii foret usus & æris 1960  
 Incurvi, serimus queis mutua vulnera nosmet  
 Inter; & armorum perstringens lumina fulgor,  
 Et crepitus tonitru simulans cæleste tuborum  
 Abforet: immani quod nunc mortalia sæcla  
 Exitio minuit belli tentantia fluctus.

Aëra culpamus, si quando mortifer æstus  
 Ingruit, & morbis funestas reddidit urbes,  
 Oppidæque exhaustit vastata agrosque colonis.  
 At quando una dies, pro Divûm Numina Sancta!  
 Vi morbi, cæli vitio tot millia quando 1970  
 Una dies dedit exitio, quot, cum fera miscent  
 Prælia, & adversis concurrunt frontibus hostes?

At quantæ, Superi! mortalia pectora curæ  
 Conscindunt, ex quo est auri argentique repertus  
 Usus, & ex illis conflata pecunia, parta  
 Qua possint Homines pacatam degere vitam  
 Nequidquam; quoniam cum nummis orta videtur  
 Pestis avarities animorum, ortique timores:  
 Scilicet Eoam ne puppis naufraga mercem  
 Merset aquis; furum ne res sublata repente 1980  
 Pauperet infidiis: argento auroque carere  
 Esse putant etenim summum extremumque malorum,  
 Nec nimium misera distare ab imagine lethi;  
 Proin vigilare magis nummos super, inque cubare  
 Assuescunt, nulli fidentes, suspiciosi.  
 Namque ut divitias certabant conduplicare  
 Per fas atque nefas, ipsi & præponere honesto,  
 Sic Homines alios rentur quoque quærere tantum,  
 Ut fiant dites, nec, quâ ratione, morari.  
 Adde, quod hæc inter fortunæ munera sæpe 1990  
 Ambitio exoritur, misere quæ tristibus omnem  
 Exercet curis vitam: namque esse putantes  
 Rem præ doctrina præ viribus ingenioque

Præ virtute etiam, præferri omnibus ardent;  
 Nil opibus quoniam rentur sibi deesse paratis.  
 Finis propterea nummis est nulla parandis,  
 Et major desiderium succendit habendi  
 Copia. Pro miseros! quos hæc sitis arida torret,  
 Quæ super effuso magis usque accenditur auro.

Denique mortali dum vita tempore parvo 2000  
 (Namque manet cita Mors omnes) conceditur ut;  
 Vitam quærendis omnem consumere rebus,  
 Et multas animi magno cumulare labore  
 Divitias, quas ingratis tum deinde relinquent,  
 Nonne hoc desipere est? quanto se angore metuque  
 Discruciant animi, cum se subit esse creatos  
 Mortales, atque extremam properare citatos  
 Ad metam, quæ cuncta adimat tot denique vitæ  
 Commoda, pro! tanto dudum quæsitæ labore?  
 Nam neque divitiis capitur Mors, tardior annis 2010  
 Ut saltem veniat seris; neque longior usquam  
 Vita tibi congesto argento venit & auro.

Præterea quæ sunt vitæ commoda demum  
 Nata ex divitiis? nimirum vestibis uti  
 Magnificis, mensæque diu discumbere opima,  
 Textilibusque in picturis ostroque cubare.  
 Quid juvat at claræ in splendore incedere vestis?  
 Vestis an hunc clarum reverentur purpureæ  
 Fulgorem morbique truces ægrique timores  
 Curaque? sub Tyrio num somnus suavior ostro? 2020  
 Somno humiles habitare casas & agrestia tecta  
 Plus libuit; nam vix seras tulit Hesperus umbras,  
 Illo correpti Agricola lucemque laboremque  
 Efflant per noctem, neque mentem somnia turbant.  
 Dulcius ipsi etiam dapibus satiantur inemtis,  
 Quam Reges, nunquam esse fames quos ulla coëgit;  
 Namque famem, ut placeant, epulas condire necesse est.  
 Denique divitiis sine magnis plurima possunt  
 Delicias etiam substernere: si tamen æqua  
 Sit mens in rebus, tranquilla ut tempora degat, 2030

## LIBER QUARTUS.



Xhausto medijs cursus jam Nauta labore,  
Si tristes fugiens ventos aut otia captans  
Condat fortuita scopuli in statione carinam,  
Sæpe moras inter mentemque oculosque re-  
volvitur

Tentata aspectu relegens animoque pericla;  
Quot tulerit nigro jactantes æquore ventos,

Quæ vada quas Syrtes quot iniquos fugerit æstus.

Propterea memorem demulcent gaudia mentem,

Elapsamque malis tantis se cernere suave est.

Idem ubi sed nudo scopuli stans vertice flexit 10

Mentem oculosque viam aliam, qua restat eundum,

In partem; quidquam neque ab illa parte videnti

Objectum est, nisi cælum atque illa patentia ponti

Æquora, proin subiit quoque, quantum in fluctibus illis

Restet adhuc luctandum, & quæ superanda laborum;

Incipit aspectu paulum languescere tali

Impigra vis animi, simul & tædere viarum

Longarum. Fac tum languenti effulgeat ingens

Spes animo lucris, redivit in præcordia virtus

Protinus, & nigros audax contemnere fluctus, 20

Oblitusque sui jam vitam culpat inertem.

Horum ego non aliter defunctus parte laborum

Jam cursu in medio mentem persæpe reflecto

Respicens, cura quæcumque exegimus acri;

Et me, nescio quæ, perfundit grata voluptas,

Scilicet & noctes vigilatas esse diesque

Exactos, quibus id studio præstante movebam,

Ut de natura rerum obscurisque repertis

Concinerem, quantum licet, aptis carmina verbis;

Jamque eluctatum veluti de syrtibus illis 30

Esse juvat: contra sed cum reminiscor earum

Quæ superant, rerum, & quantum quoque restet agendum,

K 3

Et

Et quam difficile obscuras res carmine iuro.  
 Clarare; exoritur tum quædam ignavia menti,  
 Frigidus & corpor quoque & harum tædia rerum  
 Exoriuntur; uti Musæi ardescere fontis

Ex Helicone fluens videatur vena, priusquam  
 Respergi sacro mea possint corda liquore.

At tua me Virtus, animo quæ sæpe recurſat,  
 Docta Cohors, subito pertæsum exſuſcitāt, & mi  
 Excitat ardorem, jam sponte ut & otia damnem  
 Ipinger, & que mvis optem perferre laborem,  
 Verbaque in obscuras res ſufficit, atque perennem  
 Deducit medio ex Helicone in carmina venam;  
 Ut tibi ſaltem aliqua poſſim ratione placere.

Quare age multarum, quæ reſtant, percipe rerum  
 Naturam & vires, & qua ratione gerantur

Plurima, quæ coram fieri quoque cernimus ipſi  
 Perſæpe, & prima Naturæ in fronte locantur.  
 Hoc genus eſt Unda atque Aër & mobilis Ignis  
 Cæteraque, ex illis quæ pendent, conque ſequuntur,  
 Scilicet hæc rebus magis omnibus utilitatem  
 Egregiam præſtant vulgo; nam vita manere  
 His ſine jam nequeat: quin & ſolatia multa  
 Præterea in vita ſubſternunt dulcia nobis.

Temperat Unda ſitim Mortalibus, Unda feraci  
 Telluris gremium pluvia ſœcundat, & herbis  
 Sufficit humorem, atque æſtivos temperat ignes  
 Per terras diſfuſa & in omnes undique Gentes  
 Fontibus & fluviis lacubusque in præmia vitæ  
 Publica, & omnem uno circumdat denique Terram  
 Oceano, per quem diſjunctas viſimus oras,  
 Atque alias Gentes luſtramus & invia Regna.

Num minus Aurarum natura deinde juvamus?  
 Vivimus his quoniam: reſpirant aëra namque  
 Omnia per terras omnes Animalia vulgo:  
 Spiritus ille fovet plantas, arbuſtaque rupta  
 Tollit humo, ut creſcant, & ventis adjicit alas.  
 Ignis item nobis longe utilis; utimur igne,

Scu

Seu crudas mollire epulas, seu dura metalla 70  
 Ducere, seu varios libeat quoque fundere in usus.  
 Denique res igni multas tractamus, ut illo  
 Sublato e terris artes quoque protinus omnes,  
 Commoda tot vitæ, demum vita ipsa periret.  
 Propterea, ut memorant, mortalia sæcla Prometheus  
 Finxit ubi e limo, vitamque animamque daturus  
 Protinus in cæli correptus templa volavit,  
 Admovitque facem Soli, flammamque receptam  
 Detulit in Terras; sine flamma namque videbat 80  
 Non posse humanam Mortales ducere vitam.  
 Par rerum quapropter, eo quibus usque juvamus,  
 Prorsus uti nequeat consistere vita sine ipsis,  
 Par erit illarum rationem inquirere rerum.

Et primo, quoniam pertusa foramine constat  
 Interior vario Tellus, fateamur oportet  
 Undantes etiam atque oblongas ducier intus  
 Hinc atque inde vias, quas prima Elementa necesse est  
 Replere; hæc extra vi magna expressa moventur,  
 Nimirum Terræ vi circum expressa volutæ.  
 Atque ita materies inter se mutua debet 90  
 Connecsi, & longas effundere flexibilesque  
 Extra particulas: hæc sunt primordia Aquæ.

Proin facile ipsa fluit, quia lævia principiorum,  
 Ut tibi jam supera quoque dixi, corpora debent  
 Ætheris a motu, dum transmeat, exagitari,  
 Prætereaque potest in crebra foramina rerum  
 Insinuarier ingressu; madefactaque reddit,  
 Quæcumque humentis naturæ corpore tangit:  
 Quod facere haud valeat, si partibus esse globosis  
 Compositam dicas, quæ non hærescere possent 100  
 Rebus, at excussæ caderent subitoque volutæ  
 In proclive. Sequetur eam quoque particularum,  
 Unde quidem vinco Lymphas constare, figuram,  
 Ut facile in tenues abeat resoluta vapores  
 Unda; quia exiguæ lævesque avellier a se  
 Possunt particulæ: quod si primordia Aquarum

Tenuibus inter se perplexaque perque plicata  
 Conflarent ramis, nexu magis usque tenaci,  
 Hærent; viscosus uti liquor hæret olivi:  
 Hujus enim e Terra ramosis semina debent  
 Extra expressa viis exire, ideoque teneri. 110

Præterea Undarum poscit natura liquentum,  
 Ut, quando motu non exagitantur, ab alto  
 Nec celeres collis descendunt vertice, verum  
 Sive lacu immotæ, patulo seu vase quiescunt,  
 Ut plano constant extrinsecus æquore prorsus  
 Aptatæ: quoniam, mage si qua excaret Aquæ pars  
 Extima, deflueret tum protinus inferiora  
 In loca procurrens, via qua proclivis; & ante  
 Desinere haud posset prorsus fluere, atque moveri, 120  
 Quam bene constiterit regione æquata superna.  
 Neve labor rationem horum causamque fatiget  
 Quærendi, tali rem protinus accipe pacto.

Finge in Aquis arcte connexas esse columnas  
 De fundo ad summum surgentes, quæ, quia constant  
 Omnes materiâ liquidi ex humoris eadem,  
 Ponderis ejusdem pariter sunt: quælibet harum  
 Proinde premunt æqua subtus gravitate; nec æquis  
 Sustainant ideo non sese viribus omnes.  
 Altera non igitur subsidit, & altera surgit 130  
 Tantundem; sed, uti doceo, exæquantur Aquarum  
 Inter se liquidæ supera in regione columnæ.  
 Propterea inflexus sursum si vitreus Undam  
 Excipiat tubus, hanc utraque in parte videbis  
 Æque suspensam, & se pondere sustentantem  
 Alterno: nam vis in parte æqualis utraque est.  
 Non minus id fieri reputes, pars altera vitri  
 Si sit crassa magis, gracilis magis altera contra;  
 Namque æque Liquor altus eisdem viribus uni  
 Insistit fundo; nisi sit tubus alter, inanis 140  
 Qua patet, exigui subtilis more capilli,  
 Unde Capillaris trahit a re nomen; ab illa  
 Nam tum parte quidem suspenditur altior Unda;

Sive

Sive quod angustum multo tenuissimus aër  
 Insinuatus in os minus obftet; sive quod Undæ  
 Particulæ obrepant in rara foramina vitri,  
 Ejus & adfixæ paulum quoque sustineantur  
 Parjertibus; quare consurgunt altius illinc.

Ex his apta fidem ducit res, sæpe quod alte  
 Infiliat per se tubulis inclusus Aquæ fons. 150

Nam sæpe a montis radicibus erumpentem  
 Includunt plumbo, quod montis ad ardua tendit:  
 Ille viam sequitur, surgensque attollitur alta  
 In juga. Magnopere hæc multis miranda videtur  
 Res harum ignaris rationum: scilicet Unda  
 Clausa valet tantum superinfiluisse, latenti  
 Quantum sub terra sunt alta loca, unde necesse est  
 Descendat persæpe, priusquam erumpat in auras  
 Exiliens, hanc nimirum fons usque per artem  
 Attolletur eo, mensura ponderis æqua 160  
 Donec sub cæca libret tellure cadentem  
 Undam; possit & hæc gravitate attollere contra  
 Surgentem; demum Lympha utraque mutua sese  
 Hinc atque inde pari sustentet pondere nisus.

Urbibus in magnis idcirco multa videmus  
 Neptuni simulacra per os summumque tridentem  
 Ejicere undantes latices, Tritonaque Proteumque  
 Et Nymphas, madidi quas dicunt humida regna  
 Concelebrare salis, pertuso e marmore late  
 Undique cæruleas Undæ diffundere guttas. 170  
 Scilicet ex alto descendens vertice collis

Per sese subter cæco insinuata meatu  
 Infilit Unda pedes & crura & viscera faxi.  
 Exit dehinc capitis per aperta foramina summi.

Plurima præterea possunt humentis Aquæ  
 Inquiri de natura. Nos quære quædam  
 Hic opus est, & plura indicta relinquere contra:  
 Ne, si cuncta velim prælongo evolvere versu,  
 Tædia scribentem capiant me teque legentem.

In primis, falso cur sit maris Unda sapore, 180

Quæ-



Quærimus; & facile est rationem reddere dictis.  
 Undique nam terras cum perluat Amphithrite,  
 Et passim terris Salium natura locetur,  
 Commotis miscetur aquis Sal; atque ita totum  
 Æquoris humorem salus corrumpit amaror:  
 Quandoquidem rigidæ spiclorumque instar acuta  
 Cuspide particulæ Salis extant: ( nempe Elementa,  
 Quæis Sal progenitum est, similis reperere figuræ  
 Interiore vias sub Terra ) proptereaque  
 Partibus immiscentur, & involvuntur aquai 190.  
 Flexilibus facile, atque infixæ cuspide adhærent.  
 Plerumque ima maris pars multo salior extat  
 Propterea; quoniam terræ vicinior illa est,  
 Unde Sales oriuntur, & acri cærule viro  
 Diluti inficiunt. Cur vero, Torrida multo  
 Solis qua sævit Terrai Zona calore,  
 Æquor Hyperborei sit amarius æquoris unda,  
 Dicere item facile est; nimirum Solis ab igne  
 Æthiopum maris unda resolvitur uſta vapores  
 Longe in majores, quam quæ minus incalet æſtu: 200.  
 Propterea remanet Salis illic copia major.  
 His accedit, uti minus illud temperet imber,  
 Et fluvii, dulcem qui largo flumine lympham  
 Infundant; alibi veluti falsedinis illum  
 Magnopere imminuit plerumque hæc causa saporem.  
 Præterea inquires, vicibus cur æſtuat æquor  
 Alternis, undasque facit quæ causa fluentes.  
 Quod tibi ut expediam, supra reminiscere dicta:  
 Nimirum circa Tellurem Vorticis uno  
 Cæli materiem correptam volvier æſtu, 210  
 Lunaique globum magnum cum turbine eodem  
 Tellurem prope terdenis ambire diebus.  
 Hæc superimpensens Terræ, qua tranſit, oportet,  
 Mole sua rapidis iter auris contrahat; alveum  
 Fluminis ut magnis eduſti molibus arſtant  
 Pontes, atque undis pilæ venientibus obſtant:  
 Non tamen idcirco celeris minus eſſluit amnis:

In-

Inveniunt nam quo majora obstacula, cursus  
 Accelerant rapidos magis, & magis usque fluentes  
 Eluſtantur aquæ; sic tu quoque credere possis 220  
 Arctæ damna viæ citiore rependere cursu

Æthera, qui luſtans erumpere vi premit æquor  
 Subjectum. Undarum ratio est hinc certa fluentum:  
 Namque huc atque illuc partesque recedit in omnes  
 Compressum subter mare, & aufert littora Nautis,

Præterea Tellus quoque ab illa parte repulsa,  
 Qua sibi rumpit iter celeri levis aura meatu,  
 Cedit in oppositum paulum latus, atque coarctat  
 Id spatii: unde pari fluere hic ratione necesse est  
 Æquor, & alterno procurrere gurgite pontum. 230

Ast ubi deinde locum, quo pressa est, Terra removiſ  
 A Luna; & plusquam senas circumacta per horas  
 Ejus ab orbe sui quarta jam parte recessit;

( Nam quoque Luna means aliquid tum temporis horis  
 Sex addit, quarta Tellus dum parte recedit )

In se a littoribus refluit mare: cernimus ergo

Uno circuitu prope Terræ & proinde diei

Bis fundi scopulos super, & lavere æquor arenas;

Bisque vado labente relinquere littus, & Æstu

Decrescente retro ferri, & sorbere lapillos, 240

Non tamen hæc orbem, quo Terram scilicet ambiſ,

Ut supra docui, rapitur levis aura per æquum:

Nam qua sit Martis clypeoque hastaque minantis,

Et Veneris cælo propior, sese orbis utrinque

Parte in utraque sui nobis vicinior arctat.

Illis Luna locis idcirco ( namque per illa

Bis loca mense meat; Solis cum scilicet ignes

Occiduos oriens contra atque adversa tuetur;

Cumque regit currus illi conjuncta silentes )

Illis Luna locis, inquam, cum transit, iterque 250

Contractum quoque mole sui cum corporis arctat,

Tempore eo premit insueta vi desuper æquor:

Propterea moti cursus pelagi atque recurſus

Efficit insuetos. Cum demum examina Libræ!

Æqua

Æqua tenent Solem Autumno, cum Vere tepenti  
 Excipit illum Aries media inter cornua luces  
 Noctibus æquantem; si tali tempore Luna  
 Orbe micet pleno, claros live occulat ignes;  
 Desuper incumbet Telluri fortius: ejus  
 Namque viam magis atque magis tum contrahit aura; 260  
 Directa siquidem Vi Sol quoque comprimit illam:  
 Majores ideo pressi parit æquoris Æstus  
 Vere vel Autumno, quam bruma horrente vel æstu.  
 Congestam in cumulum tum ponti allabier undam  
 Aspiciunt Nautæ, magnoque relabier auctu.

Æquor Hyperboreum, quod longe a tramite Lunæ  
 Disjunctum est, ullus vix unquam concitat Æstus;  
 Quandoquidem prius unda fluens quam pervenit illuc,  
 Littoribus scopulisque illiditur interjectis  
 Paulatim, ut longis compressa anfractibus omnis 270  
 Vis prior undarum componat denique motos  
 Fluctus, & placida jaceat constrecta quiete.  
 Herculeas contra metas invadit & Afros,  
 Hesperiasque plagas Tyrrenaque littora lambens  
 Præterit, Ægæumque reciprocus incitat Æstus.  
 Attamen angustis admissus faucibus intra  
 Æstus ab Oceano, porro diffusus in oras  
 Hinc illinc omnes, vi languescente, necesse est,  
 Commoveat Medium salis æquor: at undique pulsus  
 Ad maris Adriaci clausas ubi pervenit undas, 280  
 Nec valet ulterius se extendere, sistitur illic,  
 Majoresque fluens undas in littora cogit.

Denique non omnes portus non perluit oras  
 Tempore eodem omnes, neque fluctibus intumet æquis.  
 Namque ubi subjectum est Lunæ viribus æquor,  
 Ante fluunt undæ, & majoribus incrementis  
 Moti tolluntur fluctus, quam portubus illis  
 Littoribusque, magis quæ Lunæ a tramite distant,  
 Quæque movens undas obliquo ea lumine cernit.  
 Portubus in variis etiam variare videtur 290  
 Multimodis Æstus terræ variantia propter

Lit-

Littora inæquales oras scopulosque finusque  
 Ventosque fluviosque, ingenti qui agmine aquarum  
 In mare vicinum se evolvunt exonerantes,  
 Atque alias propter causas; quæ singula possunt  
 Efficere, ut varias Æstu variante per oras  
 Unda fluat, refluatque; neque uno id tempore fiat.

Quod superest, dicam, Fluviis quæ causa perennes  
 Suppeditare potest undas, semperque recentem  
 Lympharum e cæcis humorem evolvere terris. 300  
 Scilicet ut nostro diffusus corpore sanguis  
 Circuit insinuans sese omnibus undique venis,  
 Itaque reditque fluens; ita magno in corpore Terræ  
 Undas perpetuo sursum deorsumque meare  
 Circuitu plerique putant, ex æquore summos  
 Scandere nimirum montes, de montibus ipsum  
 In pelagus volvi: nam crebro illapsa meatu  
 Et cæcis maris unda viis, diductaque tellus  
 Qua patet, insinuat se magni in viscera montis:  
 Dumque cavos flexus bibulas & transit arenas 310  
 Per tot acerba fluens, veluti per cola, relinqui  
 Parvula posse salis retro corpuscula credunt;  
 Omne ut propterea vitium purgetur aquarum;  
 Illæ jamque leves salium gravitate relicta  
 Paulatim magnos intus conscendere montes  
 Possint, atque jugis evectæ erumpere summis,  
 Et sic in superam diffundere Flumina terram.

Hic cave, ne falsa capiaris protinus horum  
 A ratione, ruit penitus quæ collabefacta:  
 Neptuni nec enim mansuescere corpus acerbum, 320  
 Nec maris unda valet tetri primordia viri  
 Linquere; quantumvis tot eat per acerba locorum,  
 Tot per inæquales terras, tenuesque lapillos  
 Transmeet. Haud ullo conatu consilioque  
 Multimodis tentans Ars unquam effecit id ulla,  
 Ut fecerneret illa ab aqua, seorsumque relicta,  
 Per quæ transcurrunt, inter tot cola videret;  
 Semper enim prima contractum in origine virus

Illa

Illa tenet, semperque suus fervatur amaro.  
 Nec, si sub terris acri spoliata sapore  
 Unda sit, & falso levior proinde æquore constans 330  
 Paulum attollatur super ipsas æquoris undas,  
 Unquam erit, eductos in cælum scandere montes  
 Ut queat, atque adeo immani se attollere sursum  
 Ascensu; cum tot præsertim obstacula sese  
 Objiciant, dum densa meat percola, salitque.  
 Altera proin Fluviis quærenda videtur origo,  
 Certaque de terris quæ Fontes causa resolvat.

Et jam cum salium videamus corpora pacto  
 Non alio posse æquorea discernier unda, 340  
 Quam cum abit in tenues resoluta calore vapores;  
 ( Nam pariter nequit humenti cum nube vaporum  
 Sustolli gravior salium natura per auras )  
 Dicimus hinc riguis evolvi Fontibus undas.  
 Scilicet in gremio Tellus habet undique subter  
 Speluncas vallesque cavas vacuosque recessus,  
 Hospitium undarum; quæ se in loca concava lapsu  
 Furtivo insinuant ex æquore, conveniuntque.  
 Illic in calidos solvuntur ab igne vapores  
 ( Nam rapidis etiam Tellus surit ignibus intus ), 350  
 Qui levitate sua sublati in concava montis  
 Parjetibus cæcis sistuntur, frigida queis est  
 Natura: exiguas undarum proinde necesse est  
 Solvier in guttas constrictos frigore saxi,  
 Quarum perpetuo sudant humore cavernæ;  
 Et jam majores, semperque recentibus auctæ  
 Discurrunt flexos guttæ per fornices arcus.  
 Roscidus hic montis crustis ita defluit humor,  
 Erumpitque viis in aperta latentibus extra;  
 Ut jam Rivus aquas serpenti deferat alveo, 360  
 Et prima tenues effundat origine Fontes.

Si tamen hæc etiam fundendis Annibus impar  
 Causa videtur, & ex aliqua tibi parte vacillat;  
 Et quia jam sese vis tanta evolvit aquarum  
 Undique per terras tam multis Fontibus omnes;  
 Sci-

Scilicet ut raro fornix sub monte cavatus  
 Non posset tantas dare tantis Annibus undas:  
 Verum pauper aquæ tunc inter saxa lapilloſque  
 Obſtreperet Rivus, qua nunc devolvitur Iſter,  
 Et dorſo claſſes immani bellaque geſtat; 370

Et quia deberent non vere tumefcere tantum  
 Imbrifero Fontes, neque tantum æſtate calenti  
 Imminui; paribus prope verum erumpere lymphis;  
 Semper at ipſe vides pluviis creſcentibus ipſos  
 Augeri Fontes, largo & diſceſcere fluctu:  
 Indignetur uti jam torrens unda teneri  
 Ripis, & ſuper alta fluens obſtacula victrix  
 Grandia corripiat vulſo cum robore ſaxa.  
 At Nemeæus ubi ſindit Leo fervida multo  
 Arva calore furens, areſcunt Flumina late 380  
 Tranſilienda gregi perſæpe: ita ſcilicet undis  
 Tenuibus aſpicias imo jam ſerpere fundo.  
 Hæc, inquam, ſi propterea non poſſe videtur  
 Cauſa ſuas riguis largiri Fontibus undas;  
 Omnia jam pluvio deſcendere Flumina cælo,  
 Dicendum eſt: hæc namque ferunt dare certa petenti  
 Montanis reſponſa jugis ſpecubusque cavatis  
 Naturam, clamorſa fugit quæ sæpe Lycea,  
 Uberibusque colit ſtillantes undique guttis  
 Speluncas: hæc proinde cupit qui certa doceri, 390  
 Montibus & ſolis Naturam interrogat antris.

Quapropter ſuperis rupti de nubibus imbres,  
 Et tabeſcentes extructæ in montibus altis  
 Verno Sole nives poſſunt dare Fontibus undas.  
 Nam quoniam Tellus non eſt æquata ſuperne,  
 Ut mare, cum placidis late conſternitur undis,  
 Sed modo ſublatis in cælum montibus alte  
 Surgit; inæquali modo ſidit valle deorſum;  
 Propterea fit, uti pluvizque niveſque ſolutæ  
 Montibus in magnis, atque inter ſtrata receptæ 400  
 ( Nam ſuper impoſitis montes conſtare videmus  
 Et lapidum & terræ protenſis undique ſtratis ).

Sub

Sub terras vario flexu illabantur hiantes.

Tum qua inter cruſtas patet exitus, ilicet extra  
Proſiliunt, primisque crumpunt Fontibus undæ.

Flumina propterea, qua Phœbi a tramite diſtant  
Terraî gelidæ regiones, tempore brumæ  
Parva ferunt inopes undas, augentur at æſtu:  
Nam glacie quas triftis hiems duraverat undas,  
Diſſolvens altis evolvit montibus æſtas. 410

Tum, quibus in terris magna vi ſæpe quotannis  
Rumpitur imber, & effuſis juga cana teguntur  
E cælo nivibus, vaſta undique volvere cernes  
Flumina magnarum pelago veſtigal aquarum:  
Contra qua raros effundit Juppiter imbres,  
Ut ficcis Libyæ regionibus, illa, neceſſe eſt,  
Rara fluant tenui per humum ſerpentia rivo.

Monſtibi præterea (pluviæ neque montibus unquam  
Præcelſis deſunt: illorum ſemper inumbrant  
Namque ſupercilium, & nigra caligine cingunt 420  
Perpetuæ nubes, illuc quas undique venti  
Portantes cogunt, ſummoque cacumine ſtipant)  
Mons, inquam, qui radices a vertice ad imas  
Vel bibula tantum terra vel conſtat arena,  
Aut ſi quem ſaxum ſuper impenetrabile late  
Obtegat, ut pluviæ nequeat liquor inſinuari,  
Haud ullos valet ex ſeſe tibi reddere Fontes;  
Extra quandoquidem ſubito vel deſluit omnis  
Unda, vel inferni penitus ſub viſcera montis  
Sorbetur terra. Verum ſi deſuper humor 430  
Intus iter reperit cæcum, tum deinde rigentis  
Incidit in ſtratum ſaxi declive, neceſſe eſt,  
Ultra non penetret, ſed per declivia dorſi  
Diſfluat, & ſuperas ita Fons ſe reddat in auras.

Cum gemina inſinuant ſeſe inter ſtrata ſolutæ  
Alto in monte nives, variis ut flexibus unda  
Huc illuc, veluti ſit clauſa canalibus, erret  
Deſcendens ſaliensque, jugis perſæpe ſub altis,  
Exitus hic illi ſi ſecto inventus hiatu eſt,

Pro-

Proflit; & falso Fons sæpe sub æquore surgit 440  
 Dulcis aquæ, ut celeri saliens iter impete rumpat  
 Inter cæruleas Nautis mirantibus undas.

Nemo putes Fluviis non posse ingentibus undas  
 Sufficere effusos cæli de nubibus imbres:  
 Namque inita in variis terræ regionibus horum  
 Est ratio; ut pluviz vis cælo quanta quotannis  
 Decidat, & quantam devolvant Flumina, constet:  
 Scilicet & vera semper ratione repertum est  
 Imbrem & Fluminibus latices dare posse perennes,  
 Posse & abundantem silvis atque omnibus herbis 450  
 Sufficere humorem, vis ut quoque magna super sit.

Invia nec ratio est, cum se de partibus orbis  
 Omnibus exonerent immensis fluctibus Amnes  
 In mare, cur nunquam crescat, tectisque redundet  
 Littoribus pontus, seque efferrat altius usque:  
 Flumina quandoquidem, quos fluctibus undique magnis  
 In mare devolvunt, latices ex æquore sumunt:  
 Nam Sol & validis verrentibus æquora ventis  
 Sublati in pluvias solvuntur deinde vapores.  
 Quin Sol & validi verrentes æquora venti 460  
 Internum minuunt longe majoribus undis  
 Hoc mare (constat uti vera ratione repertum),  
 Quam possint augere, fluunt quæ maxima cumque  
 Undique in hoc pelagus diversis Flumina terris,  
 Scilicet & Tanais gemini ad confinia Mundi,  
 Atque Borysthenius Scythica nive turgidus Amnis,  
 Cumque suis late sexaginta Amnibus Ister,  
 Quondam & Threiciis stupefactus vertibus Hebrus,  
 Eridanusque pater Rhodanusque & dives Ibero  
 Et Thuscus Tibris septemque per ostia Nilus 470  
 Unicus in terris Egypti totius Amnis.

Expertes pluviis campos fecundat inundans  
 Ille per æstatem; quoniam ad caput ejus in imbres  
 Tempore eo totus congestis solvitur æther  
 Nubibus, & magnis Lunæ de montibus alte  
 Tabificis Phœbi radiis liquefacta ruit nix.

L

Flu-



Flumina præterea sunt, quæ falsedine tinctas  
 Devolvunt undas: Salium loca namque sub alta  
 Prætereunt terra latices, virusque receptant.  
 Sulphuris idcirco quoque plurimus halat odorem • 480  
 Fons, & naturam ferri fortitur & auri:  
 Rerum quandoquidem lymphis permiscet earum  
 Particulas, per quas sub terra labitur alta.

Sunt etiam quædam, quæ certo agitantur ab æstu,  
 Ut mare, quod certas refluitque fluitque per horas,  
 Flumina: nam, moto pelagus cum tollitur æstu,  
 Fit via declivis minus Annibus; unda necesse est  
 Proinde minus celeri pede defluat; atque ita sursum  
 Æstu attollatur; verum resfluente videbis  
 Æquore declivi post volvi Flumina cursu, 490  
 Et celerare viam, & rapidas submittit undas.

Hinc etiam Natura Lacus consistere fecit:  
 Namque eadem his undas largitur causa perennes,  
 Quæ facit, ut vastis decurrant Flumina terris.  
 Horum aliqui haud ullos emittunt, excipiuntque  
 Exterius Fluvios: Lacus est Thrasumenus ut ingens  
 Notus jam propter tot quondam Romulidarum  
 Funera, cum dira jacuerunt clade rubentes  
 Illius ad ripas cæsi cum Consule Cives; 500  
 Jamque videbatur belli Fortuna, tremebant  
 Omnia terrifico cujus concussa tumultu,  
 Decidere haud anceps inter Pœnosque Latinosque,  
 Utrorum sub regna foret terraque marique  
 Cunctis, quotquot agunt Gentes ubicumque, cadendum.  
 Est etiam Lacus in Latio, dixerunt Regillum,  
 Hic ubi Tarquinii compressa superbia Regis,  
 Flumina qui recipit non ulla, nec edita fundit.  
 Sic profert America Lacum inter cætera multa  
 Mirandum, nusquam quo visitur amplior alter,  
 Parque mari est, Parimeque vocant; jacet ille sub altis 510  
 Andibus, & vastis late consternitur undis.  
 Hi simul atque alii, qui sunt sine Flumine circum,  
 Constanti ratione nec imminuuntur ab æstu,

Vere

Vere nec augescunt pluviò. Quapropter oportet,  
 Ut cæcis Natura viis tellure sub alta  
 Usque ministret aquas Fluviorum, subter & illos  
 Semper perpetuis extantes impleat undis.

Sunt tibi deinde Lacus, qui Flumina multa receptant,  
 At nullum emittunt: quo de genere esse videtur  
 Hyrcanum magnis clausum undique montibus aquor; 520  
 Sulphureusque Lacus, qui dicitur Asphaltites,  
 Jordanis magnas venientes excipit undas,  
 Contra fuetus aquas de sese reddere nullas.  
 Illi propterea, quoniam consistere iisdem  
 Cernuntur ripis, neque magnis augmina sumunt  
 Exceptis Fluviis, quanta est infusa superne  
 Undarum vis per Fluvios imbresque nivesque,  
 Tantundem occultis debent emittere cæca  
 Sub tellure viis, & Flumina fundere subter.

Opposita ratione Lacus, qui Flumina de se 530  
 Multa palam effundunt, at contra nulla receptant,  
 Debent imminui paulatim, arctareque ripas,  
 Denique siccato sine aqua consistere fundo;  
 Excipiant Fluvios nisi subter, & usque recentes  
 Suppeditentur aquæ; supera quas reddere possint.

Postremo excipiunt venientia Flumina multi,  
 Et simul emittunt extra; velut esse Lemanum  
 Scimus, quem Rhodani transmittunt desuper undæ.  
 Nec tamen immotis venientes transque meantes  
 Immiscentur aquis: quod mirum haud esse videbis 540  
 Propterea, levior quia Fluminis unda jacentem  
 Immotamque Lacus properans superinnatat undam.

Denique, quod restat quærendum, percipe porro;  
 Scilicet ut pluvio concrecant Nubila cælo  
 Et Nebulæ; tum qua ratione oriantur & Imbres  
 Et tenuis quoque Nix & duræ Grandinis ictus.  
 Nubila concrecant, ubi corpora multa vaporum  
 Hoc supera caput in spatio coiere patenti;  
 Hi porro ex undis tolluntur ab igne vapores:  
 Namque ubi Sol, & sub terra quæ condita fervet, 550

Flamma simul pelagus fluvios terramque madentem  
 Concalefecerunt, agitatæ surgere bullas  
 Est opus ex undis, oculi plus cernere nostri  
 Quam possint, tenues; ut, cum fervere ahenò  
 Inclusos latices subiecto cernimus igne,  
 Ex undis bullæ ferventibus exoriuntur:  
 Ignea vis quoniam, quæ secum corripit undam,  
 Intus clausa facit, liquidum ut turgescat in orbem,  
 Hæc ergo lymphæ vehicula multa tumentis,  
 Cum tenuis, nostro leviorque sit aëre multo 360  
 (Nam pro mole minus comprehendit material),  
 Debet tum propria sursum levitate volare,  
 Atque loci conscendere eo, quo tenuior aër  
 Libret aquæ tenues bullas vi ponderis æqua,  
 Aurave frigidior supera constipet euntes,  
 Atque graves mage reddat, & ascendentibus obstat.  
 Namque ea, quæ supra est, regio mage frigida constat  
 Aëris idcirco; quoniam & ferventia terræ  
 Viscera conceptos exhalant hic prope fumos,  
 Et Solis radii reflexi protinus imas 570  
 Aëris exagitant partes, atque undique motu  
 Impellunt perturbato, geminantque calorem.  
 Quin ipsi hac possunt motus ratione vapores  
 Progigni; siquidem divulsas æquore partes,  
 Æquore vel terris ita magnus concitat æstus,  
 Aëris ut subito quoque fiant mobiliore  
 Particulis, ipsisque leves magis: inde necesse est  
 Impulsæ a terris sensim in sublime ferantur.  
 Adde quod & junctæ rapidi subtilibus ignis  
 Particulis una componunt aëre corpus 380  
 Hoc nostro levius; vel ita imminuuntur eadem,  
 Pondus ut existat pertenuè, sed extima circum  
 Non sic decrescat facies pro corpore; possint  
 Auris ut tolli leviores atque teneri.

Quapropter fiunt Nubes, cum tenuis hic undæ  
 Halitus atque vapor superas expressus in auras  
 Undique conveniens ventoque ferente coactus

Suf-

Suffundit nigrā cælum caligine, & altas  
Paulatim in Nubes concrevit conveniendo.

Et quia tunc aër magis opportunus habendo est, 590  
Cum gravior prodit cum densior ipse, vapor,  
Per brumam idcirco (fit enim tum frigidus aër  
Densior & gravior) recipit retinetque vapores  
Agmine majori, quam cum idem rarior æstu est.

Halitus iste tamen supera ascendentis aquarū  
Si gravior solito sit, uti se tollere longe  
Non valeat, terræ sed valles integat imas,  
Insideatque casis, & agrestia culmina inumbret,  
Fit Nebula; a tenui quæ non distare videtur  
Nube, nisi in superis hæc quod suspenditur auris 600  
Altior ac levior: contra depressior illa  
Obnubit nigro terram velamine inhærens.

Per brumam idcirco Nebulæ plerumque coortæ  
Visuntur; quoniam conscendere protinus aër  
Non finit e terris stipatas frigore bullas.  
Hac etiam e causâ multo plus Nubila constant  
Alta per æstatem, gelido quam tempore possint.

Tum porro Pluvius cæli descendit ab altis  
Nubibus humor, & in terras devolvitur Imber  
Propterea, quia, cum nubes loca frigida cæli 610  
Ascendere leves, aër densare vaporem  
Frigidus, humentes & aquarum astringere bullas  
Incipit, & subito nativas solvere in undas,  
Jamque graves cadere ut possint volvique deorsum.  
Fit quoque, uti ventus sæpe inter nubila vehemens  
Exortus tenues impulsu jactet aquarum  
Inter se bullas; has illo proinde necesse est  
Rumpi ex conflictu, inque graves quoque solvier undas  
Guttarum; quas tum facit aëris aura rotundas  
Parte premens omni; non æquo hæc tempore deorsum 620  
Dum labuntur, ab alta æque nec nube solutæ,  
Nec simul, & prius infernis tum forte supernæ,  
Illo nimirum veniens erit obvia casu  
Una alii; hærebunt inter se mutua multæ

Propterea, majore cadent & mole per auras,  
 Quo spatii plus, unde ruunt, erit interjecti.  
 Proin in valle cava magnis stillare Viator  
 Expertus nubem guttis; quo se altius effert  
 In montem, magis hoc tepui respergitur unda.

Idcirco guttis æstivus grandibus Imber 630  
 Defluit ex alte suspensa nube solutus;

Quandoquidem in terras præceps per vasta locorum  
 Aëris e cælo ruit intervalla liquentum.

Ast hieme aut in aquam subito se nubila solvunt,  
 Emittunt guttas & aquarum proinde minutas;  
 Altius aut paulo si forte evecta ferantur,  
 Plus ubi crudefcunt stipantia frigora, ninget.

Nam fit, uti ningat, cum corpora parva vaporum  
 Inter se varia coalescunt apta figura

In floccos, adjecto ut labi pondere deorsum 640  
 Possint in terras turba majore coorta;

Nec tamen in guttas liquidæ solvantur aquæ;  
 Nam vetat id fieri frigus, quod sævit in altis  
 Acce locis; stipat namque ipsos ante vapores,  
 Quam juncti inter se liquidas vertantur in undas.

Tunc tibi Nix cælo multa vi decider alto,  
 Sternet agros, foliisque carentes integer hortos,  
 Confundetque vias; juga montium & undique nuda  
 Canescent nemora, & lassabunt pondera silvas.

Si vapor in guttas redeat resolutus aquarum, 650  
 Frigida constringat pluviam tum deinde cadentem  
 Aura; ruet diræ vis Grandinis horrida cælo;  
 Protinus; æstivo fieri quod tempore sæpe  
 Vidimus: æstivo nam tempore nubila constant  
 Sæpe super gelidi regiones aëris alta.

Nimirum non ulla magis florentibus agris  
 Noxia pestis & Agriculis invisa; quod illis  
 Momento plerumque brevi populata laborem  
 Divitias omnes adimat, spemque unius anni.  
 Vidi ego, cum lætis florerent omnia campis, 660  
 Jamque e flore novo caperet spem messis opimæ,

Et

Et festo Pubes resonaret rustica cantu;  
 Ecce repente atra tegitur caligine cælum;  
 Exoritur gelidi vis ventī; deinde coruscōs  
 Inter fulgores interque tonitrua crebra  
 Insequitur toto tempestas horrida cælo  
 Fluminibus ventisque furens & grandine missa,  
 Extemplo excussis instrata est floribus omnis  
 Undique humus; teneri succissi verbere foetus  
 Submisere caput; contusæque ictibus herbæ  
 Emoriebantur: spectatum dira per agros  
 Erumpunt miseri multa cum prole Coloni,  
 Et vitem & ramos oleæ frumenta que lustrant  
 Flentes, & circum demissis vultibus errant.

670

At, quæ pertenuēs placida de nocte vaporum  
 Surgunt particulæ, facile a frigentibus umbris  
 Densatæ simul in guttas solvuntur aquarum;  
 Et matutinus foliis respergitur humor  
 Herbarum, Sol ante suo quam surgat ab ortu.  
 Dicimus hunc Rorem, per quem viridantia florum  
 Prata vigent; illum per pascua læta per herbas  
 Lanigeræ pecudes gemmantem mellificæque  
 Consectantur Apes, & cæli donâ legentes  
 Aptum operi humorem certatim in tecta reportant.  
 Noxius at sæpe est, salis ubi & acribus idem  
 Constat particulis, teneram quibus urit inhærens  
 Lactentem segetem, & nigra rubiginē menses;  
 Inficit, & tristi florentia quæque veneno.

690

Est quoque plantarum ut foliis hærescere guttas  
 Cernamus multo illarum ex sudore coortas,  
 Perpetuo liquidas qui fluctu expirat in auras  
 E venis, ubi hiant patulæ; nec luce videntur;  
 Nam Sole & ventis tenuis dispergitur humor:  
 Verum in lacrymulas collectus nocte silente  
 Per frondes, illic, qua scilicet exit, inhæret,  
 Non alibi, ut faceret, frigentibus halitus auris  
 Si tum fors caderet parvas concretus in undas  
 Per noctem clausæ quin tectis uberiori

L 4

Hu-

Humore exsudent plantæ, foliisque madescunt  
 Plus, quam quæ cæli sub aperto regimine rorant; 700  
 Quo quamvis fileat, tamen est agitatior ær.

At fiunt gelidæ tenui de rore Pruinæ;  
 Ros ubi nimirum constrictum est frigore multo,  
 Duruit inque gelu, parvaque incanuit unda.

Interdum vario pluviae continctâ colore  
 Plurima gutta cadit cælo; quia mixta cadentem  
 Undarum pluviam salium natura colorat,  
 Quæ, quia tam variâ est, variè ipsas inficit undas.  
 Proinde pluvisse ferunt lacte aut rubigine flava,  
 Sulphureumque etiam cecidisse e nubibus imbrem. 710

Interdum & guttis perterrita corda cruentis;  
 Nam tum, cum caderent, occurrere per auras  
 Rubrarum populo, queis corpora parva, Volantum,  
 Et madefecerunt, secum implicitasque tulerunt.  
 Tristibus his acti quondam, pro pectora Veri  
 Inscia! prodigiis dirum omen cæde piabant  
 Quadrupedum, & fuso placabant sanguine Divos.

Ergo cadens pluviae vis sordibus aëra multis  
 Abluit; omnigenis nam novimus aëra mixtum  
 Corporibus; quid enim e terris non surgit in auras 720  
 Evectum vel sponte sua, vel solis ab igne?  
 Quare post imbrem longe purissimus ær  
 Pellucet, radiisque micantibus exoritur Sol  
 Pulchrior, & claro revirescunt prata colore,  
 Lætius & vernæ juvenescunt undique plantæ.

Nunc age, quandoquidem liquidis elabimur undis,  
 Protinus Aërias ultro evadamus in auras:  
 Magnum iter: at neque Dædaleas adnectere pennas  
 Est humeris opus, aut ventos animasque secundas  
 Poscere, ut evectos sustentent Aëre tenui: 730  
 Usus erit tantum se tollere mobilitate  
 Ingenii, & magnas animi contendere vires;  
 Se levis ut liquidum librare per Aëra possit  
 Mens, neque præcipitem confusa timere ruinam:  
 Cum sequitur felix præsertim iter atque volatus

Ejus,

Ejus, quem super & ventos aurasque liquentes  
Æthera per purum jam in cælum Gloria tollit.

Quapropter filis constat pertenuibus Aër  
Et longis & flexilibus; quam nempe figuram  
Inventæ fecere viæ Tellure sub ima 740  
Primi connexis Elementi conque globatis  
Partibus inter se, sursum quæ protinus altam  
Expressæ terram super & mare fundebantur.  
Fluvida propterea natura & rara liquensque  
Aëris est; facili quoniam ratione moventi  
Cedit materiæ, quæ primis atque secundis  
Constat, uti supera quoque diximus, ex Elementis,  
Omnibus atque locis rebusque interfita vulgo est.  
Sunt porro oblongæ partes, ut fila pilique:  
Nam secus haud valeas rationem reddere dictis; 750  
Quare compressus subitâ vi polleat Aër  
In spatia ampla magis se protinus expandendi.  
Ut, cum folliculis Juvenum socia agmina ludunt,  
Impelluntque leves alte jactantque per auras;  
Illos, vix feriunt delapsi ex Aëre terram,  
Protinus impleto's vento, resilire videmus  
E terra, rursusque cadunt, rursusque repente  
Exiliunt; multosque ita cernis reddere saltus,  
Propterea quia, dum constringitur intus in ictu  
Aër, vi magna se protinus explicat; atque 760  
Impellens terram, quæ dura immotaque perstat,  
Illa folliculum tolli vi cogit in auras.

Quam magis ut possis venti vim noscere sese  
Expandentis, ubi est compressus, percipe causam.  
Dico itaque a magnis id prorsum materiali  
Viribus ætheriæ prodire; patentia rerum  
Intervalla viasque means dum transit apertas.  
Namque ubi marmoreum celeri pila eburnea casu  
Lapsâ pavimentum subter ferit, ilicet illam,  
Qua tetigit, partem subito complanat in ictu; 770  
Materiæque vias constringit proinde meanti:  
Protinus obstructum sibi iter connititur illa

Latius



Latus efficere, & clausos aperire meatus;  
 Quod facere haud certe possit, nisi prorsus eburnæ  
 Compressum attollat subito latus illa pilæ,  
 Compellatque suæ reddi, velut ante, figuræ.

Hac ratione etiam, adducto cum tendere nervo,  
 Et prope conjunctis inflectere cornibus arcum  
 Nitimur, ille manum contra nervumque repugnat  
 Vi, qua in directam sese componere virgam 780  
 Certat, in antiquam pariterque redire figuram.  
 Vixque manu nervum tendente remittimus, arcus  
 Vi resilit tanta, nervumque repente reducit,  
 Ut faciat celeri metiri multa volatu  
 Excussam stadia, aut in nubes ire sagittam.

Præterea horarum numerum noctuque diuque  
 Quæ notat, in parva quid tales pyxide motus  
 Efficit, atque rotas varios quid volvit in orbes?  
 Quid? nisi, quæ clausa est intus, lamella rigenti  
 E chalybe, in gyros iterumque iterumque voluta 790  
 Circum multiplices iterumque iterumque plicata?  
 Pugnat enim contra dum evolvier, exque plicari  
 Vi multa, facit ire rotas, ferrumque moveri,  
 Possit uti numeris ostendere tempora certis,  
 Namque vias tum pars chalybis convexa, vel arcus  
 Dilatat, contra penitus pars concava claudit:  
 Materies ingressa vias quapropter apertas  
 Ex alia parti clausos transire meatus  
 Cum facile haud possit, velut ante, recludere multa  
 Vi contendit ea cōstrieta foramina parte, 800  
 Inque situm chalybemque arcumque referre priorem.  
 Si tamen ille diu flexus linguatur, ut intra  
 Demum aperire novos possit sibi multa meatus  
 Materies, facile hæc quibus egrediatur apertis;  
 Amplius haud arcus poterit resilire, sed usque  
 Curva tibi abscesso quoque nervo ea virga manebit.  
 His tibi firmatis rebus, cognoscere causam  
 Tutemet inde potes, quam propter polleat Aër  
 Compressus nisu se protinus evolvendi:

Ni-

Nimirum illius pertenuia fila pilique,  
 Est opus, ut subito compressi extrinsecus edant  
 Conatus contra validos, resiliere pugnent.  
 Exagitantur enim, velut omnia; materia  
 Ætheriæ a magno, quæ permeat undique, nisu.  
 Et quoniam ætheriæ magis exagitantur ab igne  
 Particulæ, intendi vis Aëris illa calore  
 Debet, & inde Aër fieri quoque rarior æstu:  
 Proin vesica levis distenditur inque tumescit,  
 Ut crepitu magno tandem rumpatur, ad ignem.

Utque magis quoque pervalidas cognoscere vires 820  
 Aëris esse queas, tali rem funditus omnem  
 Percipe ab exemplo; licet ignorare profecto  
 Id nequeas: nam sæpe reperi vidisse, vel illud  
 Audisse a multis saltem inter mira relatum:  
 Scis certe, quod dicam, & cætera de genere horum  
 Multa, mihi quæ mox etiam dicenda supersunt:  
 Attamen idcirco non prætereunda videntur.  
 Nam si cuncti quidem voluisssem, cognita constant  
 Quæ tibi, non ullo vulgata relinquere versu;  
 Nil equidem numeris potuisssem claudere nostris, 830  
 Nil doctis (quid enim nescis?) mandare camœnis.

Quo validas igitur possis cognoscere vires  
 Aëris, Aërii reminiscere (namque ita suemus  
 Appellare) tubi, constet licet ille rigenti  
 E ferro, multam ferrum intra namque per artem  
 Compressum validis conatibus Aëra claudunt,  
 Immittuntque pilam plumbi super, ecce repente,  
 Inclusis ubi dant egressum extrinsecus auris,  
 Quæ spatio sese majori expandere pugnant,  
 Evolat illa fero pulsa egredientibus illis 840  
 Impete; uti nequeas oculis vigilantibus usquam  
 Prendere percelerem: si quæ sunt obvia, frangit,  
 Pariete seu duri colliditur incita saxi.

Propterea claro Boyli quoque Machina versu  
 Scribenda est, quantæ nobis hoc fonte repente  
 Notitiæ rerum & fluxerunt utilitates?

In

In primis tripodem super altum impone rotundi  
 Fornicis in morem ( forma hæc est apta ) cavatum  
 Vas vitreum ( Excipiens hoc dicimus ); æreus orbis  
 Glutine cui subter jungatur; hiantiaque ora 850  
 Prorsus claudat, uti de parte extrinsecus ulla  
 Vas non possit in hoc immissa illabier aura.  
 In medio tamen æs subter pertunde, quod ore  
 Extremo subeat conserti fistula ferri;  
 Transversum medio cui septum impone canali;  
 Possit uti claudi pariter, pariterque recludi,  
 Sive aditus prohibendus erit, sive exitus auris  
 Dandus ab exhausti concluso fornice vitri.  
 Amplior huic porro subter jungenda canali est  
 Antlia; cui validum tu dehinc aptare memento 860  
 Embolum, ut ipse cavo lateri respondeat apte  
 Insertus, ne qua possit transmittier Aër.  
 Atque ea præterea sit aperta foramine parvo,  
 Valvula quod toties ocludat, tractus ab alto  
 Descendit quoties ægre, premiturque deorsum  
 Embolus; ast eadem recludat aperta foramen,  
 Idem cum facili sustollitur impete sursum.  
 Cum constructa tibi hæc constabit Machina, ab ipso  
 Educes, intra qui clauditur, Aëra vitro.  
 Namque ubi restantem multa vi traxeris infra 870  
 Embolum; ut interea nequeat per tenue foramen,  
 Valvula quod clausit, venientem extrinsecus auram  
 Excipere, utque omni constet prorsum invia vento  
 Antlia, fundetur loca per magis ampla repente,  
 Et rarefiet spatiis majoribus intus  
 Aër: propterea vitri de vase cavati  
 Irruet angustum per ferrum septaque ferri  
 Per referata, locisque, vacat quibus antlia, sese  
 Diffundet: dehinc claudere viam mediumque canalem,  
 Excipiens auris ne vitrum possit adiri, 880  
 Fac super ascendat tunc embolus, Aëraque omnem,  
 Antlia quem cohibet, per apertum expelle foramen:  
 Dein iterum atque iterum demitte, & tolle vicissim:  
 Ex-

Exhaustum crasso demum vas Aëre prorsus  
 Constat; tamen usque levis tenuisque manebit  
 Aura, potest quæ se vas insinuare per ipsum:  
 Transiit enim levis aura per æra & saxa per aurum,  
 Et si quid solidum magis est & durius istis.  
 Non tamen hac possunt Animantum vivere sæcla:  
 Si namque exhausto quævis Animalia vitro 890  
 Sint inclusa, simul cum deficientibus auris  
 Deficiet quoque vita: cita nam morte repente  
 Exhalare animam, vitamque efflare videbis.

Invento sed ab hoc ut possis noscere quanta  
 Sese expandendi vi constet præditus Aër;  
 Rugosam penitus collo intus claude ligato  
 Vescam; vitro clausas tunc Aëris auras  
 Atque iterum atque iterum de vase educere tenta.  
 Paulatim, insertum calami per tenue foramen  
 Ac si inflata foret, distenditur illa tumescens, 900  
 Et magnam in molem sese explicat; atque ita crescens  
 Rumpitur interdum; vis intus tanta animæ est.  
 Nam quamvis primo sub rugis parva lateret  
 Aëris aura; tamen, cum non extrinsecus Aër  
 Exhausto premeret vescam vase receptam,  
 Sponte sua molem se dilatavit in amplam  
 Quantulacumque. Sed his quoque rem superadjice miram;  
 Pondera magna quater denas pendentia libras  
 Imposita attollentur, ubi vesicula parva  
 Incipiet sese evolvente tumescere vento. 910  
 Ergo etiam atque etiam vi magna præditus Aër,  
 Qua sese in spatia evolvit, videatur oportet.

Hac, etiam fit, uti de causa bulliat unda  
 Vitro inclusa cavo, velut igni fervida magno;  
 Quandoquidem aurarum multæ, quas continet illa,  
 Particulæ sese spatia in majora repente  
 Extendunt, quia non aliis extrinsecus auris  
 Urgentur, bullasque inflant spumantis aquæ.

Incipe jam veris rationibus Aëris auras  
 Esse leves prorsus dediscere: nam Puerorum

920  
 Per-

Perfacile errorem teneris hunc mentibus ætas  
 Imbibit; e terris ubi eas consurgere cernit,  
 Et supra caput ætheriis diffundier oris.  
 Dicō itaque esse gravem, tenuem licet atque fluentem  
 Aëra, quod tali nunc est ratione probandum.

Longus & ex una bene clausus parte, rigenti  
 Sit tubus e vitro, quem repleat unda supinum;  
 Lymphæ in suppositum vas illum deinde revolve.  
 Protinus haud omnis subjectum defluet in vas  
 Unda tubi inversi, ast alte suspensa manebit 930  
 Triginta plus quam pedibus: quia scilicet Aër  
 Lympham in vase premens suspensam sustinet illam,  
 Inverso quæ clausa tubo est, descendere deorsum  
 Nec finit: haud alia fieri ratione quod ulla  
 Posset, quam quod aquæ tantundem pendere debet  
 Suspensæ moles, quantum æque crassa columna  
 Aëris, a nobis quæ sese extendit in altas,  
 Qua locus aurarum cumque est, cæli regiones.  
 Proptereaque pari librata pondere sese  
 Mutua sustentant, & aquæ suspenditur augmen. 940  
 Si tamen infundas argenti pondera vivi  
 Pro lymphæ, vitrumque revolvās, altius illud  
 Hærebit paulo, bis denos ad digitos quam  
 Additus octonus; tantundem hoc densius unda est  
 Scilicet argentum, quanto est educior illa.  
 Quod si pertundas extremo in vertice vitrum,  
 Possit ut illabi celer, & replere vacantem  
 Desuper aura locum, subito ruet unda deorsum  
 Aëre pressa novo, nec jam suspensa manebit.  
 Auras nonne graves igitur fateare, necesse est? 950

Auras porro aliquo compressas vase videbis,  
 Quam non compressas, plus pendere; proinde fatendum est  
 Aëra, qui propior nos ambit, & undique circum  
 Funditur in terras, spillumque gravemque superno  
 Esse magis, quia ab hoc urgetur, comprimiturque.

Aër propterea non æque pendit ubique:  
 Summis namque locis minus est gravitatis in illo.

Altior

Altior ad montis radices scilicet imas,  
 Vertice quam summo possit super, unda tenetur  
 In longo suspensa tubo, quia densior Aër 960  
 Hic premit & gravior, quam montibus in proceris.  
 Altior est, circum cogentibus undique ventis  
 Aër in medium cum desuper accumulatur,  
 Vel cum præcipitat supera e regione deorsum;  
 Hac ratione etiam servatum est flante quod idem  
 Fit gravior Borea, quia densior exit ab illo;  
 Densior hic itidem brumæ per tempora torpet,  
 Et gravior, majusque vapores addere pondus  
 Novimus eductos; qui contra sæpe soluti  
 In pluvias faciunt paulum descendat aquaï 970  
 Alte in producto vitro suspensa columna:  
 Tum quoque descendit sursum spirantibus auris,  
 Aut illinc abit in ventum si plurimus Aër,  
 Æstifer interdum vel cum furit Auster, & omnem  
 Africus involvens nigrantibus æthera nimbis;  
 Aër quandoquidem leviorque & rarior æstu est.  
 Non tempestates tamen his præscire futuras  
 A caulis dabitur, non omnes novimus ipsi  
 Præterea, quæ se immiscentes omnia turbent  
 Indicia, & certos nullo nos tempore reddant. 980  
 Scandit item calamum, sitienti desuper ore  
 Cum trahis, unda levis, quia pressa extrinsecus intra  
 Insinuat sese, & loca surgens Aëre scandit  
 Evacuata: velut latices de fontibus imis  
 Æstu sæpe bibunt Pastores, fessaque magnos  
 Humectat sitiens Venantum turba labores.  
 Sic etiam inflexo vacuant fluitantia lymphis  
 Labra tubo; facito ejus enim pes unus ut intra  
 Immergatur aquis; at multo longior extra  
 Pendeat alter: ab hoc ducas si tum Aëra vitro 990  
 Inclusum ore trahens, scandens super unda sequetur,  
 Perque tubum saliensque cadensque ita defluet omnis  
 Paulatim, vacuum donec vas omne relinquat.  
 Nunc agere incipiam, Ventos quæ causa fluentes  
 Exci-

Excitet, ut late terras late æquora perflent,  
 Nec mundo exiguum Venti dant utilitatem:  
 Auras Viventum sæclis hi namque salubres  
 Constituunt; crassii purgant hi putrida quæque  
 Aëris, & nebulas exhalatosque vapores,  
 Qui plerumque luem terris morbosque dedere, 1009  
 Discerpunt toto cælo undique disjicientes.  
 Sol æstivus item calidis minus ignibus ardet  
 Flantibus his; aliter ferventibus ureret agris  
 Florentem segetem, pecudesque hominesque necaret.  
 At quis consilio factum sine Numinis acri  
 Arguat hoc, Phœbi radiis supposita calentis  
 Quod loca terrarum Ventis perflentur ab ortu  
 Perpetuis; æstumque levent hi, sæcla Animantum  
 Incolere ut mediæ possint loca fervida Terrarum.

Quapropter Venti, mediam qui frigore perflant 1010  
 Perpetuo Zonam semper directus ab Ortu  
 Solis in Occasum, multiplex causa videri  
 Esse potest. Primo, quoniam convertitur axem  
 Versa super Tellus, seseque volutat in Ortum  
 Semper ab Occasu; motus velocior illis  
 Partibus efficitur, quæ plus a cardine utroque  
 Distant hinc illinc; Tellurem scilicet ipsam  
 Qua secat Equator mediam: quapropter oriri  
 Partibus his Ventum motu celerante necesse est  
 Perpetuum, quoniam Tellurem segnior aër 1020  
 Insequitur; contra videatur proinde moveri  
 Est opus: ut, celeris Sessores alite cursu  
 Cum rapiuntur equi, concertantesque repente  
 Transmittunt campos, sit, uti contraria Venti  
 Verbera, stet quamvis piger aër, experiantur.

Præterea Solis magno plerique calori  
 Hunc referunt Ventum; nam, se cum vertat ad ortum  
 Semper ab occasu Tellus, Phœboque manenti  
 Occurrat; nunc hac nunc illa, semper ab una  
 Solem parte videt; cujus calor aëra, cursu 1030  
 Qui Terræ abripitur, subjectum effringit, & omnem  
 Dissi-

Dissipat, ut rarusque magis leviorque feratur  
 Phœbeos subter radios; neu pondere iniquo  
 Aëris hæc circum moles librata laboret,  
 Vicinæ partes densæque gravesque, necesse est,  
 Qua via facta, fluant, aliæque aliæque sequantur  
 Continuæ ad Solis radios, vacuataque librent.  
 Propterea Ventus nihil est, nisi percitus aër  
 Atque fluens partemque a Sole impulsus in unam.

Denique Sol aliis alia ratione videtur. 1040  
 Efficere hunc Ventum, Zonæ qui temperat æstus.  
 Nam quia Sol radiis recta impendentibus undas  
 Percutit Oceani, magnamque calore vaporum  
 Effert vim, rareque facit, quibus anteriorem  
 Perpetuis agitat, protrudit & aëra plagis;  
 Idcirco Ventus fit in his regionibus illa  
 Perpetuus, qua Sol ferri de parte videtur.  
 Ut magis inspicias fieri quod posse, rubentem  
 Igne pilam ferri super undas volve, videbis,  
 Pertenui ut Vento tum protinus aura moveri 1050  
 Incipiat; nec non pariter quoque parte ab eadem  
 Unda sequi ferri motum, quam desuper urit.

Proptereaque pari motu se concitat æquor:  
 Currentesque vocant undas, quas Nauta relinquens  
 Post tergum Hesperiam, atque Orientis opima revisens  
 Littora Japoniasque plagas sparsasque Moluccas  
 Navibus abreptis nimium experietur iniquas.  
 At, cum prora tuis America obvertitur oris,  
 Brasiliamque vident stantes in puppe Magistri,  
 Ipsa sua vi impellit euntes unda carinas. 1060

Hic porro Ventus, recta qui fertur ab ortu,  
 Ut varie oppositos montes & littora contra  
 Verberat & scopulos, pariter ratione, necesse est,  
 Flectatur varia, aut in partes versus easdem,  
 In latera obliquo vel flamine tendat, & orbes  
 Interdum in rápidos se torqueat, atque procellis  
 Sæviat, horrifonoque infestet turbine pontum.

Protinus a causis, quas paulo diximus ante,

M

Quis



Quis jam posse neget Ventos consurgere iisdem,  
Undique qui variis oriuntur partibus orbis?  
Inter eos tamen, & Ventum, qui frigore Zonam  
Temperat ardentem, quidquam discriminis esse  
Novimus haud aliud, nisi quod, quæ causa perennem  
Hunc facit, hæc alios eadem nunc inurimura flantes  
Edere dat, sonitum nunc & consopit eorum;  
Haud secus ac eadem dat causa perennibus undis  
Currere per terras fluvios, contraque protervos  
Torrentum finit ire haud longo tempore fluctus.

1070

Præcipua a multis tamen horum causa petenda est,  
Exhalat semper quos terra, vaporibus; illi  
Per tractus educi occurrentesque liquentes  
Aëris atque una commixti prælia pugnascque  
Edunt ingentes: ferviscunt omnia circum  
Turbata, impulsæ subito expanduntur & auræ,  
Atque alias fremitu tridunt grassante cientes.  
Prosilis hinc Ventus. Non est tenor unus eidem,  
Nam modo pernices violentior incutit alas,  
Cum pellunt valido moti fervore vapores;  
Post paulo (minor est cum fervor) lenior afflat:  
Mox iterum assurgit, variisque assultibus instat,  
Donec composita sedentur pace furores.

1080

1090

Dicere nec Ventis quæ sunt data nomina, longum est.  
Primus purpurei consurgit cardine cæli  
Eurus ab Eoo; Zephyrus ruit æquore contra,  
Quo Sol emeritos solvit temone jugales;  
At Boreas nivibus stipatus & horridus acri  
Frigore ab Arctoa descendit parte nivali  
Sithoniisque plagis; media regione diei  
Inter nigra Virum percoctaque sæcla coortus  
Cum pluviis contra venit & cum nubibus Auster.  
Hos inter totidem tibi sunt, & utrinque recedunt  
Ad latera; hiberno furit Euro-Auster ab Ortu  
Humidus; huic placidas contrarius asperat undas  
Caurus; at a Mauris trux advolat Africus oris,  
Terrificisque ciet pelagus vexatque procellis,

1100

Ut

Ut trepidi horrescant Nautæ, portusque requirant;  
 Demum Aquilo mediùs Boreamque fiat inter & Eurum.  
 Ille peregrinas nobis per tempora ditis  
 Autumni bruma fert adventante volucres,  
 Pennigerisque replet late nemora avia sæclis 1110  
 Et montes & agros: illò me tempore (a) Brenum;  
 Namque hic ante alios ridet locus, accipit omnes  
 Oblitum curas jam sponte mihiq̃ue vacantem;  
 Hic me purpureos fundens Aurora colores  
 Excitat, & canibus comitatum suadet odoris  
 In nemus ire vel in montes, volucrumque quietes  
 Sectari, si qua erumpat subito excita præda:  
 Namque repente mihi e manibus ci cur evolat ultro  
 Accipiter, volucrumque super sonat ære tementem,  
 Jainque tenet: capitur suavis mihi præda Coturnix. 1120  
 Quam juvat hoc festum sub pondere jamq̃ue cadente  
 Luce redire domum, & Sociis ostendere prædam!

Sed jam quod superest, hos præter, cætera quæ sunt  
 Nomina Ventorum, Nautis dicenda relinquo.

Quidam sunt, certis qui terræ oriuntur in oris.

Ut tantum sæcunda tuos Appulia campos  
 Notus non alibi comburit Atabulus acri  
 Frigore, uti Calabrum regionem infestat Iapyx;  
 Cecropias ut item Sciron contristat Athenas.

Horum causa queunt sublati a Sole vapores 1130  
 Esse e fluminibus lacubusque marive propinquo;  
 Qui certas, poscente loci ratione situque,  
 Protinus in partes æstu impellente ferantur:

De genere hoc; Ventos extructæ montibus altis  
 Emittunt quoque sæpe nives, nam frigidus ær  
 Denfatur circum, qui pondere scilicet illo  
 Nititur in partes, quæis multo rarior aurâ est.

Magnaq̃ue item magnos genuere incendia Ventos

M 2

In-

(a) Rus prope Ragusum cum amantate, tum soli fertilitate præ-  
 flans, & auspicio aptissimam.

Interdum, quoniam circum rarefcit ab igne  
 Aura, locisque ideo feſe dilatat, & auram 1140  
 Trudit agens aliamque aliamque; impulſibus iſtis  
 Ut ſit opus rapidos fieri circum undique Ventos.

Et magis ut certam multorum noſcere poſſis  
 Ventorum cauſam, manuſtum hoc percipe porro  
 Exemplar. Duro conſtans ex ære rotundum  
 (Æoliā dixere Pilam) vas fiat, & extra  
 Extendat longo tenuique foramine collum.  
 Tum facito, incaleat flammis propioribus, intus  
 Scilicet inſuſus rareſcere poſſit ut ær;  
 Nec mora, frigentes cum collo merge ſub undas, 1150  
 Intus uti, ſubito quoniam denſabitur ær

Frigore, per collum queat unda replere pilæ  
 Partem haud exiguan: ſi porro ardentibus illam  
 Admoveas iterum flammis, vehementer ut intus  
 Unda caleſcat; erit, ſubito commota vapores  
 Omnis ut exhalet magnos, qui ſpiritus extra  
 Dum fugit elabens per collum tenue, neceſſe eſt,  
 Sibilet erumpens rapidi viſ concita Venti;  
 Evacuetur aqua donec vas omne ſoluta.

Sic etiam Natura cavis e montibus eſſat 1160  
 Sæpe quidem æolias animas, dum murmure magno  
 Undarum per aperta fugit ſpiracula montis  
 Halitus, interior quas flamma reſolvit in auras.

Sunt etiam, perflant anni qui tempore certo  
 Certa loca; ut magnos fluctus concinnat in Indo  
 Æquore, qui Borean inter flat Ventus & Eurum  
 Anni tempore eo, quo Sol deſcendit ad Austrum,  
 Concaleſcunt eas & partes igne propinquo.  
 Idem ubi ſe ad gelidam remeando tranſtulit Arcton  
 Subjeſtum radiis dilatans æra crebris, 1170  
 Per totam æſtatem Zephyrum ſtrepit inter & Austrum  
 Spiritus exoriens aurarum, atque æquora miſcet.

Sic pariter redeunt quoque Eteſia ſtabra quotannis  
 Æſtium poſt Solſtitium, Grajūmque ſecundis  
 Demulcent animis regiones; Ioniumque

Per

Per lucem crispant pelagus: nam condita tota  
Nocte silent: Thracum vicinis montibus illa  
Carpathiisque jugis, opus est, videantur oriri.

Difficile & porro rationem reddere non est,  
Eois cur mane plagis plerumque flet aër;  
Exoriatum item sub primas vesp̄is umbras  
Occiduo contra surgens de littore Ventus.

1180

Nimirum Solis sublato flamma vapores  
Disjiciens huc atque illuc dilatat in orbem;  
Exorientsque ad nos ideo protrudit ab ortu  
Aëra, & occiduo contra de littore labens.

Perque diem in terras liquido stat ab æquore Ventus;  
Propterea, saltis quia Sol attollit ab undis  
Multos, unde tibi commota fit aura, vapores:  
Terrarum tamen hi congesti montibus altis  
In mare prorumpunt noctu; tum frigida in æquor  
E terris ferri Ventorum flabra, necesse est.

1190

Denique sæpe solet magna impendente procella,  
Cum mare cum terras exempto Sole paventes  
Contexere cavæ nigra caligine nubes,  
Jamque parant pluvias, & inædificata superne  
Nubila terribili sonitu & fulgore minantur,  
Sæpe solet rapidi tempestas concita Venti

Ex improvise ruere, & turbata repente  
Æquora miscere ex imo, atque attollere fluctus;  
Concutere, & vulsis altas insternere late  
Arboribus silvas: ita magno turbine sævit.

1200

Atque ea non alia fieri ratione videtur  
Tempestas; nisi quod densatæ desuper extant  
Quæ nubes, celeri descendunt pondere deorsum  
Protinus imbre graves, constrictumque aëra magnis  
Viribus huc illuc impellant: ille repente  
Profilit in latera, & rapido fugit impete fusus.  
Insequitur porro Ventum gravis imber & uber,  
Flumina abundare ut faciat, camposque natare,  
Omnis uti videatur in undas solvier æther,  
Effusoque cadens jam terras opprimere imbri.

1210

Sæpius has videas sævire æstate procellas,  
 Quam bruma, pelagoque magis crebescere aperto:  
 Quandoquidem æstivo majores Sole vapores  
 Tolluntur pelago tantum in sublimia rapti  
 Interdum, magnæ vix suspiciantur ut auctu  
 Exiguo nubes: Oculum dixere bovillum  
 Propterea Nautæ, qui formidabile certant  
 Effugisse malum subito; namque ilicet illæ  
 Desuper impete navifrago labuntur, & omne  
 Involvunt cælum tenebris pelagusque procellis.

1229

Interdum maenis in tempestatibus atra  
 Turbineas subitus demitti e nube Columnas  
 Aspicias; siquidem gemini cum flamina Venti  
 Opposita hinc illinc valida intorsere procella  
 In mediam se nubem, & compressere furenti  
 Ad latera incurfu, torquent raptamque revolvunt  
 Vorticis in morem; graviori protinus illa  
 Pondere se deorsum in terram producit ab alto, 1239  
 Nec manet; excurrit quo Venti raptat agens vis  
 Prævalidi, emittitque excussas undique circum  
 Terribili sonitu sævo de turbine guttas.  
 Omnia, quo se cumque tulit, prosternit & aufert  
 Perniciem adportans; correptaque corpora tollens  
 In sublime rotat; lapidesque & tecta domorum  
 Abripit interdum: quod si super incidat æquor,  
 Alte exforbet aquas, quas fundo commoveret imo.  
 Quin etiam infesto contortas turbine naves  
 Corripit, & diro lapsuras pondere tollit; 1249  
 Nil studio ut vitent Nautæ majore per undas,  
 Nil magis horrescant, votisque avertere certent,  
 Quam, mare qui rapido, Typhones, vortice miscent.

Nunc age, qua constet natura præditus Ignis,  
 Percipe: nimirum terrestria corpora possunt  
 Induere in formam se mobilis Ignis, ubi horum  
 Corripitur quævis Elemento concita primo  
 Particula, atque ejus violento in turbine rapta  
 Innatat. Illo igitur debet produci Ignis

Cor.

Corpore, cum quæ vis Elementa secunda viarum 1250  
 Ex intervallis, intus quæ condita cumque  
 Sunt, excludit, uti sint primo tantum Elemento  
 Pervia; quod partes ejus vi protinus acri  
 Dissolvat penetrans, rapidoque repente solutas  
 Impete corripiat, motuque ita raptet eodem.  
 Ille sit at primo subito ne extinctus in ortu,  
 Est opus, ut solidis accensa ea corpora consent  
 Particulis, magno plagarum ut pondere possint  
 Ictibus & validis Elementa repellere longe  
 Altera, continuis quæ circum incurfibus instant, 1260  
 Si qua aditus reperire queant sibi, raraque rursus  
 In loca, quæ ingratis liquere ejecta, reverti;  
 Atque ita vi multa circum undique conveniendo  
 Corporis accensi divulsas impete partes  
 Comprimere, atque omnes certant sedare tumultus,  
 Et quia contritæ paulatim turbine magno  
 Partes in tenuem demum vanescere fumum  
 Debent, usque novas nova suppeditare necesse est  
 Corpora particulas, pereat ne funditus Ignis.  
 Neve coorta ingens fumi vis opprimat Ignem, 1270  
 Dissipat illum aër; semper novus ipse necesse est  
 Adsit propterea circum; nam, quo via nulla  
 Est auris, si vase accensam lampada claudas,  
 Exhaustove auris vacui sub fornice vitri,  
 Flamma perit subito compressa a pondere fumi;  
 Aëris hinc illam commoti spiritus auget,  
 Avertit nimius sed ab ipsa pabula ventus.  
 Rebus ab his patefit, cur fiant, Igne videmus  
 Quæ peragi; nexus admoti corporis omnes  
 Nimirum qua vi dissolvat; deinde calenti 1280  
 Cur sit natura; a motu quod profluit omne;  
 Postremo lucem cur mittat, & aëra claro  
 Lumine diffundens circum convestiat Ignis:  
 Scilicet id validis, Elementum hinc inde secundum  
 Queis agitur, & extra ab eo protruditur Igne,  
 Est opus, ut fiat plaxis: nam diximus ante

Lumen in alterius consistere nifu Elementi.

Sursum flamma levis fertur, quia particularum  
 Corporis accensi vis fortior aëre constat,  
 Et levior, primo quia raptæ sunt Elemento: 1290  
 Quare opus est aër deorsum tum proinde prematur,  
 Illa leves contra sursum eluctetur in auras:  
 Dum salit, imminui tenui sed acumine debet,  
 Propterea, quia jam contritæ turbine partes  
 Corporis haud valida possunt remove prementem  
 Aëra vi; quare in coni tenuatur acumen.  
 Utque a contactu gemina undæ gutta liquentis  
 Jungitur, inque unam pariter coit; ipsa, necesse est,  
 Sic quoque flamma duplex, cum mutua tangitur, unum  
 Efficiat conum: medio nam pulsus utramque 1300  
 Ad latera hinc illinc componens comprimit aër.

Sæpe aliquo videas dissolvi certa liquore  
 Corpora, vel valido ferverescere concita motu,  
 Multa velut resoluta liquefcunt dura metalla  
 Scilicet, ut fusa calx fervida bullit ab unda.  
 Tum valet id fieri, tales cum ncipe liquoris  
 Particulæ constant, & talia corporis ejus  
 Intervals, liquor recipi non possit ut intra,  
 Primi materies rapidissima tantum Elementi  
 Ni comitetur: eo partes dissolvere debet 1310  
 Protinus ingressu, motuque agitare furenti,  
 Ferventemque ciere, licet sine luce, calorem.  
 Sic sœnum in cumulum congestum colligit Ignem,  
 Cum viride aut humens est, in cineremque solutum  
 Labitur; & campis sic tetra cadavera apertis  
 Putrescunt, tristem funduntque calentia odorem;  
 Fervescit sic & Bacchi liquor atque calefcit  
 Concitus, uva recens si pressa est, plenaque musto  
 Lymphati Agricolæ fumantia dolia cernunt.

Lucet sæpe diu partes intrinsecus Ignis 1320  
 Corporis ingressus semel & servatus ibidem.  
 Sic lapides, queis docta suum Pononia nomen  
 Indidit inventis, si Solis clara tulere

Spi-

Spicula sub divo, tenebrosum deinde recepti  
 In thalamum retinent nec parvo tempore lucem,  
 Cernentumque oculos claro splendore laceſſunt.  
 Idque vel in terris, animantumque offibus, atque  
 Plantarum cinere, & gemmis tentare licebit  
 Atque videre, vel in vario quoque ſæpe liquore.  
 Scilicet epotum Solis flammæque nitorem 1330  
 Multa diu ſervant: virtus vel in omnibus hæret  
 Fors ea corporibus; nam latior experiendo,  
 Inque dies vario per plura extenditur uſu.

Nunc ratio quæ fit, chalybe ut percuffa rigenti  
 Scintillas det dura filex, arentibus Ignem  
 Suſcipere ut ſoliis ſiccoque in fomite poſſis,  
 Expediam: fit, eo ex attritu protinus icla  
 Inclinentur uti ſeſe inter mutua paulum  
 Particulæ ſilicis, ſuaque intervalla viaſque  
 Propterea claudant extrinſecus, atque ſecunda 1340  
 Expellant expreſſa foras Elementa repente;  
 Protinus ut primi ſubtilibus obſideantur  
 Circum principiis Elementi: tum quia frangi  
 Divellique ſolent percuffæ, atque excidere icſtu  
 A ſilice; avulſæ, fit, uti ſeorſumque cadentes,  
 Quandoquidem a primo ſeptæ undique ſunt Elemento,  
 Naturam calidi ſubito vertantur in Ignis,  
 Scintillæque volent tenues. Hæ ſæpe per altas,  
 Quas manus excuſſit Paſtorum improvida, ſilvas  
 Paulatim ingenti flamma fulgore coorto 1350  
 Fulſerunt, & magna dedere incendia vulgo;  
 Omnia conficerent dum late arbuſta cremantes,  
 Præſertim validis facere id cogentibus Euris.

Tum ratione pari ſi lignis ligna terantur,  
 Demum fiet, uti ſcintillis excutiatur  
 Ignis, & attritu ſaliens levis emicet illo.

Præterea Solis radiis accenditur Ignis;  
 Exceptos ſpeculi facies ſeu concava cogit  
 Reſſecti, redituque loco conjungier uno;  
 Corpora convexi ſeu vitri tranſgrediendo 1360  
 In-



Infringuntur, ut inclinent sese inter; & uno  
 Post coeunt puncto pariter, magnasque caloris  
 Multiplicant in eo congressu denique vires;  
 Dura quoque & solida ut solventes Igne potenti  
 Corpora conficiant, quæ sunt ibi cumque locata.  
 Quo pacto, quamvis Igni contrarius humor,  
 Accendi valet Ignis aqua, si frigore constet  
 Convexam in glaciem constricta: ita namque meantes  
 Infringet radios, & puncto junget in uno.  
 Noxius idcirco Sol herbis sæpe refulsit 1370  
 Post pluviam; foliis ubi adhuc pubentibus hæret  
 Gutta tumens, cecidit nec vento excussa movente;  
 Quandoquidem radii gutta excipiente coacti  
 Exurunt primo fructus in flore tenellos,  
 Lactentesque ardore suo populantur aristas.  
 Per vitrum collecta tamen densataque Lunæ  
 Lux, qui sentiri possit, non ulla caloris  
 Unquam signa dedit; quoniam tam rara profecto  
 Pervenit huc ad nos, ut vel conjuncta per artem  
 Quantumvis, pars fulgoris millesima vix sit, 1380  
 Quo Sol & terras atque æris imbuit oras.  
 Illius hinc quantum tribuendum percipe luci,  
 Quam multi in Terram dominari & in æra credunt.

Porro a turbato terrestria corpora motu  
 Concipiunt Ignem; pariter velut ante probatum est,  
 Cum scrutaremur quæ sit natura caloris,  
 Ut memini: a magna quoniam vi particularum,  
 Quæ perturbata motus ratione cientur,  
 Expelli excludique secunda Elementa necesse est,  
 Prima subire loco, partesque accendere raptas. 1390

Illud rebus ab his porro deducere pergo;  
 Concipere haud flammam quævis jam corpora posse  
 Atque ardere, licet propiore calefcere ab Igne  
 Cuncta queant; velut unda, sales, terræque dare Igni  
 Pabula non possunt; quoniam non omnia tali  
 Constant natura & congressu particularum,  
 Altera ut hæ possint Elementa repellere, primaque  
 Exci-

Excipere ingressu facili, avulsæque cieri:  
Sulphuris atque olei naturam ut posse videmus  
Atque alia, ardescunt Igni quæcumque propinquo. 1400

Propterea & volucres admoto abit ilicet Igne  
In flammæ, Pyrium, pulvis, quem dicimus a re:  
Sulphure constat enim & carbonis partibus idem:  
Nam sulphur facile & carbones imbuunt Igne.  
Immiscetur item nitrum, constare fatemur  
Valde quod rigidis e partibus, exagitantur  
Turbine quæ valido, cum flammam sulphur & una  
Mixti concipiunt carbones: viribus illæ  
Quælibet idcirco dirumpunt obvia magnis;  
Et faciunt, rapido glans evolet ista volatu 1410  
Plumbea de tubulo erumpens: ita namque cruentam,  
Transmittunt hostes per mutua vulnera cædem.  
Nam neque nunc contis, Latiis neque martia pilis  
Præstat bella geri; minus est feritatis in illis.  
Ast ubi sub tergo terræ clausa cavatæ  
Pulveris illius vis cæco accenditur Igne,  
Cuncta repente ruunt magno concussa tremore.  
Quippe super terram quæ sunt extructa domorum  
Moenique & turres & propugnacula ab illo  
Turbine corripiuntur, & una avulsa feruntur, 1420  
Sternunturque suis late confusa ruinis.

Pulveris accensi crepitu & fulgore corusco  
Ars imitata hominum Naturam est; desuper altis  
Dirum sæva micat cum fulguribus, tonitruque  
Concutit horrifono cæli fulgentia templa:  
Namque opus est tantis fabricanda ad Fulmina rebus.

Multa quidem multos inter sublata vapores  
Nitri materies & sulphuris alta pererrat  
Nubila, quæ denso confurgunt agmine sursum.  
Ergo ubi mole sua superextans inferiorem 1430  
Decidit in nubem nubes cava, tangat ut illam  
Ante quidem extremis delabens protinus oris,  
Quam regione sui media; conclusus ibidem  
Ventus & a supera pressus gravitate cadentis

Infer-

Infernam magno perfringens impete subter  
 Percinet nubem : crepitum displosa repente  
 Illa dat, & cæli per cæcula commeditur  
 Horrendum tonitru, quo tellus æquora vulgo  
 Concutiuntur; uti metuas, divulsa repente  
 Maxima dissiliant ne vasti mœnia mundi. 1440  
 Haud aliter quam cum, si rebus tenuia magnis  
 Assimilare licet, vesicula parva potentis  
 Plena animæ Pueri pede pressa repente sub ictu  
 Rumpitur, & magnum reddit percussa fragorem.  
 Utque alio exemplo manifestum id reddere pergam;  
 Ne lævæ pigeat digitos concludere in orbem;  
 Ejus uti medium penitus sit inane vacansque.  
 Tunc latum aut coryli aut cujusvis arboris illos  
 Fac super extendas folium; cava desuper ictu  
 Percutiat porro manus altera: namque repente 1450  
 Cum crepitu folium subter scindetur ob auras  
 Compressas, quæ vi puznant erumpere multa.  
 Sic quoque consimili motus ratione fatendum est,  
 Quod perterricrepum nubes det scissa fragorem.

Præterea illapsus quoque nitri & sulphuris intrô  
 Halitus, & rupta luctans de nube repente,  
 Qua via secta, per angustos exire meatus,  
 Concitus hoc debet violento denique motu  
 Accendi, & volucris cæli loca tingere luce.  
 Hac ratione tibi densa inter nubila fulgit. 1460  
 Sæpe etiam innubi per noctem fulgere cælo  
 Vidimus æstivam sonitus terrore sine ullo:  
 Quandoquidem quos sustulerat Sol luce vapores,  
 Frigore nocturno densati forte per auras  
 Acceduntur, uti subitas tum serpere flammæ  
 Huc illuc cælo videamus sæpe sereno.

Si tamen ille cito violentior halitus exit  
 Impete, Fulmen erit: nam sulphure prædita constant  
 Fulmina; declarant ejus quod inusta vapore  
 Signa notæque graves halantes sulphuris auras. 1470

Plus, validis quam quæ tormentis missa feruntur,  
 Mobilitate viget Fulmen; terraque sub ima De-

Desuper intortum celeri plerumque sub ictu  
 Conditur: interdum tamen, ut globus igneus, errans  
 Curstat huc illuc vel venti a turbine raptum,  
 Comburenda trahunt vel quo sua pabula tractu;  
 Propterea e terris quoque in altum surgere visum,  
 In geminosque etiam hinc atque hinc diffindier ignes  
 Fœcundum; neque enim semper supera fit in altis  
 Nubibus; e terris quæ nos inferna vocamus 1480

Tolluntur. Cave, ne viso prope territus igne  
 Protinus effugio speres evadere lethum:  
 Acris illud enim fugientis terga sequetur,  
 Corripietque fuga media, ambustumque relinquet:  
 Nam qua se findunt auræ, facile irruit illuc.  
 Exanimat sic sæpe viros, pecudesque paventes  
 Sternit humi; neque comparent vestigia tacti  
 Corporis interdum, quoniam vel sulphuris aura  
 Succensî præsentē afflat perimitque veneno,  
 Rarefcente repente vel aëre suffocantur. 1490

Quapropter tum stare loco plerumque timenti  
 Proderit: at certam non hinc sperare salutem  
 Te jubeo: magnis nam stantia robora silvis  
 Nonnunquam evertit; correptaque faxa domorum  
 Exæquare solo, celsas prosternere turres,  
 Tot monumenta Virûm demoliri ardua visum est.

Quin violentius ac citius restantia quæque  
 Discutit; & validi Fulmen cum frigore ferri  
 Et rigida lapidum natura sæpe necesse est  
 Confligat victor; celeri sibi turbine quærit 1500  
 Dum per dura viam, rapidaque recludit iter vi.  
 Interdum teneris crebroque foramine raris  
 (Suscipere hæc flammæ quanquam opportuna videntur)  
 Corporibus parcit; quoniam sævire fatendum est  
 Tum debere minus, facilis cum transitus extat  
 Atque patens: loculis quapropter sæpe reperta est  
 Integris avido conflata pecunia ab igne:  
 Insinuatur enim per rara foramina lanæ  
 Transcurrens impune; resolvit at omnia vincula

Atque

Atque omnes auri nodos tenuissimus ignis.

1510

Edita sæpe tibi infesto loca Fulmine fumant,

Hujus & in celis vestigia montibus extant.

Non Rhodope vel Athos non alta Ceraunia summas

Inseruere eductum alte caput, inque tulere

In nubes impune; quia illis sulphuris ignem

Marmora scissa jugis halant, evulsaque multo

Fulmine præcipitant immani saxa fragore;

Propterea, quoniam prærupto vertice nubem

Excipiunt montes inserti, ut corporis horum

Offensu in geminas partes distracta dehiscat,

1520

Fulminaque e gremio fundat matura corusco.

His accedit, uti plerumque e nubibus altis

Devolet obliquo vis Fulminis ignea cursu

Desuper ejaculata in terram; ideoque fit altis

Vis ea corporibus prius obvia; proinde superbos

Comminuit montes; & culmina turribus aufert.

Quin & sancta petit Divûm delubra, suisque

Discutit exurens præclaras iclibus ædes:

Quandoquidem tetra nimborum nocte coorta,

1530

Cum commoliri tempestas Fulmina cœpat;

Sacra diu templis pulsantur in omnibus æra;

Auras quæ circum fremitu resonante repulsas

Discutiunt, agitantque, impendentemque superne

Attenuant nubem, percinduntque: ilicet illa

Cum tonitru horrifono Fulmen de luce corusca

Mittit, ut id Divûm violento vulnere signa

Delabens confringat, & aris demat honorem.

Præterea sunt &, Fatuos quos dicimus, ignes.

Hos tacita plerumque videmus nocte, paludes

Cum prope versamur; multisque instrata sepulchris

1540

Cum loca conspiciamus celeri pede prætereuntes.

Namque locis tenuis pinguisque accenditur illis

Halitus; ut Manes agrestia corda Virorum

Per noctem e tumulis credant exire sepultos,

Funeraque accensum præferre errantia lumen.

Fit, decurrentes quoque stellas nocte quieta

Longos

Longos per cælum ut videamus ducere crines:  
 Quandoquidem placidas noctu succensa per auras  
 Flamma sua insequitur per cælum pabula labens.

Est quoque, quem Veteres Pollucem & Castora dicunt, 1550  
 Ignis, qui magna pelagus turbante procella  
 Vela per & funes maloque infixus in alto  
 Apparere solet Nautis; qui corda pavore  
 Perculsi ancipiti & commoti relligione  
 Delapsos in opem credunt ex æthere Divos:  
 Propterea elatis conspecta in lumina palmis  
 Pacem orant votis certantes addere vota,  
 Vota tamen positis obliviscenda procellis.

Sæpe quoque & flavos Puerorum lambere crines  
 Ignis, perque jubas transcurrere visus equorum, 1560  
 Perque Virum varios fluitare innoxius artus.  
 Halitus hunc pinguisque expirans corpore sudor  
 Succendit tenuem ut perfricta in fronte pilisque.

Interdum magnam videas ignescere cælum  
 Suda nocte quidem, geminæ qua fulgurat Ursæ  
 Sidus, & ingentes flammarum volvere tractus  
 Horribili aspectu; tanta concussa repente  
 Ut novitate tremant mortalia pectora vulgo,  
 Ne maria & terras delabens protinus ignis  
 Corripiat superans, elementaque victa resolvat: 1570  
 Ut superasse putant, atque omnia cooperuisse  
 Exitio flammæ, Juvenem cum Solis equorum  
 Raptaret Phaetonta rapax vis æthere toto;  
 Quem Pater omnipotens ira tum percitus acri  
 Deturbavit equis in terram fulminis ictu.  
 Principio nubes cælum illud densa recondens  
 Apparet circum rubicundo lucida limbo;  
 Protiliunt porro flammantes inde columnæ;  
 Horridaque accenso præbent spectacula cælo: 1580  
 In varias abeunt formas variosque colores,  
 Et veluti a ventis huc impelluntur & illuc,  
 Discurruntque: tamen sunt raro corpore, namque  
 Sidera per longas translucent undique virgas.

Auro.

Auroram Boreæ multi dixere: sed illam  
 Quovis cumque voces tu nomine, dum tibi constet  
 Ejus, quam referam, ratio; tamen ante refelli  
 Quædam, ne veri specie capiaris, oportet.

Multi non alia gigni ratione putarunt  
 Hunc ignem cæli in spatio, quam mutua mixtis  
 Et super accensis & nitri & sulphuris una 1550  
 Halitibus: multos nam frigida terra vapores,  
 Hoc genus, exhalat; valido qui denique motu  
 Accensi Arctoo dant magna incendia cælo.  
 Verum quisnam adeo levis halitus aut vapor ullus  
 ( Nempe ut disjunctis terræ a regionibus illo  
 Flamma ex attritu valeat succensa videri )  
 Usque loci conscendat eo, tenuissimus ær  
 Quo vix esse queat? neque enim reflectitur inde.  
 Noctu Phœbei radiorum luminis ulla  
 Lux, tenebras quæ vel paulum disrumpere possit. 1600  
 Hinc etiam ratio tibi eorum falsa, necesse est,  
 Jam pateat, radios qui dicunt Solis ab altis  
 Nubibus exceptos magnæ dare posse coruscæ  
 Flammarum speciem; quoniam est innubilis ær,  
 Si quis is est, tantum qui se auris tenuibus effort.

His tibi concussis rationibus & labefactis,  
 Quæ superest, veræ similem magis accipe, forsan  
 Et veram, si jam, supera quæ dicta, tenaci  
 Mente geris: quidam nimirum hunc ambiat ær  
 Ut Solem, longa qui cuspide sæpe vel ipsam. 1610  
 Sese ad Tellurem protendit, sæpe vel ultra.  
 Ergo ubi Telluris propior jam contigit æstum,  
 Major inest ubi motus, eo divellitur a se  
 Impete Parrhasiam partim projectus in Arcton,  
 Oppositum partim, minor est ubi motus, in Austrum.  
 Vis ea multa polum super alte cogitur; ad nos  
 Dum valeat vili subter reflectere Solis  
 Per noctem radios, cælumque rubentibus illud  
 Pingere collucens flammis, & vasta referre,  
 Quæ paveant Homines, incendia; scilicet ignari 1620  
 In-

Interdum specie rerum colludimur ipsa:  
 Aut vario inter se motu commixta repente  
 Concipiat flammæ & vero fulgeat igne.

Ignis at est, multi sursum quem vertice aperto  
 Eruçant montes, fumosque in nubila volvunt:  
 Ut flammæ nigris de faucibus ejicit Ætna  
 Trinacrius mons; montis uti quoque magna Vesuvi  
 Ora recludit apex, rapidos quibus egerit ignes.

Est etiam Arctoïis in partibus insula Thule,  
 Hecla ubi mons patulo facit e cratere voluti 1639  
 Expirent vastis velut e fornacibus ignes.

Nec ratio est longis reddenda ambagibus: intus  
 Subcava speluncis loca sunt, repletaque multa  
 Sulphuris & nitri pariterque bituminis extant  
 Natura; quorum partes ubi concit, & una  
 Commiscet rapidi vis intus percita venti  
 Inter saxa furens; fit, ut illo turbine raptæ  
 Ictibus & validis conflegant mutua plagis  
 Inter se, & magnos sub ea dent nocte tumultus;  
 Ejectæque foras ingentes denique flammæ 1640  
 Concipiant illo ex conflictu, atque egredientes

Cum sonitu horrifico referant, ut credere vulgo  
 Persacile est, illis a montibus oppressorum  
 Pro scelere immani pœnas gemitusque Gigantum.

Interdum incendi tantus sustollitur ardor,  
 Protinus ut nigra cælumque diemque favilla  
 Involvat flammæ tempestas, inque remotas  
 Dispergat cinerem terras, manifesta furoris  
 Signa, & finitimas horrendo murmure Gentes

Terreat: ejectæ nimbos quoque tollit arenæ, 1650  
 Ardentumque etiam carbonum corpora jactat,

Raptaque mirando contorquet pondere saxa  
 In cælum; & pavida cernentum pectora cura  
 Complect, ne moles dehinc cælo flammea labens

Urbibus excidium magnis ferat, atque Colonos  
 Enecet, & silvas lapsa convestiat igne.

Hinc ratio tibi terrarum quoque Motibus extat.

N

Ter-



Terra tremit, clausis cum subter magna cavernis  
 Vis oritur flammæ succensa sulphuris atque  
 Nitri materia: nam protinus igne necesse est 1660  
 Aëra conclusum dilatari impete magno;  
 Propterea subitis expansus viribus urget,  
 Et premit obnixus speluncas, atque repellit.  
 Hac ratione super terræ sola mota vacillant,  
 Inclinataque jam minitantur mœnia cœsum,  
 Sternunturve suis late confusa ruinis.  
 Quin etiam magni montes finduntur, & alto  
 Vertice distractos patulo Sol transit hiatus.  
 Quapropter multis tellus ubi plena cavernis  
 Constat, & in gremio rupes habet & cava saxa, 1670  
 Accendi facilis qua sulphuris halitus atque  
 Conveniat nitri; crebris ea motibus, inquam,  
 Concutitur tellus: veluti loca sæpe tremiscunt  
 Montibus ignivomis propiora; ut sæpe prope Ætnam  
 Trinacriæ magnis subsultant Motibus Urbes;  
 Ipsaque conspiciens montem vicina Vesuvum  
 Parthenope instabili crebro tellure vacillat.

Ante tamen magnos, quam fiant, noscere terræ  
 Concussus, poterisque graves prædicere casus;  
 Altis inficiat si nidor sulphuris undas 1680  
 In puteis: namque huc atque illuc halitus imis  
 Discurrens specubus se in rara foramina terræ  
 Insinuat, lymphisque suos commiscet odores;  
 Si quoque terra graves gemitus & murmura reddat.  
 Hæc tamen, &, genus hoc, quæ sunt permulta Tremoris  
 Indicia haud constant nobis manifesta, queamus  
 Ut vitare: etenim perraro contigit ullus  
 Terræ Motus, prædictus, qui fuit ante:  
 Sævior est ideo, quia non prævisa mali vis,  
 Et nec opinantes subito opprimit excita casu. 1690

Vis ea non magnas Urbes non Oppida tantum  
 projicit in terras, sed aperto absorbet hiatus  
 Interdum, reliqua ut consent vestigia nulla  
 Testorum; colles & montes deprimit altos;

Utque

Utque jugis avulsa ruant ingentia saxa,  
 Efficit, & valles exæquent mole profundas;  
 Efficit, ut notos commutent flumina fontes,  
 Inque alias migrent terrarū orientia partes.  
 Adde, quod evulsa a terris impete magno  
 Abscindat terras, mediumque interferat æquor. 1700  
 Adde, novos medio quod tollat in æquore montes;  
 Quodque superfusus descendat multa sub undas  
 Insula cum totis Cultorum millibus atque  
 Urbibus egregiis, nec nota appareat usquam  
 Amplius in pelagi vasta regione liquentis.  
 Usque adeo Terræ faciem commutat & aufert.

Prætereaque malum non est violentius ullum,  
 Quodque magis subitam videatur sæpe coortum  
 Extremamque Homines in perniciem revocare.  
 Nam neque fulmina sunt adeo metuenda; videmus 1710  
 Quandoquidem cæli correptos turbine raros  
 Volvier in rapidis præfixo, pectore flammis.  
 Mortifer aut æstus non tanta cæde per urbes  
 Desævit magnas: nam totam haud tempore puncto  
 Evertit gentem, nec eodem percutit ictu.  
 Denique bellorum minus averfanda videtur  
 Tempestas; quoniam clades si certa futura est,  
 Non inopina venit; quin, ut vitare queamus,  
 Non omnis semper ratio præclusa viai est.  
 Quapropter nihil est, terræ quod Motibus extet 1720  
 E cunctis penitus magis æumnabile rebus.

Hic Patriæ me casus & horrida fata Meorum,  
 Quæque hic quondam uno pariter cecidere sub ictu  
 Millia multa, movent, animoque horrescere cogunt.  
 Prorsus & oblitum causarum excedere certos  
 Carminis impellunt fines, ultroque dolori  
 Indulgere meo paulum cinerique Meorum;  
 Dum, Pueris toties quæ nostri cumque solebant  
 Cum lacrymis cum singultu memorare Parentes  
 Quondam visa, libens repeto, atque audita revolve. 1730  
 Cernitis everfas, dicebant, undique moles,

O Pueri, disiecta solo congestaque passim  
 Saxorum in cumulum tot quondam ingentia tecta  
 Cernitis? en Urbis quondam cognoscite vestra  
 Immanem diro prostrata turbine casum;  
 Et super his paulum juvet illacrymare ruinis.  
 Heu Patria, heu quondam Nutrix infausta Tuorum!  
 Non erat Illyricis florentior omnibus oris  
 Urbs alia, aut opibus tantum famaue vigeat;  
 Ubertasque soli multaque frequentia Gentis  
 Nobilitasque Virum atque omnes servata per annos 1740  
 Libertas cælo tollebant fortibus armis  
 Naturaque loci murorumque objice circum  
 Defensam a validis vicini incurlibus Hostis.  
 Tot rebus Fortuna bonis invidit, & uno est  
 Conata excidio res vertere funditus omnes.

Tempus erat, vernis quo primas floribus herbas  
 Pingebat Natura, diemque ferebat ad Arcton;  
 Jamque ea lux aderat, casum qua Fata parabant:  
 Horrentes cælum nebulae tegere undique visæ, 1750  
 Imber vicina tenuis de nube pluebat,  
 Æquoris insueto subsederat unda recessu;  
 Præterea auditi gemitus sunt edere magnos  
 Montes: atque cavis alte mugire cavernis.  
 Ecce tremit moto subsultans cardine tellus;  
 Nec mora, deficiente solo, jam prodita pectus  
 Labitur omnis, & immani resoluta ruina  
 Urbs ima confedit humo: se pulveris ingens  
 Protinus in cælum nubes agit, atraque lucem  
 Involvit, noctemque refert. Quæ in turbine tanto 1760  
 Mens animusque fuit, rerum in vertigine tanta  
 Deprensus? iterum tellus concussa videtur  
 Jam trepidare, (animum quoque nunc ita concutit horror)  
 Sub pedibusque labare solum, ruere ardua tecta  
 In caput: illa fuit quæ mens, cum saxa domorum  
 Alta solutarum pluerent super, imaque tellus  
 Hisceret, obrueret fragor aures, lumina caligo,  
 Effugiumque malo septis urgente ruinæ

Ob.

Obstruerent? Mentem præsens vis ipsa pericli  
 Subdidit hanc miseris, jamjam omnia victa fragore 177  
 Succidere horrifono, terram mare sidera verti.  
 Corripuit stupor altus, & omnes abstulit una,  
 Sopivique animi sensus formidine tanta,  
 Ut, quod in adversis sit rebus, tollere palmas  
 Scilicet in cælum, Superosque exposcere pacem,  
 Nos neque possemus nostri meminisse, neque ullas  
 Aut oculis lacrymas aut pectore fundere vota.  
 At neque, sancta Deum si templa fuisset adire  
 Mens nobis, tali in fortuna ut debuit esse,  
 Usquam inventa forent totam quæsitæ per Urbem; 178  
 Omnia namque solo misere prostrata jacebant  
 Omnia Tempia Theatra Lares & publica tecta  
 Undique præcipitata immani everfa ruina.  
 Ante alia illud in his miserandum magnopere unum  
 Rebus erat, multis plenam modo millibus Urbem  
 Vidiſſe & Populo ferventia strata viarum,  
 Urbis post lacerum simulacrum & nomen, igne  
 Aspicere, & cæcis quod jam serpentina sæcla  
 Incolerent, sæcla & volucrum nocturna latebris.  
 At quid, pro Superi! tanta de Gente quid illo 179  
 Factum est de Populo? strata jacet Urbs sepultus  
 Scilicet, atque animas lapidum sub mole sub ipsis  
 Exhalat tumulis: tantum resonare querelæ  
 Undique, confusus ferri super æthera clamor.  
 Quis memoret tantas tam parvo in tempore cædes?  
 Præcipites Dominos tota cum gente penates  
 Contextere, suos everfaque Curia Patres  
 Incubuit, super, & Gentem quoque templa Virorum  
 Sacrificam subita tumultuant versæ ruina;  
 Obtritumque viis circum omnibus undique vulgus 180  
 Emoriebatur; nullo discrimine læthi  
 Corporaque ægra Senum Juvenumque valentia sexus  
 Fæmineus meliorque Virum imbellesque Puellæ  
 Et Pueri infanda correpti morte peribant.  
 At nos reliquæ Fatorum & cladis acerbæ

Quidnam agere? amissis rebus Patriaque Suisque  
 Mœrentes alii Divos exposcere mortem  
 Certabant; alii contra non vulneris ictu  
 Expertes tamen huc atque illuc vociferantes,  
 Vitæ nimium cupidi mortem fugitabant, 1810  
 Et terram effuso signabant sanguinis imbre:  
 Interdum tamen a tergo velocior instans  
 Mors veniebat ob exhaustas vel denique vires,  
 Vel quia murorum deprehensos desuper ingens  
 Maclabat casus: nonnulli membra trahentes  
 Post sese lacera & laniatos ictibus artus  
 Reptabant per saxa; Suosque in opem vocitabant;  
 Demum opis expertes deserti, ut buccera sæcla,  
 Tristem exhalantes animam inter saxa cadebant.  
 Qui fuerant autem juvenili robore freti 1820  
 Viribus intactis, & amor pietasque Suorum  
 Queis mœstum desiderio cor fixerat acri,  
 Ibant huc illuc, evolvebantque ruinas,  
 Et collapsarum certabant saxa domorum  
 Eruere, amissam Prolem seniumque Parentum  
 Cum gemitu & lacrymis & luctifono ululatu  
 Quærentes sub eis, iterumque iterumque vocantes.  
 Flamma vorax totam dein ingens orta per Urbem  
 A consanguineis disjunxit denique mœstos  
 Corporibus, sanctoque ingratis, pro fera fata! 1830  
 Vulsit ab officio. Nostris hoc denique deerat  
 Ærumnis, Urbis quoque conficeretur ut ipsum  
 Triste cadaver, & in miseras quoque dira ruinas  
 Sæviret Fortuna: cremantur corpora passim  
 Exanimum & pariter Viventum: namque sub ipsis  
 Lapsi qui domibus vitærant funera lethi,  
 Sub tignis sub fornicibus sub pariete fracto  
 Subque cavis circum occlusi obstructique ruinis;  
 Posterius tamen hos lethi vis corripiebat  
 Sævior, heu! vivos dissolvens ignibus artus. 1840  
 Ardebant, collapsa licet, tamen aurea testæ  
 Aurataque trabes, veterum monumenta Parentum,  
 Tem-

Templorum decora, atque antiquæ insignia Gentis.  
Quin etiam lapides flamma liquefacta per ipsos  
Auri atque argenti vis ingens divitiarumque  
Manabant rivis ferventibus, atque fluebant  
Latronum in prædam; nam protinus undique lapsi  
Illi vicinis e montibus adveniebant,  
Et collecta domum spolia ampla impune ferebant.  
Denique in excidio tanto infandaque ruina 1850  
Queis superare datum est, alias pars quarere terras  
Exilio, pars ingenti telluris amore  
Commoti campis habitare patentibus Urbem  
Juxta, & stramineos, Pastorum ut turba, penates  
Incolere: e saxis fugiebant namque domorum  
Edita tecta metum propter, quia crebra tremores  
Mugitusque suos repetebat terra minaces  
Ex imo: donec non longo tempore ab ipsis  
Surgeret Urbs, Urbisque prior fortuna ruinis. 1859



## LIBER QUINTUS.



Uis potis audaces in Solem tollere vultus,  
 Arduus eveſta lucis cum lampade fulget?  
 Scilicet ipſe ſuo ſe lumine condit, ut ejus  
 Fulgoris nequeant acies vim ferre tumentum.  
 Haud tamen idcirco non rebus in omnibus  
 ipſum

Cernimus, effuſa quas irrigat undique luce  
 Ætheris ex oris, varioque nitore colorum  
 Imbuit efficiens, ut poſſint quæque videri.  
 Apparet certis at multo clarior idem  
 In rebus; puro velut in lævore liquentum 10  
 Undarum, aut ſpeculi cum primum ponitur æquor  
 Sub divo; ſiquidem radians fulgore coruſco  
 Redditur extemplo ſpectantibus ejus imago;  
 Quamvis hæc oculos feriat quoque perſtringatque.  
 Non aliter (ſi fas conferre hæc tenuia magnis)  
 Ingens dum ſummi longe Natura receſſit  
 Numinis a nobis, & Majeſtate ſua ſe  
 Involvit, lucemque habitat, quæ impervia menti eſt;  
 Non minus ipſa quidem præſentem conſpicuamque  
 Se facit in rebus, quas edidit, atque potenti 20  
 Suaviter imperio movet: & quid funditus ima  
 Conditur in terra, quid in alti gurgite ponti eſt,  
 Quid cælo in magno, ſuperaque infraque quid uſquam,  
 Non manifeſta palam quod ab omni denique parte  
 Illius immenſi referat veſtigia Summi?

Omnia tam variis aſt inter prædita formis,  
 Quidnam majus opus, quidnam ſublimius illa,  
 Undique qua conſtant cuncta, omniparente proſectum  
 Mente putes, Hominis quam ſit natura? videtur  
 Divinis decoraffe hanc dotibus, effigiemque 30  
 Hanc finxiſſe Sui. Quare hinc gradus ultimus extat  
 Summi ad notiſſiam, atque hinc redditur ejus imago.  
 Non-

Nonne Homines igitur Divûm genus? atque utinam omnis  
Nostra feret nobis penitus natura resecta!

Multa latent & adhuc ignota atque invia multa;

Paucaque de multis magno quæsitâ labore

Edita jam tandem patuere, inventaque constant. /

Quapropter, quoniam cæli peragravimus oras

Et maris & terræ; post longos denique cursus

Ardet ut in Patriam lætus quoque Nauta reverti; 40

Rebus ab externis itidem nos visere nostra, &

In nosmet rediisse juvat, nostrumque minorem

Mole, tamen longe præstantem cætera, Mundum

Undique lustrantes animo peragrarè sagaci.

Quare age, quidnam Hominis natura, quid intus agatur,

Percipe, nec credas istis promittere velle

Me tibi, nec porro me posse exsolvere speres

(Quæ neque, si centum linguæ sint, edere possim);

Scilicet ut nervos omnes fibrasque minores

Et venas atque ossa Virûm firmantia corpus 50

Hic tentem numerare; vel, ut digestâ per artus

Sint, & quam vario fungantur munere, fari.

Tanta quidem ubertas atque harum copia rerum est,

Ut prope nulla, velis si me tentare, daretur

Finis: item exhorrent peregrina ea nomina Musæ,

Quæ nostro varias signant in corpore partes.

Illis hæc melius, qui ferro incidere gaudent

Præcincti exanimum corpus, peragenda relinquo.

Noster erit labor, in nobis quæ multa geruntur,

Dicere, qua fiant ratione, animique ministros 60

Scrutari sensus, variosque evolvere demum

Affectus, quibus & Corpus percellitur & Mens.

Ante tamen qua sint Hominum mortalia sæcla

Edita dicendum ratione, atque unde coorta.

Omnia principio quæcumque animalia terras

Concelebrant, genus alituum parvæque Volantes

Vermesque & pecudes & cætera sæcla ferarum

Scire licet, certo Naturæ e semine oriri,

Fœcundisque suis erupta excludier ovīs.

Nam



Nam neque fortuitus congressus particularum; 70  
 Nec Solis calor atque imbres, nec putrida rerum  
 Materies ulli dedit unquam exordia vitæ;  
 Quod falsum ratio, falsum experientia vincit.  
 Et quis enim certo sine seminenectere partes,  
 Texereque ullius viventes corporis artus,  
 Forsne queat? varias valeat diducere venas;  
 Et teretes nervos atque ossa effingere multa  
 Et cerebrum cordisque globum sensusque creare,  
 Omnia cum certa ratione atque ordine certo?  
 Ullo præterea putri de corpore nunquam 80  
 Aspicias subito prognatos fervere vermes  
 Exortu; nisi quod susceptum alicunde sit horum  
 Semen, vel parvis tum forte Volantibus illic  
 Ejectum, liquidas delatum sive per auras  
 Aëris; aërias nam tenuia multa per auras  
 Quolibet a ventis passim correpta feruntur.  
 Quod magis ut noscas, age, frustum include recentis  
 In phiala carnis, nullæ penetrare Volantes  
 Ut possint, avidæque super deponere semen;  
 Vermibus id cernes haud unquam albescere motis. 90  
 Ergo etiam atque etiam certo de semine fiunt  
 Omnia per terras quæcumque animalia vivunt.  
 Seminaque omnigenûm tibi protinus hæc animantum  
 Condita sunt prima jamdudum ab origine Mundi,  
 Inclusa in primæ nimirum semine matris:  
 Quod nulla ratione potest pugnare videri;  
 In non finitas quoniam tibi corpora partes  
 Ostensum est multis supera jam posse secari.  
 Quapropter multo genitali semine, adhæret  
 Adfixum certis intra quod partibus apte, 100  
 Donavit Natura genus muliebre, sed illa  
 Lege quidem, per se nullos ut parvula fœtus  
 Ova queant sterili natura reddere prorsus;  
 Mascula ni vis & genitalis spiritus auræ  
 Per Veneris res commôrit; tum protinus ictum  
 Incipit evolvi, majorique augmine semen

Tur-

Turgere; ac tandem, matura ut poma, reſixum  
 Excidit ex illis, quibus hæſit partibus; arcſis,  
 Inde tubis Falopæ, ut dicunt, inſinuatur:  
 Poſt uterum ſubit: hic veluti radicibus acſis 110  
 Hæret, & educſi nutritur munere ſucci;  
 Inque dies majus jam membra informat & artus  
 Oraque; completo tum demum tempore donec  
 Reddere ſe ſuperas tener infans poſſit in auras:  
 Scilicet humanæ ſunt hæc exordia vitæ.

Quod ſupereſt, tibi dico Animam Mentemque locatam  
 In capite, humani velut in regione ſuperna  
 Corporis: hic etenim Mens cogitat, atque ſagaci  
 Pollet conſilio, dominanſque hic omnia ſentit;  
 Et ſolium in molli fixit Regina cerebro; 120  
 Unde, velut medio multi de ſtipite rami,  
 Ingens copia nervorum prodire videtur;  
 Perque omnes varie diffundi corporis artus.  
 Sunt igitur, veluti per malos tranſtraque navis  
 Diſtenſi funes, ita poſtro in corpore nervi;  
 Pars fortes craſſique fluunt, pars uſque minores,  
 Pars tenues tenueſque magis ſunt, mutua multi  
 Diſcreti, multi contra majoribus apti  
 Connexique tenent commercia certa cerebri,  
 Unde fluunt, inter ſtationem & cor animantis 130  
 Et ſenſus omnes & partes corporis omnes.  
 Propterea varios, quibus incutiuntur, ad icſus  
 Rerum nos extra poſitarum, ſive quid intus  
 Mens jubeat, varias ſubito tendantur, oportet,  
 In partes; valeant ut certa impellere juſſo  
 Motu membra, ſuiſque agitent impulſibus artus.  
 Adde, quod & mira referunt ratione cerebro,  
 Quidquid id eſt, noſtris quod rerum ſenſibus offert  
 Se præſto; fidique velut, cita turba, miniſtri  
 Efficiunt, de rebus uti bene conſcia conſtet 140  
 Mens alienigenis, & quali comta figura  
 Corpora circumſtent & quali prædita motu.

Quoque tibi magis hæc pateant, manifeſtaque conſtent;  
 Una

Una de parti nervorum extrema, necesse est,  
 Concipias nostris finire in sensibus extra  
 Auribus atque oculis & lingua & naribus ipsis,  
 Nec non multiplex per iter se in corporis omnes  
 Insinuare artus, ut demum in tenuia fila  
 Distracti extremis contingant partibus omnem  
 Circum-casuram membrorum, seque revolvant 150  
 Undique, qua cutis est, & sensus vividus extat.  
 Utque vides, tensum cum parte adducimus una  
 Funem per trochleas per tympana celsa volutum  
 Quantumvis, aliam quoque puncto tempore partem  
 Consentire vides, inquam, motuque cieri;  
 Consimili ratione cutem cum tangimus ipsam  
 Corporis humani nervorum extremaque fila,  
 Protinus ille idem motus se visque propagat  
 In cerebrum, Mentemque ciet, rerumque suarum  
 Admonet afficiens; illa omnia persentiscit. 160

Multi præterea, quibus hæc minus apta movendum  
 Arridet ratio ad corpus sensusque ciendos,  
 Concipiunt super in nobis quendam esse vaporem  
 Naturæ perquam tenuis perquamque minutæ &  
 Mobilis egregie, venti est ut cæca potestas,  
 Illum & sanguineis prozignier ex elementis:  
 Namque ubi multiplices iterumque iterumque cerebri  
 Trajicit anfractus sanguis jam purior, atque  
 Difficiles init usque vias varieque retortas,  
 Insinuatque locis arctis sese inque peditis, 170  
 Est opus, ut rarus tandem tenuisque citusque  
 Prodeat auræ vapor ille & spiritus: inde  
 Omnia mobilitantur, & acri vivida constant  
 Sensu: namque, velut cursor, quocumque jubetur,  
 It, redit; & longis excurrens undique nervis  
 Quoslibet in motum subita vi concitat artus;  
 Et rerum externis vel molliter exagitatus  
 A plagis properat regionem præcipitanter  
 Corporis in summam, & Reginæ nuncius adstat,  
 Nulla mora est, Menti; mollique ea cuncta cerebro 180  
 Impri-

Imprimit, & signis demonstrat singula certis.  
Quo confusa minus sunt hæc vestigia rerum,  
Et majora locis alteque infixæ, necesse est,  
Clarius ac melius Mens evigilata repente  
Percipiat, rebusque magis moveatur ab illis.

Et quia non Homines diversas dissimilesque  
Sortiti mentes ulla ratione videri

Possunt, hæcque pares, par est, fateare creatas;  
Et tamen inter se longe distare tuemur

Moribus ingenio, debent variare videri

190

Corpore pro vario fibræque & molle cerebrum

Et vapor aurarum; qui cum de sanguine constet,

Quæ poterit nostri naturam causa cruoris

Afficere, ut cibus est atque aer frigus & æstus

Atque alia e genere hoc; simili ratione valebit

Hoc agere in nostros eadem quoque causa vapores.

Subtiles aliis magis sunt & mobiliiores

Propterea, ast aliis crassa torpedine pigri.

Quapropter Gentes opus est distare remotas

200

Tam spatiis terræ, quam moribus ingenioque.

Acris Athenæis in Gentibus est Hominum Mens,

At Lacedæmoniis ea pinguis crassaque terris;

Pinguis item Arctois in finibus atque remotis

Urbibus a pelagi longe pulsantibus undis.

At plerumque tamen vi pollent mentis & acris

Consilii multo loca fervida sole colentes,

Vel loca, qua falso spumant liquida æquora fluctu:

Quandoquidem salis & magni natura caloris

Mobilitat tenues purgati sanguinis auras,

Et facit, usque magis raræque levesque ferantur.

210

Ast hinc a varia ne quis regione locique

Natura atque ipsis elementis denique tantum

Æstimet ingenia; o quoties quoque Principis artes

Et studia & leges, armorum & Martius usus

Consilia ipsa solent mutare & vertere mentes.

Fertilis Ægyptus præclaris Grajaque quondam

Floruit ingenii tellus, ut Barbarus esset,

Qui

Qui non cretus ea tantum regione fuisset,  
 Phœbus quam & Divæ Permelides incoluere.  
 Postquam autem multis Solis redeuntibus annis 220  
 Mutata imperia & mores & jura, repente  
 Barbarâ non Scythica terra minus utraque facta est.  
 At nunc ipsa etiam sub sidere frigida tellus  
 Arctoo passim doctas amplectitur artes;  
 Excepere soventque olim vix nota Britannii  
 Nomina: pro! quanto fervore exulta Virorum  
 Ingenia emicuere antiquis æmula Grajis.

Molles præterea Pueris crescentibus artus,  
 Et molles pariter fibræ sunt; progrediente  
 Ossa tamen nervique simul firmanantur ab ævo; 230  
 Denique durefcunt senio, longeque tenaces  
 Et rigidi restant; quapropter mollior ætas  
 Effigies rerum facili ratione receptat;  
 Et facili pariter, nisi tum vapor egerit aurâ  
 Altius impressas, jactura amittit easdem;  
 Excepit porro cum quæ simulacra Virûm mens,  
 Firma diu perstant, fibrisque manentibus hærent.  
 Postremo vix ulla Senes vestigia cani  
 Percepisse queunt rerum nova; proptereaque,  
 Quandoquidem fibris antiqua tenacibus hærent 240  
 Indelebiliter, reminisci præteritorum  
 Possunt; hinc toties visa olim & gesta recensent.  
 Sæpe quidem memores simul immemoresque videbis  
 Desipere usque adeo, Natos ut lumine cæcos,  
 Viventes veluti, vocitent, & abesse querantur,  
 Obliti functos, memores vixisse, saluent  
 Exanimés etiam post fata recentia Amicos.

Mens etenim actarum reminiscitur excita rerum  
 Propterea, quia, cum vestigia plurima servet  
 Illarum, in facili veluti depicta cerebro; 250  
 Excurrat si forte per hæc levis halitus auræ,  
 Et simili moveat fibras ratione, movebant  
 Ac ea, quæ simulacra sui liquere, necesse est,  
 Mens ratione pari subito commota recurrat

Olim

Olim ad gesta memor, quorum vestigia tangit  
 Aurā vapor excurrrens: simul ipse propinquas  
 Funditur in cerebri sedes, variosque recessus  
 Ingreditur levis, atque animam per singula ducit.  
 Sic fit, ut e rebus varias Mens transeat in res  
 Paulatim, sensu si non percellitur extra;  
 Atque ita se pascens simulacris tempora fallat.

260

Corporis in quasvis si sæpe excurrere partes  
 Suetus erit perquam subtilis spiritus auræ,  
 Majoresque vias majora recluserit illo  
 Intervalla sibi cursu, fateare, necesse est,  
 Inde fore, ut facili tractentur multa labore.  
 Organicosne vides per chordas ire sonantes  
 Mobilibus digitis? num motus dirigit horum  
 Mens omnes? at Mens alio conversa vagatur.  
 Scilicet aura fluens intus motique vapores  
 Impellunt digitos certo cum tempore, certa  
 Cum ratione, velut quoque fuerant ante; sequuntur  
 Impulsum digiti, chordisque loquentibus errant.  
 Intermissa diu tamen & desueta per annos  
 Sint opera, ut sensim non excurrentibus auris  
 Occulsumque illis iter obstructique meatus  
 Reddantur; tunc aut prorsus sublata facultas  
 Illa erit, aut fiet longe minor inque minuta.  
 Haud secus ac silvam per densam, ubi plurima late  
 Virgulta & frutices dumique arbustaque surgunt,  
 Si fera vel torrens vel acuta falce Viator  
 Rumpat iter gradiens, partem inclinabit in unam  
 Obstantes ramos, herbasque rubosque reflectet,  
 Signabitque viam, facile ut post transeat illac;  
 Hæc intermisso donec deleta meatu  
 Densatis fuerit longo post tempore ramis.

270

280

Nonne vides etiam, quam pernix lingua citatos  
 Sese agat in motus, ut se pro parte figurent  
 Labra, foras recto dum verba emittimus ore?  
 At neque jam numeros nec tempora certamorasque  
 Dædala perdidicit cum labris lingua, queamus

Ut

Ut missam articulis vocem distinguere certis.  
 Nimirum cum nos pulmonibus aëra plenis  
 Tracheæ ejicimus per ductum (ita nominatur  
 Fistula, membrana quæ constat & aspera multis  
 Annullis, magis atque magis quam posse fatendum est  
 Faucibus arctari summis contraque recludi,  
 Ut per inæqualem fugiens e pectore ventus  
 Proinde viam, sonitus non æquos edere possit,  
 Sed, quoscunque libet, majores atque minores), 300  
 Protinus ille vapor tenuis per jussa viarum  
 Intervalla fluens linguam perniciousiter atque  
 Labra movet certa ratione, inflectier aër  
 Ut possit fugiens, & reddere verba sonosque  
 Distinctos numeris varie spatiisque morarum.

Præterea ratione pari proferre videbis,  
 Cum volumus, nos posse pedes & membra movere.  
 Id faciunt nervi, varie cum desuper alta  
 Tenduntur, Mens ut jubet, e regione cerebri:  
 Non secus ac magnam ventosa per æquora tensis 310  
 Funibus & clavo stans celsa in puppe Magister  
 Contorquet, facillique regit molimine navim.  
 Id quoque item facili potes hoc comprehendere pacto:  
 Nempe Animus ferit extemplo, quæ in corpore nostro  
 Didita vis animæ est, patefacta foramina pernix  
 Protinus illa subit membrorum, & commovet artus:  
 Nam recipit motum, qui parvo a mure vocatur,  
 Musculus; ejus enim similem gerit ipse figuram;  
 Ventre tumet quoniam medio, quem fascibus una  
 Componunt fibræ congestis; ultima tenuem 320  
 Desinere in caudam veluti protensa videntur.  
 Ergo ubi se medias subitus vapor insinuavit  
 In fibras illapsus, & auris crassior illis  
 Intumuit venter; se contrahet ipse repente  
 Musculus, & motu, quibus hæret, membra plicabit;  
 Ast ubi diffugient auræ, subito evacuatus  
 Protendet sese, pariter protendet & artus.  
 Scilicet hæc fieri, cum Mens jubet ipsa, videmus.

Ne

Ne tamen hinc credas, quod motus causa Voluntas  
 Nostra sit in nobis; quanquam illi membra movere 330  
 Cum libuit quæcumque, moverier illa videmus.  
 Novit an ipsa suus qui sit modus artubus? auras  
 Qua cieat plaga, quo dirigat, atque reducat?  
 An numerat nervos, an fibras texuit omnes?  
 Corporis ipsa sui demum primordia quæ sint,  
 An videt? & quæ sint parti loca cuique quis ordo?  
 Ergone tantarum poterit Mens inscia rerum  
 Tam facile & subito tam certa lege movere,  
 Cum libuit, corpus? Quapropter oportet, ut Auctor  
 (Nam nihil est aliud, cui possis ipse referre 340  
 Quodcumque est) Auctor rerum, quique unica Causa est,  
 Ipse det, ipse regat motus, cum membra movere  
 Mens avet: hoc voluit sancitas poscere leges,  
 Illius ad nutum cieantur ut ilicet artus.

Nunc qua re vigiles distent somnoque jacentes,  
 Accipe. Tunc equidem vigilamus, multa vaporum  
 Copia cum levium perneciter exagitur,  
 Et nervos fibrasque rigat tenditque cerebri,  
 Et facit, externos commercia pervia consent  
 In sensus, multisque vacet Mens percita rebus. 350  
 Firma magis tum membra vigent artusque valentes  
 Corporaque ad magnos operum magis apta labores.

Debile sit corpus, cum multo humore tenetur  
 Spiritus hic, vel adhuc vis est ea cruda vaporum,  
 Multave per liquidas extra dispergitur auras.  
 Laxatis etenim toto tum corpore fibris  
 Palpebræ poplitesque cadunt & languida membra,  
 Quapropter Somnus fit, ubi religatur hic auræ  
 Spiritus exortis persæpe humoribus, extra  
 Sive animæ vis hæc partim dispersa recessit: 360  
 Dissolvuntur enim tum demum tenuia fila  
 Fibrarum, nervique fluunt; nec proinde putandum est,  
 Mentem alienigenis jam rebus posse moveri  
 Per sensus; quoniam laxatis undique nervis  
 Cum cerebri regione manent commercia nulla

O

Sensu-



Sensibus, ut sœtas nequeant transmittere rerum  
 Illuc effigies, neque fibras mobilitare.  
 Propterea multo Sopor ille gravissimus extat,  
 Quem capias magno confectus membra labore,  
 Herbarumve satur, quas longa oblivια dicunt 370  
 Ferre; quia hæ celeres religant tetinentque vapores;  
 At labor hos membris expellit, & ejicit extra.  
 Aspice, fortuita resoluta sub arbore membra  
 Quam subito facilis Sopor irriget Agricolarum,  
 Qui durum imperium vertendæ vomere terræ  
 Luce exercebant tota; cum sæpe rubenti  
 Interea infonnes noctem jactentur in ostro,  
 Latrantisque canes & raræ murmura vocis  
 Nequidquam culpent Reges rerumque Potentes.

Si perturbatis agitentur motibus auræ, 380  
 Irrequietaque vis cerebro discurret earum,  
 Lethæa, ut dicunt, non exorabilis unda  
 Haud oculos sparget Somnus, vigilesque videbunt  
 Luciferum redeuntem illi. Vix denique primam  
 Quod si jactatos sub lucem vinciet artus,  
 Membraque corripiet leviter Sopor; ecce repente  
 Dira catervatim conturbant somnia Mentem  
 Ignotas facies simulacraque mira tuentem.

Somnia enim fiunt, cum incertis motibus aura 390  
 Per cerebrum excurrens variæ vestigia rerum  
 Commovet, & multa colludit imaginis umbra:  
 Nam neque tunc omnes levis iste resolvere Somnus  
 Quit cerebri fibras, agilem neque sæpe tenere  
 Auræ animam, excurrens varios quin concitet artus.  
 Propterea multi per Somnum brachia tendunt,  
 Et jactant cum voce manus; tum sæpe loquuntur  
 Magnis de rebus; proprii quoque sæpe dedere  
 Criminis indicium, celataque facta tulere  
 In medium: multi de molli membra cubili  
 Corripiunt subito, atque amentes tecta pererrant; 400  
 Donec turbato concussi corporis æstu  
 Vix ad se redeant: ita concitat aura vaporum.

Dul-

Dulcibus exactis Somni expergiscitur horis  
 Denique Mens, in seque redit, de sanguine puro  
 Suppeditatus ubi est purgatæ spiritus auræ  
 Multus, & intendit nervos, fibrasque rigavit,  
 Et proinde in sensus commercia reddidit omnes.  
 Tunc hilares ad opus consurgimus, atque receptis  
 Viribus ad magnos properamus sponte labores.

A perturbato motu horum sæpe vaporum 410  
 Exoritur capitismorbus, quo cuncta videmus  
 Ante oculos nobis verti, terramque rotari.  
 Sub pedibus, pariterque uno nos turbine ferri:  
 Tum cadere in terram nullo retinente necesse est.  
 Sponte vides Pueros facere id plerumque, per orbem  
 Dum se multiplices vertunt: simul ipsa videtur  
 Ire domus circum & circum atria versâ moveri.  
 Stare quidem immoti tanta in vertigine rerum.  
 Non possunt, terræque petunt sola proinde cadentes.

Tum quoque pallenti multos languore videmus 420  
 Desicere, exangui cum corpore collabescunt  
 Omnia membra, velut mortis prope limen ad ipsum:  
 Aurarum retinetur enim vis, ejiciturque  
 Multa foras, membrisque suum torpente vigorem  
 Suppeditare nequit motu viresque per artus.  
 Si tum per nares vini sese insinuet flos  
 Atque odor in mollis penetralia summa cerebri;  
 Excita vi multa tenuisque agitata repente  
 Aura animæ movet excursu labefacta citato:  
 Membra ruens, redditque valentes corporis artus; 430  
 Haud secus ac fuso morientis recreatur olivo:  
 Flamma novo nigram dispergens lumine noctem.

Cui nova vis cerebro vel morbo sæpe coorta  
 Vel causa quavis alia vestigia nota  
 Turbavit, penitusque graves alteque profundas  
 Impressit sine lege notas, Vesania fiet.  
 Protinus insolitis tenduntur viribus artus,  
 Turgescunt nervi, fervescunt sanguine vena,  
 Suffusi vigilant oculi, sine mente sonat vox,

O 2

Men-

Membra agitantur, & inconstanter concutiuntur; 440  
 Impos Mens animi res volvere cogitur illas,  
 Quæ jam alte infedere: suorum verba Parentum  
 Verbaque Amicorum non percipit, omnia turbat,  
 Respondet quæ non illi petiere, profatur,  
 Quæ capiat nemo, quæ nulli visa, tuetur;  
 Seque Deum Regemve putat Puerumve Deorum  
 Aut, aliud quid, quod sanam vix forsitan unquam  
 Incidat in mentem: turbata vis animæ,  
 Cum cerebrum mentemque ferit cum corpore, tanta est.

Præterea, quoniam constamus corpore, motu 450  
 Quod facile atteritur, quod multis undique circum  
 Afficitur plagis, sua detrimenta, necesse est,  
 Sæpe cibo reparet, vitam ut producere possit.  
 Proinde cibus capitur; quem primo dente molari  
 Fractum & contritum simul humentemque saliva  
 Reddimus æsophago (perhibent hoc nomine Graji):  
 Hic tubus est, qui se vicibus dilatat, & idem  
 Contrahit alternis: motu hoc potumque cibumque  
 In stomachum transfert: humorem ubi ponere multi  
 Fermentum veluti quoddam voluere, quod omnem 460  
 Dissolvat rodens paulatim, & concoquat escam.  
 Proinde Fames oritur, stomacho cum nulla vacante  
 Pabula sunt; quoniam membranam vellicat ejus  
 Tum liquor, & sensu Mentem ciet ille molesto:  
 Res ea latrantis stomachi acres excitat iras.  
 At Sitis est, ejus fibris arentibus arent  
 Cum pariter fauces: penitus quapropter inertes  
 Languescunt: Animam sensus proin afficit æger:  
 Hinc ingens desiderium consurgit aquarum.  
 Excipere ore velint sitientes flumina aperto. 470

Ergo, velut doceo, variarum pabula rerum  
 Immissa in stomachum penetrans liquor undique rodit;  
 Seque, facit, vertant dissutaque disque soluta  
 Protinus albertem in succum longeque liquori  
 Confinilem lactis. Quibus id tamen esse videtur

Fer-

Fermenti genus in nobis merito inficiandum,  
 A motu repetunt omnem rem, viscera semper  
 Quo concussa terunt epulas, & mollia reddunt.  
 Pabula, quo pariter lacerantur inania motu:  
 Inde Famis faciunt sensum; inde alimenta resolvunt 480  
 Albentem in succum, qui venas lactis, ut ajunt,  
 Ingreditur, variis tum ductibus insinuat  
 Inhiliens, donec rubro cum sanguine mixtus  
 In Cor, quod medii regione in pectoris hæret,  
 Perveniat: totos hinc diditur omnis in artus;  
 Multarum diversa per intervalla viarum  
 Transmeat, & fibris subtiliter insinuatus  
 Extremis hærescit, & illas auget inhærens,  
 Atque affixus alit partes: sic damna perenni,  
 Ut vigeat corpus, reparanda perennia succo. 490

Et quia cum rubro permixtus Sanguine totas  
 Corporis in partes transfertur succus, oportet,  
 Perpetuo intra nos motus Cruor usque feratur  
 Circuito; fieri quod ea ratione fatendum.  
 E Vena, quæ dicta Cava est, irrumpit inundans  
 In Cor, quod medio vibratur pectore, Sanguis;  
 Tum patefactum illud distenditur, atque recepta  
 Sanguinis in sese fit multo latius unda:  
 Contrahitur porro, rubicundumque exprimit ipsos  
 Rorem in pulmones; ille undique fusus eorum 500  
 Per caulas teritur magis, interiusque recenti  
 Miscetur succo, nimium qui mobilis exit  
 Illo ex attritu partique subactus in omni.  
 Inde locum cedit venientibus aëris auris,  
 Quas velut in folles inducimus ore ruentes  
 Latius in pectus: patefacti cordis hiatus  
 Ex alia tum parte subit Cruor, hospitiumque  
 Post breve contracta discedit sede, fugitque  
 Protinus ejectum. Motus hos Cordis, ut ipsum  
 Alternis sese dilatat, contrahiturque, 510  
 Non intermisso vibrata Arteria pulsu.

Significat nobis: siquidem dum Sanguis ab illo  
 Ejicitur, magnam vi multa complet Aortam,  
 Ut vocitant; quæ truncus uti se corporis omnes  
 Undique distentis ramis diffundit in artus,  
 Queis Cruor illapsus partes citus irrigat omnes:  
 Inde redit tenues per venas, inque Cavam se  
 Exonerat rursus parti conlectus ab omni,  
 Ut rivi in fluvium, rursusque revertitur in cor.

Quod superest, Sensus, age, delabamur ab ipsos. 529  
 Constituit Sensus Animæ Natura ministros,  
 Custodesque velut pro corporis arce tuenda  
 Esse dedit; per eos quoniam Mens judicat, extra  
 Quæ sunt in rebus, quæ dira inimicaque nobis  
 Perniciem intentant, ut ferrea cuspis ut ignes  
 Præcipitesque loci fugiendaque cætera quæ sunt.  
 Novit item per eos contraria, quæque sequi nos  
 Possimus, corpusque juvent, & convenienti  
 Afficiant motu. Non est sed credere non est  
 Propterea, quales extant, res sensibus ipsis 539  
 Agnoscere; namque ut variare tuemur eosdem  
 Interdum; sic res, opus est, varianter easdem  
 Percipiant Sensus vario pro tempore. Sano  
 Sæpe mihi cibus est suavis; fit amarus at idem,  
 Æger si jaceam; quoniam textura palati est  
 Tum varia in nobis; quin & quod dulce palato  
 Est aliis, fugiunt multi, velut acre venenum.  
 Dissimiles ut enim longe distare videmus  
 Inter sese Homines extrinsecus; oribus ora  
 Nam si convenient & partes partibus omnes, 549  
 Pro, quam incerta forent confusis omnia formis!  
 Ergo ut dissimiles sumus, inquam, extrinsecus ipsi,  
 Quare dissimiles pariter non sumus & intra?  
 Non sit dissimile in nobis, ut multa, palatum?

Transfer id ad Sensus aliosquoque, transfer ad ipsos,  
 Quos reliquis præfers, Oculos; distare fatendum est  
 Ipsa etiam inter se textura lumina; multi

Quant-

Quandoquidem aspiciunt res longius, inque tuentur  
 Clarius ac alii: simili ratione colores,  
 Quos uno pariter vocitamus nomine, ut atros 550  
 Aut ferrugineos virides quoque cæruleosque,  
 Si dicam similes, quos tu te percipis intra  
 Aspiciens, non esse meis; falline repente  
 Arguar, atque errans veluti ignoransque refellar?  
 Nimirum hæc Oculis cum non videamus eisdem,  
 Sed qui dissimili textura forsitan intus  
 Sunt, opus est etiam non una percipiamus,  
 Quos simul intuihur, rerum ratione colores.  
 Quin sunt qui videant rubicundam lumine dextro  
 Corporis unius faciem viridemque sinistro. 560  
 Sunt qui uno majora minorave corpora coram,  
 Quam cernant alio. Quapropter nonne fatendum est  
 Res etiam a nobis varia fors mole videri?  
 Quis scit, an hunc montem, quem summis dicimus ambo  
 Nubila ferre jugis & cæli tangere templa,  
 Quis scit, an æquali videas tu tollier auctu,  
 Ac ego? communis nulla est mensura, queamus  
 Cui conferre; pari siquidem non illa videri  
 Mole utrique potest, illam cum cernimus ambo.  
 Quare hunc, si quis inest, errorem haud possumus unquam 570  
 Detegere, aut ullis manifestum reddere verbis:  
 Quandoquidem rerum de mole haud judicat ulla  
 Mens ratione, aliis referens nisi rebus, ut illas  
 Majores dicat collatis five minores  
 Sive pares; neque sic referendo fallimur hilum.  
 Denique non Sensus nobis largita videtur  
 Natura, ut Veri per Sensus exoriantur  
 Notitiæ, atque fides sit Sensibus omnis habenda:  
 (Hæ sunt Mentis enim partes, ut diximus ante)  
 Illis sed tantum servando in corpore ut uti 580  
 Possimus; quoniam, quidquid noceatve juvetve,  
 Nos facili ratione movent, Animumque repente  
 Concutiunt, ut res possit vitare sequive:  
 Quod nisi per Sensus, fieri non posset, opinor.

Nam si rem Ratio sine Sensu expenderet omnem,  
 Conveniat nobis an contra; nonne videmus,  
 Id quam difficile & quam magna non sine noxa  
 Corporis efficeret? contra cum cæditur ictu,  
 Aut cum forte manus propiore exurit igne,  
 Nonne vides, intus Sensus vis illa molesti 390  
 Vivida quam subito Mentem ciet, atque dolore  
 Admonet esse malam sibi rem: subito excita magnam  
 Illa adhibet curam, tam diram vitet ut ægri  
 Corporis ærumnam: fieri num posset id ipsum  
 Tam facili pacto tam promte, si sine Sensu  
 Mens sola ratione malum cognosceret intus?  
 Et licet hic Sensus videatur fallere mentis  
 Propter opinatus, quos addimus, inde dolorem  
 Non animæ, verum esse manus dum credimus illum;  
 Attamen hunc ipsum servandi corporis ergo 600  
 Protinus errorem nobis juvat insinuari:  
 Tunc etenim properamus eam, quæ cæditur, igne  
 Sive calet propiore, manum remove periclo.  
 Hoc igitur Sensus fungantur munere tantum,  
 Corporis incolumem servant ut denique molem:  
 Hac neque re, sani si constant, fallere possunt.  
 Cætera, si falli renuis, ne quære per illos:  
 Ostendunt neque enim res nobis, qualis earum  
 Natura est; verum ad nos ut referantur eadem.  
 Sic, cum Nauta ratem scopulosa ad littora vertens 610  
 Undas demisso pertentat fune profundas,  
 Ne puppim ad cautes scopulorum illidat opertas;  
 Ille quidem, quantum fundum super ipsa carina  
 Innatet, & cæcum, si sit, docet esse periculum.  
 Ast ubi se pelago puppis dedit, Oceanique  
 Sulcat adunca vias; imum contingere fundum  
 Quamvis interdum demisso pondere funis  
 Non valeat, quantum nec aquæ signare profundæ  
 Sit spatium; tamen a scopulis & syrtibus æquor  
 Id tutum docet esse, quod unum noscere refert. 620  
 Eja age nunc, Sensus quo pacto quisque sua re  
 Affi.

Afficiatur, habe. Primo non sedibus unis  
 Ipse nec in certis Tactus regionibus hæret:  
 Undique Tactus enim totos in corporis artus  
 Diditur, & sensus in se uno continet omnes:  
 Omnis enim sensus Tactu fit: dicimus illum  
 Præcipue tamen ( atque ista secernimus in re )  
 Quid calor & frigus, sentire, & mollia quæ sint  
 Duraque, quid siccum quid contra constet, & humens,  
 Atque ubi sit multum lævoris & asperitatis; 630  
 Cæteraque e genere hoc per Tactum concita sentit  
 Mens; & id hac fieri certa ratione probandum.

Extima per totos late diffunditur artus  
 Texta cutis fibris de tenuibus inque plicatis  
 Nervorum veluti ramis subtilibus: ergo  
 Nervorum hos fines si quæ res impulit extra,  
 Protinus ad cerebrum motus deferitur, ut illis  
 Res alienigenas Mens sentiat excita plagis,  
 Atque ad eas referat partes & membra, moveri  
 Unde scit: idcirco progigni in partibus illis 640  
 Sensus, ut in manibus tergo aut crure videtur.

Partibus at multo magis illis vividus extat  
 Tactus, plura cutem fibrarum ubi tenuia fila  
 Intexunt; veluti manus est qua concava parti;  
 Inque pedum plantis simili ratione cientur  
 Sensiferi motus, cita Mens sentiscat ut illos;  
 Nec non membranarum oculorum in tenuibus: Intus  
 Obtuso constant at contra viscera sensu  
 Humida cum madidis pariter pulmonibus; humor  
 Quandoquidem laxat fibras, ictusque madore 650  
 Debilitat; sensus motu languente cietur  
 Propterea, pertingat uti vix plaga cerebrum.

Hoc etiam in nobis pacto dolor atque voluptas  
 Gignitur: hic geminus quanquam pugnare videtur  
 Sensus, ut in mente est, atque in contraria ferri:  
 Namque dolor Mentem facit ægram, hilaremque voluptas:  
 Attamen haud prima distant in origine multum  
 Inter se; prope enim causis oriuntur ab isdem.

Nam-



Namque cutis tenuis textus cum tangitur extra,  
 Atque cietur; erit causa hinc utriusque, doloris 660  
 Atque voluptatis: nam si quid molliter ipsam  
 Contingat, placideque cutem titillet, oriri  
 Hinc opus est suavem per membra vigentia sensum;  
 Blandaque perfundet Mentem corpusque voluptas.  
 Ast ubi quid molles violentius impulit artus,  
 Impressitque graves ictus, fibrasque retexens  
 Dissuit, & cerebrum vi motus perculit acri;  
 Turbatur pariter sensu Mens ægra molesto,  
 Tristis & ingenti percellitur icta dolore.

Si manus in pugna permixta cæde calenti 670  
 Abscissa a trunco cui decidat, atque trementes  
 Jam per humum digitos agitet moribunda, queretur  
 In digitis tamen atque manu sentire dolorem  
 Truncatus, parti velut ac foret integer illa.  
 Credere, si nescis rationem, forte recuses;  
 Crede tamen, quoniam id ratio quoque vincere debet:  
 Per fibras etenim cerebri e regione fluentes,  
 Queis & trunca manus constabat, fertur ab illo  
 Vulnere supremas Animæ impressus ad oras  
 Vehemens motus; uti Mens acri percita sensu 680  
 Vim partes ad eas referat dirumque dolorem,  
 A queis commotæ diduntur vulnere fibræ,  
 Commotæ haud aliter, quam si manus adsit: oportet  
 Quapropter, dolor in digitis videatur & ipsa,  
 Quæ trunco est avulsa, manu, longeque relicta.

Nunc quid fiat, ut hac vita defuncta relictis  
 Corporis exuviis Animæ vis igne cremetur,  
 Sentiatur & dirum misere combusta calorem,  
 (Supplicia hæc etenim sæva atque infanda manere  
 Credendum est Animas post ultima funera fontes) 690  
 Percipe. Nunc veluti, dum Mens cum corpore juncta est,  
 Immissum haud alia sentit ratione dolorem  
 Per corpus, quam quod, dum corpus tunditur extra  
 Aut laceratur, ea ingenti tum protinus intus  
 Obruta tristitia curis turbetur amaris:

In-

Inter utrumque etenim corpusque Animumque vicissim  
Fœderis hæc lex est sancita, ut diximus ante.

Cur ita non igitur, cum Mens sine corpore constat,  
Numinis ultricem quoque disposuisse putemus  
Justitiam, ut nigris Erebi damnata cavernis 760  
Mens tristes agitet curas, perquamque molesto  
Tartareæ ad motum flammæ conficiatur  
Infandi sensu veluti combusta doloris?

Gustus item a tactu quoque gignitur, inque palato  
Isque fit in lingua, multis quæ tota videtur  
Composita e fibris contextis inque plicatis  
Inter se varie: facili ratione movetur  
Propterea, & partem sese contorquet in omnem.  
Ergo cum innumera constet propagine lingua  
Nervorum e supera cerebri regione fluentum, 710  
Succus ubi variis mandendo expressus ab escis  
Humida linguæ contingit texta, cietque  
Fibras; tum quendam sentimus in ore saporem:  
Nam quidam ad cerebrum motus sese inde propagat.

In radice ejus summoque in acumine verum  
Vividus hic sensus magis est; nam copia major  
Est ibi fibrarum, & contextus densior extat.

Utque cibos opus est varios distare figura  
Et motu sese inter & augmine particularum,  
Hos ita diverso pacto debere palati 720  
Contrectare vias fibrasque ciere fatendum.

Idcirco exoritur variantia multa saporum,  
Si pungat linguæ fibras & vellicet esca,  
Fit sapor acer, uti piper est acceptaque mensis  
Allia Messorum; falsum, si rodât easdem,  
Dicimus esse cibum; dulcem, si leniter atque  
Suaviter attingat penetretque foramina succus,  
Mellis uti lactisque liquor tractatur in ore  
Jucundo sensu: sed contra absynthia tetra  
Abstergunt veluti linguam everruntque palati 730  
Contextum tenuem; quapropter amara vocamus.

Deinde cibi sapient calidi magis; exagitabunt

Quan-

Quandoquidem caulas motu majore palati.  
 At, quæ frigida sunt multaque immota quiete,  
 Vix tenuem reddunt linguæ per texta saporem  
 Plerumque, & sensu vix percipiuntur ab ipso:  
 Qui nimio contra persæpe obtunditur usu  
 Rerum, quæ magno percellunt nervea motu  
 Texta; velut multo qui proluit ora Lyæo  
 Nocte dieque madens, & vix non ebrius unquam est; 740  
 Tandem ejus sensum vix percipit ille liquoris  
 Nullaque propterea vini discrimina novit;  
 Ardet at in florem Bacchi, sapit ille palato  
 Spiritus, atque epulas tantum, queis fuccus inhæret  
 Acrior, unde agitet fibras violentior ictus,  
 Appetit. Hoc ipsum sensus extende per omnes,  
 Omnes immodicum nam debilitantur ob usum.

Porro, quo Pacto nares contingat Odorum  
 Vis ut cum possit sensum progignere, agemus.  
 At prius illorum quæ sit natura, videndum: 750  
 Post id nam ratio per se manifesta patebit,  
 Protinus ut nares vis nota laceßat Odorum.  
 Sic prius ac rapido plenam torrente Viator  
 Transiliat fossam, metitur præpete cursu  
 E longo campum spatio, torrentis ad oram  
 Ut venientem idem ferat ilicet impetus ultra.

Est Odor haud aliud, late quam missa per auras  
 Copia multarum de rebus particularum,  
 Perpetuo ex illis quas fluctu exire putandum est.  
 Et quia eas motu vario variaque figura 760  
 Constare, ut varia quæ ex re mittuntur, oportet;  
 Est opus, ut varii pariter videantur Odores.

Si matutino madeat flos rore, recenti  
 Vel pluvia, haud ulli vulgo sparguntur Odores:  
 Particulis quoniam manantibus interceptum  
 Est iter, & liquida conclusa foramina lympha,  
 Unde fluunt; quare testæ obstructæque tenentur.  
 Ast ubi sublatas radiis consumserit undas,  
 Reclusisque viis suavem Sol moverit extra

Edu-

Educens fluctum, redolebunt floribus horti,  
Mellificasque trahent halantia prata volucres. 770

Illud in his porro non est mirabile rebus,  
Parva adco constare minutaque particularum  
Corpora, quæ volitent faciles distracta per auras,  
Perpetuoque fluant fluctu per tempora longa,  
Nil ut limatum de corpore constet odore  
Propterea ad speciem, & vix desit ponderis hilum;  
Jam super ostensum est quoniam tibi corpora quævis  
In non finitas quoque partes posse secari.  
Sin tibi adhuc ratio quæ posse obistere videtur, 780  
Parvula ne fluere ex ipsis corpuscula rebus  
Credas; hanc alio rem, si libet, accipe pacto.  
Multa habet, & multis pertusa retortaque formis  
Intervalla viasque, quod halat, corpus apertas,  
Circumfusa fluens tenuis qua transeat aura  
Aëris; ut varios dehinc hoc egressa meatu  
Acquirat motus: parvam mutetque figuram;  
Possit uti varia pariter ratione ciere  
Sensum, quem fieri nostris in naribus ipsis  
Percipimus, varios prope cum sentimus odores. 790

Seu levis aura igitur, seu fluctus particularum  
Membranam nostris in naribus interiorem  
Concitat & circum fibrarum tenuia fila;  
Protinus hinc cerebri pertingit motus ad oras,  
Excita quo certos tum Mens sentiscit Odores.

At Sonus auditur, cum nostras concitus aures  
Ingreditur, sensumque sua vi percutit aër:  
Nam præter celeres motus fremitusque tremantis  
Aëris esse nihil Sonitus natura videtur.  
Idque palam ut constet, citharæ fac ut icta sonantis 800  
Chorda tremat; celeri motam ratione videbis  
Atque iterum atque iterum vibrari: in quaque necesse est  
Essè ex impulsu valido tum parte tremorem:  
Dum tremor est, poteris liquidos haurire sonores  
Auribus: illa pari quoniam facit intremat aër  
Commotus fremitu: porro compesce manenti

Chor.

Chordam exultantem digito; tum protinus omnis  
 Desinet audiri Sonitus, quia sistitur aër.  
 Propterea magna concurrere corpora plaga  
 Si videas sub aqua vel clausi fornice vitri  
 Omnibus exhausto, quantum licet, aëris auris;  
 Nullum exaudiri propius quoque posse videbis  
 Murmur; namque carent auris loca: proinde fateri  
 Est opus omnino Sonitus & vocis inesse  
 Naturam, ut vinco, in commotis aëris auris.

810

Adde quoque his, circum quod si reboantia diris  
 Aëra tonent bombis, ut cum ferus affidet urbi  
 Hostis, & ingenti belli quatit alta paratu  
 Mœnia, commotam frangantur septa per urbem  
 Vitrea, quæ clausis transmittunt lumina tectis,  
 Conturbetur item vini liquor inque citetur.  
 Omnia quæ peragi num qua ratione valerent  
 Aurarum sine concussu tremuloque sine ictu?

820

Corpora proinde Sonum tantum sunt apta ciere,  
 Quæ concussa queunt vibrari & contremere ictu,  
 Et facere aëriæ pariter vibrentur ut auræ:  
 Mollia quapropter vix opportuna tremori  
 Sunt, & vix Sonitus, ut plumbum lanaque, reddunt.  
 Et quæ densa magis quoque sunt, magis esse sonora  
 (Si tamen interea consent paria omnia) debent;  
 Plures quandoquidem partes quatiuntur ab ictu.  
 Sic quoque vividior desert & densior aër  
 Majorem Sonitum fremitu majore tremiscens.  
 Hinc minus auditur vox atque obtulior æstu est,  
 Quam cum frigida hiems crudescit, & aëra densat;  
 Perque diem voces non exaudire valemus  
 Tam facile, ut gelidæ taciturno tempore noctis.

830

Præterea in partes circum vox diditur omnes;  
 Unaque missa licet, tamen aures perciet omnes  
 Omnibus in populo: nam motus ubique propagat  
 Circum sese aër: veluti si marmora ponti  
 Strata gravi ludens ferias turbesque lapillo:  
 Nempe videbis aquam, ut subitos se tollat in o bes  
 Mul-

840

Multiplici circum gyro, mediumque coronet,  
 Quo primo est commota, locum: pariterne recuses  
 Credere concussum dextra lævaque moveri  
 Aëra posse, retroque simul, simul ante propelli  
 Deorsum etiam sursumque & in omnes undique partes?  
 Interposita tamen si sint loca longius æquo,  
 Denique per magnum spatium confundier auras. 850  
 Aëris & minui fremitus missamque necesse est  
 Turbari, ut nequeas verba internoscere, vocem.

Utque solent pelagi glomeratis orbibus undæ  
 Sæpe repulsari objectis a litoris oris,  
 Et non confusos alia de parte recurvi  
 Circuitus orbes sinuare retroque referri;  
 Sic quoque non aliam rationem reddere possis,  
 Quo pacto formas verborum saxa remittant,  
 Palantes Socios cum per loca sola vocamus,  
 Seu resonat fundens silvestrem fistula Musam, 860  
 Et labro calamos Pastor percurrit hiantes.

Sæpe aliquis, cui dura Venus rejectaque vota,  
 Solus per silvas & valles inter opacas  
 Erravit tristi testatus voce querelas,  
 Contemptos faxis & responsantibus ignes  
 Ennarrans læsum paulum solatus amorem est.  
 Namque ferunt Nympham latitare in montibus illis,  
 Pulchrum quæ quondam nequidquam pulchra peribat  
 Narcissum; spretos mœrens tum propter amores  
 Tabuit, & diri monumentum triste doloris 870  
 Facta lapis retinet vocem veteresque querelas.

Vatum sic mendax cecinit Chorus: ipse refello:  
 Nam solidis adlisa locis retroque priorem  
 Reddit pulsa Sonum, verborum & imagine ludit  
 Aura ciens iterum sensus auresque penetrans.  
 Unam sæpe quater loca vidi reddere vocem,  
 Verbaque certatim colles iterare repulsa  
 Collibus & tacita violare silentia noctis.

Scilicet & colles antiquaque mœnia & ædes,  
 Et tacitum positæ rupes trans flumen, & umbræ 880  
 Silva

Silvarum, & multo vestiti cespite campi,  
 Montium & anfractus varii procul, & cava saxa  
 Et nubes referunt Sonitus & murmura reddunt.  
 Quanto & nos spatio majore recedimus illinc  
 Reflexæ tantum mora crescit vocis, ut aures  
 Sæpe vel integra vox, vel duplex ternaque pulset.  
 Verum quo fuerint propiora obstacula contra,  
 Hoc ad nos citius referetur imago loquentes,  
 Ultima vocis uti vix sæpe audire queamus;  
 Sed resono turbet sermonem murmure clangor. 89a  
 Sic cum marmorei vicino e pariete templi,  
 Audit ubi Orantem Populus, prope tempore eodem  
 Vox reflexa venit, quo missa loquentis ab ore est,  
 Multiplici pariter ferit ictu fortius aures:  
 Non ita, si laxis instrata tapetibus illa  
 Marmora sint, quoniam voces non inde redibunt;  
 Obruit has etiam Populi stipata caterva  
 Vestibus, & quæ per suspiria redditur aura.

Si circum effundi nequit, at directus in unam  
 Est partem resonans aër, intensior exit 90a  
 Hinc Sonus, ut longo cum vox immissa canali est.  
 Hinc prodit vis mira Tubæ vocalis ( ut illam  
 Appellant ), intus si voces ore profundis,  
 Usque adeo magnos Sonitus extollit & altum  
 Clamorem, ut penetret nubes & inania cæli  
 Plus quam Stentoreæ vocis vi repleat, atque  
 Terrificet pavidas strepitu resonante volucres.  
 Inter namque tubæ latera interiora repulsi  
 Aurarum vires augentur multiplicato;  
 Non secus atque cavæ specubus se nubis & ipsis 91a  
 Vallibus & silvis tonitru cæleste propagat,  
 Atque ciet populos strepitu majore timentes.

Fit gravior Sonitus, fremitus cum lentior extat  
 Aëris undarum; siquidem dum quæque tremiscit,  
 Amplius excurrit spatium, funditque loco se  
 Majori non crebra nimis; fit acutior idem,  
 Protinus auræ cum vis vibrata frequentes

Inque

Inque brevi spatio cursus agit atque recursus:  
 Propterea gravis a majori corpore prodit;  
 Illum nempe gravem, cum longa est, tibia reddit; 920  
 Si contra brevior constet, Sonus exit acutus.

Hinc tibi multarum tot sunt discrimina vocum,  
 Tot variae species atque intervalla Sonorum;  
 Nomina certa quibus, sed paucis (quis queat omnes  
 Prendere?) qui melicas artes docuere, dederunt.  
 Prima Senis Samii sunt hæc inventa, sonantes  
 Qui numeris certoque coercuit ordine motus.  
 Chorda tremens unda nostros si simplice sensus  
 Impellat, duplici simul altera verberare pulset,  
 Conflatur Sonus inde tuis gratissimus omnes. 930  
 Auribus ante alios, sibi nam permixtus uterque  
 Tempore respondet brevior, & percutit una.  
 Gratus erit quoque, si geminos det chorda tremores,  
 Altera dum peragit ternos; aut deinde quaternis  
 Ictibus undarum ternus si consonet ictus,  
 Jungere si varios numerorum hoc ordine perges  
 Inter se Sonitus, deprendes usque minori  
 Progrediens nostros tangi dulcedine sensus:  
 Rarius inter se nimirum & non ita parvo  
 Tempore junguntur discordes cætera pulsus, 940  
 Octo discrevere Sonos, signisque notârunt,  
 Queis amor hic curæ est; ollis hic terminus hærens,  
 Non datur hos transire ultra atque excurrere fines:  
 Verum iterumque iterumque gradus assurgere pergunt  
 Deinde per octonos, vel, si libet, ordine verso  
 Descendunt spatiis, quibus ascendere, remensis;  
 Ut faciant, nervos aut ærea fila nec æque  
 Crassa nec æquali ductu protensa nec æquis  
 Viribus inter se componunt, concita pulsu  
 Pectinis aut pinnis salientibus ut dare possint 950  
 Octono inclusos gyro quoscumque Sonores.  
 Hos ita permiscant, atque ordine convenienti  
 Tempore quemque suo varioque tenore morisque  
 Atque intervallis variis novere peritæ

P

Elice-



Elicere inde manus, ut protinus arte magistra,  
 Harmoniam Græci quam dicunt, exoritur,  
 Arrectas cupide penetrans quæ suaviter aures  
 Pertentat tacita motum dulcedine pectus.  
 Scilicet hac animi mira ratione trahuntur;  
 Illa rapit Mentēs alte insinuata, suoque  
 Evehit extra se mortalia corda lepore.  
 Præstantes Animæ, quēis altius insidet intus  
 Hæc Pulchri species hæc Ordinis infinita forma,  
 Plus aliis hanc vīni captæ sensere bibentes  
 Aure magis cupida, quodcumque illabitur illinc:  
 Istud namque melos speciem illam munere Divūm  
 Impressam in nobis, quæ sæpe obducta lateret,  
 Suscitāt, atque locat manifesta in luce videndam,  
 Unde rigat Mentes ubertim dia Voluptas.

960

Objicit hic sese quiddam mirabile nobis:  
 Namque fac, una cavæ testudinis excitā pulsu  
 Chorda tremat, reddatque Sonum; videatur, oportet,  
 Altera, si par est prope & æque tensa, moveri  
 Per sese exultans pariter, similemque Sonorem  
 Reddere. Non illud, quo fiat, dicere pacto est  
 Difficile, & veram, si jam cupis, accipe causam:  
 Æqualis quoniam re prorsus constat in omni  
 Utraque chorda, pari, cum mota est utraque, oportet  
 Tempore conficiat cursus, pariterque cōsulcet  
 Cōsimilem reddens una fremitumque sonumque. 980  
 Alterutram vero si tantum pectine tangas,  
 Ut tremat, & tremulo circum queat aëra motu  
 Exagitare, suas celerans hic proferet undas  
 Intactam ad digitis vel eburno pectine chordam;  
 Pareat illius tunc ictibus illa necesse est.  
 Tenuiter impulsa est primo, dum chorda secundos  
 Post redit ad cursus, novus aëris advenit ictus  
 Vini geminans motus, & , quo viā, dirigit illuc;  
 Post aliūque aliūque supervenit & nova jungit  
 Verbera conveniens in tempore, quo parat itus 990  
 Illa suos; igitur magis usque impulsa cietur,

Ex

Ex fremitu donec Sonitum exaudire queamus.

Contimile est altis pendentia turribus æra,  
 Invenit quorum Campania nomen & usum,  
 Cum cœptant agitari aut plebæ in templa vocatum,  
 Aut ad Consilium Patres sanctumque Senatum;  
 Lætitiæ aut festis augenda ad signa diebus:  
 Primo pendentem per funem concita motu  
 Se tenui vibrant; sed ubi rediere, repente  
 Additur a validis nova vis transmissa lacertis; 1000  
 Quæ facit ut majus spatium magis ista peragrent;  
 Urgent deinde novos itus tentantia vires  
 Usque novæ; quare quia tempore quælibet apto  
 Impellit; fit; uti momentis denique junctis  
 Pluribus illarum quatiantur pulsibus æra;  
 Et Sonitus magnam pervulget protinus urbem.  
 Verum si qua suo non tempore, scilicet æquo  
 Ocyor, intendat funem vis; inde priori  
 Motum adversari fateare necesse secundum est  
 Atque ob stare recurrenti: vel deteret ergo 1010  
 Partem aliquam illius; vel prorsus sistet eundem.  
 Sic quoque si gemini prope distendantur, eodem  
 Non apti tamen ad vibrandum tempore, nervi,  
 Alter pulsato nunquam tibi consonat uno;  
 Namque cito illius motum, quem scilicet ictus  
 Primus inire facit; contraria sistit iniquo  
 Tempore post veniens unda; atque ita præpedit omnem.  
 Verum non ita fit; nervus si longior æquis  
 Partibus extet; uti quævis queat infremere uno  
 Tempore; quo vicinus agit se nervus ab ictu. 1020  
 Nam tum divisæ mediis (res mira!) coruscant  
 Immotis partes punctis, redduntque Sonorem:

Hinc facilis veram ad rationem se via pandit;  
 Quare, cum quædam resonant prope corpora, nostri,  
 Nec mora, inhorrescant artus; atque ossa tremiscant:  
 Vitra quoque, immittunt quæ clausas lumen in ædes  
 Sæpe agitentur, ubi Sonitus quid fundere certos  
 Auditum: sed non opus hæc monstrare videnti est;

Nam modo dicta, tibi cum sint bene cognita, clarant.

Hic equidem a vero non longe abfistere quosdam 1030

Credimus, e multis qui partibus aëra dicunt

Constare, ut variæ sint vires officiumque,

Et varia illarum natura, nec una potestas;

Proptereaque Sonos fit certos apta ciendi

Illa tremore suo, diversos altera, tantum

Quæque suos, veluti diviso munere, reddat.

Nec nova res auras naturæ haud simplicis esse

Aërias, siquidem sæcundant omnia late

Omnibus & vires & vitam suppeditantes;

Nec non e rebus sibi jungunt tenuia quæque

1040

Abrafa, in varios atque exhalata vapores.

Quare non poterit per partes aëris omnes

Transferri nostras certus Sonus undique ad aures,

Sed quas in certos natura dat ire tremores,

Illis nempe pares, quos consona corpora reddunt;

Nam fecus haud valeant diversi tempore eodem

Audiri Sonitus; neque enim bis terque quaterque

Idem vibrari simul aër posse videtur.

Et quoniam motu Sonitus fit, temporis uno

Momento quævis non ad loca pervenit ille;

1050

Sed vicina prius pertingit, deinde remota;

Atque ita temporibus multis natura propagat

Se sonitus, tremulis fieri quem diximus auris.

Præterea Sonitus æque celerare videmus

Semper, sint tenues sint magni quamlibet illi:

Scilicet horrendum murmur parvumque tuborum

Tempore idem spatium pariter percurrit eodem;

Pluribus in rebus tenjando sæpe repertum

Quod fuit, ut ratio non ulla refellere possit.

Idem præterea vix ventis tardior aures

1060

Percutit adversis Sonitus, citiorque secundis;

Vividus his quanquam procurrat, languidus illis,

Se procul his, illis loca per breviora propaget.

Denique non ejus magnis fuga cœpta remittit

Confectis spatiis; verum percurſa Sono quæ

Sunt

Sunt loca, temporibus jam respondere notatum est:

Nimirum his æque crescunt crescentibus æque:

Propterea Sonitus geminato tempore duplex

Excurrit pariter spatium; sed dimidiato

Illo dimidium spatii quoque transmeat idem. 1079

Hinc si, quod stadiis tempus respondeat octo,

Constet (tot stadiis jam respondere notatum est,

Quino quo vibrat se pulsu arteria, tempus),

Possumus, a nobis quantum loca, noscere, distent.

Nam si præteriens magno ratis æquore longe

Fulget, exploso crepitumque det ære; repente

Id numera tempus, crepitum quo scilicet acrem

Præcessit fulgor; cui respondentia noto

Cognoscēs stadia, ipsa quibus disjuncta recedit

Puppis; & assimili pacto, cum fulgit in altis 1081

Nubibus, & tonitru post Juppiter infremit acri;

Quantum illæ nubes tollantur, scire licebit.

His bene firmatis rebus tibi suppositisque,

Accipe, quo patulas pacto Sonus excitat aures.

Principio motus subit ær anteriorem

Auris, qui conchæ cavus extat more, meatum

(Amplius hic est, circum ut resonantes colligat auras;

Una proinde tubum multi applicuere patentem

Parte, sed angustum, surdæ qua jungitur auri):

Inde per anfractus varios spirasque retortas 1095

Pervenit extensæ membranæ ad tympanum, ut ajunt,

Insinuatus, eamque tremantibus incitat auris,

Quæ concussa movet semotum in parte reposta

Æra post sese; labyrinthi hic denique flexus

Concutiens fibras tenues ciet; unde cerebri

Motus hic ad molles per nervum immittitur oras,

Mens ut possit eo voces audire Sonosque.

Quod superest, Visus naturam perspiciamus:

Et quia, quæ Visum feriat, res luce videntur;

Si bene naturam, quam multo ostendimus ante, 1100

Lucis mente tenes, quid ab illa profluat, audi.

Primo cum radii densatum in corpus aguntur,

P 3

Pro-

Protinus ut nequeant cæcas transire recepti  
 Et penetrare vias omnesque illabier intro,  
 Reflectuntur, & exiliunt; quod cernere possis,  
 Cum radius Speculi veniens offendit ad æquor.  
 Si vero endogredi reclusa foramina possit  
 Corporis, ut vitrum liquidamque ut permeat undam,  
 Incidat & recto delabens desuper ictu;  
 Tramite decurret nusquam deflexus eodem: 1110  
 Sæpe tamen recta, cum desuper incidit idem  
 Scilicet obliquus, non quit regione via  
 Pergere, in ingressu sed cœptam cogitur ipso  
 Inflexus mutare viam: si densius extet,  
 Quod refracta subit radii lux, corpus; ut auris  
 Aëris a raris liquidas cum transit in undas,  
 In durum ex undis vel migrat & aëre vitrum;  
 Se merget magis, & cursu brevior meabit,  
 Et minus obliquo: sed contra obliquior exit  
 E vitro atque undis in raras aëris oras. 1120

Propterea fit, uti videatur fractus in undis  
 Remus; quandoquidem radii, quos mersa remittit  
 Pars ea reflexos, ubi jam venere sub auras,  
 Franguntur, fractique magis regione feruntur  
 Obliqua, & se demittunt a tramite cœpto.

Quod magis ut noscas, age, labro immitte vacanti  
 Clarum ex argenti fulgore numisma vel auri;  
 Deinde recede pedem referens paulisper utrumque,  
 Illud dum labri latus obregat, ex oculisque  
 Eripiat prorsus, tum vas puer impleat unda, 1130  
 Fac, vacuum, incipiet tibi fulvum protinus aurum  
 Namque vel argentum nummi (res mira!) videri.  
 Quod fieri haud alio valeas ostendere pacto;  
 Quam quia, cum densis radii lux exit ab undis,  
 Inclinator, uti multo demissior, ante  
 Quam fuit, obversos oculorum tangere visus  
 Possit, & ut paulum sublatum ostendere nummum;  
 Quem nunquam radio potuisses cernere recto.

Sic quoque, cum cæli spatium permensa revivunt  
 Astra

Astra suos obitus, cum Sol cum Luna videtur 1140

Orbis jam primo pelagus contingere limbo,

Inferiora, magis demissaque, quam videantur,

Sidera, & occiduis Solem Lunamque sub undis

Curribus emeritos credas solvisse jugales;

Quandoquidem attollunt radii sua sidera fracti,

Dum circumpositas terræ illabuntur in auras:

Ante suos contra cernes jubar erigere ortus,

Et tremere igne novo superaue. attollier æquor.

Sidera præterea, quæ toto fulgere cælo

Hic illic infixæ serena nocte videmus,

1150

Pene infinitis distantia dimoveantur

Cum longe spatiis, per quæ loca lucis eorum

Transmissi radii varianter multimodisque

Flectuntur; quoniam mediorum Vorticum, oportet,

Multiplex variumque meando iter ingrediantur;

Sidera quis temere in cæli regione manere

Dicat ea, a nobis qua fulgida conspiciuntur?

Et quia franguntur, dum vitrum obliqua cadentes

Transmittunt radii; si forma lentis id extet,

Scilicet a parti cum paulum assurgit utraque 1160

Convexum, radios non recto desuper omnes

Excipere incursum poterit; verum undique fractos

Colliget, & puncto, faciet, jungantur in uno;

Appellant quem proinde Focum; quia protinus illic

Materia admota radiorum viribus ignis

Conjunctis oritur: quod si pars utraque contra

Concava sit vitri, opposita ratione necesse est

Confracti ingressu simul egressuque recedant

A sese radii disjuncti mutua lucis

Huc illuc, vulgoque per aëra dispergantur,

1170

Hæc inserta tubis aptare est vitra repertum,

Ut longe positas nobis longæque remotas

Res, quas nunquam oculis possemus cernere nudis,

Ostendant variis radiorum anfractibus intus,

Et late terram & cæli nova sidera monstrant.

Ars facit hæc etiam, magno videantur ut auctu

Corpora, quæ nostros infra sunt tenuia sensus;  
 Ut cum detegimus brevium per septa tuborum  
 Innumera in variis animalia fervere rebus  
 Tantula, uti totum numero simul innumerali 1180  
 Cernere non oculis populum possumus eorum;  
 Ludentisque velut miracula contemplamur  
 Naturæ, majora suæ quæ denique nusquam,  
 Rebus quam in minimis, spectacula præbuit artis.

Jam Speculi non posse vias penetrarier intro  
 A radiis, supera quoque dixi, lucis; at illo  
 Omnes reflecti offensu, subitoque repelli.  
 Propterea rerum variarum apparet imago  
 In Speculo; quoniam simulacrum lucis ab ipsis  
 Cum venit in Speculi lævorem rebus, ab ejus 1190  
 Planitie redit haud confusa lege situque,  
 Sed certa ratione sed ordine partium eodem,  
 Ad Speculum offendit veniens quo lucis imago.

At super his quoque scire licet, quod, rectus in æquor  
 Si Speculi radius super incidat, exilit idem  
 A Speculi lævore via quoque rectus eadem;  
 Sin cadat obliqua veniens regione via;  
 Ex alia obliquus pariter se parte reflectet:  
 Haud secus, ex aliqua quam si pila parte superne  
 Jacta pavementum feriat, resilire videbis 1200  
 Protinus opposita fursum regione repulsam.

Percipe præterea, quare videatur imago  
 Tantum ultra Speculum, quantum res ipsa locata est  
 Citra; quod genus est, sub terris impete tanto  
 Cum cælum in Speculo cum cæli nubila subter  
 Despicimus, quantum supera patet altus hiatus.  
 Haud alia visum radii ratione laceffunt  
 Reflexi, recta quam si regione venirent:  
 Illaque propterea visas referamus, oportet,  
 In loca res, radiis quæ respondere videntur, 1210  
 Nostra licet fracti detergant lumina, rectis.  
 Non tamen a Speculis, quæ constant æquore lævi,  
 Transferri res hæc ratioque valebit ad illa,

Exti-

Extima queis facies convexa aut concava constat:  
 Concava namque augent pariter remonentque figuras;  
 At longe tenui propiores augmine contra  
 Reddere res oculis, quæ sunt convexa, videbis.

Quapropter Speculum, facies cui plana nitensque est,  
 Unum præ reliquis mendax non esse videtur:  
 Fidum hinc exposcunt ornantes ora Puellæ 1220  
 Consilium, Juvenum aspectus cum fallere ficta  
 Vultus sæpe student forma Veneresque videri.  
 At neque rura suis etiam, neque rustica Pubes  
 Nuptarum Speculis unquam caruere: quietæ  
 Nam conlectus aquæ sæpe inter saxa viarum,  
 Ora coronatos & lecto flore capillos  
 Reddidit, ut Pueri laudarent Agricolarum;  
 Nec sum adeo informis, nuper me in littore vidi,  
 Pastor ait, tenero percussus vulnere corda.

Hinc etiam omnigenos gigni fateare Colores 1230  
 Est opus in rebus: namque ut reflexa videri  
 Lumina res faciunt radiorum, ita corpora reddunt,  
 A quibus exiliunt, vario contincta colore.  
 Candida cernis enim, quæ ex omni parte remittunt  
 Omnes vi multa radios, & lumina vibrant  
 Undique: sed contra nigrant ea corpora, multis  
 Quæ pertusa viis intra se clara receptant  
 Lumina lucis, uti paucos rarosque remittant  
 Ex sese radios vi languesciente repulsos.  
 Sub terris ideo quæ sunt loca, nigra videntur 1240  
 Omnia; quandoquidem subtus non ulla subit lux,  
 Unde repercussis radiis ad nostra referri  
 Lumina possit, & his visum progignere jactis.

Si duo præterea nigrumque albumque calentis  
 Marmora sint Phœbi radiis expōsta, videbis,  
 Quod nigrum est, citius calefactum, at serius album:  
 Jactat enim radios hoc sese protinus extra;  
 At nigrum recipit contra, retinetque calentes.  
 Propterea & nigri carbones igne propinquo  
 Concipiunt flammæ facile, ardescuntque repente. 1250  
 His



His etiam adde, niger quod pannus & albus, uterque  
 Et simul undarum frigentem immerfus in amnem,  
 Et simul æstivos extensus Solis ad ictus,  
 Non simul abjiciet ficcatum Sole madorem;  
 At multo citius niger exsiccabitur; ignem  
 In se namque magis recipit, qui disjicit omnem  
 Protinus humorem, longeque expellit in auras.

Porro cum quodam gignantur luminis ictu,  
 Multiplices, opus est, gigni fateare Colores, 1260  
 Exilit in varios vario ut de corpore motus  
 Lumen ab offensus: quod uti cognoscere possis,  
 Percipe nil aliud radiorum luminis esse  
 Naturam ( liceat supera quoque dicta referre ),  
 Quam nifum medio fugiendi a Sole pilarum,  
 Alterius, memini, quas diximus esse Elementi.  
 Ergo percussum faciat si corpus ( ut illud  
 Constat inæquali contextum fronte ), pilarum  
 Se circa ut rapide reflexa Elementa rotentur;  
 Prodibit Ruber inde Color, Rubicundaque visum  
 Lux feriet: quod fit, minium cum cernimus, & cum 1270  
 Sanguinis undantes latices e vulneris ore  
 Profluere, aut roseos primo ex Oriente videmus  
 Auroræ vultus lucemque diemque ferentis.  
 Contra si tenui retro pila missa rotatu  
 Exiliat; radiis lucis perfusa nitebunt  
 Corpora Cæruleis: Virides Flavique Colores  
 Et Ferruginei quique omni de genere inter  
 Hos extant alii, non multum in origine distant;  
 Quandoquidem motu gignuntur particularum  
 Circa se mage vel celeri, vel languidiori. 1280  
 Forsitan & varia distant quoque mole, nec æquo  
 Pondere particulæ lucis nec viribus extant:  
 Quare dissimili motu impulsuque cieri  
 Quamque sua pro natura debere fatendum;  
 Corpora proin vario collustrant tincla lepore.

Hæc veris propiora, tamen non vera fateri  
 Esse potes; quoniam non clarant de genere horum,  
 Quid

Quid fiat, verum fieri quid possit : at ipsum  
 Jam quoque, quid fiat, quid verum denique constet  
 De genere hoc, multo evictum tentamine nuper 1290  
 Prodiit; atque mihi est exempla retexere longum  
 Omnia, nec numeris patiuntur multa referri.  
 Propterea tantum sat erit libasse, quid ingens  
 Re vulgârit in hac Anglis Newtonus ab oris.

Principio clausis foribus penitusque diei  
 Lumine semoto, tantum per tenue foramen  
 Admisit radium thalami in penetrabile rotundum  
 Solis, & objecto venientem corpore vitri  
 Excipit triquetri; ut, dum migrat in illud, & extra  
 Egreditur, geminis paulum se frangat ibidem 1300  
 Ipse locis: porro canam haud procul inde papyrum  
 Constituit, radium quæ vitro denique sistat  
 Transmisso. Tum vidit eam nec luce rotunda  
 Fulgentem, parvi claram nec imagine Solis;  
 Vidit at oblongam super extensamque figuram  
 Multorum vario tingi fulgore Colorum.  
 Imus inardebat Rubro locus; altior extat  
 Flavus; & hunc Viridis superimminet; excipit illum  
 Cæruleus Color; at Violæ lux pallida summa est.  
 Aspexitque etiam, quæ tenuia particularum 1310  
 Transmisso in radio volitant corpuscula, tingi  
 Diversa inter se variorum luce Colorum;  
 Ima rubere quidem, Violæ pallescere summa  
 In morem, medios media ipsa referre Colores.  
 Quare hoc? nimirum quia claro in lumine Solis  
 Diversa inter se natura dissimilique  
 Particulæ constant radiorum; quas ubi vitro  
 Excipis, haud æqua pollent vi trajiciendi:  
 Propterea haud æque radii franguntur: in altum  
 Intiliunt, fracti quoniam mage, languidiores: 1320  
 Inferiora tenent, lucis quibus acrior extat  
 Vis, fractique minus. Quapropter lucis in ipso  
 Lumine sunt multi natura & proinde Colore  
 Distantes radii; nitidum quos reddere cernis

Can-

Candorem, cum sunt confusi mutua, ut Album  
Est radii jubar, ingreditur cum tenue foramen,  
Et nondum ad triquetri pervenit corpora vitri.  
Ergo videmus eo res tingi quasque Colore,  
Cujus particulas retro jacet extima rerum  
Ex sese facies, ut lux rubicunda pyropi est,  
Propterea, quoniam vix ullos ille Colores  
Reflectit, præter viva quam luce rubentes.

1230

Quantum ultra Mens illa Viri sæcunda repertis  
Processit? quid non præclaris extudit ausis?  
Quid non divina meditando protulit arte?  
Atque equidem, si res foret hæc non invia Musis,  
Scilicet & motus qua se ratione propaget,  
Et canerem, quæ vis illum compescat, & obstant  
Corpora corporibus qua lege fluentia motis,  
Exponit quæ Vir doctis ille omnia chartis:  
Præterea & Gravitatis ut sese extendat in omnem  
Late materiem; trahere ipsa trahique vicissim  
Corpora per cælum, Solemque errantia niti  
Quælibet in medium memorarem fidera, & unquam  
Haud potuisse suis ratione ex orbibus ista  
Elabi, & varios Lunæ quæ certa meatus  
Dirigat, & domitum Martem quæ causa refrænet.  
Fors alii hæc olim peragent, quibus altior acris  
Vis animi ingeniique vigor pollentior extat.  
Scilicet hæc memoret, \* quicum communia nobis  
Vincula communis Patriæ, quem fidera Mundi,  
Vires, mensuras, rationes, pondera rerum  
Et numeros audit Pubes Romana docentem.  
Magnis ille Viris Socialis fœdere vitæ  
Jungitur. Hoc Divûm sancitum est munere, ut essent,  
Qui genus excolerent humanum, & lumine puro  
Doctrinæ & rectis formarent moribus orbem.  
Hoc, quod nempe meum est etiam, sit quamlibet ipsum  
Exiguum, ex isto deductum fonte necesse est

1240

1250

Illis

\* R. P. Rogerius Boscovich Soc. Jesu Matheseos in Coll. Romano  
professor

Illis acceptum, quidquid fit, sponte referre.

1360

Iridis & pulchri pinguntur sæpe Colores:  
Namque, ubi dispersis pluviaï roscidus aër  
Constat aquæ guttis, queis possint Solis Eoi  
Clara vel occidui frangi varieque reflecti  
Lumina, fiet, uti magnum sinuentur in arcum,  
Qui feriant nostros oculos visumque, Colores.

Haud secus ac in aquis salientibus, undique fufis  
Circum marmoreæ cum spargunt aëra guttis  
Najades, adverso quarum Sol lumine ludos  
Rorantes videat, radiisque illustret, aquarum, 1370  
Iridis omnigenos parvæ tueare Colores,  
Est opus, humentes radiis & pingier auras.  
Conspiciemus item florentis gramina prati,  
Cum matutino leviter conspersa madescunt  
Rore, novus terris & jam Sol lumina profert,  
Cælestem variis simulare Coloribus Irim.

Obliquos radios etenim in se gutta receptans  
Frangit in ingressu; tum posteriore reflectit  
A latere, ex ista queis parte exire negatum est.  
Hinc aliud tentant illi latus, unde sub auras 1380  
Efugisse queant; sed non impune; sub auras  
Nam redeunt fracti, & candentis lumina lucis  
Hic mage discerpunt iterum in diversa, recedunt  
A sese quoniam divisi, abeuntque Colores  
In varios: veluti adversum si vitreus alte  
Plenus aqua globus ad Solem educatur, & ipsum  
Spectes tu Solis positus de parte, Coloris  
Tum cujusdam oculos species ferit; altius illud,  
Si rubet, est vitrum; flavum demissius aurum,  
Post virides herbas, tum cæli cærulea templa, 1390  
Purpureum violæ simulat tum denique florem.  
Ergo hoc si deorsum disponas ordine guttas,  
Ordine item deorsum videas hoc ire Colores:  
Circum at si guttæ sint undique, flectere circum  
Versicoloratum se cernes lumen in arcum;  
Namque pari radios ratione a Sole receptant

Circum

Circum dispositæ guttæ, & ratione reflectunt  
Ad nos deinde pari, paribusque Coloribus arcus  
Propterea ductus circum pingatur oportet.

Irim præterea quoque sæpe videre secundam 1400  
Contigit, exterius quæ sese inflectit; at ejus  
Languidior multo lux est, versoque Colorum  
Ordine per cæli regionem extenditur amplam.  
Hoc fit, ubi in guttis bis reflectuntur aquai  
Ingredi radii: quod idem pila vitrea monstrat;  
Si suspendatur paulo tamen altius, ante  
Quam suspenſa fuit, quoniam transire videtur  
Paulatim saliens a rubra luce per omnes  
Exinde at fuscis magis pallidulosque Colores.

Ire coronatum Solem Lunamque videmus 1410  
Interdum, & varios ambire utrumque Colores;  
E tenui speciem quam reddi nube necesse est;  
Quæ quia Lunam inter Solemve, oculosque videntur  
Est media, illorum subter transmittere debet  
Refractos varie radios, mediumque nitentem  
Orbem proin pulchro circum redimire Colore.  
Sic ubi quis frigente tepentia balnea bruma  
Ingreditur, densus Calidæ vapor undique fusus  
Clara lucernarum concinnat lumina circum,  
Quæ feriant oculos, variorum ferta Colorum. 1420

Est etiam ut geminos spectemus in æthere Soles,  
Aut plures quandoque: velut nam corpora reddi  
Cernimus e speculo, sic & glaciata necesse est  
Spicula, quæ cælo labi post sæpe notatum est  
Nubibus e dentis, ubi forte liqueſcere paulum  
Incipiunt, & ſtant gutta pendente deorsum  
Recto proinde ſitu, phæbeos deſuper ad nos  
Reflectunt radios, Oculo qui denique juncti  
Aſſimilem Soli pingunt, geminantque figuram.

Accipe nunc, quam lucem ratione tuamur 1430  
Corpora que immiſſam per lucem, aciesque reclusæ  
Quid faciant. Oculi primo globus exteriori  
Circum munitur tectus ſuper, inque volutus;

Ment:

Membrana; quæ fors, quia paulum dura videtur,  
 Ut cornu, simul & pellucida, Cornea dicta est.  
 Illi subjicitur post altera tenuior intus  
 Uvea, fors uvæ sic propter dicta colorem,  
 Ut libet: hæc medio pertusa foramine constat,  
 Quod modo per fibras, nimios excludere possit  
 Ut lucis radios & vim remove nocentem, 1440  
 Contrahitur; fit idem modo latius, uberioris  
 Si quando, veluti per noctem, lucis egemus:  
 Pupula nomen habet. Demum quæ tertia constat  
 Membrana, in fundo est Oculi, contexta minutis  
 Reticuli in formam fibris; gignuntur ab uno  
 Quæ nervo, veluti plexi uno a stipite rami.  
 Interiora tamen nigro penetralia muco  
 Oblita sunt Oculi, ne possint clara reflecti  
 Lumina, nec radii sensum turbare repulsi.

Tres etiam Humores Oculi gerit, exteriorque 1450  
 Est Aqueus: porro Crystallinus excipit illum,  
 Qui parte haud aliter quam lens ab utraque tumescit  
 Turgidus: extremus demum subit interiorque  
 Vitreus, hoc multo qui mollior extat, at illo  
 Denfior. Ergo Oculis Mens rerum externa videndo  
 Percipit, emissis cum rebus ab omnibus omnes  
 In partes radiis acies obvertimus; intro  
 Illabantur uti se protinus insinuantes;  
 Et varie a vario confracti humore meantes  
 Tandem Oculi in fundo jungantur, quisque suas se 1460  
 Ad partes referens: extrema ita corporis ejus,  
 Quod tuimur, tunica simulacrum pingitur; ipsæ  
 Qua paulum fibræ pictura concutiuntur,  
 Concussæque suos cerebri ad suprema propagant  
 Per nervum motus; qui certo fœdere Menti  
 Significant, Oculis transmissum est quidquid apertis.

Utque ea, quæ dico, consent manifesta, nec ulla,  
 Nî temere, a quoquam possint ratione refelli;  
 Obstructis foribus semota luce diei  
 Cœca domus tenues tantum per tenue foramen 1470  
 Ad

Admittat radios; qui protinus excipiantur  
 Convexo hinc illinc a vitro: proinde videbis  
 Haud præcul inter se collectos jungier una,  
 Pingereque in cana rerum simulacra papyro,  
 Illapsi quarum radii per tenue foramen,  
 Errantelque greges & arantes jugera Tauros  
 Silvasque collesque & pictos floribus hortos,  
 Omnia parva, tamen vivo distincta colore.  
 Sic quoque Pupillæ medium lux missa foramen  
 Ingreditur; lens humoris Crystallina porro  
 Excipit, & fractam membrana jungit in ima,  
 Et parva rerum depingit imagine formas.

1480

Utque inversa situ picta simulacra videmus  
 In charta, inversas pariter quoque rere figuras  
 Pingier extremis Oculorum in finibus intus:  
 Quandoquidem radii venientes ante secabunt  
 Se, quam membrana juncti sistantur in ima.  
 Dextram lævus adit partem, dexterque sinistram  
 Nimirum, & superas picturæ ascendit in oras  
 Imus, item e superis contra regionibus alter  
 Ordine mutato fractus demittitur infra:  
 Non est propterea tamen ut videre videre  
 Sub terris volvi cælum, vallesque profundas  
 Nubiferis extare jugis, inversaque subter  
 Tecta in præcipites semper pendere ruinas:  
 Quæque suis disposita locis namque ipsa necesse est  
 Mens referat, certa que locet regione situque,  
 Quæ videt inverso radiorum singula cumque  
 Ordine. Cœcigeni veluti, fulgentia Solis  
 Nunquam aspexerunt qui lumina, Noctivagique  
 Multa decussatis si præ se corpora virgis  
 Obvia contingant, hinc illinc, dextera quæ sint  
 Lævaque, percipient; baculo licet illa sinistro  
 Mutuo in offensu tangantur, lævaque dextro.

1490

1500

Et quoniam in partes a puncto corporis omnes  
 Quolibet innumeri lucis saliantque fluuntque  
 Reflexæ radii; si cominus ejaculentur,

Di-

Distracti inter se venient magis insinuantes,  
 Quam si corpus idem spatiis majoribus ablit.  
 Nimirum lucis puncto radiantis ab uno, 1510  
 Quæ nostros veniens Oculos subit, angulus inde,  
 Si distet longe, minor exit, major at idem,  
 Si prope sit corpus. Ratio hinc mihi certa petenda est,  
 Quapropter rerum diducta, remotaque longum  
 Corpora per spatium clare magis intueantur,  
 Quam nimium vicina Senes; nam planior illis  
 Anteriore Oculus cum sit de parte remissam  
 Ævo vim propter fibrarum hinc inde prementum  
 Ad latera, & fundo propiore accesserit ipsa,  
 Qua rerum effigies fiunt, membrana, necesse est, 1520  
 Ut, quia distracti vicini corporis inter  
 Se radii veniunt, Oculosque offensibus intrant  
 Obliquis, fracti tum humoribus ante propinqua  
 Sistantur fundi tunica, quam mutua jungi  
 Inter se, & rerum simulacra effingere possint.  
 Ut pariter radios longe lens vitrea jungit,  
 Si convexa parum constet, speciemque papyro,  
 Quæ prope sit nimium, confusam pingere debet.  
 Propterea illius confusa videtur imago  
 Corporis, ut Senibus nequeat dignoscier ægris, 1530  
 Quod si dimoveant Oculis rem longius, ejus  
 Sint minus obliqui radiorum lucis ut ictus  
 Distractique minus, poterunt post denique multos  
 Humorū anfractus supremæ in fronte coire  
 Membranae, & species variarum ibi pingere rerum.  
 Proinde Senes longe positas res atque remotas  
 Clarius aspiciunt; propiusque admota tueri  
 Corpora vix possunt, geminis nisi lumina vitris,  
 Convexa hinc atque hinc facies quorum utraq; obarment,  
 Ut faciunt: quoniam transmissæ lumina lucis 1540  
 Colligere incipiunt ea vitri septa, priusquam  
 Contingant Oculos; minus ut distracta penetrent  
 Porro acies, tunicaque queant conjungier imi.  
 Oppositum huic vitium est Oculorum, quæ ita paulo  
 Q Longius



Longius a nobis jam sunt, non posse videre,  
 Proptereaue oculos nimium inclinare tuendo.  
 Hujus causa mali pariter contraria debet  
 Esse, quia anterior nimium convexa tumescit  
 Pars Oculi, longeque intus membrana recessit  
 Ultima: proinde minus distracti a corpore longe 1550  
 Amoto radii venientes ante coibunt  
 Refracti variis Oculorum humoribus, ipsam  
 Quam tangant tunicam. Quapropter corpora debent  
 Esse propinqua, queant distracta ut lumina multum  
 In nostras acies immittere, proptereaue  
 Efficere, ut coeant membrana denique in ima.  
 Eximius vitris idcirco, concava quæ sunt,  
 Usus erit: quoniam dispergunt transgredientes,  
 Disque trahunt radios a sese mutua, ut illi  
 Membrana possint illapsi jungier ima. 1560

Queis convexa nimis lens est Crystallina, possunt  
 Corpora, si prope sint, quoque valde parva tueri  
 Clarius, ac facerent, si contra planior esset;  
 Scripturamque legunt Oculo properante minutam.  
 Proptereaue Oculis Animantum, tenuia longe  
 Pabula quæ per humum aut liquidis sectantur in auris,  
 Lens humoris inesse nimis convexa videtur.

Et removere Senes Oculis quia cernimus ipsi  
 Corpora, quæ aspiciunt, vi luminis uberiori,  
 Est opus, hæc niteant, & multa luce diei 1570  
 Collustrata: minus sed lucis egere fatendum est  
 Contra, qui possunt tantum propiora tueri:  
 Illi proinde vident quoque cæca nocte vagantes,  
 Queis præsertim amplum pandit Pupilla foramen.

Tum debere putes Oculos variare figuram  
 Pro variis rebus, quas cernunt: cominus illæ  
 Immittant ut si radios, membrana recedat  
 Ultima, quantum opus est, in ea ut pingatur imago,  
 Et convexa magis se lens Crystallina flectat:  
 Planior ast humor fiat, membranaque paulum 1580  
 Accedat, tuimur cum res procul usque remotas.

Pro.

Propterea, quæ sint vicina remotaque, novit  
Mens; quia dissimili prorsus ratione videri,  
Quæ sunt imparibus spatiis sita cunIQUE, necesse est.

Hoc alio fieri pacto quoque posse putandum est.  
Ex Oculis radios recta prodire duobus  
Finge duos, una coeant qui corpore in ipso  
Producti: multo tum fiet acutior horum  
Angulus inter se coeuntum, longius ipsum  
Si distet, quam si propius sit corpus: ob hanc rem, 1593  
Quid prope quid longe positum, Mens æqua tuendo  
Judicat, Apparent quoque res distare remotæ,  
Languida cum tenui radiorum illabitur ictu  
Vis Oculos, & fusca ferit lux: namque videmus  
Fusca magis fieri, magis quæ removentur: oportet  
Proin disjuncta magis, quæ sunt magis fusca, videri,  
Hæc Oculos fallunt Pictores arte tuentum,  
Res aliis alias magis rebus ut esse remotas  
Credamus, licet in tabula simulentur eadem:  
Quandoquidem fusco tingunt distantia fuso. 1600

Propterea hibernus cæta nive Juppiter agros  
Spargit ubi & montes; propiori vertice nobis  
Consperti montes, arva & propiora videntur;  
Namque illinc tunc lux Oculos magis clara lacessit.

His accedit, uti multum distare putemus  
Res, ubi multa locis interlita corpora consent  
In mediis: ideo Solem Lunamque cavati  
Ceu super hærentes in eodem fornice mundi  
Suspiciamus, licet inter eos immania cæli  
Sint spatia: at, mediis quia corpora nulla videntur 1610  
Interjecti locis, æque distare tuemur.

His tamen atque aliis, quas dehinc clarabimus ipi,  
Per multis, genus hoc, opus est rationibus addas.  
Mentis opinatus quosdam, deducta per usus  
Quæ longos teneris jamdudum in rebus ab annis,  
Rebus in his, nostros quæ sensus sæpe lacessunt,  
Nescio qua, tacita celer utitur arte ferendo  
Callida judicio, nec ut ipsa advertat, id intra

Qua fiat ratione, suos neque sentiat actus,  
Ipsaque se certo Natura informet ab usu. 1620

Pupula præterea, paulo quod diximus ante,  
In tenebris patefit tenuique in lumine lucis  
Latior: in claro contra fulgore diei,  
Namque ita servatum est, radios arctatur ob acres.  
Proin subito in nigras si clara a luce cavernas  
Commigremus, erit, primo nil cernere ut intus  
Possimus, quoniam subito latescere non quit  
Pupula: quapropter tenues paucique recepti  
Non possunt radii visum progignere nobis  
Assuetis jam tum impulsu majore cieri; 1630  
Quod faciunt, totum Pupillæ deinde foramen  
Cum patefit: nam tum numero majore laceffunt.

E tenebris autem prodit si in clara repente  
Lumina; quandoquidem non puncto tempore possunt  
Pupillæ multum patefacta foramina stringi;  
Lucis tum nimix vis protinus insinuat,ur,  
Et turbat tenues Oculorum composituras  
Acer vi magna splendor, gignitque dolorem;  
Propterea forsan, teneras quia Solis adurit  
Lux Oculi fibras, vitant Solemque diemque 1640  
Noctis Aves cæcis intectæ luce latebris.  
Hinc dubia plus luce vident, neque lumina Solis  
Clara ferunt alti, nimium quibus ampla patefcit,  
Et nequit arctari sat Pupula: latior esse  
At quibus haud possit contra nimis arcta, necesse est,  
Hi mediæ valeant Oculis in luce diei;  
Languidior porro tenebras lux inferat atras.

Corpore Sol nobis majori Lunaque multo  
Esse videtur, ubi cæli jam finibus hærent  
Extremi, quo se tollunt conduntve sub undas,  
In medii quam cum consurgunt culmina Mundi:  
Nam vel ab occasu veniens tunc illa vel ortu  
Clara minus lux est, densisque obtunditur auris;  
Pupula propterea fit latior; unde necesse est  
Amplior in nostris Oculis pingatur imago

A radiis, circum extremis a sideris oris  
 Qui veniunt, adituque mage insinuantur aperto.  
 Adde quod hi liquidis plus infringuntur in auris  
 Radentes terram & tranantes aëra densum.  
 Et tamen a nobis mage tunc ea sidera distant, 1665  
 Alti quam cum se suspendunt cardine cæli.

Nam duo mole pari haud æquis si corpora distent:  
 A nobis spatiis, debet minus esse videri,  
 Quod magis abductum est, majore sed augmine contra,  
 Quod propius: quoniam extremis de finibus hujus  
 Emissi radii sese breviorē secabunt  
 Percursō spatio, cōeūtes scilicet ambo  
 In nostris Oculis; idcirco major hic extat  
 Angulus ipsorum, quam extremis ejaculati  
 Corporis alterius, quod longe distat, ab oris 1675  
 Quem faciunt radii: quoties minor angulus ergo est,  
 Apparet toties minor ejus corporis auctus;  
 Nam minor ipsius depingitur intus imago.  
 Porricus idcirco, cum summa a parte videtur  
 Longa, pari quamvis hinc inde stet edita ductu,  
 Paulatim angusti tamen in fastigia coni  
 Contrahitur jungens supera imis, dextera lævis.

Et quoniam arcatur spatio majore locorum  
 Angulus hic; possunt adeo distare remota  
 Corpora, uti spatiis vaneſcat denique magnis 1685  
 Angulus omnis, & omnis item quoque corporis auctus;  
 Illud ut exiguo tantum par esse videri  
 Puncto possit: uti sunt cælo fixa micanti  
 Sidera, quæ spatiis immanibus edita distant.

Tum quoque si longe multangula corpora spectes,  
 Quadratasque procul turres, sit, ut esse rotundas  
 Dicas, si qua fides Oculis est: namque videbis  
 Tornatæ in morem molis constare rotundas:  
 Asperitatis enim, cum longe est, angulus omnis  
 Disperit, & sensum vaneſcens effugit omnem. 1695  
 Non Oculis ideo valet ullus cernere nudis  
 Cornigeram Venerem, cum cælo cornua gestat;

Cornua nam claro celat pudibunda sub orbe.  
 Hinc conspecta procul vultus plerumque decoros  
 Et virides annos ostentat fœmina turpis  
 Jamque anus, ut Juvenum teneros quoque suscitet ignes;  
 Præsentim gemmis si incedat fulgida & auro,  
 Quales nocturnis collucent sæpe theatris:  
 In vultu siquidem quidquid deforme videres,  
 Vanescit, primasque tegit distantia rugas. 1709  
 Proptereaue procul scopulos cum gurgite ab alto  
 Cernimus extantes, magnum diffunditur inter  
 Quos mare, qua classes possint transire, videntur  
 Una eademque procul vasto consurgere ponto  
 Insula, Proptereaue etiam sita corpora longe  
 Cum tuimur, quamvis moveantur præpete cursu,  
 Attamen in statione manere videntur eadem:  
 Quandoquidem quidquid motu celerante locorum  
 Dimensum est, propter terrarum millia multa  
 Interjecta, nequit sensum procudere nobis; 1719  
 Usque adeo nihil est collatum immanibus illis,  
 Queis distant, spatiis: ideo cessare videntur  
 Astra per ætherias & Sol & Luna cavernas.

Corpus item motum poterit cessare videri,  
 Cum motis æque atque ab eadem parte refertur  
 Rebus; at hæc citius si currant, ire retrorsum  
 Apparet, sequitur quia segnius: illud at ipsis  
 Denique si rebus, quibus a Cernente refertur,  
 Sit velox magis & pernix, videatur, oportet,  
 Tantum, plus celeri rapitur quantum impete, ferri. 1720

Consimile est, vehimur cum nos per cœrula puppi;  
 Ire videntur enim ripæ, præterque volare  
 Et nemora & colles circum: properante relati  
 Namque Oculo variis respondent rebus: ob hanc rem  
 Apparent celeri motu in contraria ferri;  
 Cum nos, in puppi videamur stare quæta:  
 Percipimus siquidem nos motum ab imagine mora,  
 Quam radii pingunt coeuntes intus in ipsis  
 Concussis Oculi fibris; ast illa movetur,

Cor:

Corporis atque Oculi properanter continuoque 1730  
 Si situs inter se mutetur: namque necesse est  
 Tum varias Oculi radii percurrere partes.

Corpora percelsi motu vibrata videbis  
 Totum, per quod eunt, spiritum complere; velut cum  
 Ligna manus celeres ignita coruscat in orbes;  
 Igneus orbis enim simul apparebit; in ipsa  
 Quandoquidem membrana Oculi quæ plaga repente  
 Luminis impressa est, deleri tempore puncto  
 Non valet; at paulum species illapsa moratur.

Denique, cur Oculis non corpora bina duobus 1740  
 Aspiciamus, habe: fieri non posse putandum est  
 Propterea, quoniam nervus concurrat uterque,  
 Ex Oculis prius ac cerebri pertingat ad oras:  
 Atque ita Mens æqua pariter vi & tempore eodem  
 Percita utrinque unam vim tempore sentit eodem:  
 Binis proinde videns Oculis rem percipit unam.  
 Una videbatur nec tum minus Inachis Io,  
 Illam Oculis centum Custos cum cerperet Argus;  
 Quam tu Trinacriam ludens Galatea per actam,  
 Nequidquam periit cum te Polyphemus ab alto 1750  
 Vertice conspectum, media cui fronte micabat,  
 Unicus ut cælo fulget Sol, unicus orbis.

Quod si forte Oculo manus uni subdita subter  
 Pressit eum; quoniam parti tum nervus ab illa  
 Fit brevior, perfert neque eodem tempore motum  
 In cerebrum; rerum, fit, ut omnia bina tuamur,  
 Bina coruscantis florentia lumina flammæ  
 Oraque bina Virum duplicataque corpora vulgo.

Possumus hoc alio fieri quoque dicere pacto.  
 Cum quid conspiciamus nimirum, vertimus ambas 1760  
 Sic acies illuc, ut, ab his prodire repente  
 Si qua putes recti radiorum lumina fingens,  
 Non hæc convenient, nisi punctis corporis isdem;  
 Atque ita propterea corpus Mens concipit unum.  
 Non aliter, quam si dextræ lævæque duobus  
 Conjunctis tangas digitis rem quamlibet, una

Diversis, res ipsa quidem quos postulat, artus.

Atque ita tum motu, qui jam per membra rigatur,  
Pro vario varii quoque sensus exoriuntur:

Cum quid enim insuetum nobis sese objicit, intus

In cerebro insuetas quoque protinus aura vaporum

Procudit formas; quas excita percipiens Mens

Tantum suspensa a mira novitate tenetur: 1810

Hoc Admirari nos dicimus: inde necesse est,

Aut oriatur Amor, si res percepta videri

Conveniens potis est, Odio tentetur ab acri

Aut Animus, si res nobis inimica repugnet.

Mens porro Deliderio configitur ejus,

Si careat, quod amat, potiundi, & noxia contra

Ouæ sunt, vitandi: tum si succedat utrumque,

Gaudet; mœrenti tristatur at ægra Dolore,

Si bona nec teneat, fugiat neque noxia contra.

Hoc ut pernoscas melius, rem pluribus audi. 1820

Res ubi commovit Mentem nova, protinus illam

Admirantem in ea suspendier experiere,

Prorsus & insuetis defixam hærescere formis.

Ingens auræ tum copia cogitur illam

Mobilis in partem, qua sunt simulacra, cerebri,

Et magna circum celerans vi funditur: illinc

Deinde fluit nervis in sensus, mira recepta est

Per quos effigies, ut tensi non moveantur,

Immotique situ persistant prorsus in uno,  
Donec in insueta Mens hæret imagine rerum. 1830

Usque adeo interdum vis undique magna vaporum

Cogitur in certos sensus sedemque cerebri,

Ut nequeat prorsus pars corporis ulla moveri;

Multa quandoquidem deserta est omnis ab aura,

Hinc Stupor exoritur, qui sensus membraque vincit,

Prætereaque nihil rerum, quæcumque lacescunt,

Percipere ullarum Mentem finit; usque adeo re,

Immemor ipsa sui quoque, fixa moratur in una.

Noxius hic Stupor est: ast a novitate teneri

Defixum, atque diu miris hærescere rebus 1840

Juv.

Juvert; hinc quoniam rerum natura novarum  
 Longum Admiranti tandem detecta patefcit;  
 Altius & molli fimulacra impreffa cerebro  
 Hærent nec morbo longis delenda nec annis:  
 Utile quod multis longe fuit inveniendam  
 Veri ad naturam & res funditus infpiciendas,  
 Mirantem quamvis ignarum dicere poffis.

Porro Amor eft Animi motus, quo convenientem  
 Rem cupimus nobis, atque in bona pulcraque fuavi  
 Ultro vi rapimur properantes jungier una, 1850  
 Ac veluti pars fint ea noſtri dimidiumque.  
 Dulcis Amoris hic eft motus, jucundaque mulcet  
 Vis Animum, corpusque vigens eſt: ſcilicet omnes  
 Leniter excurrrens venis cruor irrigat artus,  
 Leniter & pulfans arteria mobilitatur.  
 Adde, quod in toto ſuavis calor æſtuat intus  
 Pectore; ſervatur ſtomachi tenor omnia in omnes  
 Ut poſſit concocta ciborum didere partes.  
 Denique corpus ita eſt affectum diſpoſitumque,  
 Difficile eſſe nihil proſum ut videatur Amanti: 1860  
 Nam ſimul ac Animum commovit amabile quiddam,  
 Protinus e cerebro multi fluit aura vaporis  
 In cor & ſtomachi nervos, ut pabula poſſit  
 Conterere, & motu ſanguis majore calorem  
 Excitet, & ſedes cerebri ſublatus in altas  
 Deſuper uſque novas animæ mobilis auras  
 Suppeditet: creſcunt ita cœpti & aluntur amores.

Aſt Odii contra ſenſus fit, turpia, longe  
 Cum fugimus, quæ ſunt, ingrata & noxia nobis.  
 Tum vapor aurarum miſceri alimenta cruore 1870  
 Vix finit, & motum tardat quoque ſanguinis obſtans,  
 Reddit inæquales & pulſus cordis, & ipſum  
 Efficat ut pectus frigefcat: denique ſenſus  
 In nobis Odium triſtes & concit amaros,  
 Triſtis uti nobis vita & videatur amara.

Præterea Deſiderio percellimur acri,  
 Cum quæ conveniunt nobiſ bona, & abeſſe videmus,  
 Quæ-



Quærimus, atque avidis ardemus poscere votis,  
 Perpetuoque ut adepta semel quæque tempore conslent,  
 Cum volumus, semperque etiam ut contraria distent. 1880  
 Si mala, quæ impendent, vitare, bonisque potiri  
 Posse videmur, & id facili quoque posse labore,  
 Spes erit: exoritur Metus arduum utrumque videnti.  
 Cum Desiderio flagrat Mens, irrequietis  
 Acriter impulsum cor motibus exagitat:  
 Suppeditatur item vis auræ magna cerebro,  
 Inde loci totos quæ late fusa per artus  
 Mobilitat corpus, viresque educat ut omnes,  
 Efficit, & validis audax conatibus inflat,  
 Rebus uti victor tandem potiatur amatis. 1890  
 Magna facit quoque Spes, inhiat dum sæpe cupitis  
 Ardens, vapor ut vi multa pectus inundet;  
 Proinde cruor cursu properantior usque citato  
 Circuit, & pulsus crebros ciet: ergo ubi magna  
 Spes animum attollit, fidenisque Audacia surgit,  
 Crebra salit cor, pectus ab hoc distenditur amplum,  
 Celsius effertur caput, & procera tumescunt  
 Colla, micant oculi, pleno vox insonat ore  
 Altior, & totum se protinus expedit, atque  
 Sese agile in pugnas parat in certamina corpus. 1900  
 Gaudia præterea fiunt, & amica Voluptas  
 Lætitia animum demulcet & irrigat omnem  
 Suaviter illabens, molli præsentis imago  
 Cum cerebro est impressa boni: contraque molesto  
 Tristamur languore, malo præsentis Dolentes  
 Cum premimur, mœstasque educit causa querelas.  
 Sæpe tamen fit, uti mœstique hilaresque sine ulla  
 Esse quidem causa nobis videamur; ut ægri  
 Cum sumus, aut nigro tempestas nubila cælo est,  
 Nubila Tristitia nobis mens ægraque constat, 1910  
 Contra, nescio quæ, perfundunt Gaudia mentem,  
 Sanctum si valeat corpus, cæloque sereno  
 Rideat alma dies: neque causam advertimus ejus  
 Lætitia: nihil illa aliud tamen esse videtur,  
 Quam,

Quam, quod sancitum est, animæ cum corpore fœdus,  
Corpore uti sano valeat, languente sit ægra.

Est quædam in nobis tamen & mœrere Voluptas;  
Quandoquidem tali cum sanguis & aura vaporum  
Multa sit in motu, qualem percepta requirit  
Res, & conveniat status illi corporis omnis; 1920  
Convenienter ab his menti se motibus esse  
Suave erit affectam: nam mutua fœdera poscunt,  
Sæpe ut corporeis Mens concors motibus extet.  
Propterea in luctu cum nos sumus inque Dolor,  
Propter Amicorum vel fata inopina vel ictus  
Vulneris exceptos, tristes nos esse juvabit:  
Tum, qui circumstant Solantes, odimus, atque  
Verba recusamus, quæ non sint apta dolenti,  
Suaviter unam animo, quæ læsit, commeditantes  
Rem, neque ab hac patimur distracti avellier unquam; 1930  
Proinde Dolor magno tantum medicîna Dolori est:  
Nam facile aurarum est & sanguinis ire secundis  
Motibus; at contra pugnando obistere velle,  
Sistere velle agiles nimirum protinus auras,  
Velle quoque inceptos subito variare cruoris  
Motus, velle statum demum mutare receptum  
Corporis, haud aliud, quam vim cumulare dolorum, est,  
Reddere difficiles luctus, conscindere vulnus.

Lugubre præterea carmen cænamque Thyestis  
Funeraque Ajacis tragico cantata cothurno, & 1940  
Andromachæ questus, sævosque ab amore furores  
Medæ, Hippoliti & distractos curribus artus  
Suaviter audimus, fremitusque irasque ferarum:  
Corporeis quoniam jucundo cedere sensu  
Motibus inclinat mentem Natura: Voluptas  
Dulcis item nobis superata incommoda fraudes  
Et maris & belli exhaustos memorare labores:  
Suave videtur enim lethi vitasse pericla,  
Jamque carere malis: quin & meminisse diu jam  
Functorum Natos & dicta & facta Parentum 1950  
Juverit, & pictos illorum cernere vultus.

Nec

Nec nos contristant tantum mala nostra, neque illa,  
 Quæ bona sunt nobis, hilarant; verum utraque sæpe  
 Nos aliena solent hilares & reddere tristes.  
 Si bona contingant alii, quæ dira negavit  
 Sors nobis, & jure pari concedere posset,  
 Protinus Invidia misere marcëscimus ægri:  
 Qua monstrum in nobis non extat sævius ullum;  
 Nam facit alterius re tabescamus opima.  
 Hinc Dolor infestat quoque mentem, scilicet alter 1960  
 Quod rem possidat, quæ nos gaudere velinius,  
 Omnibus expulsi, soli, totaque potiri.

Præterea infontem cum cernimus inque merentem  
 Fortunæque pati tristem, turbaque malorum  
 Sæviter urgeri; sortem Miserefcimus ejus  
 Indigno affecti gemitu, pariterque dolemus:  
 Proinde levare malis & vim lenire dolorum  
 Auxilio instamus miseramque attollere vitam.

Denique nos contra si quis stetit asper, in acres,  
 Nec mora, perculsi rabie consurgimus Iras, 1970  
 Protinus & diros ulcisci ardescimus ausus.

Plurima de genere hoc infesto impellere sensu  
 Tristitiæ possunt animum corpusque ciere.  
 Tum gelido nobis in pectore contrahitur cor,  
 Sanguinis & motus languescit tardior, ora  
 Propterea pallent, solvuntur membra, tremit vox.  
 Fit quoque Tristitiæ vim propter sanguinis omnis  
 Motus ut interdum penitus sistatur, coque  
 Tempore deficiat quoque letho vita recepto.  
 Sæpe etiam Tristes suffundere lumina flammis 1980  
 Insuetis, artus tremere, ora rubere videbis:  
 Scilicet irati cum sunt, hos Ira colores  
 Excitat hos motus. Gemitus suspiria crebri  
 Singultus fient etiam; nam multus ita ipsi  
 Stagnans ejicitur cruor e pulmonibus: inde  
 Guttatim ex oculis lacrymæ volvuntur in ora;  
 Palpebris quoniam liquor hic expressus inundat.

Latius at reddunt cor Gaudia, vividiorque

San-

Sanguinis est multo motus; tum membra calefcunt  
 Fortia; tum roseo contingit ora colore 1990  
 Ora genasque videbis, & ambos lumine vivo  
 Fulgere flagrantés oculos, corpusque valentes  
 Experire repente novas acquirere vires.  
 Cum nimius tamen est hic motus Lætitiæ,  
 Sanguis abundanti pulmones inipete complet  
 Usque adeo, ut nequeat tum porro expellier inde:  
 Proin respirandi subito interclusa facultas  
 Vitam improvviso solvit de corpore letho.

Pro Superum sedes! Mors non est unde timenda,  
 Si quoque Lætitiæ perimunt, & Gaudia mactant? 2000  
 Utque feras cædes bellorum incendia flammæ  
 Fulmina tectorum casus malasque ferarum  
 Præcipitesque locos atque æquora naufraga ponti  
 Quæque adimunt vitam violento extrinsecus ictu  
 Plurima præteream; nos intra funeris, cheu!  
 Quot causæ latitant? utinam numerare queamus:  
 Nam mala, quæ nostrum valeant dissolvere corpus,  
 Non possunt numero constare, nisi innumerati.  
 Undique aperta patet via Mortis, & undique lethum;  
 Imminet, ut merito mortalia sæcla feramur 2010  
 Esse Homines, diras tot nostrum in corpore pestes  
 Qui gerimus; vitæ nil ut promittere nobis,  
 Quolibet & juvenes & forti corpore freti,  
 Possimus celerem venturi in temporis horam.  
 Nam neque præduri constamus marmore faxi,  
 Non adamantina sunt non ærea corpora nobis,  
 Corpora, quæ possint durando vincere vires  
 Temporis, & longos ævi contemnere cursus;  
 Sed partim solidis partimque fluentibus atque  
 Mollibus & perquam finxit Natura minutis 2020  
 Principiis Homines, varios ut flectere sese  
 Possint in motus, ut sensibus omnituentes  
 Utantur multis, ut alantur, sæcla propagent  
 Ut sua, de genere hoc facere ut quoque plurima possint,  
 Quæ facimus, fieri vitæ quæ postulat usus.

Qua-

Quare seu nimius cibus ingravet, ipse nocenti  
 Exedat, aut succo, vitium sive aëris intus,  
 Sive inimicus aquæ turbet liquor, inficiatque,  
 Corpora sincero sive insinuata cruori  
 Adveniant alicunde, & eum corrumpere tentent, 2030  
 Denique de minimis seu quælibet innumerisque  
 Pars validos tandem motus solvatur ob ictus,  
 Atque situ peccet mutato principiorum;  
 Impliciti morbo tentabimur atque dolore.  
 Tunc ea si morbi vis arte potentior omni est,  
 Nequidquam ad vitam turba revocante Medentum;  
 Correpti letho vitam exhalabimus ipsam  
 Linquentes artus immotos frigida membra.  
 Seu Reges, magnis seu Gentibus imperitemus  
 Victores populorum, & multis multa paremus 2040  
 Commoda divitiis, Sapientum seu teneamus  
 Tempa serena, minus nihilo tamen est obeundum,  
 Ac ignota Virum si Pubes terrigenarum  
 Simus, & effusæ triviis pars ultima Vulgi. 2044



## LIBER SEXTUS.



Ac lustrare tenus Naturæ impervia vulgo  
Regna fat est: instant alii subeuntque labo-  
res.

Dicendum, quæ summa Boni sit Finis, & il-  
luc

Qua ratione viæ possimus tendere certa;  
Quid juvet, ad vitæ quid contra dona beatæ

Officiat nobis. Felices! vel quibus unum id  
Scire datum, quamvis ignorent cætera prorsus,  
Quæ sunt cumque; etenim Solem Lunamque meantem  
Et numerum Astrorum varios & noscere motus,  
Scire potestates Aurarum & mobilis Ignis 10  
Undarumque liquentum, & qua ratione gerantur  
Omnia, quæ cælo peragi terraque videmus,  
Dulce sit id quamvis atque ad res utile multas,  
Attamen ad vitæ quidnam momenta beatæ,  
(Hæc etenim rerum summa est) quid contulit unquam?

Tu mihi tu cæcam divinæ lumine lucis  
Ingredere, O, Mentem, SAPIENTIA, consilioque  
Nutantem rege, Diva, tuo; da nectaris haustus  
Ætherio de fonte, rigas quo corda Tuorum,  
Unde fluunt sanctæ Leges, æternaque Jura 20  
Justitiæ manant. O Justi Mater & Æqui,

Tu, precor, erranti certum, quo currere possim,  
Præmonstra spatium; Tu cor tu nostra superno  
Ora move afflatu, valeam ut tua dicere quæ sunt,  
Et facere, at potius facere: hæc sunt ultima vota.

Principio extremus qui sit, quo tendimus omnes,  
Finis, quæque Boni summi natura, videndum:  
Harum notitia sine rerum namque fateri  
Est opus institui vitam non posse, nec ulla  
Formari mores Hominum ratione regique. 30  
Haud secus ac cæli si qua sit parte locata,

Ignor-

Ignoret, regio, quo debes tendere, nunquam  
Possis carpere iter, quod recta protinus illuc  
Te ducat, reddatque loco: namque ipse ferare  
Avius a vera longe tellure necesse est.

Nec vero quemquam mentis contendere sanum  
Posse putem, nullum Finemque Bonumque videri  
Naturam sæclis Hominum mortalibus ipsam  
Summum atque extremum posuisse, at quemlibet illuc  
Tendere, quo lubeat, quo raptet cæca voluptas. 40  
Talia qui fingit, vesano effutiat ore  
Multa, licet, simili ratione: haud esse potentem  
In rebus Dominum, præsit qui providus Orbi,  
Omnia fortuitis sed Casibus edita dicat  
Constare, atque eadem servari a Casibus isdem.  
Quod quoniam a vera quantum ratione recedat,  
Jam supera ostendi tibi primo in carmine, totamque  
Hanc rerum Summam, quam vasta est quantaque, totam  
Eductam e nihilo divina a Mente probavi,  
Quid superest: nisi, non temere & non forte creatos  
Cum videas Homines summa ac ratione, putare  
Certum directos in Finem hos esse Bonumque,  
Scilicet extremum in Finem, ad quem cuncta referantur  
Est opus, a nobis quæ fiunt cumque (neque ipse,  
Præterea rem se supera referatur ad ullam),  
Scilicet inque Bonum summum, quod propter avemus  
Cætera, at hoc sese propter longe omnia supra  
Expetitur: nostræ hoc naturæ convenit apte,  
Et juvat: hoc illud, quod nos inquiremus omnes.

Ardor hic in nobis ita funditus insitus hæret,  
Ut deliderio non possit nostra Bonorum  
Averti (quamvis ultro petat illa) Voluntas.  
Expetit illa libens; ast, ut petat, usque necesse est,  
Nonne vides suavi pariter pariterque potenti  
Quam regat imperio Naturam providus Auctor?  
Scilicet impellit nos in Bona nostra, nec ipsi  
Ulla reluctandi nobis concessa facultas:  
Non minus at suavi rapimur ratione, suumque  
R. Impul-

Impulsum sequimur eupide nimis atque volentes;  
 Ac velut, ex alto lapidem cum vertice turris 79  
 Viribus impulsum magnis magnoque coactu  
 Projicimus deorsum, ruit ille per aëra præceps,  
 Et quamvis nequeat non labier, attamen ultro  
 Labitur, & terram celerans gravitate petiit.

Ergo correpti vitæ felicitis amore  
 Quærimus usque avidi Bona rebus in omnibus omnes  
 Ardentem: nam sæpe licet videamur in ipsis  
 Rebus velle, prius quæ valde ingrata fuere,  
 Contra, quæ nimium placuerunt ante cupita,  
 Longe averfari; & mutarier omnibus horis; 80  
 Attamen oblito nunquam, quod quærimus unum,  
 Effugit ex animo, ut felices esse velimus,  
 Inque Bonum ruere amplexu, & conjungier una.  
 Propterea, cum res variè mutantur, oportet,  
 Tempore pro vario gratæ videantur ut esse  
 Ingratæque; ideo nunc averfamur easdem,  
 Nunc cupimus nobis; epulas ut rejicit a se  
 Jam Conviva satur, vacuus quas ante petebat.

Impia præterea cui turpant crimina vitam,  
 Esse bona ex aliqua debent ea parte videri: 89  
 Nam vel jucundo mentem præsentia sensu  
 Concutiunt, specie seu captant utilitatis;  
 Esse Bonum stulte multis quod utrumque videtur.  
 Per fas atque nefas ideo, si dira libido  
 Pinnigeri stimulis mentem percussit Amoris,  
 Raptantur; si cæca sitis commovit habendi,  
 Fraudibus atque avidi multo rem sanguine constant.  
 Vel sibi qui tristi consciscunt pectore lethum,  
 Non facere hoc alia tum causa posse putandum est,  
 Quam quod avent sitiuntque, Boni: namque acris egestas 109  
 Turpis item fama & contemptus vitæque cœno  
 Se velut involvens letho pejora videntur;  
 Proinde putant finem cunctorum hoc esse malorum.

Nil faciunt Homines in vita denique, quidquid  
 Illud sit, fieri quod ab his tueare; vel in te

Ex-



Experiare, Boni nisi summi propter amorem.  
 Aspice dentatam, quæ signat tempora, molem,  
 Quam variis variis volvantur motibus orbes  
 Intus, & excurrant varia regione, rotarum:  
 Et tamen una movet major rota primaque cunctas 110  
 Mobilis, hinc motus cum tempore profluit omnis.  
 Sic quoque multa gerunt Homines, variisque moventur  
 Rebus, at ex una tamen omnia origine pendent,  
 Quod sibi quisque Bonum summum velit, appetat unum.  
 Summum deinde Bonum nil novimus esse, nisi illud,  
 Quod bene cum teneas, aliud non amplius optes:  
 Omnia quandoquidem, quæ sunt bona, continet unum  
 In sese; siquidem si quidquam forte bonorum  
 Deficeret, summum non esset protinus illud.  
 Omnes ad vitam proin tendimus undique, quotquot 120  
 Sunt ea, cunctorum cumulatam mercede Bonorum.  
 At plerique sua properant ratione; nec una  
 Omnibus est via: nam certo de tramite pellit  
 Palantes variis illudens partibus error.  
 Multi cum videant summum, nullius egere,  
 Esse Bonum, solas illud præstare putantes  
 Divitias, inhiant quærendo protinus auro  
 Insatiabiliter. Summum reverentur (ut æquum est)  
 Jam quoniam plerique Bonum (venerabile namque est)  
 Certant ad magnos avidi succedere Honores; 130  
 Seque putant ideo, cum sunt in Honore, beatos.  
 Noscentes alii, cui summa Potentia, summum  
 Esse Bonum, fieri subito voluere Potentes,  
 Seu Reges magnis seu Regibus esse secundi.  
 Præterea haud pauci cupiunt vel pace vel armis  
 Vel quovis magno claros se reddere facto,  
 Sublimi rapiens quos ingens Gloria curru  
 Evehat in cælum, summoque in culmine Famæ  
 Collocet. Esse Bonum multis res denique læta  
 Cum videatur (& id jam debeat esse videri); 140  
 Propterea fit, uti, jucundum est quidquid, anhelent,  
 Inque Voluptates ardescant quaslibet illæ

R. 2

Quan-

Quandoquidem, ut rentur, lætos redduntque beatos :

His plerumque viis fuerunt incedere, Finem

Quæsitæ ad summum est : sed, uti Gensebria, cæcam

In loca num recto per noctem tramite pergant,

Haud norunt, atque incerta regione vagantur.

Quantum & diverso properent, age, percipe, cursu.

Principio Dites felicem degere vitam

Qui putat, hic non est opulentæ, nec fuit unquam 150

Numine Fortunæ aut Pluti lætatus amico,

Quandoquidem, quid sit dives nummataque vita,

Ignorat. Veras utinam de pectore voces

Edicerent illi, quibus est res ampla; fateri

Deceptos rerum a specie & fulgoribus auri

Protinus audires, miseros quibus esse necesse est

Haud minus, ac inopis si vitæ incommoda ferrent.

Scilicet haud Hominum dives Fortuna quit unquam

Naturam mutare, Deūmq; in conditionem

Vertere præclaram, nihil ut miserabile prorsus 160

Accidere in vita queat & turbare dolore.

Non fulvo morbi & febres reverentur in auro

Fulgentem, neque Mors donis captatur opimis.

Ast ea, naturæ quæ sunt communia nostræ,

Ut fileam demum; pro! quanta incommoda solis

Restant Divitibus, noctes vigilare diesque

Semper, & exangui misere tabescere cura,

Ne quid de cumulo desit pereatque, labore

Quod partum ingenti; servos incendia fures

Formidare malos, & nulli fidere: semper

Pascere se demum, positisque quiescere votis

Nunquam; & divitias optare atque addere partis

Usque novas, nullis explere at pectora rebus,

Consimile est morbo, fitiens quo postulat undam

Æger, ab affusa sed plus fitis æstuat unda;

Consimile est etiam pœnæ, quæ prodita vulgo

Fertur, ubi sedes Furiarum, Acheronte sub imo,

Immani pœnæ, pertusum scilicet in vas

Congerere æternum laticem, replereque nunquam.

I nunc,

I nunc, posse puta Dites nullius egere, 180  
 Queis, quo plura tenent, atque auri pondera crescunt,  
 Crescit opum desiderium, & proin crescit egestas.

Præterea ut felix prorsus sit vita necesse est,  
 Tempore perpetuo constet mansura, nec ullos  
 Formidet tristes, qui vertant omnia, casus.  
 Ergo felicem vel possint cætera vitam  
 Reddere Divitiæ, tamen illa a parte videmus  
 Deficere, instabiles quoniam sunt, longa nec, illæ  
 Queis maneat, nobis promittere tempora quimus;  
 Cum tueamur, uti modo res attollat in amplas 190  
 Tot ridens Fortuna Viros, modo nubila vultus

Atque irata truces ostendat, & omnia vertat  
 Turpi in pauperie mergens, vacuosque relinquens.  
 Quare iterum atque iterum ratio manifesta refutat  
 Summa in Divitiis quod sint Bona vitæque felix.

At quoque non Tituli Fasces Insignia, quidquid  
 Attonito vulgus crepat ore, atque evchit astris,  
 Efficiunt dignos hoc, quo funguntur, Honore,  
 Ut poscit natura Boni, nec proinde beatos.  
 Si facerent, nullas foret unquam audire querelas, 200  
 Sæpe quod ingenti Gens extollatur Honore  
 Impia, præclaro quam indignam munere rentur.  
 Quin & proinde Malis præclari majus Honores  
 Dedecus adjiciunt; quoniam magis impia facta  
 Sublimem multa patefactæ luce diei  
 Nequitiam illustrant, melius quæ ignota lateret.  
 Propterea dignos num cultu, propter Honores,  
 Indignos quos remur Honoribus, esse putandum?

Quæ magis ut videas, age, magno munere functus  
 Quantumvis, Titulisque gravis si forte remotas 210  
 Deveniat terras & longe barbara regna;  
 Num subito facient venerandum gentibus illis  
 Fasces atque alii, quibus hic fulgebat, Honores?  
 Namque ut flamma calet terrarum ubicumque, nec usquam  
 Candida nix non est, non cæli lucida signa;  
 Sic quoque præclari venerandum reddit Honoris

Si natura Virum, talis sit ubique necesse est.  
 Quod quia non fieri manifestum est, nullus Honoris  
 Est decor, instabili referuntur at omnia Vulgo.  
 Propterea varii vario pro tempore cessant 220  
 Plerumque, & primæ fulgorem denique lucis,  
 Si libeat Vulgo, nec longo tempore perdunt.  
 Scilicet arbitrio populi surguntque caduntque  
 Et non re constant sed nomine; fingimus illos  
 Ipsi, & propterea quia fingimus, esse putamus.  
 Ergo cum propriæ naturam lucis Honores  
 Non habeant, subito venerandum ut reddere possint,  
 Qui potiatur, & hunc possint formare beatum;  
 Non erit, ut valeant prorsus Bona summa vocari.

Tum cui major Honos unquam aut præclara Potestas 230  
 Contigit in terris major, quam Regibus ipsis?  
 Desine propterea sed credere, Regna beatos  
 Quod faciant, Regumve favor. Num tristibus ætas,  
 Hoc genus, exemplis ulla est, præsensine, vetusine  
 Quæ vacet? in terris quis Rege potentior illo  
 Unquam visus erat, Superi, qui tanta Virorum  
 Millia junctis sub signa coëgerat armis,  
 Ut prope desertum totum jam crederet Orbem,  
 Ponte injecto Asiam qui junxerat Europamque,  
 Et pedibus siccis calcaverat Hellespontum, & 240  
 Velificârat Athon dirum tibi Græcia portans  
 Diluvium armorum? tandem victusque tremensque  
 Vix puppe exigua conspersus cæde suorum  
 Fugit, & extremis regni sese abdidit oris.  
 Hæccine Regnorum Regumque est summa Potestas,  
 Quæ nequit incolumem sese servare suumque  
 Imperium? persæpe suum quæ luget honorem  
 Sub pedibus Vulgi, cupide quod proterit omne  
 Conculcans, quod jam magnum nimis ante timebat?  
 Edita nimirum, ceu fulmine, sæpe vaporant, 250  
 Conque teruntur; uti multo parere quietum  
 Sit satius, velle imperio quam regna tenere.  
 His permulta potes vetera atque recentia rebus

Sup-

Suppeditare tibi ( seīs namque ) exempla probandis;  
 Donec luce pilam constet non esse Potentes,  
 Quos penes imperium populorum est. Parte revolve,  
 Si vacat, ex alia quoque rem, & sic inspicere mecum.

Dicere Felicem nequeas summeque Potentem,  
 Si quid deficiat, quod haberi possit: at ipsos,  
 Qui populis vario late sub sidere cæli 260

Imperitant, tantum sua nunquam extendere posse  
 Regna videbis, uti non semper plura supersint,  
 Quam teneant; inopes ideo videantur, oportet,  
 Esse prius, summe quam propter regna Potentes,  
 Plura potestatem longe cum semper ad illam  
 Deficiant, quam quæ regnando possideantur.

Audin Pellæum Juvenem, cui tota subacta est  
 Cum terris Aurora suis, cui paruit Orbis,  
 Flere tamen, tristisque e corde educere questus?  
 Scilicet angusto terræ quod limite Regna 270

Arctarit Natura sibi sua; namque putabat,  
 Democriti quod prisca docet sententia, multos  
 Esse alios aliis Summā in partibus Orbes  
 Atque alias etiam gentes & Sæcla virorum  
 Non a se vincenda suique expertia juris.

Indoluit, quod eo sese minus esse Potentem,  
 Longe quo partis superessent plura, videret.

Adjice præterea pacem turbantia bella;  
 Tot comites Regum curas ægrosque timores.  
 Hinc Potens, multus cui cingit utrumque Sætelles 280  
 Hinc atque inde latus, cui nil fidum nec amicum est,  
 Qui quos regali terret gravitate, vicissim

Territus ipse magis metuit? non pocula læta  
 Non cantus Siculæque dapes sonitusque juvabant,  
 Cui cervice super pendebar fulgidus ensis  
 E tenui filo; pallesbat morte propinqua  
 Attonito similis. Nunc regnis fide, Potentem  
 Quæ te jam faciant, & reddant proinde beatum.

Nunc & Amicitiam Regum pete; scilicet illa  
 Una sæpe suos evertit lapsa ruina, 290

Sæpe quoque incolumis (res est male tuta) Potestas.

Præterea clarum quæ tollit Gloria nomen  
Non levis & fallax non futilis ipsa? putabis  
Scilicet hoc pulchrum, volitet quod multa per aures  
Fama tui, per & ora Virûm quod multa feraris?

At cupide id sequimur stulti, sic vivere multîs

Post mortem sæclis annorum posse putantes.

Aspice, quos belli fluctus rapuere Virorum

Audaces animos contentioresque pericli:

In cædes in fata ruunt, & pectore primi 300

Opposito certant violentæ occurrere Morti.

Haud equidem credo quod eum Natura furorem

Mentibus indiderit: placida nam pace quieti

Haud minus horrescunt mortem, ac plebecula vilis.

Hos igitur subdit stimulos hos Gloria motus

Scilicet ardores hos excitat; illa laborum

Oblitos facit atque sui; dat prodiga vitæ

Pectora, dum cupiunt potiori vivere vita:

Usque adeo ignari sectamur inania rerum!

Ac si jam quidquam vitæ munere functos 310

Ad nos pertineat, nostri num Fama superfit,

Nostrique num vivant æternis nomina fastis,

Nomina cum sonitu quoque prætereuntia vano.

Sed fac pertineat tandem; num Gloria summa

Illa erit in paucas nomen diffundere Gentes,

Claudere & angusto regionum limite Famam;

Cum nequeas tota late innotescere terra,

Quantulacumque suat, sed semper pluribus ipse

Sis ignotus? edax quoque multis efficit annis

Tempus, ut omne tui pereat nomenque decusque. 320

Inclita facta Virûm toties cecidere tenebris

Obfita, nequidquam monumentis tradita Famæ.

Nobilitatis item decus annumerabis inanes,

Hoc genus, inter res, quæ solo nomine constant:

Nam nihil est aliud, quam Laus præclara Parentum:

Tota aliena igitur non ad nos pertinet hilum.

Hoc bona Nobilitas tantum, quod cogat eandem,

Quam

Quam Nostri tenere, viam Virtutis inire;  
 Ne fors degeneres multum videamur ab illis,  
 Quorum præclaro laudum fulgore nitemus. 330

Quanta Voluptates dicam bona denique nobis  
 Corporeas? desiderio cum flagrat earum  
 Mens, tunc & curis repletur & anxietate.  
 Posterius vero, si demum forte potita est,  
 Pœnitet illarum: sese Mens ipsa remordet,  
 Dum perit in lustris, & turpes exigit annos  
 Desidia in tanta; carpuntur vulnere cæco  
 Vires, & morbis gliscentibus intabescunt,  
 Et curæ sævique dolores inveterascunt.

Labitur interea res fama;que; scilicet hi sunt 340  
 Nequitæ fructus. Si possunt ista beatos  
 Efficere unquam Homines, Naturæ intendere justam  
 Cessamus litem & contra inclamare querelis,  
 Omnia præposuit quod denique sæcla ferarum,  
 Et dedit esse magis multo felicia nobis?  
 Tum desiderii quæ denique finis? an ille,  
 Pectore qui torquet crucians, restinguitur ardor?  
 Nonne nova ardescit magis usque cupidine pectus,  
 Inque dies cæcus furor atque insania crescit.

Præterea tam nulla potest inimica videri 350  
 Res animo, quam quæ turbans vesana Voluptas  
 Obrundit vires Rationis, consiliumque  
 Impedit & victæ præstringit lumina mentis;  
 Turpiter ex homine ut demum jam bellua fiat.  
 Nempe hoc sunt magici cantus, hoc pocula Circes  
 Sunt ea, quæ quondam Comites Ithacensis Ulyssæi  
 In turpes vertere sues, qui volvier imo  
 Gaudebant cœno & limosa pascier ulva.  
 Neve putes hirtas crevisse in corpore setas,  
 Atque ora in nares foede producta repandas, 360  
 Illarum & pedibus vestigia pressa bisulcis;  
 Mens ollis conversa Suum fuit in naturam,  
 Pro pudor! ingeniumque gerebat bruta ferinum.

Adde, quod ipsa suum simplex Natura pudorem  
 Ta-

Talibus in rebus fateatur: namque probrosis  
 Coeca libidinibus quærit loca, publica vitat,  
 Deprendique timet; se damnat scilicet ipsam,  
 Seque vel invitam tacite arguit, atque inhonesto  
 Conscia perfundit vultum persæpe rubore.  
 Usque adeo humanæ est Rationi inimica Voluptas. 370  
 Te facere hanc igitur felicem posse rearis?

Denique te inquamvis, age, partem verte bonorum,  
 Suppeditare tibi quæcumque hæc vita videtur;  
 Haud unquam summa votorum in fine quiesces;  
 Semper erit, quod deficiat, semperque quod optes.  
 Vis ea nimirum, qua nos impellit agitque  
 In summum Natura Bonum, movet irrequietam  
 Assiduo Mentem, nunc hac nunc jungier illa  
 Semper ut exoptet cum re, quam credit habere,  
 Quo sibi felicem tum possit fingere vitam: 380  
 Præsertim si quid magnum mirumque novumque  
 Objiciatur, in id rapiuntur vehementer aventes;  
 Nam fore, detur uti nobis tunc esse beatis,  
 Speramus. Quoniam vero natura bonorum,  
 Hoc genus, est, ut, si careamus, habere repente  
 Percupiat Mens; post subito si nempe potita est,  
 Tædeat illorum; pertæli quærimus usque:  
 Hinc variare vices animo lubet, altera semper  
 Sectari studia, atque aliis rebusque locisque  
 ( Usque adeone quies nobis haud ulla? ) teneri. 390  
 Haud secus ac magnis vexatus febribus Eger  
 Continuo festum mutat latus, atque revolvit  
 Huc calidos artus atque illuc, & loca quærit  
 Nequidquam; siquidem fastidit cuncta; nec usquam  
 Mollibus in stratis requies datur ulla cubanti:  
 Sic quoque de votis transimus in altera vota.  
 Dum, quod avemus, abest, longe id superare videtur  
 Cætera; post aliud, cum contigit illud, avemus;  
 Et sitis in vita semper nos torret hiantes.  
 Haud tamen hoc ipsum longe non utile nobis; 400  
 Quærere nimirum semper, quod deficit, ægroque

Esse



Esse animo, nullisque diu requiescere rebus,  
Ex omni nequeant quæ reddere parte beatos;  
Ut sic jam specie falforum & fraude bonorum  
Detecta, Verum tandem Summumque quod extat,  
Mens animo queat atque suis contingere votis.

Quare tam longe abducit nos devius error  
Propterea; quoniam, cum simplex unaque summi  
Sit natura Boni, disjunctum quærimus illud  
Nos tamen in rebus: namque illa Potentia summa est, 410  
Quæ nullius egens sibi sufficit, unaque Clara,  
Et summe per se pariter Venerabilis una est,  
Lætaque, gaudendi quæ causas invenit in se:  
Nam si deficeret quid eorum, haud indiga rerum  
Non foret, Ergo Boni simplex natura videtur  
Unaque. Quis tanto, Superi, nos munere donet,  
Ut nihil optandum jam plenis deinde supersit?  
Quis? nisi, quod Summum est quod Simplex deniq; & Unum.  
Nil aliud porro Simplex Summumque, nisi ingens  
Numinis, ut docui, Natura est. Ergo necesse est 420  
Esse Deum nobis summum Finemque Bonumque.

Præterea quidquid finitum est, quamlibet amplum,  
Nostra explere potest haud unquam corda: valemus  
Ulterius quoniam quoque vota extendere semper.  
Quidquid in exhaustum est quapropter & infinitum,  
Id nostram satiat naturam Animumque capacem;  
Quandoquidem nihil est, quod quærat & appetat ultra.

Hoc igitur Deus est, felices reddere tantum  
Qui valet, & penitus satiare ardentia vota.  
Ille Boni Fons omnis & omnis nostra Potestas 430  
Gloria Divitiarum Decus omne & plena Voluptas,  
Nostrorum ille Quies Animorum denique summa est.  
Quare tum vita dabitur gaudere beata,  
Cum summo Mens nostra Bono potietur; at illo  
Non valet hæc ulla certe ratione potiri,  
Ni videat, quod amet, summoque in amore quiescat.

Scilicet hæc misera defunctis gaudia vita  
Ultima debentur; neque enim contingere tanta

Pof.

Possumus in terris, nec summo hic Fine potiri.  
 Haud minus at miseros inter magnosque labores 440  
 Fortunæque vices & vitæ incommoda multa  
 Esse datum est aliqua saltem ratione beatos,  
 Et si non summa, & felici vivere fato.  
 Id fit, ubi sana & tranquilla mente vigemus.  
 Sana quidem Mens est, cum recte judicat ipsa,  
 Quodcumque ad nostros in vita pertinet actus;  
 Ut bona sectetur, fugiat contraria quæ sunt:  
 Tranquillæ pariter lætatur pace quietis,  
 Stultis si careat votis & inanibus, atque  
 Temperet affectus, magnis qui sæpe furentes 450  
 Infestant animum turbis; sit denique constans  
 Semper, & anteaest nullius conscia culpæ.  
 Scilicet hanc Sapiens vitam sibi comparat omnis;  
 Atque ita divinæ prælibat gaudia pacis.

Lætus, Io, clāmat, si quando Navita cæcam  
 Per noctem nimbis purgatam suspicit Arcton,  
 Quæ longum nigra sub tempestate latebat;  
 Illo jamque regit certos sub sidere cursus.  
 Sic quoque lætitiis, age, nostra attolliere magnis  
 Mens, omnis cui summa Boni jam cognita Finis. 460  
 Inspice, quo tendas, & recto siste viai  
 Tramite te, certumque in cælum luce sub illa  
 Perge iter, ut summæ tandem felicia pacis  
 Littora contingas. Auras, age, posce faventes.

Nunc tibi cum summi jam meta novissima Finis  
 Constet, ad hanc omnes cum Mens quoque debeat actus  
 Dirigere, illorum naturam ostendere par est,  
 Qui sint; quæ porro sit eorum regula, summum  
 Dirigat in Finem quæ certa lege, videndum.

Principio, humanum, nihil est, quod dicimus Actum, 470  
 Quam quod consulta sit cum ratione: jacentes  
 Somno propterea si quid tractare videmur,  
 Vel sine consilio mentis vigilante, necesse est  
 Id non humano fatearis more peractum.

Plurima præterea sunt, quæ Mens intima tantum

In-

Intra se peragit: quoque sunt, quæ extrinsecus edit.  
 De genere illorum primo felicitis amorem  
 Intus habet vitæ; rationes quærere porro  
 Instat, quæ teneat, quæ sunt bona, noxia vitet;  
 Atque ita consultans deliberat, eligit unam 480  
 Præ multis tum deinde viam; cum fine potita est  
 Denique, jam suavi fruitur dulcedine victrix.

Motibus externis quoque dat, sua cuique, Voluntas  
 Principium, & multi motus per membra rigantur,  
 Ut Mens ipsa tulit. Non est tamen ista potestas,  
 Cui pugnare quidem contra atque obsistere quidquam  
 Non queat; in servos Domini quam nempe potentes  
 Exercent; sed, uti sua Reges regna gubernant  
 Subjectosque sibi Populos, ita Mentis aguntur  
 Imperio nostræ sensus & subdita membra: 490

Subdita; nam multos magno conamine quamvis  
 Corporeos potis est motus sedare Voluntas,  
 Attamen interdum penitus non impedit illos,  
 Atque refrænât, ubi vi multa sæpe cientur;  
 Nec valet: usque adeo sævi plerumque tumultus  
 Diraque seditio magno se concitat æstu.  
 Haud tamen infesto commotam turbine Mentem  
 Corripuisse valent & victam cogere flecti,  
 Si tamen ipsa libens non cedat, at usque repugnet.  
 Hæc est, quam nostro sentimus corpore legem 500  
 Sæpe reluctantem supremæ legibus æquis  
 Reginæ, nisi cum victam se dedit ultro.

Præterea per se faciet nihil ipsa Voluntas,  
 Rem nisi, quam facit, & finem Mens noscat agendi,  
 Et quæ circumstant, & in id quoque sponte feratur.  
 Quapropter Vis est atque ipsa Inscitia rerum,  
 Qua sæpe a nobis nolentibus invitisque  
 Multa geruntur: uti nigras in carceris umbras  
 Cum quis vi rapitur, quamvis eat, ire videtur  
 Ingratis. Non internis tamen ulla potest vis 510  
 Actibus inferri: neque enim inviti quid amare  
 Possumus, aut odio contra quid habere coacti:

Tunc

Tunc etenim nolletque volens, invitaque vellet,  
 Quæ veris pugnare vides manifesta, Voluntas.  
 Quare agit in nostram cum vel divina Potestas  
 Sæpe Voluntatem, non cogit, at efficit, ultro.  
 Ut velit, immutans, & de nolente volentem  
 Reddit. Item Metus est, quo nos plerumque coacti  
 Quid facimus; veluti deprensi forte latronum  
 Insidiis multum redimenda effundimus aurum 520  
 Pro vita, Non est penitus tamen ut videamur  
 Id facere inviti, siquidem pejora volentes,  
 Declinare: velut merces cum projicit altum  
 In mare, quod nigris ferviscens æstuat undis,  
 Naufragium metuens; nam longum vivere pauper  
 Vult potius, pauperque domum nudusque reverti  
 Navita, quam tota dives cum merce perire.  
 Nonne vides gemina quam fortiter aspidē pectus  
 Sauciet exoptans lethum Regina Canopi?  
 Exoptans potius lethum, quam victa superstes 530  
 De se ut Romuleos possit spectare triumphos  
 Victorisque truces vultus, religataque curru  
 Ducier, atque suo pompas augere latinas  
 Dedecore: hinc mortem jam non invita subiit,  
 Barbaraque est Mulier Romanum imitata Catonem.  
 Quas ignoramus, quoque res non sponte geruntur.  
 Dum nemora & montes venatu agitare apricos,  
 Contectam Cephalus foliis & cespite denso  
 Vidit post duos latitantem arbusta Procrin  
 Forte suam infelix, timidamque, heu tristia fata! 540  
 Credidit esse feram: certo tum protinus ictu,  
 Ut ratus in prædam, contorquet missile telum,  
 Et ferit: humanam propior jam denique vocem,  
 Uxorisque suæ miser, ah miser! ora notavit,  
 Oraque, supremaque errantia lumina morte,  
 Causa quidem lethi Cephalus fuit; attamen insons  
 Invitusque suos sub Tartara milit Amores.

Mens porro vult sponte tamen non libera semper  
 Plurima: Libertas siquidem nihil esse videtur,

Quam

Quam res posse agere, & contra, velut ipsa tulit Mens, 550  
 Non agere: hæc nostræ jam porro in utrumque potestas  
 Dicitur Arbitrium Mentis; quo sæpe caremus,  
 Scilicet in summum cum Finem tendimus omnes  
 Extremumque Bonum: namque illud oportet amare;  
 Quandoquidem nos esse necesse est velle beatos;  
 Id cupide quamvis & semper sponte velimus.

At non Arbitrio, non Libertate caremus  
 Rebus item in multis, quæ non Bona summa videri  
 Esse queunt, aliqua sed deficientia parte:  
 Nam quoniam partimque bonæ partimque videri 560  
 Esse malæ possunt, optari posse satendum est  
 Propterea a nobis, & contra posse repelli.

Hoc ita conspicuum Mens conscia vociferatur  
 In nobis, ut nulla queat res vincere contra,  
 Desipere infano non illos corde putantes  
 Esse opus omnino, Mens semper ut ipsa necessum  
 Intestinum habeat cunctis in rebus agendis;  
 Vel quia fidereis subjectam aspectibus illam  
 Rentur, & Astrorum certa sub lege generi;  
 Sive quod, invicti ne rumpant fœdera Fati, 570  
 Tanguntur misera constricti relligione,

Quod superest, quædam nostrum est Regula morum  
 Normaue, conferri cui nobis semper eosdem  
 Est opus, ut, qui sint, possimus noscere, recti,  
 Contra mendose qui fiant: namque vocamus  
 Illos esse bonos, qui primæ protinus apti  
 Per sese constant mensuræ, conveniuntque;  
 At pravos, olli qui dissensere, malosque  
 Dicimus. Æternæ jam summa est Regula Legis,  
 Ordinis æterni Ratio, & suprema Voluntas, 580  
 Edita qua constant Jura immutabilis Æqui.

Hinc oritur, Legem Naturæ quam perhibemus;  
 Quæ nihil est aliud porro, nisi Rivus ab illo  
 Fonte fluens, nostramque illabens amne superno  
 Desuper in Mentem, quo sparsa rigataque novit  
 Protinus, æternus Legis quid postulet Ordo,

Quid

Quid renuat, Recti quæ sit natura Bonique,  
 Quæque Mali, & quanto inter se discrimine distent  
 Prava aliis. Ex hoc igitur cognoscimus omnes  
 Indocti doctique ( docet Natura superna 590  
 Nunquam luce carens ) fugienda petendaque quæ sint.  
 Prima tibi æternæ Præscriptaque Scitaque Legis  
 Sunt ea, quæ memori fac pressa in pectore semper  
 Fixaque sint, tota vi mentis & impete cordis.  
 Atque animo ex omni nimirum Numinis, omne  
 Unde Bonum, summi supremam semper amare  
 Naturam, atque in eam votis ardentibus ire,  
 Et nihil hanc extra, verum nos nostraque rerum  
 Mortalesque alios hanc tantum propter amare.  
 Nam cum non alio res Auctor sine creârit, 600  
 Nec jam servet adhuc, quam sese propter; oportet,  
 Ut, quem animæ impressit jam prima in origine motum,  
 Perpetuumque etiam modo servans imprimit, illum  
 Ad se, non alio direxerit, inclinansque  
 Dirigat: hinc ( siquidem fieri non posse fatemur,  
 Ut plus ille, magis quod amabile, nolit amari )  
 Condere non nostram potuisset, quæ sit amor  
 Apta, Voluntatem; nisi tum vertisset eandem  
 Ad sese, summeque Bonum jussisset, amari,  
 Quod summum est; aliter rerum confunditur ordo. 610  
 Et quis enim est adeo a vera ratione repulsus,  
 Truncus uti & stolido constans e marmore nioles,  
 Protinus ut sese non intra sentiat, ipsam  
 Nil aliud sibi Naturam clamare, nisi unum  
 Esse Bonum summe, quod summum est, semper amandum?  
 Atque ut perpetuo sine cordis vivere motu  
 Non valet humanum corpus; sine amore Voluntas  
 Sic non esse potest, non vivere: corpus at usque  
 Ut vigeat sanum, mensura temporis æqua  
 Compositos semper motus cor edat, oportet; 620  
 Est itidem nostro mensura in amore modusque,  
 Est ratio, ultra omnem nimirum Numen amare  
 Mensuranique modumque, & nullo sine teneri.

Huc

Huc Amor, huc quantus quantusque est, impete toto  
 Currat, uti nusquam tenuis vel rivus ab illo  
 Divertat cursu siccis distractus arenis.  
 Illi opus est omnes mentisque animique referri  
 Vires, atque alia in nobis quæ est cumque potestas;  
 Quandoquidem quæ sunt ea nostra, recepimus ipsi  
 Propterea a summo cunctorum Auctore bonorum. 630

Protinus æternæ summus quoque postulat Ordo  
 Legis, uti simili nobis quos esse videmus  
 Mortales alios natura, propter eundem  
 Tum pariter Finem atque ab eodem Auctore creatos;  
 Hos uno, quo nos, ut complectamur amore,  
 Postulat, at Finem communem propter: amoris  
 Hujus & alterius cujusviscumque profecto  
 Ille quidem causa esse & meta novissima debet,  
 Qui tantum se propter amandus: id ultima namque  
 Exposcit summi Finis natura Bonique. 640

Hunc tibi propterea rebus præferre Voluntas  
 Ultro debet, eæ quæcumque existere possunt,  
 Famæ & divitiis & honoribus illecebrisque,  
 Nec non & caris præferre Parentibus, ipsis  
 Et Natis, usquam vel si quid dulcius extat,  
 Præferre & vitæ quoque & ipsis denique nobis;  
 Nec tantum præferre, sed ipsum in rebus amare,  
 Res omnes per quem subsistunt, omnibus Unum.  
 Namque has, quo Numen, si prosequeremur amore,  
 In rebus Finem Mens constituisse creatis 650

Privatisque bonis summum extremumque repente  
 Nostra videretur; fierent ut protinus inde  
 Omnia perversa summi præpostera lege  
 Ordinis & recti rationibus absona Amoris:  
 Nam quæcumque boni nihil a se habuere, necesse est  
 Non possint se propter amari, at in omnibus Auctor.  
 Nempe frui nos hoc tantum debemus, at, ipsum  
 Quæ jam cumque extra rerum sunt, omnibus uti,  
 Plusve minusve quidem, suprema ut scilicet ejus  
 Summi a Natura magis ipsa minusve recedunt, 660

S

Extre-

Extremique juvant ut nos in gaudia Finis.

Neu tu rebus ab his reputes hic forsan, Amorem  
Non purum in nobis, omni neque labe carentem  
Esse; Bonum quoniam, quia suave est conveniensque,  
Tendimus in summum, summum cum Numen amamus.  
Namque ea vel puri natura videtur Amoris,  
Nullis prorsus uti rebus queat ipse teneri,  
Ni sint, quæ placeant, delectent, convenientque:  
Ut nihil est, oculis aliud quod cernere possis,  
Splendida quam radiis quæ fulgent corpora lucis. 670  
Propterea in summum, summeque quod allicit, ipsi  
Cum ferimur Numen; ne protinus ipse rearis  
Ejus Amorem ad nos ad commoda nostra referri;  
Verum in id ardenti mentis contendere nisu  
Scilicet extra nos raptos velut immemoresque.

Hic Amor, in terris dum vitam ducimus, expers  
Optati magno semper desiderat æstu,  
Inque Bonum summum Finemque ardescit anhelans;  
Indignantque velut clauso de carcere metam  
Spectat, & impatiens longum obluclansque tenetur; 680  
Vivit & in votis, atque illis pascitur optans.  
Fine potitus ut est idem cum denique summo,  
Jamque tenet; potitis votorum protinus alis,  
Æternaque fruens cunctorum pace bonorum  
Hæret in amplexu placide, plenusque quiescit.

Nonne vides igitur, quam cautum jam sit Amoris  
Legibus æternis, ne ut summo in Fine creatis  
Hærentes cupide rebus captique fruamur;  
Ut facimus, specie tantum verique bonique  
Illusi heu! miseri persæpe: huc devius error 690  
Nos agit, infelix ruis huc insana Voluntas!  
Nempe voluptatem in nobis ubi sæpe creavit  
Per, quæ circumstant nos, corpora Naturæ  
Cuncta movens Auctor (siquidem nos excitat ista  
Servandum ad corpus suavi ratione, neque illis  
Propterea jungi, sibi qui debetur, amore  
Nos voluit rebus), jucundo protinus ipsi

Illecti



Mleſti ſenſu, quidquid juvat, ilicet ipſis  
 Acceptum rebus referendum hoc omne putamus.  
 Nam quia non operam ſentimus ſæpe juvantem 700  
 Numinis in nobis, ſed circum ſola videmus  
 Corpora, propterea ſit, ut illis hæreat ultro  
 Inſcia Mens, totoque libens jungatur amore.  
 Hinc amor ille auri, quo capti faſque piſumque  
 Conculcant Homines; hinc nobis dulcia famæ  
 Præmia ſunt avidis; pulchroſque ſtitimus honores  
 Inflati tumidæ vento velut ambitionis;  
 Hinc oritur turpis quoque corporis illecebrarum  
 Ordinis oblita Reſtictique in mente cupido.  
 Omnem ſic igitur noſtrum nos cordis Amorem 710  
 Pro pudor! in miſeras res vertimus inque creatas,  
 Vertimus a ſummo nimirum Auctore bonorum.

Haud aliam, credo, ob cauſam jam ſtulta Vetuſtas  
 Numina thuricremis olim ſacraverat aris  
 Ingenti numero: liquidem, quodcumque videbant  
 Eſſe voluptati ſibi, protinus illud amabant,  
 Nec non divino quoque dignabantur honore.  
 Principio Solem ac Lunam Stellæque micantes  
 Olim ſunt Homines venerati: namque putabant  
 Eſſe Poſteſtates præclaras ſcilicet illas, 720  
 Unde bona eſſuerent in terras: deinde per omnes  
 Dilapſi res, quidquid erat tunc utile vitæ,  
 Protinus addebant templis, votisque colebant:  
 Quin etiam & ſenſum tribuebant, magnæque facta  
 Divinæque dabant vitam formæque decoram.  
 O Genus infelix humanum, adeone bonorum  
 Unius Auctoris poteſt oblivifcieri omnium?

Porro Naturæ prima hæc præcepta docentis  
 A quovis Hominum non ullo poſſe videntur  
 Unquam ignorari pacto; ſit quamlibet ille 730  
 Et rudis & ſolis nemorum nutritus in umbris:  
 Humanæ quoniam ſemper manet inſita Menti  
 Æternæ Ratio Legis præſcriptæque Forma.  
 Nunquam credere enim poſſis, quod providus Auctor,

Ordinis æterna totam qui Lege creavit  
 Naturam, humanas tantum, præstantius ullis  
 Queis nihil in rebus, quodcumque est, nobiliusque,  
 Atque sui similes Animas projecerit ortas  
 Sic temere in mundum, ut nullo donârit egentes  
 Lumine lucis, uti valeant agnoscere, quidquid 745  
 Consonet Artificis summo, contraque repugnet  
 Fini, nimirum quid turpe & constet honestum.  
 Illinc propterea novit Mens, non faciendum  
 Esse aliis id, quod fieri sibi nolit ab illis:  
 Proin odisse homines, furari, occidere, sanctam  
 Non servare fidem non sædus, iniqua pacisci,  
 Fallere, non, animum benefactis reddere gratum,  
 Non facile auxilium præstare, ubi possit, egenti,  
 Esse malum vetitumque, quod a Ratione, quod æqua  
 Ordinis æterni pugnans a Lege recedit. 750  
 Quanquam aliquæ fuerint quondam (& nunc esse ferantur)  
 Gentes, quæ diro viventes more ferarum  
 De genere illorum quædam non esse putarent,  
 Ut mala sunt, sed multa probarent impia facta.  
 Sic fuit infestis habitata latronibus olim,  
 Hi fuerant Populi, Germania; plausibus illos  
 Tollebant magnis, veluti pro re bene gesta,  
 Fortiter insidiis qui grassarentur, & auro  
 (Magna erat hæc virtus) possent ditescere raptis:  
 Nimirum moresque feri corruptaque vita 760  
 Barbarie æternæ poterant confundere formam  
 Legis, & umbratum Rationis condere lumen.  
 Si tamen interea vel dira in Mente latentem  
 Lucis inoccidua voluissent excutere ignem,  
 Inque suæ interioris Rationis templa reverti;  
 Collustrata illo Mens sanctæ lumine Lucis  
 Protinus æterni Formam vertisset ad Æqui  
 Vel caligantes oculos, atque Ordinis ipsam  
 Vidisset speciem; tum denique scisset Honesti  
 Naturam, & contra quid pugnet, deficiatque. 770  
 Est tibi præterea Lex immutabilis omnis

Na-

Naturæ; quoniam supremi convenit Æqui  
 Legibus, & nullis non temporibusque locisque  
 Convenit: ipsa prius nam si convenerat illic,  
 Quanam post eadem hæc alibi ratione repugnet?  
 Hinc tu perfacili potis es cognoscere pacto,  
 Non Hominum solo a consensu nomen Honesti  
 Et Turpis pendere, sed ipsa legisera  
 Naturæ ratione, sed æternæ Ordine Mentis.  
 Nos equidem naturam utriusque, quid extet utrumque, 789  
 Detegere, at nunquam porro mutare valemus,  
 Atque id, cum volumus, facere, ipsum ne sit honestum,  
 Ne sit turpe, quod ante fuit: cum scilicet extet  
 Semper turpe, quod est, vel quod fuit, aut erit unquam  
 Turpe semel; quod item semel est, id semper honestum.  
 Propterea tota quæ Gens tam barbara terra,  
 Quæ veracem animum comem fortemque piumque  
 Et gratum & memorem benefacti æquique tenacem  
 Non prober, & laudans non diligat; atque superbum  
 Contra & crudelem malefidum legifragumque 792  
 Ingratum Patriæ sanctisque Parentibus & Dīs  
 Non damnet subito, non horreat? ergo videri  
 Nos ad justitiam natos debere, necesse est,  
 Juraque Natura sancita in mentibus ipsis,  
 Consensu haud Hominum; qui protinus utilitatis  
 Ad normam referant, vitanda petendaque quæ sint;  
 Proptereaque malos pœnæ terrore minantis  
 A scelere avertant. Tantum at si pœna coërcet,  
 Non Natura Homines; unde unde illa insita tandem,  
 Suppliciorum omni penitus terrore metuque 802  
 Sublato, mentes agitare cura Nocentum,  
 Ut nequeant placidam & pacatam degere vitam?  
 Est quiddam in nobis, quo nos cognoscimur ipsi  
 Teste velut, prave quod agentes increpat usque,  
 Laudat & innocuos contra culpaque carentes.  
 Semper proinde Bonis hinc gaudia suppeditantur;  
 Opprimat at contra nialus impia pectora mœror,  
 Conscinduntque Animum Furiarum Acheruntia Monstra.

Utque canis levissimæ solent tibi pectora fidi:  
 Ante fores agere excubias: si namque ferentem 810  
 Fors videat tacito leviter vestigia gressu  
 Furem in tecta; fero confurgens protinus ore  
 Aulatræ, magnoque domus clamore timentem  
 Arcet ab ingressu; vel si jam tecta subivit,  
 Sic fugere a laribus vacuum compellit opimis;  
 Conscia Mens itidem nostri fidissima custos  
 In scelera inclamat longe deprensa repellens,  
 Inque ingressa suis assurgens vocibus audax.

Si Ratione regi tantum, rectæque moveri  
 Lege velint Homines Naturæ, ad munera prorsus 820  
 Intenti sua quisque Bonum constanter amarent,  
 Virtutes colerent & sanctæ fœdera pacis:  
 Aurea tum certe fluerent Saturnia sæcla;  
 Dicere tum par est fore, ut irent lactea vulgo  
 Flumina per terras, injussos mollia late  
 Arva darent fœtus, per & omnes undique campos  
 Florida fulgerent viridanti prata colore;  
 Ver foret æternum: quoniam ratione relicta  
 Mens tamen ad cæcos interdum corporis ictus  
 Flebitur, & rapitur frustra Regina sui que 830  
 Juris corporeis a moribus exagitata,  
 Virtutisque via deflecti, juraque Legis  
 Supremæ violari, & verti cuncta tuemur,  
 Et res ad summam faciem turbasque redire:  
 Nam cum sæpe sui sit amans plus scilicet æquo  
 Maxima pars Hominum; Mortales, proinde necesse est,  
 Erga alios quivis ut eorum constet iniquus,  
 Fortunam invideat, præclaraque facta malignis  
 Commaculet verbis, & perfida pectora gestet,  
 Gaudeat adversis aliorum, fœditragusque 840  
 Sævus sitque rapax obtrectatorque Bonorum  
 Intentusque malis semperque ad dira paratus.  
 Proin genus humanum tæderet vi colere ævum,  
 Atque inimicitiiis langueret denique magnis;  
 Ni ferri inter nos leges sint cœptaque jura

Con-

Constitui, positis quæ corda rebellia pœnis  
 Comprimerent, diros frænarent protinus ausus,  
 Facta coercerent immania, corrigerentque,  
 Denique in officio sponte ingratisque tenerent:  
 Proinde Magistratus si paulum cura remittat 850  
 Semper pro culpa pœnis intenta ferendis,  
 Sub pedibus Vulgi Legum contempta jaceret  
 Quidlibet ausuri vis pristina, fractaque jura.  
 Lata igitur Lex est ideo, sustentet ut ipsam  
 Naturæ Legem, quam nos in mente tenemus;  
 Ne queat unquam ausu violari impune protervo.  
 Attamen haud ullis obstrictus legibus unquam est  
 Vir bonus & sapiens: quoniam, celare vel omnes  
 Si queat, injuste nihil ille & turpiter unquam  
 Audeat, ipse sui censor morumque suorum, 860  
 Ipse sibi lex, illa probans, quæ justa, sequensque.  
 Longe aliter Lydus quam quondam, ut Fabula prisca est,  
 Ille Gyges; subito qui, magnis terra soluta  
 Imbribus, ut referunt, cum discessisset, in illum  
 Audax terræ subter descendit hiatum,  
 Et molem deprendit Equi prægrandis ahenam,  
 Ærataque fores utero; queis vidit apertis  
 Admirans Hominis tumulatum immane Cadaver.  
 Annulus in digito gemmæ fulgore repente  
 Proditus est: lætus detraxit, & induit illum, 870  
 Seque in concilium tum pastorale recepit  
 Pastor & ipse Gyges: insertam ibi verteret auro  
 Cum gemmam ad palmam, nullo a Spectante videri  
 Quibat, at ipse videns circum omnia; protinus idem  
 Deinde videbatur, cum in lucem redderet illam.  
 Hujus ope & thalamum Reginæ intravit, & ipsum  
 Regem impune neci subitæ dedit, atque ita letho  
 Sublatis, obstat ratus quos posse, repente  
 Omnibus invasit regnum, & Rex prodiit ingens.  
 Nec quisquam scelera hæc patrantem dirâ videbat, 880  
 Si vero Sapiens hoc aurum possit habere,  
 Num putet idcirco sibi plus peccare licere,

Quam si non habeat? Nimirum semper honesta,  
Non occulta sibi quærit; clam solus id audet  
Tantum, quod fieri coram quoque Iudice possit.

Nunc age, tam varii in nobis jam deinde quid ipsos  
Ad mores faciant Affectus, inspiciendum est.  
Hi tibi sunt animæ Motus, ut diximus ante,  
Concita queis sequitur, quidquid se percipit intra  
Esse bonum, vitatque malum, quodcumque videtur. 890

Protinus hic vultu se Stoica Turba severo  
Objicit, & cunctis purgate Affectibus ægras,  
Inclamat, mentes; ac si mala constet eorum  
Natura, atque animos, ut morbi corpora, vexent:  
Esse nec hoc aliam, credo, putat ob rationem,  
Quam male quod videat plerumque Affectibus uti  
Commotis Homines, & diram mentibus inde  
Perniciem inferri: quod jam ratione recedit  
Tam procul a vera, quam si quoque crura manusque  
Esse malas, oculosque & linguam evellite, clamet: 900  
Namque Homines persæpe mali convertere in usus  
Crura manusque solent & linguam & lumina pravorum.  
Tu tamen, O, resonans strepitu quem Porticus audit,  
Quisquis es, humanum, si jam potes, exue pectus,  
Motus Lætitia procul aufer, & aufer Amoris  
Atque Odii, pariterque Metum pariterque Dolorem  
Spemque Iramque; genus quæque hoc sunt, cætera tolle;  
Quid jam ultra, stolidi nisi pondus inutile trunci, es?  
Tunc auferre paras, quo pectora providus Auctor  
Armavit, fugiant ut noxia, proque sequantur, 910  
Quæ bona sunt, seseque malis defendere possint?

Scilicet Affectus, ut venti velaque navis;  
Quæ licet interdum correptas turbine puppes  
In fyrtes in saxa ferant; tamen usus eorum  
Non est, ut pelago pereant spumante carinæ;  
Auxilium falsas verum scindentibus undas  
Ut præstent, & amica ferant in littora raptas;  
Affectus itidem sunt, inquam, in corpore nostro,  
Quos Natura quidem rectos concessit in usus,  
Quam-

Quamvis sæpe malo pravi videantur ab usu. 920  
 Adjice, naufragium ponti quod Navita dirum  
 Vitare interdum solers non possit, ubi ingens  
 Protinus incubuit ventorum in vela procella;  
 At regere hos nostra quimus ratione, furenti  
 Diram in perniciem rapiant ne corda tumultu.  
 Ergo non ima debere a stirpe fatemur  
 Funditus ex animo motus evellier illos;  
 Verum, ne positis excurrant finibus usquam  
 Avecli, dominæ Rationis fræna subire:  
 Inclinant animum tum namque in recta, feruntque: 930  
 Corripimur magno sic sæpe in Numen amore;  
 Idque Bonum, telis veluti flagrantibus icti,  
 Ardens cupimus; contra peccare timemus,  
 Mœremusque malis, & pravos odimus actus.  
 His Ratio certe munita Affectibus, acri  
 Circumseptus uti Dux milite, fortior atque  
 Vividior prodit; langueret sola sine illis.  
 Nimirum stimulos opera in præclara moventes  
 Injiciunt animis, facilesque per ardua gressus  
 Expediunt; sternuntque viam, minuuntque laborem, 940  
 Virtutesque artesque juvant: novitate velut cum  
 Perculsi rerum si nos hæremus in illis  
 Toti admirantes, tum concita protinus acri  
 Mens desiderio ferviscit, funditus ipsam  
 Rem, novitate sua quæ perculit, inspicendi:  
 Inde tibi multæ manârunt utilitates,  
 Queis vita certe expertes essemus in omni  
 Nil admirando: tamen hic quoque sæpe cavendum,  
 Ne desiderium Ratio non temperet: illa  
 Nam sine sæpe solet supera se tollier audax 950  
 Mens, & inaccessæ scrutari æterna Pronœæ  
 Consilia, omnipotens voluit quæ Diva latere.  
 Si Ratio comitetur, & omnia dirigat adsans,  
 Ira suam quoque, semper erit, ferat excita laudem;  
 Quis vetet irasci nam sanctum propter amorem  
 Justitiæ? Quin materiem virtutibus amplam

Isti suppeditant Affectus: nam cohibere  
 Si dehderium virtus est, ne quid eorum,  
 Quæ prave fiunt, Mens scilicet appetat unquam;  
 Propterea haud ullam virtutem debet habere,  
 Nec potis est, qui nil unquam desideret, illo  
 Et careat motu, cui vis adhibenda regendo est  
 Et virtutis opus, quæ vota furentia frænet,

Omnes non igitur, qui nostro in corpore fiunt,  
 Affectus animi morbos mentisque vocabis,  
 Excussis sed qui dominæ Rationis habenis,  
 Ac velut indomiti veterino e semine pulli,  
 Insultant, turbasque cient sine lege furentes.

Æmula sic animus quæ vis movet, esse videtur  
 Tum bona, virtutem cum tantum imitarius optat 970  
 Alterius; quoniam Rationis fræna momordit:

Prava sed est, faciat si mœstam ægrescere mentem  
 Propterea tantum, quia, sola quod optat habere,  
 Alter habet. Monstrum non dira hac tetrius ullum  
 Invidia est. Superi, precor o! removete nocentem  
 Perniciem hanc Hominum, pestemque auferte nefandam.  
 Sola sub exelis scopulorum cautibus, ima  
 Vel tellure luat pœnam, & triste exigat ævum;  
 Sola, quod alter habet, sibi tantum hic optet habere.  
 Sic, omni quoniam est expers ratione, libido 980  
 Impetus est animi quidam non rectus, ut illo  
 Infra se positus fiat Mens subdita rebus,

Denique si Ratio non temperet, omnis, oportet,  
 Prava sit Affectus natura: cientur enim intus  
 Corpore concusso turbæ, commota vacillat  
 Libertas & pulchra animi, languetque coortis  
 Obsita Mens tenebris, corruptumque omne, quod intra est,  
 Consilium multis erroribus indupeditur;  
 Recta videntur enim, quæ collibuerè, repente  
 Omnia, pronaque sunt, quæcumque cupidine magna 990  
 Correpti exoptant Mortales, nec sua cœci,  
 Quæ sunt cumque, vident vitia omnia, prætexuntque,  
 Si videant; omnes illa de parte tuentur

Res,



Res, qua parte queant mentique animoque videri  
 Moribus indomitis agitato convenientes.  
 Nam veluti, si res viridis trans corpora vitri  
 Aspicias, vulgo viridantia cuncta tueris,  
 Aurea sed, flavo si species omnia vitro;  
 Moribus haud aliter, queis Mens corpusque cietur  
 Pro variis varias opus est res esse videri. 1000  
 Propterea a nulla, quamvis sit, parte videri  
 Turpe potest, penitus sed pulchrum, si quid amatur;  
 At odium si quid contra fiet, undique turpe est.  
 Scilicet his moti nos intra sæpe tumultus,  
 Si Ratio desit quæ temperet, illicet ægram  
 Suffundunt Mentem tenebris, ut cernere verum  
 Non queat, & prave de re proin judicet omni.

Et quamvis omnis Rationem haud audiat ipsam  
 Interdum motus; Menti tamen usque potestas  
 Certa manet, nunquam cedendi denique victam. 1010  
 Si velit, illa quidem perstat, velut ardua ponto  
 In medio circum latrantes sustinet undas  
 Rupes, & pelagi furias immota repellit.

Arte etiam faciet, nequeat vi sæpe quod ipsa:  
 Nimirum magnus sese cum concitat æstus;  
 Tunditur atque gravi Mens oppugnata procella,  
 In res ipsa alias si vertitur, atque ita motus  
 Si ciet oppositos; primos tum proinde retundet,  
 Vique nova magni minuet vim sæpe tumultus. 1020  
 Sylvestres sic sæpe feras per devia lustra  
 Venator canibus capit ad sua iussa paratis.  
 Atque ita Mens motus interdum comprimit illos,  
 Qui turbas sine lege cient, animumque fatigant  
 Sæviter, atque bonæ corrumpunt gaudia pacis.  
 Præterea ut motu careat Mens libera cæco,  
 Vixque regi qui possit, & obluçetur habenis;  
 Monstra quidem primo perimat nascentia in ortu  
 Principiis obstans; vigilique exercita cura  
 Ante alia id caveat, ne turpiter illaqueetur:  
 Nam vitare plagis ne Mens cadat indupedita, 1030  
 Non

Non tam difficile est, quam captam retibus ipsis  
Exire & validos contra perrumpere nodos.

Postremo nihil esse putem hæc præsentius in re,  
Quam nostris parce (namque hinc impellimur) uti  
Sensibus, illecebras vitare, animumque retractum  
Rebus ab externis, magni nos unde tumultus  
Continuo exagitant, in Veri educere lumen,  
Scilicet assidue meditantem, noscere rerum  
Ut possit pondus, semperque æterna tueri.  
Indulgetur enim plus æquo ubi sensibus ipsis, 1040  
Jam Mens, quæ sensus supra sunt cumque, tueri  
Non valet; Æternum quapropter quidquid & extat  
Verum & Divinum, vix solo nomine novit  
Infelix: quamvis eadem tam cernat acutum  
Rebus in humanis, species & spectet inanes:  
Moribus hinc variis stulte jactatur, & ægrit.

Quapropter vis tanta animum turbavit ubi intus,  
Ut nequeas contra violento obistere bello,  
Utendum insidiis: rem subtrahe sensibus ipsam,  
Quæ te commovit: capere arcem si nequeat vi, 1050  
Obsidione fameque tamen capit hostis: oportet  
Nam sine re magni languescant denique motus,  
Quæ nova continuo, si sit prope, vulnera jactat.  
Nascitur Ambitio mortalia pectora torquens  
Urbibus in mediis, ubi celsa Palatia Pompæ  
Et plausus Populi & clari visuntur honores:  
Tum miseri uruntur Titulorum & Nominis ergo.  
Ast ubi balantum possunt per pascua læta  
Tantum exaudiri voces, atque Agricolarum  
Spectari duri, dum vertunt arva, labores; 1060  
Exulat illa eadem procul, aut sospita quiescit.

Ne tamen & semper fugiendo vincere speres;  
Scilicet in nostro latet hostis corpore, non est  
Quem fugere infestum, nisi tute tibi obvius obstes:  
Non facile est siquidem sedare, vel omnia tentes,  
Magnos, cum libuit, motus: namque impete tanto  
Concitat interdum sese cruor, atque vapores

Mo-

Mobilitant fibras ferventis pondere plagæ  
 Usque adeo, ut perquam valido contendere nisu  
 Debeat & contra vi magna obstare Voluntas, 1070  
 Inclinata in eam ne tandem prodita partem  
 Concidat, atque truci sternatur victa sub ictu.

Proinde per assiduos longum durosque labores  
 Est opus huic Mentem violento assuescere bello,  
 Et vigilem semper vires adhibere per artem,  
 Ne non forte pares unquam nos inque paratos  
 Dira venenatis oppugnet cominus armis,  
 Contra sæpe valens astu, vi sæpe Cupido,  
 Spes ne stulta boni deludat inanibus umbris,  
 Ne quo flectat Amor; ne vani corda Timores 1080  
 Infestent, ne quid Rationi dissonet unquam.  
 At solis ne crede tuis te fidere posse  
 Viribus; auxilium cælo sed posce secundum;  
 Effœtas illo vires armare recepto  
 Possumus, invictumque animo circumdare robur.

Ergo velut currus ad recte Auriga regendos  
 Certum noscere iter debet, notumque tenere:  
 Quod bene si teneat fortes licet impete cursus  
 Corripiantur equi subito, nubemque relinquunt 1090  
 Post se pulveream, nullis offensibus hæret  
 Securus: quod si per devia raptus aberret,  
 Quamvis vel placido juncti lenique ferantur  
 Cornipedes cursu, nihilo minus ille, necesse est,  
 Aut loca vexetur per confraga, seque suumque  
 Immani currum saxo e pendente ruina  
 Præcipitet deorsum; vel saltem denique raptus,  
 Quo ducit via nulla, nec est opus ire, feratur.  
 Sic vitæ pariter cursus mortalis, ab ipsis  
 Quæ rapitur motis persæpe Affectibus intus,  
 Currus equis rapitur velut a pernicibus, illac 1100  
 Si pergat, summum qua possit tangere Finem,  
 Fungitur officio; sin contra devius erret,  
 Audiat adductas neque tum Rationis habenas,  
 Pro! quam multiplices metuet Mens sæpe ruinas.

Ni-

Nimirum desiderium metus ardor amoris  
 Cæteraque, in vita, genus hoc, quæcis sæpe ciemur,  
 Convertant animum si in terram, projiciantque,  
 Semper ut in vita nos prave errabimus omni  
 Non sine pernicie! quod si in cælestia motam  
 Corripiant Mentem, Ratio indulgebit, & omnes 1110  
 Effundens, nam recta via est, laxabit habenas,  
 Et sic innocuo tibi cursu vita feretur,  
 Pulchraque tranquillo regnabit pectore Virtus.

Ipsa mihi Virtus porro quid constet, ad ipsum  
 Denique quid faciat Finem, quo tendimus omnes,  
 Dicendum, quanquam tibi non ignota profecto est:  
 Ejus quandoquidem præclara laude refulges:  
 Non ideo nostros tamen aspernabere versus:  
 Nam si non aliud, saltem lætabere tanto  
 Scilicet ornari te pulchræ dotis honore. 1120

Virtus est igitur constans & certa Voluntas  
 Usque æterna sequi Legis præscripta supernæ;  
 Quæ, quoniam rectam sunt cognita per rationem  
 A nobis, Rationis item præcepta necesse est  
 Omnibus in rebus sit certa audire Voluntas.

Percipe præterea, veluti qui corpora vibrant  
 Per tensum vario saltu ludentia funem  
 Sublimes, medio librentur semper, oportet:  
 Nam si fors nimio deflectant pondere dextram  
 Sese inclinantes in partem aut forte sinistram; 1130  
 Extemplo ferient labenti corpore terram,  
 Præcipitemque trahent supero de fune ruinam:  
 Sic nimium in partem si flectat forte Voluntas  
 Alterutram, medio neque sese libret Honesto  
 Omnibus in rebus, sive hinc sive inde, necesse est,  
 Decidat in vitium, & Virtutem deferat ipsam:  
 Semper enim in media Virtus regione locata est,  
 Illinc cujus & hinc stipant latera utraque formæ  
 Oppositæ inter se vitiorum adversaque monstra:  
 Namque vel excedunt Virtutem, deficiuntve. 1140

At non semper idem medium constare satendum est  
 Vir-

Virtutis: siquidem mutato tempore sæpe  
 Mutatisque locis, & quæ stant cætera circum,  
 Mutatur pariter varium: sic vivere porro  
 Non debet ratione Vir idem semper eadem,  
 Diverſa ſed pro fortuna & conditione  
 Atque gradu atque annis, diverſis moribus uti.  
 At tibi conveniat pulchræ in Virtutis amore  
 Semper; eam certus conſtanti mente ſequatur  
 Omnibus in rebus fortuna ætate locoque: 1150  
 Illa regat, vitæque modum præſcribat, & æquos  
 Conformet mores, & amorem in pectora ſancti  
 Ordinis inſinuet. Quin eſt Amor Ordinis ipſa,  
 Quo ſumme rebus præfertur ſumma creatis  
 Nimirum Natura Boni: quare una, necesse eſt,  
 Sit Virtus; quoniam eſt Amor immutabilis Æqui:  
 Namque ab amore ſuam debent fortita videri  
 Naturam, actarum quæ ſunt bona pravaque rerum:  
 Quandoquidem ſi rectus Amor ſe Numen in unum  
 Dirigat; ut torrens, ſecum rapit omnia victor, 1160  
 Omnia recta, ſuo facit omnia conſona fini,  
 Atque omnes pulchris decorat Virtutibus actus.  
 Sin contra rebus ſe pascat inanibus idem  
 Cuncta quidem ſoli referens ſibi; pravus ut ipſe eſt,  
 Et fallax rectis regionibus exit, oportet,  
 Omnia prava etiam mendosa atque abſona fiant,  
 Omniaque in vitium ſeclant, quæcumque geruntur.

Una igitur Virtus; varia ſed pro ratione,  
 Qua modus in variis ſervatur rebus & ordo,  
 In formas veluti digeſta eſt ſciſſaque multas: 1170  
 Haud ſecus ac uno ſurgens de ſtipite quercus  
 Porrigit innumeros hinc illinc undique ramos  
 Extenſa, & late diffuſis pulchra viſceſcit  
 Frondibus oblectans oculos animosque tuentum.  
 Ipſa quidem Virtus nimium excurrentia vota  
 Temperat, & nullis corruptum rebus Amorem  
 Purum atque integrum divinos ſervat ad ignes:  
 Ipſa quoque hæc Fortis, dium quæ propter Amorem  
 Aſpe-

Aspera magnanimo fert pectore duraque rerum.  
 Quin & Justitiæ quoque eodem e stipite Virtus 1180  
 Tollitur: hanc idem quoniam rigat ardor Amoris,  
 Quo summo servire Bono contendit, & ipsi  
 Omnia propterea, cui scilicet omnia debet,  
 Auctori reddit. Propagine furgit eadem  
 Denique discernens usu Prudentia recto,  
 In summum nobis quod Finem profit, ab illis,  
 Quæcumque implicitos contra nos inque peditos  
 Extremo valeant prohibere a Fine Bonorum.

Hæ tibi sunt arcto sese inter fœdere junctæ  
 Virtutes adeo, nimirum ut nulla suarum 1190  
 Sola choro Comitum possit divellier unquam:  
 Namque Amor æterni pariter complectitur omnes  
 Æqui, quo sequimur rationi consona rectæ.  
 Nam neque Justus is est, qui non sibi temperet, atque  
 Sit Fortis pariter, sit Prudens: jurane Princeps  
 Æqua dabit facile illecebris corruptus & auro,  
 Tentarique minis qui possit, & inscius æqui?  
 Vera neque esse potest Prudentia, quæ sibi nullis  
 Temperat in votis ignava & iniqua: quod ipsum  
 Dicere de reliquis possis Virtutibus: ergo 1200  
 Nulla deficiens de parti plenaque Virtus  
 Denique si non est, Virtus tibi non erit unquam.

Hujus, quod superest, varias age percipe formas.  
 Et primo ( siquidem Virtutes anteit omnes  
 Princeps Duxque chori, lumenque ministrat & effert)  
 Jam nihil est aliud Prudentia, noscere summum  
 Quam, constet quid nempe, Bonum, in summumque necesse  
 Qua sit item ratione viæ contendere Finem;  
 Nec tantum, quid sit vitandum quidque petendum,  
 Noscere; verum illud semper vitare, quod obsit, 1210  
 Idque sequi, quod profit, & id constanter amare.  
 Scilicet hæc vitæ Virtus Ars certa regendæ  
 Claraque lux Animo est; illa quodcumque peractum  
 Est duce, vix ullas fraudes vix ulla timendum  
 Errorum, quibus hæc offendat vita, pericla.

Ipsa

Ipſa caput merita cingit Regina corona,  
 Ipſa tenet ſceptrum, Virtutibus imperat ipſa:  
 Quantum magna tamen reliquas ſupereminet omnes,  
 Eloquar invitus, tantum Prudentia rara eſt:  
 Nam, quid ſit rectum quid pravum qualibet in re, 1220  
 Mutato quoniam res ipſæ tempore ſemper  
 Mutatiſque locis & quæ ſtant cætera circum,  
 Aſpectu vario mutantur diſſimilique,  
 Artis opus magnæ cognoscere conſiliiſque eſt.

Proderit anteactos rerum meminiffe per annos  
 Geſtarum, & quidquid veterique novaſque notatum  
 Proditur Hiſtoria, atque omnes evolvere factos.  
 Tum ſuper his Animus præſentia noſcere debet;  
 Quæ rerum natura, ſtatus quis temporis extet 1230  
 Ingeniumque Virum: nec non opus eſſe futura  
 Quis neget ex aliis, quæ jam ſunt, quæque fuere,  
 Conjicere, atque ita res acri prævertere mente,  
 Propterea ut poſſis ratione educere multa,  
 Quid fieri nequeat niſi prave, quidve probandum.  
 Multus at hic rerum variuſque requiritur uſus;  
 Et niſi non longis tandem venit uſus ab annis.  
 Non animos igitur Juvenum facere ulla ſagaces  
 Geſtarum poterit brevis experientia rerum.  
 Haud tamen hac illi prorsus Virtute carerent,  
 Conſilia in dubiis vellent ſi expoſcere rebus, 1240  
 Et dociles ſemper præbere Monentibus aures.  
 Nam neque ſæpe Viros aliorum inquirere mentem  
 Rebus in ambiguis puduit quoque. Sæpe quod uno  
 Lumine non videas oculorum, utroque videtur  
 Recluſo. Quantum Sapientum proinde petitum  
 Conſilium multis ſæpe attulit emolumentum!

Præterea Prudens animo pollere ſagaci  
 Debet, ut in certum quæ ſint mage idonea finem,  
 Multis inveniat de rebus, & eligat apta;  
 Quin & ſolerti peragat ratione, viaque 1250  
 Dum graditur cœpta, ne quæ res oblit eunti,  
 Huc circumſpiciens mentem convertat & illuc

Solicitam, cœptisque objecta incommoda rebus  
 Viret, & offensus declinet cautus ab omni.  
 Attamen interdum nihilo minus usque sagacis  
 Solertis cautæ & quantumvis omnituentis  
 Fallier humanæ videas ea prodita mentis  
 Consilia, eventu nec sæpe probata secundo.  
 Scilicet humanis gaudet colludere rebus  
 Fors, ut vulgus ait, nec opino vertere cuncta 1260  
 Adventu, quæ tunc Hominum Mens cumque parabat.

Propterea variam quia rerum conditionem  
 Scit Prudens, nunquam, cum fecerit omnia, certus  
 Secura eventus expectat mente futuros;  
 Prorsus ut in vitâ rerum nihil accidat omni  
 Ullarum, non posse quod accidere ipse putarit.  
 Vidimus, ingentes aliqua persæpe paratus  
 Belli cum fierent de parte, & cogeret amplis  
 Armipotens turmas regionibus undique Mavors,  
 Vidimus affectos illius Gentis amore 1270  
 Tunc aliquos certas sibi jam promittere palmas,  
 Speque vorare Urbes, & jam numerare triumphos.  
 At post commotis contrarius exitus armis  
 Contigerat si forte, & jam omnis prodita corde  
 In ventum spes disfluere; tum scilicet illos  
 Mirari insolitam veluti rem, quamque futuram  
 Crediderant nunquam. Mirum nil accidit illi  
 Et nihil insuetum, sapiens qui corde sagaci  
 Eventus rerum varios cognovit, in ipso  
 Plerumque incertis præsertim ludere bello 1280  
 Fortunam vicibus; quapropter comparat æquum  
 Adversis animum rebus pariterque secundis.

Et quoniam media est inter contraria Virtus  
 Hinc vitia atque illinc; medium rationis, oportet,  
 Propterea teneat Prudentia; cujus utrumque  
 Cingunt monstra latus pugnantis: namque necesse est  
 Sint, quæ deficiant, quæque excedentia consent.  
 De genere hoc vitium est, cum pravo ardescimus æstu  
 Votorum, nimiaque bonis pertenuibus atque

Infra



Infra nos longe positis longeque pusillis  
Soliciti cura cum hæremus; & irrétimur. 1290

Hac quoque parte nimis medio a Virtutis aberrat  
Astus, perversa quo quis regione viai  
Nititur in finem quemvis; fraudesque dolique,  
Fallere queis alios hominum gens improba gaudet.

Virtutis medio contra Mens excidit ejus  
Deficiens; qualvis temere illa & præcipitanter  
Nimirum aggreditur cum res, neque cogitat ante,  
Quid sit opus factu; proinde & mutatur in horas  
Sive levem ob causam seu nullam, nec sibi constat; 1300  
Nec non & rebus quoque cum pigritur agendis:  
Nempe prius quam res ipse aggrediaris agendas,  
Consultes, opus est; at, postquam cœperis; illud,  
Quodcumque est, properans mature perface factum.

Porro, Justitiæ quæ jam sit origo, sit ejus  
Et quæ natura & proprium quod munus; agendum:  
Illa Virum jungens sese inter sæcla coëgit  
In commune Bonum: siquidem dissolvitur omne,  
Si caret hac; sædus; sine quo quis posse putabit  
Vivere vulgivago Gentes de more ferarum? 1310

Ipsa etenim genus humanum Natura coëgit,  
Alter ut alterius nimirum semper egeret  
Auxilii; inter se caperentque & mutua ferrent  
Subsidia, & solis unquam non esse liceret:  
Propterea in pagos urbes & régna coacti  
Convenere Viri; possent ubi moribus isdem  
Atque isdem pariter sese inter legibus uti;  
Nam cum principio premeretur vulgus ab illis,  
Qui vi quique opibus pollebant, usus ad unum  
Confugisse fuit præstantem, qui retineret 1320  
Jure pari imbelles cum fortibus; æquaque legum  
Feret scita; queant hæ semper ut omnibus una  
Voce eademque loqui: nam si sine legibus esset,  
Perpetua mortale Genus se clade repente  
Mutua conficeret. Quasdam quin esse necesse est  
Latronum leges; neque enim ulla posse vel illos,

T 2

Qui

Qui scelere atque malis pascuntur, vivere certum est  
 Justitiæ sine particula: si namque quis horum  
 Surripiat prædam Sociis latronibus ipsam,  
 Vel non hanc æque dispertiat, haud putet ultra 1330  
 Inter eos superesse locum sibi; namque vel illum  
 Fœdera turbantem fugient, tollentve necantes.

Quare qui violat communia fœdera pacis,  
 Sanctaque Justitiæ conculcat jura, videtur  
 Monstrum, quo Generi non est infestius ullum  
 Humano; quoniam quid perniciosius olli est,  
 Quam quæ sunt hominum commercia solvere, & ipsam  
 Hos ad egestatem naturæ velle relabi.

Ergo cuique suum tribuendi certa Voluntas  
 Justitia est: jamque hæc una e propagine ramos 1340  
 Scinditur in geminos; pœnas & præmia confert  
 Altera pro meritis pro conditione Virorum:  
 Ut cum distribuens urbis spolia ampla subactæ  
 Rex tanto majora Duci largitur & illi,  
 Qui se præclaro super omnes extulit ausu;  
 Prævertunt alios quantum Virtutis honore:  
 Obtinet hæc medium rationis, & altera rei;  
 Nam res commutat rebus, neque respicit ultra  
 Ipsa aliud quidquam, quam par ut constet utrinque  
 Permutandarum pretium mensuraque rerum: 1350  
 Omnia natura quanquam communia constant,  
 Privatumque nihil; tamen & communia primo  
 Quæ fuerant, sua fecerunt vel sorte vel armis  
 Vel quondam in vacuum veniendo aut denique pactis  
 Legibus; ex illo quia quisque, quod obtigit olli,  
 Jam tenet, haud ullo depelli jure valebit  
 E propriis; neque enim alterius sunt commoda tanti,  
 Fœdera privatam ut rumpantur ob utilitatem.

Hujus quapropter si quis non servat utramque  
 Justitiæ partem, jus lædit protinus, æquam 1360  
 Et violat legem; Ratio nisi suadeat ipsa  
 Præscripto rigidæ tum forte recedere legis;  
 Nempe infinitis quoniam, quæcumque geruntur,

Res

Res variare queunt rationibus, & tamen omnes  
 Lex nequit idcirco comprehendere præque videre;  
 Ut Ratio legis vim temperet æqua, necesse est,  
 Interdum, & variis, quæ tum contingere possunt,  
 Pro rebus varie legum plerumque rigorem  
 Molliat, & normam deflectat semper ad æqui.  
 Nunquam depositum proin reddes, quo perimat se, 1370  
 Infano gladium, neque Civi inferre paranti  
 In Patriam bellum reddes, quod credidit, aurum.

Hic operæ pretium est paucis inquirere, quemnam  
 Nempe illata malo graviori injuria lædat,  
 An mage, qui suffert, an qui ferus intulit ipsam?  
 Forte putes, videas illum cum flere querique,  
 Hunc animo contra nimium insultare feroci,  
 Omne malum soli, patitur qui scilicet, esse.  
 Et tamen hunc longe miserum minus esse fateri  
 Debes, alterius factis qui urgetur iniquis, 1380  
 Quam qui injustitiæ, namque hinc injuria manat,  
 Obruit indigno fœdans se crimine; pejus  
 Quo nullum queat esse malum, nec reddere possit  
 Proinde magis miserum: quare fatearis oportet,  
 Vulnera quo graviora animi, quam corporis extant  
 Nimirum, lædi tanto crudelius illum,  
 Qui scelus infelix faciendo suscipit in se,  
 Cogitur alterius quam qui subjisse furorem:  
 Et veluti multo est id honestius auxiliante

Largiri benefacta manu, quam scilicet illa 1390  
 Accipere, idque magis peragendum, præque ferendum;  
 Est inferre malum sic turpius, & mage multo  
 Vitandum, quam vi dira tolerare receptum.  
 Hæc injustitiæ namque est data poena, venenum  
 Ut bibat ipsa suum, seque impetat ipsa nocendo:  
 Proptereaque pati satius sit facta superba,  
 Quam facere; Auctori siquidem mage noxia constant.

Non minus at sanctis pugnat cum legibus Æqui  
 Velle scelus scelere ulcisci: facinusne probemus,  
 Quod male patratum est, imitando turpiter illud? 1400

Ipso nempe malo non vincitur, at benefactis  
 At virtute malum: nempe exarmatur ita omnis  
 Nequitia, imbellesque exercet inaniter iras,  
 Amittitque suum contempta injuria virus.

Et quia Justus is est, aliis qui debita confert,  
 Et varia in varios facit id ratione modisque,  
 Justitia haud una ratione & nomine constat.  
 Sic cum mente pia supremum Numen adoras,  
 Et Majestatem, qua pollet, ob infinitam  
 Testaris cultu Dominum rerumque Potentem, 1419  
 Auctoriq; tuo totum quoque reddis amorem,  
 Relligio est: hinc sunt aræ delubra precesque  
 Votaque, sunt multo quoque sacra halantia thure.

Illa erit & Pietas, Patriæ cum debita caræ  
 Solvimus officia; ut cum armis defendimus ipsam,  
 Olli & præsidium virtute decusque paramus.  
 Quandoquidem primas vitales hausimus auras  
 In patria tellure; solum reptantibus illa  
 Præbuit infirmis, alimenta que suppeditavit,  
 Ut facit, atque malo tutatur ab hoste ferisque. 1420  
 Indidit hunc animis patriæ Telluris amorem  
 Natura, ut quovis sub fidere possit ubique  
 Terra coli; sic & montes vallesque profundæ  
 Pulsatque salo scopuli, nigræque sub umbris  
 Silvæ & littoræ qua fluctu agitantur arenæ  
 Atque ubi tristis hiems brumalibus omnia nimbis  
 Vexat & æterna glacie tegit, atque ubi cælo  
 Sub calido feryent late loca, Solque perurit  
 Sæcla Virum, ut voluit Natura, ea quæque coluntur;

Præstat item Pietas, quoque ne Genitoribus ipsis 1430  
 Sit Proles injusta, quibus vitamque referre  
 Et bona, cum vita quæ sunt ea cumque recepta,  
 Omnia debemus: quoniam non lumina clari  
 Alma sine his unquam possemus cernere Solis,  
 Sæpe nec humanos nec rectos discere mores.  
 Propterea poscunt humana æternaque jura,  
 Semper ut a nobis, qui nos genuere, colantur

Ob:

Obsequiis magno nec non & amore Parentes;  
 Dum vivunt, illis ut egentibus auxiliatus  
 Præstentur quæcumque ferendo incommoda: nunquam 1440  
 Par quit enim his Soboles quantumvis grata referre.  
 Illos Eumenidum cretos de sanguine credas,  
 Proinde & vipereo potos pro lacte cruore,  
 Quicumque ingrati Genitoribus inventi sunt,  
 Et sanctum ausi sunt Nomen violare Parentum.

Si licet, atque aliis si mos sua sæpe Poëtis  
 Jactare, hic de me nolim non dicere, tales,  
 Blandiri seu mi voluit Natura benigna,  
 Seu fors illa fuit, me scilicet esse Parentes  
 Sortitum, ut primos remeando detur ad ortus 1450  
 Si, queiscumque velim nasci, non regius esse  
 Ambirem sanguis, neque Cræsi divitis hæres.  
 Hos ego non alios legerem. Quam magna duobus  
 Tollendi fuit illa mei, quam grataque cura,  
 Quam dulcis magnusque labor! mi in pectus amorem  
 Justitiæ, & sancti fundebant semina Honesti  
 Exemplis, pariterque haud mollibus usque monentes  
 Præceptis Puerum, cultis & moribus illi  
 Certabant teneræ formare exordia vitæ;  
 Ipse bonas voluit Genitor ducere per artes; 1460  
 Et sacros mecum latices Permessidos undæ,  
 Naturæ sibi nota & mecum limina adibat.  
 Nunc vero de me quid poscit uterque? nisi una  
 Ut pro tam magnis referatur gratia rebus;  
 Scilicet ut possint lætari ubere fructu  
 Non curas caruisse suas, tantosque labores  
 Incassum haud cecidisse. Utinam in me Pignora læti  
 Grata recognoscant, & me referente, quod optant,  
 Propterea patrium pertinent gaudia pectus.  
 A me sic, aliis sic me melioribus illi 1470  
 Natis, ut par est, atque ut meruere, colantur;  
 Incolumesque superstibus gaudere piisque  
 Possint in longam pariter placidamque senectam.

Poscit Justitiæ quoque Virtus, esse colendos,

Doctrina qui sunt ætate & honore priores,  
 Propterea, quoniam debet reverentia dignos  
 Usque sequi. Nunquam velle & pugnantia veris  
 Dicere, Justitiæ est: nimirum indebita reddit  
 Ille aliis, ut decipiat, qui falsa profatur,  
 Et simulat factis ficto & mendaciter ore. 1480  
 Justitiæ est etiam benefactis reddere semper  
 Gratum animum memoremque & sponte referre volentem:  
 Non hoc jam vitium magis execrabile constat  
 Ingrato; si præsertim contraria reddat,  
 Noxiæque accepto referat pro munere dona.  
 Atque utinam ipsam se cognoscere Mens ingrata  
 Possit, ut est intra; se visa horresceret ipsa  
 Protinus, & morem fors emendaret iniquum,  
 Immani vel mōre ferarum deteriore.  
 Omnibus Ingratus miseris nocet: efficit isto 1490  
 Namque Homines pacto minus ad benefacta moveri.

Carminis a recto paulum deflectere cursu  
 Officii memorem rursus locus admonet & res;  
 Nil ita quandoquidem cupiam vitare, magisque  
 Horrescam, quam ne possim male gratus haberi:  
 Quos mea Musa Viros sibi jam devinxit, & amplum  
 Unde tibi decus adscivit, persolvat eisdem  
 Munus fas aliquod medio ex Helicone petitem,  
 Si queat; hæc superat vires sin gloria nostras,  
 Ex animo certe, quodcumque est, illud habento. 1500  
 Ut primum lucem educti venere sub almam,  
 Hi tibi rum nostri non displicuere Labores,  
 FRANCHINÆ, o magnum Nomen mihi, grandia cujus  
 Nulla dies memori benefacta e pectore demet:  
 Absentem atque tibi me ignotum cætera ad Urbem,  
 Qua nihil in terris majus meliusque, vocasti;  
 Nam tu agis hac magni Legatum Cæsaris Aula  
 Curans res Patriæ (Te vere in publica natum  
 Munera res magnas belli pacisque secantem  
 Gallia consilio Juvenem mirata sagaci est 1510  
 Jamdudum; tibi tunc annis Prudentia major,

Omni-

Omnigena quam cum Doctrinæ dote jugasti ).  
 Adveniens quantum lætatus ego Hospite tanto!  
 Exinde & nostræ laus addita quanta Camœnæ!  
 Et jam si queat ipsa, sibi quod posse videtur  
 Te laudante, quid ad decus immortale requiram?  
 Me tibi Posteritas acceptum nosceret omnis,  
 Longaque me gratum perhiberent sæcula Vatem.  
 Nec patiar te præteritum indictumque relinqui,  
 ( Quanquam exinde tuis quid possit laudibus addi? ) 1520  
 JACOMEËLE Amor o Phœbi Aonidumque Sororum,  
 Quem doctas illæ cupidum duxere per artes,  
 Atque animo scire & sapere inferuere capaci:  
 Num prodire tuo nostri sine nomine versus  
 Possint, non leve sunt qui per te nomen adepti?  
 Namque per ora Virûm ferimur, lateque per omnem  
 Ausoniam, & Latius qua sermo est cumque, volamus  
 Te laudes vulgante, quibus mea carmina tantum  
 Tollis, ut affecent vita gaudere perenni.  
 Ambiri quid enim queat hac præclarius in re, 1530  
 Quam prope divino celebrarier illius ore,  
 Cujus fama Viri per magnas inclita Gentes  
 Fertur, & æterno laudum præfulget honore?  
 Justus is est quoque, qui pluris non æstimat aurum,  
 Quam par sit: rectos proinde elargitur in usus,  
 Munificaque manu, quantum licet, haud finit ullos  
 Dura in pauperie tristem producere vitam.  
 Hos & fortuna, Superi, donate manenti,  
 Hos & inexhaustis auri cumulate metallis,  
 Publica perpetua vivant in commoda vita. 1540  
 Haud tamen ingentes subito profundere nummos,  
 Atque ubi non sit opus, Ratio suadebit: egere  
 Namque Homines, constant queis prodiga corda, necesse est:  
 Cum vitanda prius ( Ratio sic suadet ) egestas  
 Sit propria, alterius quam sit tibi vita levanda.  
 Et quoniam exhaurit fontem quoque Prodigus ipsum,  
 Et facit, ulterius ne possit; sæpe liberet  
 Quod facere; idcirco sese præstare benignum

T 5

Plus

Utile fin spectent, vel quod delectet, oportet,  
Protinus ut nomen commutent; esse videri  
Cum nequeant sua quærentes sibi commoda Amici:  
Si namque utilitas, vel quæ jucunda fuere,  
Deficiant; fieri variis quod sæpe necesse est 1590  
In rebus, pariter diffuta repente videbis  
Mutua Amicitiae dissolvi vincula ruptæ.

In manibus Divam dicunt, qui fingere gaudent,  
Astram gemina libram cum lance tenere,  
Nec frustra; quoniam suspensum hinc inde quod æquo  
Pondere libratur, neque lanx superinsilit ulla,  
Nec premitur deorsum, medioque immota tenetur  
Utraque, Diva tibi Rectum pronunciat illud:  
Quod si quid magna sursum levitate feratur;  
Vel contra nimii momento ponderis ipso 1600  
Peccet; ut excedat nimirum, deficiatve  
Justitiae a medio; debes utrumque fateri,  
Lancibus in mediis cum non libretur, iniquum.  
Injustum est igitur, majora minorave Princeps  
Præmia si meritis confert, vel crimina pœnis  
Si plectit nimis, vel si connivet in isdem:  
Injustum pariter, si res mutata minore  
Sit pretio vel item pretio majore; petatur  
Si prorsus sterili nummorum fœnus ab auro:  
Si minus ac pactum est, vel longe tardius æquo 1610  
Solvatur; nec item reparentur noxia multo  
Damna illata malo: tu cætera de genere horum  
Adjice, quæ longum mihi sit, si dicere coner.

At non Justus eris, nisi certa pectus obarmes  
Atque animum Virtute, queat quæ reddere Fortem;  
Quandoquidem superanda manent tot dura laborum,  
Totque pericula sunt tot magna incommoda vulgo,  
Queis misere vita semper tentamur in omni.  
Provida nimirum Mens Numinis, exilii hujus  
Vili forte capi ne nos possimus amore,  
Sed Patriæ expectata in gaudia suspiremus  
Cælestis Patriæ atque æternæ in munera pacis,

His



His interseruit rebus mala multa, dolorum  
 Inestam segetem; morfu quæ suscitaret acri,  
 Admoneatque animum, quærendum scilicet illud  
 Esse Bonum, summum quod constat perpetuumque.  
 Propterea quantis, dum tanto in turbine vita est,  
 Hic Animus curis, corpusque doloribus ægrotat,  
 Quisnam erit, ignoret qui vivens, quamlibet idem  
 Dives honoratus sanus Rex denique constet? 1630  
 Quare, cui tantum restet transire malorum  
 In vita, Sapiens forti se pectore debet  
 Munire, ut magnos victor dirosque repulset  
 Incurfus animo; vel si non illa repelli  
 Vis queat, immixtos tum saltem fortiter ictus  
 Perferat, atque animo nunquam succumbat inerti.  
 Est tibi proin medius, Fortem quem dicimus, inter  
 Audacem Timidumque; quia audacemque necesse est  
 Temperet audita Ratione animumque timentem.

Et quoniam Virtus subeundis ista periculis 1640  
 Exercet persæpe suos, pulcherrima certe  
 Inter Bellantium vultus præfulget & arma  
 Inter perdendæ tot certa pericula vitæ,  
 Iusto ubi nimirum certatur Marte, velut cum  
 Pro Rege & Patria pro Religione geruntur  
 Bella Viris: nam Virtutem pugnare necesse est  
 Hanc pro Justitia: proin insidiasque dolosque,  
 Nullo posse videt quos cum illa fœdere jungi,  
 Effugit, & forti tantum rem pectore contra  
 Aggreditur; neque se letho temere objicit audax; 1650  
 Scilicet ad vitæ subeunda pericula magnas  
 Exposcit causas: adversam optare procellam  
 Nempe in tranquillo, delirum est; subvenit illi  
 Tum Sapiens tantum, cum jam furit excita contra.

At caveas ne te, cum fortiter egeris, ardor  
 Extollat nimium, atque alios super evehat omnes  
 Despectantem animis cunctorum facta superbis,  
 Solus uti cupias sic princeps esse videri:  
 Difficile est etenim cunctis præstare volentem

Ullo

1660

Ullo jure pati te vincier, assuetusque  
 Cedere nulli Animus potius superare volet vi,  
 Quam par justitia fieri: hinc injuria manat.  
 Vera animi Virtus tantum sibi quærit honesta,  
 Et princeps vult esse, nec, ut videatur, id optat,  
 Nec, de se ignarum quid vulgus prædicet, audit:  
 Lubricus hic certe locus est, consistere vix ut  
 Possit, qui magnis persæpe laboribus audax  
 Susceptis, toties rerum vitæque pericla  
 Fortiter invalit: petitur nam deinde superbe  
 Gloria gestarum merces ut debita rerum: 1670  
 Fortis & hanc Animus debet contemnere victor.

Hujus item quoque materies Virtutis opusque est,  
 Adversis nunquam rebus succumberè, nullisque  
 Expugnato animo violentis cedere plagis;  
 Oppositas verum tolerando obtundere vires.  
 Præclaros animis ingentibus inspicere paulum  
 Heroas, sanctæ qui Relligionis amore  
 Justitiæque, minas inter tormenta dolores,  
 Vitam exhalabant, quo ferrea vincula vultu  
 Oraque Carnificum flammæ ensesque securesque 1680  
 Impavidi ferrent, ipsam quo denique mortem!  
 Aspera laturum fidenti pectore Fortis  
 Vir fore se sperat, Ratio cum poscet, & idem  
 Impavido constans animo patientisque laborum est:  
 Obfirmatur enim in tolerandis tristibus, omni  
 Inque malo placida mente immotaque ferendo:  
 Atque pari perfert adversa secundaque vultu,  
 Recta firmus enim semper manet in ratione:  
 Nam magnæ levitatis item est res ferre secundas,  
 Quæque fluunt facile, exultanter & immoderate. 1690  
 Tum neque præclaris capitur fulgoribus auri;  
 Angusti liquidem est animi longeque minuti  
 Divitias ( adeo sibi Mens vilescat? ) amare:  
 Est quoque Magnanimus; recti nil linquit, honores  
 Quod pariat pulchros; non propter at angitur illos,  
 Æstu non illis nimio suspirat habendis.

Tum

Tum quoque fac habeat; nihilo jactantior ibit  
 Propterea, & vulgo non sese attollet ab imo.  
 Quin & majori multo ratione vocabis  
 Magnanimum, Finem qui propter nobiliorem 1709  
 Non famam & pulchros quantumvis quærit honores,  
 Quæque Hominum in pretio sunt, despicit omnia victor,  
 Cor magnum est igitur, quærit quod Numen, & ipsum  
 Omne Bonum votis exardens omnibus optat:  
 Proptereaque, quod hoc minus est, haud æstimat hili.  
 Ille tibi triplici Virtutis robore tectum  
 Pectus habet circum, quem nec prævisa, nec ipsa  
 (Hoc opus hic labor est) nimirum inopina manenti  
 Concutiunt animo; magno Virtutis ab usu  
 Quandoquidem solidæ tum mentis habere necesse est 1710  
 Confirmatum habitum; ne protinus illa vacillet,  
 Sæpe repentina si vis adversa procella  
 Inruit, & subitis oppugnat concita plagis:  
 Cum se non liceat, velut in prævisa, coacto  
 Undique præsidio munire, animumque parare.  
 Non est præterea Virtus, præferat ejus  
 Quantumvis speciem, & Virtutis imagine fallat,  
 Ipsi sponte sibi diram consciscere mortem.  
 Scilicet Infans hoc sæpe ignavia suadet.  
 Fortem tunc putes, cui non tolerare potestas 1720  
 Rerum & fortunæ & jacturam denique honoris  
 Cæteraque; in sese quæ fuerunt dira paventum  
 Dextram armare Hominum, vel letho ut talia vitent?  
 Propterea invictum ne rere fuisse Catonis  
 Illum atrocem animum; quin ipsum vicit eadem  
 Denique fortuna, qua vicerat omnia, Cæsar:  
 Fecit enim, hostiles ne posset cernere vivus  
 Victoris vultus, de seque videre triumphos.  
 Dicere deberes magnum invictumque, superbum  
 Denique si scisset cordis posuisse rigorem,  
 Atque immoto animo atque immoto cernere vultu,  
 Quod fors cumque ferat, nihil hostilique moveri  
 Fortunaque sua: nimirum hoc vivere Fortem est.  
 Præ-

Præterea Fortem num possis dicere, tantum  
 Quem levis interdum furiali injuria tæda  
 Exagitat, contra privato ut cernere bello  
 Sponte velit, maculam quovis ut sanguine demum  
 Hostilive suove sui detergat honoris?  
 Scilicet hæc animis veræ Virtutis egestas,  
 Ut famam dulcemque velint profundere vitam, 1740  
 Aut alii eripere; offensæ ne crimen inultum  
 ( Insanire putes adeo nos posse? ) supersit!  
 Denique si media Fortis ratione recedet,  
 Ut docui, aut præceps violento Audacia motu  
 Gliscet in abruptum rapiens; gelidive Timoris  
 Concutiet mentem torpens natura paventem.  
 Virtuti oppositum est, Fortem quæ reddit, utrumque  
 Hoc vitium; excessu nimirum Audacia magno  
 Tollitur hinc, humilique Timor pede claudicat illinc.

En tibi jam complet numerum, clauditque coronam 1750  
 Ultima Virtutum, nimias quæ temperat omnes  
 Corporis illecebras, præsertim rebus in illis,  
 Omnia quas pariter sectantur sæcla ferarum;  
 Ut gula quas poscit, turpesque libidinis æstus.  
 Bellua propterea, qui non sibi temperat istis,  
 Dicitur, ejusdem quoniam e genere esse videtur  
 Naturæ, pariter dum moribus utitur isdem.  
 Proinde cibus nimis hæc abstinet, ingluviemque  
 Atque avidos Virtus moderatur sobria potus;  
 Quandoquidem tantum Ratio concedit utrosque, 1760  
 Corporis ut vires reparentur; at opprimit illas,  
 Ingerit immodicam madidus qui scilicet escam,  
 Casta quoque hæc Virtus; quia re declinat ab omni,  
 Qua valeat turpis cor exagitare voluptas:  
 Ore Pudicitiam præfert; turbatur ad omne  
 Quandoquidem factum, quod posse inferre videtur  
 Dedecus ullum animo; motusque cupidinis omnes  
 Continet, & recta frænans ratione coercet.  
 Est etiam, ut tristes Mansuetà hæc molliat iras,  
 Ultorisque animi Clemens ut leniat æstus: 1770

Ipsa

Ipſa ſua ratione regit riſusque jocoſque;  
 Utitur his etenim, poſtquam gravioribus ipſis  
 Jam ſatis eſt factum ſtudiis: aſt eſſe facetum  
 Debet & ingenuum, quoniam vetat ipſa profuſum,  
 Ludendi genus omne; facit quoque corporis omnes  
 Componi motus, & verba decentia poſcit:  
 Munda ſit ut veſtis, pariter ſit munda ſupellex,  
 Ipſa jubet, rebusque modum dat convenientem.

Propterea nulli ſpecies tam pulchra videtur  
 Virtuti; ſiquidem id, quod dicimus, ipſa Decorum eſt. 1780  
 Nam quædam ipſius ſpecies ut amabilis extat  
 Corporis, inter ſe partes cum ſuaviter omnes  
 Una conveniunt nimirum, & proinde videntum  
 Delectant oculos quodam capiuntque lepore;  
 Sic lepor eſt quidam vitæ morumque venuſtas;  
 Ordine quæ conſtat factorum convenienti  
 Dictorumque modo; proin ipſa probetur, oportet.

Hæc tibi multarum conſtat natura reperta  
 Virtutum; his animi Mens colluſtrata renidet,  
 Pulchraque dote ſua gemmas ſuper aſtraque fulget: 1790  
 Nam neque gemmarum nitor aſtrorumque nec ullus  
 Corporis ullius decor eſt, conferier illi  
 Ut valeat, pulchro Sapiens quam ditat honore  
 Virtutum. Felix, tanta qui dote coruſcam  
 Munerat, atque opibus facit his ditescere Mentem!

Aſt ubi crimen eam maculis ſuffuderit atris,  
 Atque hoc labe decus probroſa infecerit omne;  
 Non ita nocturnæ cæcus caliginis horror  
 Nubilaque aſtriſeri denigrant lumen Olympi;  
 Non ita pulvereæ gemmæ perlita limo 1800  
 Lûx ſordeſcit; uti culpa Mens obruta turpi  
 Jam vetere amiſſo corrumpitur atra decore;  
 Idque ſit, a Summo cum nempe averſa recedit,  
 Inque creatarum infelix bona inania rerum  
 Vertitur, ex animoque illis conjungitur omni.  
 Scilicet hic Animæ ſtatus eſt, mediæ extet ut inter  
 Corpus & ipſa Deum, ſimul & jungatur utrique:

Al-

Alterutri si proinde libens accedat amore  
Arctius amplexa; ex alia tum parte necesse est  
Abscedat simul, atque infirma ea foedera reddat. 1810  
Quare corporeis quo sensibus illaqueatur  
Plus, aut per sensus quæ percipit, hoc magis ipso a  
Rerum Auctore recedit, & obliviscitur ejus:

Quænam est Naturæ magis, omni & dissona legi,  
Denique cum pulchro quæ res magis Ordine pugnat?

Nec porro paria esse queunt peccata videri;  
Sed graviora aliis quædam levioraque constant,  
Ut magis a recta ratione minusque recedunt.  
Propterea non est dicendum, quod leve furtum  
Aut nucis aut vilis mensa de divite frusti 1820  
Exæquare queat gemmata atque aurea furta,  
Templa domos urbes vi funditus expoliantum.

Atque ea diversa nimirum ab origine pendent  
Errorum Mentis, sed quæ non fallitur insons:  
Quandoquidem perculsa bono quocumque Voluntas  
Stare loco haud perfert, donec Mens parte revolvat  
Scilicet ex omni rem, seseque undique vertat,  
Impatiensque moræ verum irrequietaque cæco  
Impete corripitur præceps, & prævenit ipsam,  
Quæ regat & doceat, Mentem; hæc erroris origo. 1830  
Hoc genus est, ipsi bona cum præsentia longe  
Præferimus, sint falsa licet sint tenuia, rebus,  
Quas procul a nobis avectas cernimus, atque  
Sero venturis quas expectamus in annis.

Nam cum sæpe bonum præsensque repente novumque,  
Et quo perfacili subito ratione potiri  
Possimus, Mentem flagranti ita concutit æstu,  
Ut magnos cieat motus, turbetque cupitis,  
Illa dari votis finem vult, proptereaque,  
Quandoquidem præsentē bono gaudere recepto 1840  
Sese posse putat, suaque illo vota replere,  
Illi posthabitis hæret conjuncta futuris  
Omnibus; hæc longe quamquam potiora videntur.

Consimile est etiam modo quod delectat, & esse  
Nunc

Nunc sibi quod valde Mens utile fingit, amare &  
 Velle frui subito, nec, quæ sint consequa, prorsus  
 Noscere; nimirum quanti vexare fluentes  
 Ex illo possint animum corpusque dolores;  
 Omnem qui dira superent gravitate bonorum  
 Lætitiâ, vita queis Mens gavisa priore est. 1850

Jamne vides, agitur quanto vesana furor  
 Mens hominum, dum sæpe viis lassatur iniquis,  
 Queis graditur, vitæ propter felicitis amorem,  
 Qua putat in terris stulte se posse potiri?  
 Cum brevia hæc adeo cum prorsus inania consent  
 Munera, uti nulla possint de parte beatos  
 Reddere; quin magno cumulent angore laborum:  
 Summaque propterea semperque manentia constant  
 Quæ bona, pro! vitæ contemnit stulta futuræ:  
 Quin sibi deberi pravis facit improba factis 1860  
 Cunctorum æternas post ultima fata malorum  
 Ærumnas, miseræ diræ infortunia vitæ.

Atque utinam usque foret præsens vis tanta pericli;  
 Posse in perpetuum Bona summa amittier ævum  
 Scilicet, in baratrum cunctorum & posse malorum  
 Delabi, æterno sepeliri denique luctu;  
 Haud morâ, se recta properaret sistere sanus  
 Quisque via, atque illac firmo contendere gressu.  
 Corpora nam veluti quæ longe avecta tuemur,  
 Sint ea quantumvis immania, non nisi parvam 1870  
 Pertenuemque sui possunt formare figuram,  
 Ni magis accedas; ita Menti haud magna videri,  
 Quæ constant æterna, solent, disjuncta quod illa  
 Credimus: interdum sed si Mens illa revolvens  
 Ad sese velut adducat; tum sola profecto  
 Apparent aliis evanescentibus, ante  
 Quæ nos cumque velut magna & præclara movebant,  
 Mercator sapiens æquis rem lancibus omnem  
 Ponderat, & pretio bona quælibet æstimat æquo,  
 Ut præferre sciat majora minoribus usque 1880  
 Lucra; quid? æterno si consent pondere summa,

Am.

Ambigat hæc levibus subito præponere rerum  
 Momentis? Omni quis, licet, oscitet in re,  
 Oscitet in nummis & fama & honore parandis,  
 Quæque alia inquirunt Homines ardenter amantque;  
 Rure vel urbe, mari terra, bellique domique  
 Oscitet; id cura peragat modo pervigil omni,  
 Quo sibi felicitis post mortem munera vitæ  
 Comparet: haud operæ parcens ullivæ labori  
 Perstet in hoc omnis, contemnens cætera victor 1890  
 Perstet & obduret: nec jam stâtus unius horæ,  
 Unius aut agitur, pernix qui transvolat, anni,  
 At stâtus immoti, qui nunquam finiat, ævi. 1893

F I N I S.



# NOI RIFORMATORI

Dello Studio di Padova.

**A** vendo veduto per la Fede di Revisione ed Approvazione del *P. Fra Paolo Tommaso Manuelli* Inquisitor Generale del Santo Officio di Venezia nel Libro intitolato *Philosophia à Benedicto Stay Ragusino versibus tradita Libri sex*, non v'esser cos' alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza à *Francesco Storti Stampator di Venezia*, che possi essere stampato, osservando gli ordini in materia di Stampe, e presentando le solite Copie alle Pubbliche Librarie di Venezia, e di Padova,

Dat. li 10. Luglio 1748,

(

( Barbon Morosini Kav. Proc. Reff.

( Marco Foscarini Kav. Proc. Reff.

Registrato in Libro a Carte 28. al Num. 226.

*Michiel Angelo Marino Seg.*

Registrato al Magistrato Eccellentissimo contro  
la Bestemmia.

*Francesco Gadaldini Segr.*



533250

*Errata*

*Corrige.*

Pag.	2. v. 58. Vitrix	Vitrix
	78. v. 1142. Tum	Tam
	89. v. 1510. metuendus	metuendus
	114. v. 752. hæc	hæc
	135. v. 1540. cæruleisque	cæruleisve
	140. v. 1708. Mam	Nam
	188. v. 1465. Acceduntur	Accenduntur
	207. v. 295. Occulsumque	Occlusumque
	211. v. 411. cucta	cuncta
	214. v. 520. ab	ad
	225. v. 951. quoscumque	quocumque
	271. v. 572. nostrum	nostrorum
	284. v. 1061. sospita	sopita
	302. v. 1734. Proptera	Propterea









